

升降治亂大端與因統備全作世史正綱爲大學
衍義補補真西山衍義治國平天下事附以當世
利害大學衍義補初成適秦陵即位表上覽上
喜命陞公尚書禮部掌詹事府事時年餘七十矣
弘治四年副總裁憲宗實錄成加太子太保是
年兼文淵閣大學士入內閣上時政疏略曰成化
間彗星三見徧掃三垣地無處五六百震邇者彗
見天津地震天鳴無虛日且異鳥三鳴于禁中考
諸經史天變莫大於彗字在三垣三百九重地震
莫大於震動在京師邊防爲急矧禽鳥動物得氣

之先春秋二百四十二年書彗字者三地震者五
飛禽者二今乃屢見于二十五六六年之間變不虛
生必有其應天人相與甚可畏也臣願體上天仁
愛念祖宗基業端身以立本清心以應務謹好
尚勿流于異端節財賞勿至于耗國公任用勿失
于偏聽禁私謁以肅內政明義理以絕神奸慎儉
德以懷永圖勤政務以弘至治庶可以回天災消
物異帝王之治可幾也疏凡十餘萬言七年陞少
保改尚書戶部大學士武英殿公每以寬大啓
上心忠厚變士習平順正文體經濟數人材更張



立治體又請訪求遺書 上知公老儒讀書事上
輒允吏部考察外官斥二千人公以為非唐虞九
載三考之法又非 祖宗制請 上凡歷官未二
載者且復任難經一考非貪暴職跡顯著者且
勿斥一時不肖者皆善然自是貪殘吏日肆三原
在吏部持正不肯徇人公不說會劉醫官素出入
公家失職憾誣訐三原衆皆疑劉醫官疏出公意
以故臺諫交劾公公乞老未允八年卒贈太傅溢
文莊公好論議上下千古尤篤國家典故政事可
否反覆與大臣言官爭是非即未必一一中道然

不肯姘姍取悅商確性事時出意見自高奇矯衆
論能以辯博濟其說人莫能難如論秦檜稱其於
宋有再造功與虜和不為無見范仲淹生事岳飛
未必能恢復皆怪詭可駭其絕元正統斥許衡不
當仕元又嘗言我朝相業三楊偉矣然當其時南
交叛逆軒龍易位勅使旁午頻泛西洋曾無一語
權歸常侍遠征麓川兵連禍結極於土木之變誰
實啓之皆正論也

太保劉文和公

公名翔字叔溫壽光人正統十三年進士改庶吉



名
士授編修歷修謨天順初陞右中允七年陞侍講
學士侍東宮東宮卽位陞太常少卿兼侍講學士
實錄成進卿仍兼職內艱服除遷任成化十年陞
吏部左侍郎兼官如故明年兼翰林學士入內閣
十三年進戶部尚書明年加太子少保兼文淵閣
大學士十八年修續資治通鑑綱目蔡文華大訓
成進太子太保護身殿大學士公鄙薄萬安時對
客罵安負國無耻安積恨公百計中傷二十一年
年九月致仕去卒贈太保謚文和公美姿容善談
論遇人無綺節景泰初議迎蔡成化初議 睿皇

后喪禮末年論李孜省左道亂政勸搖國本密疏
昌言卒定儲位有大臣之節當是時公與博野同
在內閣人稱公東劉博野北劉林俊嘗曰余以妖
僧草寺售術貢邪肆與土木不換狂躁上千宸怒
萬頭俱縮縛下詔獄鬼錄爲任惟公立爲 上解
乃得薄譴崔銑曰公秉心不疑諒直無顧而護嫉
肆作構惡於羣小假威於選卒竟去位嘉靖二年
言官疏公孝友字化於鄉閭爲立昭賢祠祀公

太傅謝文正公

公名遷字于喬餘姚人成化十一年進士授修撰



十九年陞右諭德二十三年陞左庶子兼翰林侍
讀弘治四年陞少詹事兼侍讀學士憂去八年與
長沙同入內閣十一年加太子少保兵部尚書兼
東閣大學士十六年加太子太保禮部尚書兼武
英殿大學士十八年加少傅兼太子太傅尚書大
學士如故泰陵大漸入受顧命康陵即位閣達專
政公不得其職正德元年乞致仕去瑾指公等爲
奸黨竊上旨榜示天下成化弘治間翰林聲望
最重者吳文定公及公二人皆進士第一人儀幹
修整文定溫粹含弘公明暢亮直文定詩文尤有

古意一時並負公輔之望丘文莊卒文定適憂去
公入內閣十餘年間號能持正不失爲賢相文定
竟不得入內閣洛陽爲首相公數言文定洛陽曰
吾且去用之未晚他日又言又曰我且去用之未
晚公曰吾豈私原博耶願崇科第先予年齒先予
望實先予予越次在此勉焉故言之而公終不聽
耶洛陽笑不答正德初天變輔臣皆上章自劾公
求去不得復上疏薦文定及王文恪自代公初入
內閣宜興洛陽相繼爲首相當是時長沙位在公
上凡條答數奏章疏皆出長沙公與洛陽並勸致



答謝詞
仕長沙爲首相文恪以時望所屬焦芳欲授以爲
重告瑾內閣宜南北各用一人以故芳與文恪同
入內閣嘉靖初遣使存問公謝疏曰臣匪才誤蒙
孝宗知遇願託之重欲圖報稱不自知其力之不
足既而恪心無術補導不效引身退避杜門省愆
俯仰懷慙罪責難逭分與草木同腐幸濟壑未填
過 皇帝聖明嗣承天統一新萬化疲困更生如
臣衰朽特蒙聖慈不加負國之誅重錫優老之典
寵命下及慚懼交并懼茲垂暮之年諒報國報之
日惟有一言獻納庶幾少效涓埃臣聞傳說告高

宗曰學乎古訓乃有獲又曰監于先王成憲其永
無愆古訓者二帝三王之典謨訓誥及諸經史之
所載者是已成憲者 聖祖神宗之典章法度凡
今諸司之所職者是已仰惟聖性膺哲生知而聖
德成就必資問學經筵儒臣分直進講所以薰陶
涵養者在是燕閒之時尤宜博覽羣籍以廣見聞
苟有疑義難明卽召勸講之臣面賜質問務求通
解成一暴十寒之失積日就月將之功則聖學緝
熙追蹤古昔帝王之盛近代不足言矣我朝 祖
宗之法斟酌古今之宜諸司而能恪守萬世可以



常行奈何世遠人亡政久弊積漸失其初者有矣
聽覽之際宜申飭百司講求成憲苟有空礙難行
即召執政之臣面加商確務合舊制究詰鉅訛之
端振革廢弛之弊則聖政有恒而聖治之成可以
紹休祖宗垂裕無疆矣夫一日萬幾固未易縷陳
而一心萬化惟在於知要臣故特舉君道之至要
以裨聰明之萬一其他軍民利病政治缺失陛下
明詔許諸人直言無隱况以言爲職者林立干廷
必能爲陛下次第陳之惟望留神省覽兼聽廣納
不以疎淺而或遺不以拂逆而見拒則宗社幸甚

生靈幸甚嘉靖六年春復召入內閣尋進戶部尚
書大學士如故明年三月乞歸十一年辛年八十
贈太傅謚文正

太傅王文恪公

公名鏊字濟之吳人成化十一年進士公幼穎悟
不凡十六隨父讀書太學太學諸生爭傳誦其文
侍郎葉盛提學御史陳選嘗奇公天下士初授翰
林編修閉門力學避遠權勢弘治初滿九載陞侍
講實錄成陞右諭德八年薦陞侍講學士兼日講
公學問賅博有識鑒爲文春容爾雅議論條暢試



士南宮專尚經術險麗奇乘者一切屏去弘治間
文體一變士習稍端公有力焉東宮將出閣大臣
請選正人端國本首薦公九年兼諭德十一年陞
少詹事兼侍講學士十三年陞吏部右侍郎時鈞
陽伏金陵爲尚書洪洞及公爲侍郎會虜火篩入
寇公上籌邊八事一定算二重主將三嚴法令四
恤邊民五廣招募六用間七分兵八出奇遂薦泰
紘起陝西總制又請科貢之外略訪前代制科如
博學宏詞之類以收異才六年一舉舉不過千餘
人其翹然出類者諸之翰林餘補村道部屬中書

先有官者量材加秩數年之後士類濯磨必以通
經學古爲高而脫去諛聞之陋矣其選將才亦然
十六年憂去正德元年復除侍郎兼學士會災異
謝公求退薦公自代當是時八關導上遊狎中
外洵洵臺諫交論不聽洪洞時爲戶部尚書與諸
大臣伏闕請誅八關召諸大臣至左順門中官傳
諭甚厲衆相視莫敢發言公對曰八人者不去亂
本不除竟不能去八關遂分布要路瑾入司禮監
首逐洪洞繼逐劉謝欲引吏部尚書焦芳入內閣
廷議推公瑾恨公迫公論不得已公遂與芳同入



內閣進戶部尚書文淵閣大學士逾年加少傅政
武英殿上時政四事曰講學曰延下曰用人曰節
用時理方底鉗士類按索微瑕輒枷械死公謂瑾
曰士大夫可殺不可辱辱而殺之吾尚何顏於此
瑾恨洪洞不已必欲置死地又欲以他事中劉謝
公前後力救得免瑾又欲殺華容逮詔獄坐激變
土官罪死公曰土官未叛何名爲激變或惡楊文
襄於瑾謂築邊大費瑾又欲罪之公曰楊總制高
才偉略爲國修邊豈可以功罪初瑾見公開誠與
言亦強聽公言芳專事姪阿瑾驕倖日甚公無可

奈何居常戚戚四年夏力求去瑾每念公相忤又
輒發怒欲中傷公公憐憐杜門瑾敗得免嘗自贊
曰噫嘻先生何如其人窮年校書結髮勵行白首
於道茫然無問者乎爵廟公孤官居臺閣志懷論
忠幾昧納約者乎貴戚赫炎不能附麗權璫狂獬
不能媼阿一有違言超然不辱者乎遇事直前不
知顧忌見利思義不知規避歸臥空山晏然寤寐
者乎斯人也其量則隘其才則庸無裨于世自潔
其躬跡其所至蓋知慕首陽之節而不知柱下之
工知希止足之疏而不能爲應變之崇者乎居閑



十餘年論薦交章嘉靖初遣行人存問曰朕行且
召卿公疏謝乞上講學親政講學篇曰國家經筵
之設盛矣經筵一開天下欣欣焉傳之以爲希淵
之典其間寒暑皆輟春秋之月月不過三日三日
之期風雨則免政事有妨則免講之日及具講章
至期講訖繪音賜宴儼然而退上下之情未見其
親且密也至於日講可謂親矣然體分過嚴上有
疑焉未嘗問也下有見焉未嘗獻也昔高宗學于
古訓遜志時敏成王訪學十稔臣曰學有緝熙于
光明商周之君好學如此夫人主一日萬幾固不

暇如儒生學士日夜孜孜然而帝王精一之傳治
天下之大經大法古今治亂之迹天人精微之際
非遜敏緝熙亦安望其有得今乃濶略如是暴
之之日少寒之之日多傳之之人寡咻之之人衆
未見其能得也且不獨高宗成王爲然也漢光武
雖在軍中投戈講藝息馬論道至夜分乃罷唐太
宗延四方文學之士房杜褚薛輩十八人分番直
宿討論經籍或至夜分今貞觀政要與魏徵所論
亦可見矣宋世賢主宮中消日惟是觀書居常禁
中亦有日課翰林侍從日寓直禁中以備顧問我

太祖甫得天下開禮賢館與宋濂劉基章溢輩日相講論其後聖學高明詔誥天下皆出御製庶翰如飛羣臣拱視今御製文集是也 仁宗臨御建弘文閣於思善門之右文學之臣數人入直時至館中講論 孝宗經筵之外每親永樂大典又嘗索太極圖西銘諸書於宮中玩之尤嗜故學士沈度之書日臨數過夫古帝王之學如此 祖宗之學如此陛下庶哲自天春秋鼎盛講明聖學正其時也臣愚特望於便殿之側復弘文閣故事妙選天下文學行藝者聞者七八人更番入直內閣大

臣一人領之如先朝楊溥故事陛下萬幾有暇時造館中屏去法從特霽天威從容訪問或講經或讀史傳或論古今成敗或論民間疾苦間則遊戲翰墨雖詩文之類亦惟所好蓋亦日講之義而加親焉大略如家人父子上有疑則必問下有見則必陳日改月化有不知其然而然者時御經筵所以昭國家之盛典日造弘文所以崇聖學之實功如是不已則聖德日新又新高宗成王不得專美於前矣親政篇曰易之泰曰上下交而其志同否曰上下不交而天下無邦交則泰不交則否自古



皆然而不文之弊未有如近世之甚者君臣相見止於視朝數刻上下之間章奏批答相關接利名法度相維持而已非獨沿襲故事亦其地勢使然何也國家常朝於奉天門未嘗一日廢可謂勤矣然堂陛懸絕威儀赫奕御史糾儀鴻臚舉不如法通政司引奏上待是之謝恩見辭櫛櫛而退上何嘗問一事下何嘗進一言哉臣愚以為欲上下之交莫若復古內朝之法蓋周之時有三朝庫門之外爲外朝詢大事在焉路門之外爲治朝日視朝在焉路門之內曰內朝亦曰燕朝玉藻曰君視

朝退適路寢聽政蓋視朝而見羣臣所以正上下之分聽政而適路寢所以通遠近之情漢制大司馬左右前後將軍侍中散騎常侍散騎諸吏爲中朝丞相以下至六百石爲外朝唐皇城之北南三門曰承天元正冬至受萬國之朝貢則御焉蓋古之外朝也其北曰太極門其內曰太極殿朔望則坐而視朝蓋古之正朝也又北曰兩儀門其內曰兩儀殿常日聽朝而視事蓋古之內朝也宋時常朝則文德殿五日一起居則垂拱殿正旦冬至聖節稱賀則大慶殿賜宴則紫宸殿或集英殿試進



士則崇政殿侍從以下五日一人上殿謂之輪對則必迷時政利害內殿引見亦或賜坐或免穿靴亦三朝之遺意焉蓋天有三垣天子象之正朝象太微也外朝象天市也內朝象紫微也國朝聖節正旦冬至大朝會則奉天殿即古之正朝也常朝則奉天門即古之外朝也而內朝獨缺然非缺也華蓋護身武英等殿豈非內朝之遺制乎洪武中如宋濂劉基永樂以來如楊士奇楊榮輩日侍左右塞我夏原吉輩常奏對便殿于斯時也豈有壅隔之患哉今內朝罕復臨御常朝之後人臣無復

進見三殿高閣鮮或窺焉故上下之情壅而不通天下之弊由是而積 孝宗晚年深慨於斯屢召大臣於便殿議論政事將大有爲而民之無祿不及觀至治之美天下至今爲恨惟陛下遠法 聖祖近法 孝宗盡剷近世壅隔之弊常朝之外即文華武英做古內朝之意大臣三日或五日一起居侍從臺諫各一人上殿輪對諸司請事上據所見決之有難決者與大臣面議之不時引見羣臣凡謝恩辭見之類皆得上殿陳奏虛心而問之和顏色而道之如此人人得以自盡陛下雖深居九



重而天下之事燦然畢陳于前唐虞之世明目達聰嘉言同伏野無遺賢亦不過是而已大禮議起連逐輔臣士類咸願起公未及起病卒年七十五巡撫吳廷舉上言蔡高文清節守道見幾洞庭雲臥望重東山震澤波澄名高北海乞與袞郵贈太傅謚文恪

太保劉文肅公

公名忠字司直陳留人成化十四年進士庶吉士授編修陞侍講再陞侍讀學士公修屬行檢時國家無事翰林程李輩有文學詞藝好交遊有聲舉

公獨卷歛沉默正德二年陞南京禮部侍郎尋進尚書明年改南京吏部公性峻行方寡合一介不苟得惡士人競趨自處常過抗貴人亦力抑之以故久在南京南京名吏應多俛仰瓦合公獨毅然持規撫奪越閭黠吏竄名籍謾冒者千人焦芳顧知公薦公賢五年正月璉傳旨召入翰林比至相見又不喜業已召改吏部尚書兼翰林學士掌詹事府事管誥勅是年璉誅始入內閣是時張永幸用事大臣事永復如璉公益持重永遣其黨廖鵬來謁公不加禮如僕又却其餽永大不說公在閣



不滿三月乞致仕不許累進少傅兼太子太傅吏部尚書謹身殿大學士公輒進儻言貴倖益不悅正德六年公累疏辭疾未允強起考禮部貢士出院即乞省墓上忽召長沙至峻閣摘錄中語言欲罪公長沙爲公力解公即日陛辭去歸田杜門公在內閣未久以故無大建明然重厚持正嘉靖初遣使存問卒贈太保謚文肅崔文敏曰余爲編修時見公公言古羈人匹士雖當流離困絕不取非義財况祿食者乎許襄毅嘗論當世人物獨推章公懋雍公太語銳子初任懷寧大夫翰林惟司

直一人耳

少保石文隱公

公名璫字邦彥蕪城人成化二十三年進士庶吉士授檢討正德元年爲南院侍讀學士四年南園子祭酒公靖方介恪潔已好修士類信誓五年召國子祭酒時浮逐競進公獨鯁狷有名八年爲南吏部侍郎十年召入禮部十六年進尚書掌詹事府嘉靖初代王瓊吏部尚書吏部黷亂者數年公以孤貞行一意柄臣不悅閏兩月解吏部以尚書兼學士仍掌詹事府事嘉靖三年五月大禮議起



諸大臣相繼去兼文淵閣大學士入內閣五年六月加少保兼太子太保大學士武英殿尚書如故時時召對平臺殿閣議廟樂再議廟衢又議章聖太后 皇后謁 世廟儀守正義力爭 上謂公非通儒公又三封內批言 太后 皇后出入正朝陰強陽弱之兆皆自六年二月致仕卒諡文隱公清修無玷毀譽不撓持論堅確不避夷險兼正嫉邪建禮遜義兄玠同舉進士累官戶部尚書諭曰文安字安之無大建明亦無大過文莊字游博覽今古號通儒其所著書多附正義羽翼經史文

和劉明處文康

吳文

文穆

字道不同時時相

詆文康去文和又爲文穆所擠文正

謝遷文恪

之遇逆理退進殊途歸潔其身文肅

劉忠去時逆

理已誅長沙

字東陽

爲政竟不知其譏間所起文隱

石

字瑞

乘銓清勁不說於新都

字和

數議大體乃不

肯附新都也文隱去後而吁嗚之風微矣

皇明名臣記第二十三卷

子履準校

孫心材重校



皇明名臣記第二十四卷 吾學編第四十五

懷遠伯山襄毅公

海鹽鄭曉

公名雲初以指揮同都御史王彰修邊自居庸至
山海著勞績從長陵出塞力戰功陞都督僉事宣
德初廷臣薦公廉勇有謀克征蠻將軍代領興祖
鎮廣西廣西溪洞猺獠叛服不常歲殺掠吏民萬
計公至鎮嚴號令公賞罰每與賊戰臨機應變身
先士卒三年降南安廣源蠻四年討柳潯賊斬首
二千四百五年斬平樂蠻四百討慶遠諸蠻斬首



皇明名臣記第二十四卷 吾學編第四十五

懷遠伯山襄毅公

海鹽鄭曉

公名雲初以指揮同都御史王彰修邊自居庸至
山海著勞績從長陵出塞力戰功陞都督僉事宣
德初廷臣薦公廉勇有謀克征蠻將軍代領興祖
鎮廣西廣西溪洞猺獠叛服不常歲殺掠吏民萬
計公至鎮嚴號令公賞罰每與賊戰臨機應變身
先士卒三年降南安廣源蠻四年討柳潯賊斬首
二千四百五年斬平樂蠻四百討慶遠諸蠻斬首



七千四百自是蠻夷畏服嶺南無警七年進都督
同知公沉毅不洩用兵如神廉正自持淡然儒素
馭諸土官專屬威嚴期刻征調無敢後先帥府有
鄭牢者老隸也性鯁敢言公呼牢試問曰世謂爲
將者不忌貪廣西饒珍貨我亦可貪否牢曰白袍
點墨終不可滿公笑曰人言土夷饋送苟不納彼
疑且忿奈何牢曰居官贖貨國憲甚嚴公不畏朝
廷乃畏蠻子耶公舉手禮牢曰教我教我我正統元
年貴州按察使應履平劾公作威福公自陳 上
不問卒贈懷遠伯謚襄毅初韓觀守廣西專殺慶

遠諸生來迂觀曰此皆賊規我悉推出斬之公以
英國公殺黃參將幾致大禍不敢輒殺人人亦不
敢犯武臣有將略著功名贈伯者高成以騎士從
靖難功累官都督宣德中卒贈營山伯謚武毅張
廉起卒伍從靖難出塞征胡功累陞督府僉事宣
德中卒贈榆次伯謚忠敏馬榮靖難出塞功官至
右都督卒贈景城伯謚武壯冀傑東安人起卒伍
靖難功陞督府僉事出塞征虜有功洪熙時守開
平著恩信宣德初進都督恭謹有大節高煦反列
侯諸將或持兩端輒言漢王機變不測用兵若神



傑獨罵諸言者勿妄言取族滅高煦誇詐無膽略
况順逆曲直分明又臨以天威當不日就擒卒贈
清源伯謚忠壯妾王氏自殉贈淑人馬聚武定人
燕山總旗靖難功陞都指揮使三從出塞征胡功
洪熙元年進中府都督聚體貌不揚膽力過人類
直不肯倂仰人卒贈邵陽伯謚壯勇妾陳氏自殉
亦贈淑人一月中傑聚相繼卒景陵爲之悼惜梁
成歷戰有功陞都督贈任丘伯謚壯勇正統中又
有冉保贈宜良伯謚榮壯黃授贈臨武伯謚靖襄
景泰中武興贈山陽伯謚忠毅紀廣贈漂陽伯謚

僖順成化中陶瑾贈大同伯謚武毅劉玉贈固安
伯謚毅敏國初有廖永安贈楚國公改鄜國謚武
閔初陪享太廟已而罷果人也果又有孫世陳清
世贈富春侯謚忠勇清贈合浦侯謚榮武定遠馮
國用贈郢國公韓成有紀信之義贈高陽侯建忠
臣廟康郎山凡三十六人成位第一又有東丘侯
花雲太原郡侯王禹高陽郡侯許瑗濟國公丁德
興丹陽男孫炎安定伯程國勝稽雲伯胡深炎深
知書好士稱文武才燕山侯孫興祖謚忠愍天水
郡公嚴德東海郡侯茅成宜興城隍顯祐伯楊國

興安遠侯恭遜謚武襄霍山侯王簡謚忠毅臨沂侯王真謚桓義樂安郡伯孫虎廬江侯何海謚壯毅榮陽伯潘毅謚武肅譙都伯戴德德嘗從胡將軍取福建上諭胡將軍德吾所親近勿以此故弛政凡號令征守一以軍法從事汝陰侯高顯謚武肅皆贈爵也都督葉旺馬雲功最著於遼東二人勇智兼濟同心經略納哈出竟不能窺遼

定襄侯郭忠武公

公名登字元登武定侯英諸孫也年七歲讀書過目輒成誦十歲能文詞永樂二十二年克勳衛正

統七年從王驥征木龍川有功九年從沐斌征騰衝有功歷陞署都指揮僉事十四年七月虜入塞急進都督僉事副劉安守大同會上親征成國公朱勇西寧侯宋瑛武進伯朱冕全軍覆沒倉卒議班師公告學士曹鼐張益駕入宜從紫荆關乃忽東折向居庸繞四十里虜至上北狩當是時大同堡塙蕭條城門晝閉人心危疑公慷慨自奮修城繕兵拊循士卒死問傷裹創俾藥衆皆感戴是年八月虜奉 上皇至城下索金幣約賂至歸駕公閉門不納 上皇曰朕與登有姻何外朕



若此公遣人奏曰臣奉朝命守城不敢擅啓閉竟
不出劉安孫祥霍瑄出見獻 上皇金帛瑄尤効
力及約賄往虜笑不應竟擁駕去十月虜以和爲
名犯京師公欲率所部兵并糾集忠義從屬門入
援先以蠟書馳奏大略謂胡馬南驅三關失險賊
留連內地爲患非輕欲悉起各處官軍民壯入護
關庭使賊腹背受敵首尾不救奏至賊已退優詔
褒答上疏言虜人雖回離邊不遠傳報有三黃河
已凍且向延緩青草復生再侵京關事雖未信情
亦可推乞闕誠待下側席求賢擴天聖充人欲以

成聖學之功親君子遠小人以收天下之望十二
月虜復欲犯京師公以京兵新選不可輕戰又疏
曰今日之計可以養銳不可浪戰可以用智不可
鬪勇此謂知彼知己可守則守其涑水易州真定
保定一帶皆堅壁清野京兵分據犄角安營以逸
待勞以主待客勿求僥倖務在萬全此謂不戰而
屈人兵善之善者也歷陞右都督景泰元年正月
賊入境率兵驕之行七十里至水頭日暮休兵夜
二鼓東西沙窩賊營自朔州掠回公召將士問計
或言我寡莫若全軍而返公曰我軍去城百里一



退避人馬疲憊賊以鐵騎來追難以自全即按劍起曰敢言退者斬徑薄賊管天漸明賊以數百騎迎戰公奮勇先登諸軍繼進呼聲震山谷公射中二人手刃一人遂大破其衆追奔四十餘里至栲栳山斬首虜二百餘奪還人馬器械萬計進封定襄伯食祿千一百石與世券是役也公以八百騎破虜數千爲一時戰功第一閏正月公獲虜謀二人械至京皆也先所親信鞠之云喜寧與也先謀遣人至京覘兵衆寡大明皇帝立未立期今年五月各送 上皇奪京城誘也先入寇皆喜寧及

小田兒也先戰大同把八平章死戰北京鄂那孩平章及其弟孛羅死人馬約九萬戰死疫死不下萬餘老營駐九龍口其精銳在斷頭山又言虜甚畏我大砲神銳短鎗時鎮守內臣陳公忌公會姚都指揮發陳公奸賊二十事陳公疑公巡撫沈固又言鎮守不和乞更調 景帝召陳公還諭公留鎮公憤邊事未戢弊政猶存思得公廉有爲者相與共事上疏曰往者承平日久人心驕逸在官既無廉耻之心蒞政惟肆貪婪之志釀成汚濁之風致有夾狄之禍又曰虜勢雖云請和變態豈能預



度倘或淪盟則大同一鎮首先受敵及今無事之時若不早爲措置一旦賊至又似前日手無所措中國受侮已深邊事豈容再壞虜旣退欲大典屯田苦民力困乏牛種俱無疏乞官爲措置四年秋病召還京公初至大同士可戰者不及數百馬百餘匹不數年馬至萬五千匹精兵數萬人公智勇兼備紀律嚴明料敵制勝動合機宜一年百戰未嘗挫衄以已意設爲境地龍飛天網鑿深擊覆土木人馬通行如履實地賊入圍中令人發其機自相擊撞頃刻十餘里皆陷當是時巡撫年富知公

公與都督孫鏗不睦鏗乞分公軍公亦會病稱疾不出富爲聞於朝上詰責鏗天順元年奪爵爲都督僉事南京是秋謫戍甘肅茂陵卽位復踰出鎮甘肅未幾召還充圍管總兵八年卒贈侯謚忠武公事母至孝居喪兼禮武而能文謀而善斷伯無子以兄尚寶丞斌之子嵩請於朝爲後得嗣伯減祿五百石十四年卒子泰乞嗣不許授世指揮使

穎國楊武襄公

公名洪六合人祖政立功世漢中百戶公嗣官謚

TIFFEN Color Control Patches



開平機變敏捷善用計出奇兵喬虛或夜劫營累
功陞都指揮正統元年内臣韓政阮鸞疏短
上詰二内官曰此必小人左右汝即械至京姑貸
汝二人者時公頗爲衆忌 上又每舉公功屬諸
將公益自奮公守邊屯營專用鐵蒺藜尋以都督
守獨石敗虜宣府大石門寶昌州捕虜阿台打刺
花斬首功二百正統十三年封昌平伯食祿千石
充總兵鎮宣府虜畏公呼楊王十四年虜人敗我
土木 上皇道宣府北狩去公閉城門連繫詔獄
是年十月虜犯京師出公獄中自効公與孫鏗范

廣等率兵二萬擊虜涿州紫荆等處逐至固安大
捷捕虜阿歸等四十八人斬首功四百八十邀還
俘掠人萬計馬牛羊弓刀數萬虜去進侯景泰二
年賜世券還鎮宣府卒贈穎國公謚武襄公紀律
嚴明將士用命敬慎自將不敢專殺宣德正統景
泰間稱名將諸大臣皆重公威略每左右公初指
揮杜衡誣公尚書魏源即訊雪公貶衡廣西部卒
李友全誣奏公 上付公自治公以故感激勩力
也先之難奮不顧身轉戰千里一時諸將公功爲
最時石亨爲大將京營忌公公又與孫鏗不相能



時忿爭公子傑詞侯言臣家一侯三都督諸蒼頭
得官旗者十六人乞停蒼頭職役許之未幾卒傑
庶兄俊嗣侯俊先以擒叛者喜寧功陞都督上言
也先往時酋長尚在東西諸番未附今既弑脫脫
不花并其衆東自女直兀良哈野人西至蒙古赤
斤哈密皆受約束包藏禍心待時而動又聞其妻
孛輻重在哈刺奔來去宣府纔數百里彼人壯馬
屯沙窩去邊尤近今大同宣府懷來遼東山海永
平宣夏延綏甘涼莊浪等處宿兵不下數十萬臣
愚以爲險阻之處量留守禦其餘壯勇各選老成

謀略將官統率遼西悉赴代州進東悉赴永平結
營操練更選京營騎兵申令股肱大臣統率至大
同宣府會合所在兵列營堅守爲正兵其永平營
赴獨石代州營兵赴偏頭關一帶按伏爲奇兵部
署既定或拘絕虜使以激其怒或檄數叛逆以正
其罪彼必來侵我正兵堅壁清野坐觀其變密遣
奇兵日夜倍道趨其巢穴使彼前不敢進後不能
顧必擒其妻孥獲其輜重彼或察知我謀急還相
救我乘其奔潰奇兵夾擊立致摧敗此實戰攻取
勝之機抑臣又聞三軍之害猶豫最甚昔在有宋

TIFFEN Color Control Patches



澶淵之役若從寇準之議必無靖康之悔今若間以革疑失今不治臣恐他日之患又有甚於今日者願陛下重念天下者祖宗之天下人民者祖宗之人民縱欲息兵保民暫安一時寧不思祖宗創業守成之艱乎文武諸臣何面目忍耻偷生縱此虜驕倖乎臣一家父子兄弟受恩實深馬革裹屍固其分也事下總督總兵及營中諸將校議于少保言賊虜也先違天背德彼之罪惡已盈我之誓耻宜雪楊俊此疏發憤徇國但與兵舉事係社稷安危即如俊所言萬一我軍出境賊與我

牽制別分犬羊由間道乘虛四散剽掠是自撤守備計非萬全國家之患非止北虜東南寇盜未除狄之性利於疾速不能持久去來如風雨聚散如蜂蟻得利則鴟張失勢則鼠遁乃其常態若欲糾兵涉遠出徵倖之謀捺奸凶之虜將卒不相知號令不相統臣愚未見其可疏上從于公議先是遣俊及劉深支游擊將軍出宣府經略獨石諸城堡恭贊參政葉盛言俊往守獨石所謂敗軍之將乞遣深罷俊遂令俊議瓦剌使人出塞俊又挾私怨

杖米軍守備都指揮姚貴且縛貴斬曰我嘗殺陶都指揮上不問諸裨校力解得釋比還廷臣劾俊論死會傑卒母請釋俊葬傑得降督府會事遂得副父侯後坐法罪死宥華齡子珍嗣天順元年石亨坐俊及驍勇都指揮范信等附于公斬西市劉珍戍廣西奉議天順八年赦珍授龍虎指揮使孫越乞調開平公從子四人能武強伯信彰武伯仁錦衣指揮會事智開平指揮使

靖遠侯王忠毅公

公名驥字尚德東鹿人永樂四年進士爲兵科給

事中使山西獨徐溝墮磨謀二十餘萬陞山西按察副使召入尹順天宣德二年陞行在兵部右侍郎坐事縛下獄尋復任陞尚書正統二年阿台朵兒只怕數入塞寇掠并涼公總諸軍與便宜勅西征至軍中大會諸將轅門問將校畏敵不畏軍令者誰最甚諸將伏地仰面齊應曰都指揮安敬公立縛敬斬轅門遂大閱士伍定更番減輸餉飽士調馬養銳待虜虜至莊浪授方略出戰稍捷虜引去未幾虜復至公馳至甘州簡副將蔣貴率精騎追擊戒貴曰努力破賊樹功名否無相見貴遇虜



石城兒泉戰敗虜虜尚數窺邊近公曰虜未大劔
不畏我不退去我罷於奔命遣諜知虜巢所在復
用貴先鋒公率兵與都督任禮等分道出塞期會
夾攻轉戰二千餘里俘虜人畜數千上勞公金
幣兼大理卿支二俸還京六年雲南思任發叛木
麓川木麓川本百夷僻遠不富中國一郡公統兵
十五萬轉餉半天下至雲南大暑衆請且按兵公
曰賊方熾毒吾民行不可緩取阻軍者斬部署至
金齒分三道擣上江上江者賊巢也攻三日不下
會大風縱火焚賊柵乘勢力戰斬首五萬賊退走

保險拒我我兵深入破連環七砦於沙木籠山又
破其象陣馬鞍山思任發遷移兵討韋郎羅韋郎
羅者維摩賊借稱廣新王公遣偏師抵賊境言王
尚書大軍且至賊黨潰韋郎羅走安南傳檄且入
安南追賊安南人懼斬其首并縛妻子來獻七年
班師還京封靖遠伯食祿一千二百石世指揮同
知未幾思任發自緬甸復反驍督征發卒轉餉三
十萬人擊思任發緬甸思任發遣華麓川宣慰司
設隴川宣撫司于隴把加祿三百石是年巡寧夏
并涼塞十三年木麓川賊孽思機發及孟養公又

Color Control Patches

Blue Cyan Green Yellow Red Magenta White 3-Color Black

督軍至金沙江賊堅柵西呼拒我公潛渡破賊柵
思機發通苗甯彝者僭稱剋天王公克征蠻將軍
討之獲俘獻京師加祿一百石崇奉元年與世泰
行在兵部右侍郎崇奉言虜性諂詐叛服靡常脫
脫帖木兒者水崇初隨其部長把都帖木兒等來
歸未幾叛去迨今三十年又復來歸安知異日不
叛况京儲漕運不易請因其初來分處江南衛所
下兵部公言永樂間來降達官崇永正等分住真
定等府乞如例遣送河間德州等處授田虛俾耕
牧自便著此爲例 上從之尋改南京兵部總機

務三年罷天順元年復兼兵部尚書加祿一百石
尋請老四年卒年八十三贈侯諡忠毅公沉毅宏
偉有文武才遇事果剛用法嚴明子瑞嗣侯成化
七年卒子添嗣十五年卒子憲嗣正德九年卒子
瑾嗣

都督王公

公名信字君實南鄭人正統中世官寬河千戶父
忠征迤北歿戰毋岳氏生公半歲持節旌爲忠臣
節婦已巳虜犯京師拒戰西直門功陞指揮僉事
景泰六年從征五開諸蠻遷指揮同知天順五年



破曹賊東市遷指揮使成化初守通州改守倒馬關移守荆襄二年石和尚劉千斤反荆襄公進據房陵民兵不滿千人賊四千餘衆突至圍公主帥逗遛不援公多張旗舉火晝夜不息歷四旬餘間以死士出城五六里舉火燬賊以爲援兵且至驚走追斬有功陞都指揮同知鎮臨清兼管倉糧決獄明慎請託不行移鎮湖廣條陳八事曰繕城隍廣儲蓄省徭役立賞罰遠能官禁窩戶練將才慎守備又條上慎專任以利民情實倉儲以備兵荒修兵衛以圖無患禁科罰以省財用十七年疏言

湖廣鹽夾雖腹中之壘實無能爲但我軍攻點之徒利其竊發可以邀功今但選精銳常加隄防勿蹈前非其患自息荆襄流遁本意逃避徭役長子老孫已成家業溢加誅殺非惟死及無辜恐致傷和氣南畝之農無所蓄積歛獲未竟餓殍已空糶行纔停布縷何在求免饑寒不可得乞選公正仁惠守令大加存恤濫陞官員無慮千百無一矢之勞冒崇階之賞乞查勘削奪三司方面所以折衝禦侮承宣激揚者也當公以格物廉以律已端本澄源在朝廷而已所部指揮劉斌張全智勇過人

TIFFEN Color Control Patches

Blue Cyan Green Yellow Red Magenta White Black

力薦於朝且云英俊之士處心剛正寧肯抑心低首奔走媚求若不由加攬訪則賢才多隱志士沉匿任用何能廣乎陞都督同知總理漕運即日上道嘗語人曰荷國厚恩未能報稱此行當以江水洗滌肺腑少盡區區耳公況藪簡重被服備素出入省黜從人莫敢犯歷鎮大邦不營私產平居默坐展玩經史寬袍緩帶糲飯蔬羹故人婚喪傾心賑恤無所顧吝出鎮三十年苟無華衣麗無肥馬鈴閣之下寂無人聲金玉歌玩一無所好子繼善從善皆舉進士有名

威寧伯王襄敏公

公名越字世昌滄人景泰二年進士廷試時風塵蔽天颺公卷去監試陳御史爲請得再給卷初爲御史有名天順四年起陞山東按察使七年陞右副都御史巡撫大同成化元年請告還京去還家三年召署院事六年禦虜延綏有功轉左又以黃草梁功陞右都御史八年以寧夏功轉左明年出延綏被套擄虜巢新虜首二百八十加太子少保還掌院事十三年加太子太保兵部尚書兼憲職十六年出大同禦虜時汪直專喜事聞邊直薦公

及保國公永遂與直統兵而西未至榆林虜大掠
出塞公曰受命討虜無俘獲何以輒班師遂與直
永議潛師出塞至威寧海與虜戰斬首功四百封
威寧伯食祿千二百石與世券仍左都御史掌院
事十七年出寧夏尋珮征西前將軍印克總兵鎮
大同移鎮延綏斬虜首功加太子太傅增祿歲四
百石掌前軍都督府事提督團營叙一子錦衣百
戶明年言官交章劾公爲詩怨望上怒奪公封
編管安陸弘治元年陳寬許還鄉七年又陳寬下
廷議公功過復左都御史致仕十年虜大入塞陝

西急起總制寧夏其涼諸路軍務并經略哈密召
至陞見加太子太保公有才略著威望再起益奮
勵出塞襲斬賀蘭巢虜奪遂掠我人畜加少保兼
太子太傅十一年卒軍中贈太傅諡襄敏王文恪
公曰世昌紅鹽池劫虜取勝本兵家奇術議者往
往黜其功崔文敏公曰少聞世昌文武大略比入
翰林人多言其任術不足數及修奉陵實錄得見
國史知其塞上功甚偉世昌妻表奇邁慷慨自許
論議英發見事風生久虜師寄歷西北諸鎮身經
十餘戰其於邊徼險易虜情真偽將品事勢定諸

TIFFEN Color Control Patches

Blue Cyan Green Yellow Red Magenta White 3/Color Black

曾臆歎如示掌出奇取捷慮成發中顛倒才智柔
馴辨強背樂爲之用效之者皆自以爲不及其所
見所執壯老一致雖羅挫劬而志不少衰善獎拔
士類嘗特薦楊守隨侶鍾屠瀟王濬四御史健將
武校多出其門又長於吏事判案章奏口占授史
曲當事情博學多聞凡兵法射藝象緯堪輿之說
罔不該究爲歌詩雄邁跌宕者不屑意睦族敦舊
關窮郵會接接平切如恐不及

錦衣牟公

公名斌字登之正德初掌錦衣鎮撫逆瑾竊政遂

方正大臣言官劉蕡戴銑等凡數十人一時下詔
獄公輕刑緩械由爲申敘任御史者自愬諸僚上
奏時置其名彼寔他出公曰古人耻不與黨人爾
爲忠乃悔邪瑾令復獄詞去銑疏首擢闕字公不
肯謂其僚曰存此則諸君子臣節白他日昔宋鄒
道卿以失原奏被害吾儕毋自爲計奏入瑾大怒
又偵知公庇言官矯旨廷杖公垂死瑾誅公復任
鎮撫知府劉祥與內臣相訐下公治內臣賄張雄
今曲祥并賂公公不從雄陷公安置武昌感疾而
卒公再用時長于死工部官賻三百金公指其二

子曰斌司不道天禍一子夫若受金行及此矣公
庫屋敝衣再遭禍怡怡若分然崔鏡曰正德中前
則劉瑾恠行其毒中則張永巧蓋其惡終則張忠
張確錢寧江彬肆其愚暴士靡靡矣全臣節者大
學士劉公忠尚書傅公珪及公凡三人公前有袁
斌者以小校從裕陵北狩當是時文武羣臣或捐
軀草野或奉頭鼠竄彬獨從上恭謹服勞駕還入
南宮陞試百戶復辟後陞都指揮掌錦衣衛事門
達中傷彬調南京達敗戍邊召彬還嘉靖中劉東
山之獄錦衣王佐忠勤廉動有名

都督馬公

公名永字天錫遷安人世金吾左衛指揮使父榮
鎮番叅將公請左氏春秋及兵法襲父官機營善
騎射正德六年流賊起督戰功陞都指揮同知江
彬統宣府兵練西內公以千總隸彬稱疾不起彬
強起稱病篤以故得脫彬禍十年守備遵化明年
虜入馬蘭峪塞殺叅將陳乾以公爲叅將守太平
寨十二年虜入塞戰柏崖堂再戰白羊峪斬首五
十三年陞署都督僉事充總兵官治三屯營尋
署都督同知盡簡諸軍散遣老弱聽其農市取其

虜倍給諸健武者衣餉健武者又皆吾人人奮習武藝當是時漁陽一軍稱雄未幾上至喜峰口欲出塞公扣馬諫不可上注視久之顧內侍曰此馬永耶笑而止彛顏首把兒孫結諸虜邀官賞不得輒入塞公迎擊洪山口大敗虜斬首五十八陞右都督嘉靖三年把兒孫入青山口塞斬其號首遁去把兒孫自是效順保塞四年大同軍亂殺都御史張文錦參將賈鑑用兵不利朝議且撫公上疏力言不可撫他日尤遼效尤將有唐室河北藩鎮之禍勅公提兵出居庸討賊俄以流言中止

五年公上言乞宥諸言大禮獲罪者又言陸完有平賊功宜贖罪錄用其子奪總兵寄祿南京督府十二年大同再亂殺總兵李瑾討之久無功廷臣薦公召至業已撫罷兵復還南京十四年遼東軍亂遂都御史呂經召公總兵遼東十七年虜入塞率兵五千人鴉虜巢焚其廬還十八年遼軍再亂率家兵逼賊斬四十餘人遂定陞左都督公卒於遼東遼人為罷市哭喪過漁陽漁陽人皆哭兩鎮皆祠公公為將善調虜情先知所從來及眾寨設伏待虜以故虜往往失利去公善養士同甘苦又



善知人獎拔蕭陞劉潤祝雄皆起列校爲方鎮

太保梁武壯公

公名震新野人世榆林術指揮使忠勇好讀兵書嘉靖七年陞署都指揮僉事協守寧夏興武營俄戰敗先登破虜八年進遊奕諸軍益憤志撫士卒練訓東西援應有新虜功十一年進副總兵延綏十三年斬虜首功陞陞都督同知十四年總兵鎮守陝西當是時關中少虜寇定國宣府虜數入塞殺掠吏民十五年陞右都督以總兵大同大同自五堡之役殺巡撫張文錦參將賈鑑尋又殺總兵

李瑾鎮巡每耳言鼎之稍不如意卽反唇瞪目或飛章訛語相搖撼公聞命率家丁五百人馳至雲中申嚴約束曰我無爾陵爾無我叛王法軍令具在我不敢破網紀誤國其家丁時時向鎮兵語曰爾敢蔑主將者恃衆耳兒郎輩無不一當百五步兵出玉林川斬虜首一百四十進左都督又出黑山門猶兒莊各斬首八十叙一子百戶十八年公鳩卒給餉修五堡軍中不敢譁公益身先之與同其苦五堡竟復虜不敢近塞公卒以五堡功贈太

子太保公卒後五堡亦旋廢十九年二十年俺答
阿卜孩吉囊三人雲中塞直逾太原窺平陽公不
死五堡不再廢虜亦不敢輒輕入塞自是馬門河
東雲中上谷殘破朝廷亦思公優與卹典贈太保
謚武壯公在邊專練家丁時時出塞劫虜營虜不
敢輒近塞得虜營馬盡與諸出塞劫者以故人皆
效死趨利虜以故益畏公或謂公出邊起釁曰起
釁律有之謂承平時虜牧獵爲生不擾我邊而我
邊將橫殺邀功也乃今虜牧深入駐帳塞上官堡
民堡十去七八我曾撫衆否也公卒家丁無所歸

守臣以聞令入伍與衣糧邊將頗得其力

論曰余觀彭楊林徐四公叙名臣錄贊何其略武
將也因稍述所聞詮次其事令後世得覽焉撫寧
侯朱謙懷寧侯孫鏗定西侯蔣琬襄城伯李隆新
寧伯譚佑鎮遠侯顧任隆啓封嗣秩並著聲猷語
在異姓諸侯傳中邊鎮總兵王效桂勇抗雄何卿
沈希儀周尚文安慶守將崔文楊統漕帥王瑜劉
聖死諫指揮使張英戰沒參將陳乾張世忠皆名
將尚未錄也馬都督永梁太保余所見者


皇明名臣記第二十四卷

于履準校



孫心材重校






國立中央圖書館 國家圖書館 國家圖書館 國家圖書館




97-0000 NATIONAL CENTRAL LIBRARY, TAIWAN, R.O.C.





NATIONAL CENTRAL LIBRARY TAINAN H.C.





國立中央圖書館, 臺灣, 中華民國

222847 424



皇明名臣記第二十五卷 吾學編第四十六

海鹽鄭曉

都御史楊恭惠公

公名信民新昌人永樂中舉人宣德間擢工科給事中正統間陞廣東左叅議嘗劾罷按察使被逮至京廣中數千人走萬里詣闕疏公公勤廉能乞留以安百姓得復職適南海盜起陞僉都御史守其地公宣布恩威獎勸士卒屢戰屢捷還歸數萬人景泰元年卒官廣人手香燈弔哭者幾萬人錄其子坑爲太學生廣者民又相率走京乞立祠祀



公著祀典成化中謚恭惠

都御史韓襄毅公

公名雍字永熙吳人正統七年進士爲監察御史奉命錄囚碭山學教諭責膳夫祝磨兒磨兒父令逸去告教諭殺磨兒棄其尸他御史坐教諭死以屍不得故誣稱寃會黃河傍有尸支解者磨兒父執兒尸也教諭辯不得解竟誣伏公疑不決遣人覈跡獲磨兒教諭得釋十三年巡按江西會廬陵賊起公與巡撫侍郎楊寧捕斬二百人解散其衆陞按察副使廣東不數月少保陳循薦陞會都御

史巡撫江西年未三十練達吏治號習人情黜奸貪疏寃滯均徭役平市價恩威大著凡所注措後按爲格例他巡撫不能改景泰七年劾寧王不法并論府察上遣大臣即訊奪王護衛罪諸府察天順初謫徙邊公調山西副使坐累致仕二年起爲大理右少卿尋復右僉都御史錦衣指揮劉敬坐飲石亨直房論奸黨公曰律意結交亂政者爲奸黨今以一飯坐罪社宴會者東漢時朋黨二字陷忠賢覆轍不可蹈是冬巡撫大同陞辭召至文華殿賜鈔上諭善爲朝廷守北門公精悍濶達

TIFFEN Color Control Patches



有智略時出已意經畫防守城堡部署將校料去
奸盜訓練士伍逾年戎政大脩虜不近塞七年還
議事 上喜公狀貌陞兵部右侍郎諭南陽曰邊
撫臣宜得如雍者南陽薦山東按察使王越代公
越至見 上上又喜曰是將官也 裕陵崩坐事
左遷浙江右叅政成化元年兩廣巡撫儒不振有
蠻寇以都督趙輔為征夷將軍用兵兩廣王茲薦
公以僉都御史督理軍務勅公及輔會南京議眾
欲分江西兵從遊擊將軍李達官由庾嶺入廣東
逐賊大軍從湖廣入廣西合諸兵圍困勿輿關公

曰不然古者仗鉞臨戎專制夫兵聚而為正分而
為奇今兩廣已無完郡舍大藤峽賊巢不圖而趨
其末未見其能濟苟全師至彼南可攻大藤峽援
高廉雷東可應南詔西可取柳慶北可斷陽峒諸
路勢如常山蛇動無不應攻無不克何煩於逐自
古蠻夷來寇不可以禮義較惟戰勝自戢叔放云
寧我薄人軍志曰先人有奪人之心薄之也兵貴
拙速不尚巧遲何泥於困眾從公會諸軍出東道
遣偏師平陽峒諸賊又遣平修仁荔浦諸峒遂直
抵大藤峽奪其險塞焚其積聚四面夾攻斬俘四



萬一千有奇盡降其餘黨斬其藤改爲斷藤峽置藤縣千戶所控賊出入刻石紀功班師陞左副都御史提督兩廣軍務兼巡撫蔭子錦衣所鎮撫公以與弟睦四年公言嶺東西地廣山深恐餘孽復作宜預爲彈壓請得文武大臣分理六年陞右都御史總督兼巡撫開府梧州公得承制專決盡法繩下不貸大吏以故訪議遂起內臣黃沁忌公東縛不得肆厥人上書經公上爲遣使即訊公引疾乞歸卒年五十三諡襄毅公明經韻律洞達說輿駕於孝友與人交有信義不爲岸谷臨戎蒞政

變鵬搏擊發奸擒伏而事簡心平每有惠澤江西嶺南莫不畏如神明愛如父母摘詞灑翰風生泉湧天才逸發

太子少保鄧襄敏公

公名廷瓚字宗器巴陵人景泰五年進士爲淳安知縣問民疾苦專施惠政不求赫赫名終九載無知者兵部尚書張鵬時以都御史巡撫廣西知公薦知梧州府會母憂去貴州程番初府在萬山中夷獠雜聚難治以公知程番公悉心規畫凡城郭街衢廟宇廨舍以次興建榜諭諸夷使受約束政

令公平莫不感說墾田不踰界入市不二價四境
晏然蔚如中州巡撫貴州適黑苗久叛益肆守臣
告急勅公往視兼提督軍務初撫不從始合衆謀
調兵食夾策征勦兵至其地號令嚴明將校用命
斬首六千獲二千械首惡俘京寇既平奏言都勻
清平舊設二衛所屬九長官司其人世祿騎縱稔
惡釀患致夷人侵田奪貨逞欲無厭已四十餘年
軍疲于戍守民困于轉輸其害不可勝言今幸黨
惡削除非大更張不能爲保境安民之計條上十
一事下兵部議行始設都勻府一獨山林哈州二

清平縣一更設流官與土官兼治以右副都御史
召入臺未幾出鎮梧州兩廣自成化初韓襄毅平
寇後開府梧州幸以憲臣有才望及官高者總督
軍務兼巡撫公性不瑣瑣益思安靜爲治屬吏有
賢者輒薦舉或不職特去一二太甚者奏除諸冗
吏曰祿奉出于民毋徒費額羣蠻以劫掠爲常往
往出沒閩楚諸郡公言都御史金澤巡撫偏方非
宜宜以江西一省付澤使二司聽節制庶軍馬錢
糧可以調度其湖廣衛州設兵備憲臣遷治所郴
州便又以廣東澗水爲賊巢宜卽其地設千戶所

調軍守禦仍宜給隙地屯種爲久計公於羣蠻結以恩信兵不輕出由則成功若鬱林川雲矰大桂諸種作亂以次討平其後四會諸下縣饑盜竊發勢尤熾公斬獲首惡李景光覃傑及其黨二百餘人餘悉解散歸農公歷官處事求濟待人不疑惟量節如莫窺其際至所設施動中機宜其中明納人亦莫能及卒贈太子少保謚襄敏兩廣總鎮又有桂陽朱英正統十年進士初爲御史禦賊葉宗留處州勅外戚汪金內臣善增陞廣東參議葉文莊公每事詢英參政陝西調兵食征固原巡撫其

備邊事陞兩廣督撫專意安輯兵革久因民得休息流入復業者十五萬家出入十年召入臺加太子少保卒贈太子太保謚恭簡英性度宏暢才通敏剛介而仁恕所至有惠政慈谿姚鎮弘治六年進士有文學達吏事個儻有負荷嘉靖中督撫兩廣土酋岑孟積凶狡數十年鎮討誅之遺譏而去

尚書雍公

公名太字世隆陝咸寧人成化五年進士授吳縣知縣吳濱湖湖漲淪田千頃公作堤民受其利稱

雍公隄吳民有妾亡者妾父訟其夫密殺吾女兩
月匿尸湖中石下召訊夫夫曰妾逃兩月踪跡不
可得妾父脅財始知死所公使人視其尸乃訊父
曰夫密殺汝女汝安知匿於石下此又豈兩月尸
邪此必非汝女汝殺他人女冀得賂一考而服十
年召爲監察御史舊令行吳人富好饋公不受一
錢巡鹽兩淮淮憲丁貧而餼者幾二千人公巡滿
俱與完室歷陞新工右布政使時勢家鬻取私鹽
鄉人效尤幾至竊橫行公先收勢家人抵
罪於是羣盜悉平爲相父巡撫宣府參將李稽


不法部下獻其惡公具草且聞上稽跪堂下乞受
責圖自新公曰此亦軍法也縛下杖之三軍股栗
稽已乃譖公時相言官遂劾公以擅辱將官罷退
居章曲別墅不涉城市正德二年給事中潘鏗薦
公有敢死之節克亂之才詔起左副都御史操江
固辭弗允未幾陞南京戶部尚書時逆瑾用事以
公鄉人欲親用公公不應遂斥公去而諸所嘗薦
公者鈞陽靈寶皆獲罪公歸復居章曲日焚香讀
書與鄉人論穉事不與上官相見族黨有犯必告
有司曰某是某非幸無以太故屈法年八十卒



尚書吳公

公名廷舉字獻臣嘉魚人成籍梧州成化二十三年進士授廣東順德知縣潔已字民時華容爲左布政使知公移公輒具尺書公益盡力效職有都御史召見公甚溫廷舉請事都御史曰願德有大鑑某者屬我修其家廟縣令可理耳之公謝曰令非有舊例新恩一夫不敢役一錢不敢費也市舶太監出銀市葛公卽以銀市二葛曰奉此爲式如不中請還金且葛膏產也太監怒取金去汪御史惡公曰彼專抗上官市已能者會公壞淫祠撤其

材作土堤書院賢館修學宮御史按而會其直竹木碎屑計斤兩公因服楮手日請訟所士夫羣泣訴公亡私盜狀御史大慙釋公弘治九年都御史者入爲吏部尚書時公爲令十年矣遷成都同知起復改松江上疏請修軍政十八年廣東盜起陞兵備僉事討平十三村池水盜正德二年革兵備三年改鹽法兼屯田四年陞廣東右叅議再逾月陞瓊州兵備副使時逆瑾專權公發鎮守內官濬忠二十罪又奏有旨取省帑解京皆非正費曰貢進內也曰司禮打點錢賂瑾也又疏便宜事忠亦



許公五年瑾矯旨坐公枉道荷校不死戍馬門再
月赦罪還鄉是年瑾誅改雲南兵備副使六年陞
江西右叅政討桃源賊時總制數易官兵不協力
歷數年費萬計賊益熾公饒智略勇不避難及逢
盤錯益喜與副使胡世安發憤欲設奇取捷平賊
且諭解散反爲賊得賊劫公未撫公詞色不撓久
之伺得賊中要領誘動賊執其酋出公復入討平
之九年陞廣東右布政使立番船進貢交易之法
平傳役十年領西徭獠作亂兼兵備副使撫治廣
肇諸府十一年轉左十二年湖南饑陞副都御史

賑濟十三年勅勦永順保靖兩江口夷情公爲堅
明約束條奏上十四年還京復出湖南定諸夷地
界又疏言六事備宸濠變宸濠大恨惟恐公巡撫
江西嘉靖初召爲兵部右侍郎上疏忤輔臣改南
工部又改南戶部晉右都御史理南畿折豪強植
貧弱禁私驛止妄工南圻肅然公長身而齋罔如
荆瓜蔽衣帶穿不修藻飾神采英毅志識雄偉言
行必自信人鮮能奪之視財利如糞土妻子饑寒
而施予不較有亡陞南工部尚書卽疏歸歸二年
卒年六十六公居湫隘無郭外田頗有書至萬卷

卒之日不能歛都御史姚鐸爲之經理崔文敏公稱公貞才潔嚴厚行定力鮮儷也又曰公恒衣食人妻子乃不能給朝夕官四十年百瘁九死不能一月安于朝推下賢哲不憚屈已卒未聞報德者論曰大臣持繡斧撫方隅固欲其威望素著然必有恩信焉非約已裕人與士卒同其苦與農疇共休戚而徒欲以武健奪夷蠻金璧媚津要數月日幸無事得內遷卹刑祠樹碑稱頌功德人誰信之此五公楊信民韓愈范仲淹者信心而行編編落落恩威孚布沒世不忘卓乎不可及矣

皇明名臣記第二十五卷

子履準校

孫心材重校



皇明名臣記第二十六卷 吾學編第四十一

少保林莊敏公

海鹽鄭曉

公名聰字季聰寧德人正統四年進士爲刑科給事中劾石亨楊洪孫鐘諸大將及內臣善增金英著風裁景泰元年遷都給事中 上皇將還會有投匿名書者王文端得之高文義所王與胡忠安欲聞 上曰此所謂禮失而求諸野已而或出危言事且止公疏言直濶皆股肱大臣不當私言齟齬大政詔按之高曰得之小隸小隸曰得之道路



TIFFEN Color Control Patches

Blue Cyan Green Yellow Red Magenta White Black

皇明名臣記第二十六卷 吾學編第四十一

少保林莊敏公

海鹽鄭曉

公名聰字季聰寧德人正統四年進士爲刑科給事中劾石亨楊洪孫鐘諸大將及內臣善增金英著風裁景泰元年遷都給事中 上皇將還會有投匿名書者王文端得之高文義所王與胡忠安欲聞 上曰此所謂禮失而求諸野已而或出危言事且止公疏言直濶皆股肱大臣不當私言齟齬大政詔按之高曰得之小隸小隸曰得之道路



上怒急捕千戶龔遵榮挺身自白曰迎 上皇禮
本當厚送祭投此帖莫感動無他腸其死無悔已
乃下廷議或言也先遣使行成虜不可信即迎駕
一車二馬足矣公言 上皇北狩與陛下迎鑿皆
社稷綱常大計宜厚無他日悔竟從議崇泰三年
議易儲改右司直郎不敢辭也先遣人來貢自稱
田盛大可汗公言也先弒逆縱中國不治夷狄不
可納其稱謂四年高文毅薦復爲吏科都給事中
乞禁中外官奪情起復又劾吏部尚書何文淵刑
部尚書俞士悅通政司李錫工部侍郎張敏諸大

臣益多忌公王少保噉御史王溥劾公挾持吏部
甥選教官得善近地下廷議按致公賂不得坐比
擅選法死胡忠安不肯署稱病臥數日 上遣中
使問對曰老臣本無病聞欲殺林聰殊驚悸逆病
上立解公左遷國子學正裕陵復辟起陞右僉都
御史賑山東饑陞右副都御史捕江淮鹽賊天順
三年內艱明年起復又明年曹欽反起大獄牽連
冤濫冒功者至劄乞兒頭上功都人不敢夜出公
時著院事力請禁嚴平雪警嫌成化二年江淮旱
人相食公往賑奏截漕粟數十萬明年九載滿秩



陞右都御史七年出撫大同將吏用命邊事稍寧
逾年致仕越二年起掌南院又三年召入為刑部
尚書加太子少保竄獄詳明清聲益振十五年與
定西侯蔣琬按事遼東鈞陽及御史強珍竟坐譴
成明年乞致仕不許十八年卒贈少保謚莊敏公
恂恂和易身若不勝衣遇事可否大義毅然不可撓
抗議易儲直聲大振宦歷所至傾避風采晚更為
謙厚諷示苞荒

尚書王恭毅公

公名傑字向節廬陵人正統七年進士敏達有才

暢習吏事初授刑部主事歷陞員外郎郭中屢遷
河南按察使所至案無留牘獄無冤詞天順初被
誣下獄會襄憲王入朝上問所過官吏賢否王
對曰臣過河南百姓遮道訴王廉復寬且言王廉
使清勁鋤豪附善有恩有威陛下幸為百姓奏
皇帝還我王廉使上喜立命法司雪公還任尋
陞右副都御史巡撫陝西設法救荒全活數萬人
流徙歸業天順七年遷大理卿出入十年凡兩法
司及叢藩識奏參錯情法多所平反時吏諳律比
者類多深刻為名公獨持明允濟以長厚諸所審

駁會文切理倫要簡暢轉相得錄類成卷籍成化八年遷刑部尚書陳陳時政十事上嘉納商文毅知公薦代姚文敏吏部主議者不喜南人竟用尹同仁十年卒謚恭毅子臣成化五年進士翰林侍講廣西參政

尚書陳康懿公

公名俊字時英莆田人正統十三年進士歷官戶部父珪教諭沒文昌公蹈海迎柩不家於喪征秋青草天津諸衛公言舊負未蠲新額存積人不能堪請減三十五萬東天順五年兩廣合兵討叛蠻

公假便宜勅晉軍與內艱起復明年蠻平解兵妙得奔喪成化元年以戶部郎中陞南京太常少卿四年召戶部右侍郎公諫習錢穀凡四方災傷邊鎮請芻粟爲裁益縮條析利害曲折佐尚書楊勛勳亦能聽公言七年京師大饑勅公出太倉米百萬斛賑糶公禁絕射利者請石以上閉不與八年虜入河套兵出公督餉上便宜乞內帑助邊除徑道發丁飛輓軍興不乏榆林大捷進俸一等明年改吏部十三年侍郎九載陞南京戶部尚書歷吏兵二部又九載請老公孝友廉慎沉毅簡質南曹



務開惟戶部金錢布穀出納與內外諸司相關多
撓沮不可盡如法公一按典制因用省財不啻
數十萬卒謚康懿

都御史黃公

公名紱字用章封丘人曾祖思豫事孝陵掌太常
事以異編氓沅州又徙成平越公以故爲平越諸
生舉生用正統十三年進士行人歷南刑部郎中
廉直遇事處發即重忤時貴不恤必欲行己意人
或笑黃郎中呆公正色抗言不移沮亦竟以是得
名譴千戶者大猾任俠結橫貴顯人嘗奪民廬場

萬畝貴顯人輩與譚千戶酒飲食往來即知民枉
不能直公竟盡法直蘆場歸民歷四川參議參政
右布政使數年初督松茂軍餉劾治將領侵冒槍
諸倚勢豪肆邊上者舉政過崇慶忽旋風起輿前
擁不得行公曰卽有寬且散吾爲若理風遂止抵
州沐而禱城隍夢中若有神言州西寺云公密訪
州西四十里有寺當孔道倚山爲巢公旦起率吏
兵急抵寺盡繫諸僧諸僧中一人少而狀甚惡詰
之無祠牒卽塗醮聖額上曬洗之隱有中痕公曰
是盜也卽訊諸僧諸僧不能隱盡得其奸狀蓋寺

西有巨塘夜殺投宿人沉塘中衆共分其囊負有
妻女則又分其妻女匿妻女隱密中恣淫毒久矣
公盡按律殺僧毀其寺倉吏倚王親侵沒官糧萬
計王曲庇倉吏公竟按如法公爲錢穀吏精律比
孰能發摘奸伏威行川中青神令聞風解綬走去
右使時奏閉建昌礮左使湖廣妖僧繼曉至勢蓋
人公曰繼曉以妖術故不難 上左右今且得罪
避出名揚墓實逸賊撤武昌府館之後堂好飲食
無令得出入俄事敗檻送京師伏誅副都御史巡
撫延綏勦參將郭鏞等擒豪奸張綱公行道望見

川中飲馬婦片布遮下體大慙俯首歎息曰我爲
巡撫令徒兒家貧至此何面目坐臨其上亟令豫
出餉三月邊徒兒素貧苦延綏特甚大臣巡撫者
輒厚自奉徒兒雖凍餓死不問延綏人又素忠朴
至死無怨言聞公慙歎軍中人人感泣願出死力
爲黃都堂一戰虜虜亦不至俄有詔毀廢寺公令
汰尼盡轉軍門給配軍中壯無妻者比公去延綏
有携子女拜道傍送者已爲尚書戶部益不屑顧
忌威稜截然盡革財賦內外諸積弊改左都御史
入臺天下仰望風采公慙直崖異忤人自恐伏禍



不可測請老去未幾卒

尚書黃文毅公

公名孔昭初名曜以字行改字世顯浙太平人天
順四年進士年十四遭父母喪哀毀骨立既長執
友建寧守賀汝知其賢薦松溪訓導不果歎曰士
有志用世乃藉人薦舉耶樓居讀書刻苦特甚志
忘寢食清介有守自舉進士即著廉名為屯田主
事寮友忌公嫉奸吏誣奏事竟白同寮坐傾險去
官公以故舉益起陞都水員外郎調吏部歷陞文
選郎中持銓清慎汲汲以人才為慮嘗曰國家之

用才猶農家之積粟稟積于豐年乃可以濟饑才
儲于平時乃可以濟事自頃人矯激沽名以閉門
謝客為高天下人才何由知之公退客至輒見詢
訪有得必書于冊量其才隨其地望參之輿論薦
用各當其才或因勢家干請欲私用其人輒力言
不可即不能盡沮後其人多自敗公不妄交游陳
恭愍謝文肅獨以道義相好奉詔薦應天府尹樊
公瑩福建按察僉事章公懋公體貌嚴重不躁語
戲笑沉靜自守厚倫睦族讀書尚理致尤精詩格
文肅言公在文選每見其喜則知賢者之得進見

其憂則知小人之不得退如是者蓋十有五年始
終一節不少變陞右通政通政五年陞南京工部
右侍郎三原屢薦公竟未及柄用而卒張莊簡稱
公學純志潔公正剛直重如山不依勢以動介如
石不逐物以移嘉靖中贈禮部尚書謚文毅子備
亦爲文選郎中備子綰官生從張桂後論大禮歷
官禮部侍郎遣使交南陞尚書未行落尚書以侍
郎致仕

論曰莊敏

林聰

風節著于言路恭毅

王崇

之刑名

文毅

黃孔

康懿

陳從

之用人理財皆可謂成章矣

封丘黃孤勁廉朴必行其志當是時已不能盡
其用矣

皇明名臣記第二十六卷

子履準校

孫心材重校



皇明名臣記第二十七卷 吾學編第四十八

海鹽鄭曉

布政使夏公

公名寅字正夫華亭人正統十三年進士幼岐嶷有巨人志日記數百言稍長益肆力問學初爲南京吏部主事歷郎中杜門誦經史百家言久之發爲文章淵宏與容脫去流俗自成機杼陞江西按察副使提學專崇行實黜浮華閱卷一目數行下又善鑒別復文山祠葺白鹿書院修陶侃讀書臺陞浙江參政處州民苦虐政走山谷招不聽曰須



皇明名臣記第二十七卷 吾學編第四十八

海鹽鄭曉

布政使夏公

公名寅字正夫華亭人正統十三年進士幼岐嶷有巨人志日記數百言稍長益肆力問學初爲南京吏部主事歷郎中杜門誦經史百家言久之發爲文章淵宏與容脫去流俗自成機杼陞江西按察副使提學專崇行實黜浮華閱卷一目數行下又善鑒別復文山祠葺白鹿書院修陶侃讀書臺陞浙江參政處州民苦虐政走山谷招不聽曰須



夏參政來公檄至即散成化二十二年進山東右
布政使敬簡有容愛民節用或勸興作不聽曰勞
而不怨斯可疏論因家之勢在離合合則安離則
土崩今兩京並建其勢宜常合以制天下徐州地
連山東餓饉無聊宜在賑恤臨清南北咽喉或暫
梗爲害不小宜選大臣有望實者鎮守二邦訓兵
屯田示天下形勢廷議爲出白金四萬兩賑徐州
命都御史賈俊鎮臨清吳中旱饑有司莫以告公
校書巡撫發廩二十萬石糶十萬石他所論列若
文廟禮樂之數正風俗立紀綱崇文化作人材之
類皆切于政本公誠心直道無黨無援自筮仕爲
郎二十年爲副使十六年未嘗以淹屈降志嘗曰
君子有三惜此生不學一可惜此日閒過二可惜
此身一敗三可惜


都御史高公

公名明字上達貴溪人景泰二年進士爲御史
河南糾斥不職吏六十餘人會黃河南徙民耕淤
地畝收歲數斛議者欲履畝坐稅公不可曰河徙
無常稅額不改平陸忽復巨浸常稅猶按舊籍民
何以堪天順四年御史趙明等疏劾來朝吏語觸



上怒詰疏出誰公任寔草疏都御史寇深言累年
奏牘皆屬高明乞貸明過 上怒亦解顧喜公曰
高明能御史先是公劾兵部尚書陳汝言佑勢納
賂下獄死汝言潼關人代于少保爲尚書不數月
奸賊萬計誅石亨公及門達籍亨家公言亨無反
謀蒼頭得免死者百人鹽山薦陞山東按察使
上謂南陽曰高明宜內用又謂寇深曰高明可都
御史南京南京久弛縱公振綱紀劾罷諸貪殘吏
會注兩極言內自宮禁外至夷狄皆陰盛陽微急
宜脩省以回災異揚州鹽寇起守兵失利勅公勦

捕公造巨艦榜等亭往來江南北督戰又授方略
御史戴琥傾以山擒賊九百餘人並江置邏堡高
山望候賊出沒露踪跡不得逞江海間稍靖中官
粥私鹽縛儀真指揮羣卒大閱公盡籍其鹽劾中
官又條劾戶部及諸巡撫縱法狀及陳利害十餘
事衆始忌公公亦三疏請終養成化二年上枕賊
起卽家賜公勅便宜討賊公力疾赴闕先諭撫賊
降賊恃險不應遣兵搗其巢大破賊俘四百人誅
其渠魁十一餘並輕坐析上杭溪南里爲永定縣
控賊海口民婚令募亡命謀不軌公不欲再起大



獄或至用兵坐誅妖言衆遂定即上疏乞休納符
勅去嘗曰孔戣三宜去司空圖三宜休吾無才一
宜退有病二宜退親老無兄弟三宜退及治盜微
宜再起賊平疾作宜再退自稱五宜居士公天性
孝直後賜有通才難進易退出處瞭然

大理卿夏公

公名時正字季齡其先慈谿人徙仁 and 正統十年
進士歷刑部郎中徵獄福建會上杭大饑盜且起
糧發倉賑贖不待報天順初進大理丞以母老乞
致仕不許乞移近地便養改南京進少卿成化初

改太常已又進南京大理卿七年歲大侵巡視江
西斤貪墨吏二百二十人革冗徭理庾賦放無名
之稅十餘萬勸民粟七十萬石賑饑民三十三萬
修南昌城堤城得不壞長河洞人叛單車撫定疏
時弊二十事當路人不悅謂公好名遂致仕歸仁
和僦居民舍布政使張瓚爲西湖書院於孤山處
公久之書院火歸慈谿已又還枕凡家食三十年
卒年八十八公博學高才工詩文善書多著述尤
詳禮文之事業盛稱公文如春空層雲動含雨意
又如簇蜜抽絲秋鶴引吮云



知府張公

公名寧字靖之海鹽人景泰五年進士授禮科給事中七年內閣陳王以其子不得鄉舉順天考官劉文介公幾中傷得罪公疏言元宰私其子陷考官失大臣體天順中數數裁曹石請乞事 上以是知公朝鮮毛憐營殺內降遣公與都指揮武忠偕往既行遼東奏至勅使臣取便進止公時至遼陽拜勅言君仁臣忠敢自便乎竟至朝鮮致命茂陵即位乞經進講大學行義又薦起王茲李東爲兵部尚書都御史諸大臣不悅 皇太后生辰

設齋醮禮官斂大臣金錢祈福公言人臣當和衷敬德仰贊聖孝上綴懿祉釋老不當崇奉辦香非可祈祝行之祗壞風俗傷名教南京給事中王徽等劾南陽獲罪論邊公又合六科申救以故諸大臣益忌公適廷薦公及岳正可任清黃侍郎都御史者竟陞公知府汀州公至汀先教化後刑罰盡除厲民弊政勵學生造祭器八百事表節義恤孤獨禁遊惰郡事一新諸上官故忌公才公爲給事中時才高不屑下人人以故輒摧挫公公亦抗志求致仕歸家居三十年卒公偉貌修能雄文直道



重障屢回屬意大用銜命萬里專對不辱出守南
郡勤郵民隱早見適歸養高林壑閑家有則孤踪
無玷如公者出則爲天下士處則稱鄉先生者也

都御史王公

公名雲鳳字應韶和順人成化二十年進士弘治
十年爲祠祭郎中疏論中官李廣及異端左道倖
進者是歲十二月朔駕自郊壇還坐事謫陝州知
州編修劉瑞上疏言副使楊茂元才識優長宜寬
得體郎中王雲鳳守官廉正持行清介相繼獲罪
乞早賜召用十一年僉事提學陝西十五年改副

使提學政尚嚴厲士始不能堪終感服多成就正
德四年爲國子祭酒益嚴厲明年改南通政是歲
請告七年起家僉都御史巡撫宣府益奮發才氣
日夜理邊邊吏憚其威逾年憂去十年又起家副
都御史理饒淮浙遂上疏乞休管移書吏部尚書
楊文襄曰山中屢聞謹言近留王昂一疏人尤傳
誦昔唐介貶數月兩轉未久復殿中侍御史王昂
既不獲留推薦起擢在公筆端每恨李文達公近
稱賢相然羅一峰淪落以死岳蒙泉坎壈終身極
貧陸布政額得超拜尚書今文達貴勢安在哉切

恐奔趨富貴，利達者相見，輒稱功頌德，乞憐
求官直諒之言，無由上達。雲鳳疊辱薦，感激慙
懼，敢不布其愚。今兩耳並聾，百藥不效，只得耕田
納稅，養親讀書，惟俯垂憐念，使狙鹿魚蝦各得其
性，幸甚。疏上，予告公樂於從善，勇於聞過，居常言
動，儼然終日，立朝正色，不避權貴，當官孤立，直行
己意，以故上下多迴。歸家素貧，遭逆瑾，誣贖稱貸，
鄉曲終其身不能償。妻女五人，幾凍餓。山西巡撫
言公忠義，廉節，請別其家。

論曰：國家盛時，卿大夫士爭自奮，欲效用，樹聲績。

五君子

吳寬 高 明 良 紳
正 張 寧 王 雲 鳳

乃獨急流勇退，翛然自適。

鳳翔千仞，龍戢九淵，庶幾廉頑立懦者歟。

皇明名臣記第二十七卷

子履準校

孫心材重校



皇明名臣記第二十八卷 吾學編第四十九

新建伯王公

海鹽鄭曉

公名守仁字伯安餘姚人父華成化十七年進士
第一人歷官南京吏部尚書公少有才名弘治五
年與胡端敏孫忠烈公同舉浙江鄉試公十二年
進士授刑部主事未幾請告十七年復除武選主
事正德元年十二月劉瑾亂政首抗疏乞誅瑾瑾
大怒縛杖闕下幾死謫貴州龍場驛丞居夷力學
學益進四年閏九月陞廬陵知縣明年瑾誅十二



皇明名臣記第二十八卷 吾學編第四十九

新建伯王公

海鹽鄭曉

公名守仁字伯安餘姚人父華成化十七年進士
第一人歷官南京吏部尚書公少有才名弘治五
年與胡端敏孫忠烈公同舉浙江鄉試公十二年
進士授刑部主事未幾請告十七年復除武選主
事正德元年十二月劉瑾亂政首抗疏乞誅瑾瑾
大怒縛杖闕下幾死謫貴州龍場驛丞居夷力學
學益進四年閏九月陞廬陵知縣明年瑾誅十二



月陞南京刑部主事又明年調驗封是年陞署員外郎逾月調文選七年陞考功郎中是年冬陞南京太僕少卿九年陞南京鴻臚卿十一年正月陞僉都御史巡撫南贛汀漳等處公至置二匪行臺前榜曰水通民情願聞已適當是時宸濠蓄逆謀江西上流山路中劇盜四出劫掠焚官府募獄囚廣東湖廣江西諸撫臣相覲望久之積至數十萬宸濠又輒與諸賊通曲護賊十二年七月公名討賊請提督軍務兵部尚書王瓊素奇公請上即與公兵符兼巡撫公日夜練兵教射不數月得精

兵數萬公智計絕人用兵神秘是年茶峽賊大起江廣湖嶺騷然三四年矣上命三省會征公首誅通賊監生吳讓十月督江西兵自南康入破橫水左溪諸巢賊敗奔復連戰奪桶岡十一月又攻桶岡大戰西山界賊大潰盡殪之凡破巢八十四擒斬三千餘俘三千六百有奇釋其脅從千餘衆歸流亡使復業度地居民鑿山開道去其險阻洞頭賊尤悍黠擬官僭號是冬峯徭既殄益增機險併毒戾王師公休士歸農明年正月計擒其魁遂進兵擊其懈連破三洞乘勝逐北大小三十餘戰



減巢三十有八俘斬三千餘三月還師開縣置官司聖明約束諸賊藪盡爲治境虔吉人皆立生祠歲時祀公四月陞副都御史叙子錦衣百戶公班師至贛開書院日與海內名賢士大夫講學設社學教郡邑子弟歌詩習禮嶺北風俗爲之不變十四年六月宸濠反公適勤事福建道經豐城縣令顧必告公宸濠反狀公指心顧天誓不與賊俱生急走小網返至吉安與知府伍文定謀起兵討賊發檄召江西諸知府邢珣等兵又密遣謀四出投檄言京師及湖廣廣東西南南京淮安浙江各發兵

討賊以疑宸濠使不敢出南昌又致叛臣家族謬托心腹云吾直應勅旨且聚兵耳又曰寧王事且成敗未可知吾安得遂進兵乎賊果疑四路兵且至不敢直趨南京又喜公或不進兵退回數日出南昌攻南康九江安慶公兵已大集始傳檄罵宸濠賊又遣人密書與賊心腹李士實劉養正及閔廿四吳十三若有約內應者書既發故令人洩賊黨書所過處賊黨以告宸濠宸濠盡得致書人及書遂疑士實等士實等勸宸濠去安慶直趨南京否徑出靳黃趨京師宸濠遂不聽公進兵攻破南

昌擒其屠守宜春王拱條及宸濠子三哥四哥宸濠時攻安慶聞之解圍反顧巢穴公迎戰樵舍縱火攻之大破賊擒宸濠及其子大哥當是時南京大震非公在上流疑賊賊不犯南京必走新黃公既擒宸濠諸奸佞江彬等導上南巡下詔名親征諸奸佞欲壞功忌公讒言巧請百方欲去公當是時宸濠未死諸奸佞素通宸濠得金錢者多在左右頗有異謀畏公不敢發公深機曲算內戰凶倖外防賊徒撫定瘡痍激勵將士日夜如對勅敵宸濠竟得伏誅內閣大臣素惡王瓊亦忌公以

提督軍務得專制召兵平賊歸功環內閣益不說久之不賞嘉靖改元詔錄公功封新建伯兼南京兵部尚書恭贊機務遣使迎至京宴勞諸忌者又以錫宴勞費爲詞噉言官論沮公不得至京未幾外艱去服闋竟不召議謗益起屢形奏牘雖封爵賜號竟不與鐵券歲祿一時勤王有功諸臣中傷廢斥殆盡惟文定得陞副都御史庶一子千戶邢珣徐璉戴德孺陞布政使德孺死於水珣璉亦被斥陳槐削籍紀功御史伍希儒謝源以考察去公不自安累疏辭封乞錄諸勤王者功竟格不行已

而言官及大臣又交薦公嘉靖五年岑猛叛兩廣聚兵討猛死田州而其黨盧蘇王受相結再叛益發四省兵嶺南大困起公代姚鏞公至開示恩信班師撤旅蘇受等自縛來歸公薄示懲遣歸農刻石云爰告思田毋忘帝德爰勒山石昭此赫赫文武聖神率土之濱凡有血氣莫不尊親田州石刻云田石平田州寧田水常田山迎府治新千萬世肇皇明嘉靖歲戊子春新建伯王守仁勒此石告後人公諭蘇等朝廷宥爾宜有以報皇恩衆皆頓首願效死公因八寨反側久毒檄未與蘇等約且

用爾衆一戰與期日去又因承順保靖土兵自領南還密與領兵官約束過八寨徑搗其巢蘇受等兵相犄角或過其前或截其後或張左右翼夾擊八寨劇賊誅斬萬計捷奏至桂文襄素忌公言公挾詐專兵時公亦病乞致仕至南安卒桂又言公擒宸濠攻城紀律不臧奏捷誇張已甚及斥公學術不端壞士習乞削奪官爵上憐公功又封爵本元朝信令不允但停卹典于不得嗣封公英敏天成機權莫測其用兵也訓練嚴明籌畫精密對客笑談萬衆過集擒酋斬賊獻凱轅門左右尚不

TIFFEN Color Control Patches



知也

尚書孫忠烈公

公名燧字德成餘姚人弘治六年進士授刑部主事歷郎中慮因江西冤獄多平反正德六年超陞福建右叅政歷按察使河南右布政使公在刑部稱方殺敏達至潘泉益著上貴下亂政寧庶人已蓄逆謀瑾誅又結錢寧張雄日夜調中朝事幸有變又劫持省臣賂諸文武大吏逆謀益著九年乾清宮災羣臣輒請建儲庶人多釐金璧通奸優藏賢徧遺諸奸臣欲且微庶人千名上廟燒香成則

自取之諸奸臣既得庶人賂又疑畏不敢發直以好語給庶人庶人自以為事十成八九日恣橫生殺不可禁朝議選才節大臣權其機牙陞公副都御史巡撫江西公聞命歎曰殺艱於我死生以之携二家童入南昌南昌洵洵謂庶人曰暮得為皇帝諸省臣附黨及羣賊依倚者相助為聲勢公旁盡庶人奸黨言動輒告庶人公有心計周防密畫旁奸黨不得知先是宸濠有異志輒中傷忠梗胡端敏公下詔獄公力為瀕雪得不死宸濠逆謀有迹願宗室公不敢先事訟言托禦他寇曲為備首

城進賢又城南康又城瑞州南康建安義鄉者盜賊洞數剽近地開初縣饒撫二府罷兵備公曰緩急曷倚奏復饒撫兵備不果復又請勅湖東道分巡兼理兵備與饒相犄角九江富湖衝最要害請重兵備權兼攝南康寧州武寧瑞昌及湖廣與國通城便控制廣信橫峰青山諸塞地險人悍設通判駐其地兼督六縣恐宸濠一旦起劫兵器公假討賊盡出會城兵器外府宸濠亦知公意遲回不敢發公見逆謀急又結中朝諸權倖恐變起內外不可測屢密疏言宸濠必反盡為宸濠伏途諸奸

所得即達 上所又為諸權倖盜致宸濠所索金璧謝公不得已乞休又不允積憂勞數月鬣髮盡白十三年江西大水宸濠素所蓄賊凌十一吳十三閔廿四出沒鄱陽湖行劫公與按察副使詩達議先調兵勦之三賊遁沙井去公欲捕此三賊窮羽莫出不意自江外掩捕三賊夜大雨風不克濟三賊走匿宸濠林某中竟不可踪跡公大集舟師會城名勦逸賊宸濠疑懼會言官發宸濠反狀朝廷遣大臣即訊宸濠益懼十四年六月丙子遂反伏賊府中候詰守臣入宸濠大言曰太后密旨召



我監國公毅然應曰安得有密旨者又曰天祚暗
移汝獨不知耶公益憤應曰安得妄言求死又曰
我取南京汝保駕否公益怒張目直視宸濠厲聲
曰天亡二日國亡二王宸濠遂縛公許副使奮起
爭孫巡撫朝廷大臣爾安得辱侮無禮又縛許副
使且縛且罵賊鍾折公左臂併許公殺惠民門外
宸濠竟用二賊為牙爪偽稱將軍首遣婁伯招誘
賊黨至進賢知縣劉源清斬伯乘城拒守宸濠又
遣人招寔賊寔賊有官司在不得發又大索兵器
城中不得急收鐵舟又不能亟造諸賊不得兵器

皆特長竿比至安慶敗歸王公起義兵吉安名宸
濠賊擒宸濠湖中諸逆賊至安義縣有守吏不能
走盡獲湖廣浙江以饒撫故不被賊禍公死節久
之阻於奸倖未得褒贈嘉靖改元詔公死節贈禮
部尚書謚忠烈立祠祀江西叙其子堪錦衣百戶
進正千戶武宗第一人歷官都督次陞進士第二
人歷官南京禮部尚書

尚書許忠節公

公名達字汝登固始人正德三年進士長身巨口
猿臂燕頤沉靜有謀略初為樂陵知縣流賊猖獗



他縣閉門自守或遺賊鬻粟食飲弓馬或棄城走
公募死士千人持大挺隨賊向徃突擊人馬俱
斃賊不敢近境以功陞山東按察僉事分巡遼海
東寧道禮神愛民下士詳獄邊鎮懷輯陞江西副
使時宸濠蓄逆基檮內外構結莫敢誰何公每繁
其黨引法批繩窮其羽翼又密勸巡撫孫公先發
後聞孫公以爲不可使賊反有名然亦重奇公凡
規防機宜悉與公議宸濠反公不屈曰孫都堂朝
廷大臣不得輒無禮宸濠併縛公且問公何言公
罵賊言天無二日我惟有赤心肯從汝反汝反萬

段碑汝汝悔無及宸濠遂呼賊推二公出公顧孫
公曰早聽我言當不至此益罵賊不絕口至惠民
門挺立賊刀斫其頸屹不動賊衆共摧抑令跪竟
不得一跪遂死公父家居閩江西有變殺都御史
副使二人即爲位易服哭人惟問故父曰副使必
吾兒也吾兒素有此志令果然矣嘉靖改元贈副
都御史加贈禮部尚書謚忠節立祠祀公官其子
瑒錦衣百戶進正千戶武舉進指揮同知錦衣
論曰王公守仁才高學邃兼資文武近世名卿鮮
能及之特以講學故衆口交譽蓋公功名昭揭不

可蓋覆惟學術邪正未易詮測以是指斥則讒說
易行媚心稱快爾今人咸謂公異端陸子靜之流
嗟予子靜豈異端乎以異端視子靜則游夏純於
顏曾而思孟劣於雄況矣公所論叙古本大學則
言傳習錄諸書具在學者虛心平氣反覆融玩久
當見之孫從許二公非慷慨死事而已寧庶人
未反時二公日夜爲防奸遏亂計自分必死即死
所畫城戍調兵食足以滅賊二公死忠憤貫天日
士民爭奮義兵四起王公又能不顧九族身任其
事不踰旬朔卒平大難宣德樂安之變有如公三

人者景陵無羈勒之勞矣

皇明名臣記第二十八卷

子履準校

孫心材重校



皇明名臣記第二十九卷

吾學編第五十

少卿黃公

海鹽鄭曉

公名鞏字伯固莆田人弘治十八年進士推官德安府陞主事刑部清勤讀律傳經義決獄平掌十三司讞牘陞員外郎改兵部歷車駕職方郎中內艱服除會康陵北巡人心危疑或沮公行公題書屋曰石田茅屋爲生太抽鴟夷馬革自許何愚衆不能沮竟北上補武選正德十四年春上將南巡時寧庶人久蓄逆謀蕭敬朱寧張銳在司禮錦



皇明名臣記第二十九卷

吾學編第五十

少卿黃公

海鹽鄭曉

公名鞏字伯固莆田人弘治十八年進士推官德安府陞主事刑部清勤讀律傳經義決獄平掌十三司讞牘陞員外郎改兵部歷車駕職方郎中內艱服除會康陵北巡人心危疑或沮公行公題書屋曰石田茅屋爲生太抽鴟夷馬革自許何愚衆不能沮竟北上補武選正德十四年春上將南巡時寧庶人久蓄逆謀蕭敬朱寧張銳在司禮錦



衣東廠與庶人交通江彬又握動兵在上左右
公卿交疏不聽兵部司屬倡諸司上疏諫公曰
上巡遊本起彬誘惑彬方席寵擅兵無敢斥言彬
吾不可舍彬爲文語恐 上不悟獨疏六事其略
曰陛下臨御以來祖宗之紀綱法度一壞于逆瑾
再壞于佞倖又再壞于邊帥之手至是將蕩然無
餘矣天下知有權臣而不知有陛下寧件陛下而
不敢忤權臣陛下弗知也亂本已生禍髮將起竊
恐陛下知之晚矣試舉國治六事於今爲最急者
陳之其一曰崇正學嘗聞先儒周敦頤有曰聖人

定之以中正仁義而主靜立人極焉又曰吉凶悔
吝生乎動吉一而已動可不慎乎故惟聖人爲能
主靜惟君子爲能慎動仰惟陛下聰明天縱有古
帝王之資然其所以盛遊無度流連忘返者無乃
動之過乎論思勸講之臣職在格心於是乎不能
辭其責矣伏望陛下高拱九重凝神定慮屏紛華
斥異端遠佞人招延故老咨訪忠良可以涵養氣
質薰陶德性而聖學惟新聖政自舉矣其二曰通
言路嘗聞言路者國家之命脉也言路之通塞國
家之治亂係焉切見近時臣僚奏牘間或言及時



政往往匿不以聞其或事關權臣則又留中不出而中傷以他事夫古之明主導人以言用其空言而顯其身後世則不然不用其言而反斥辱焉今則又不然不使其以言獲罪而以他事獲罪由是雖有安民長策謀國至計無因以達于九重之前雖有必亂之事不軌之臣陛下無由而知之矣天下烏得而不亂哉伏望陛下以從善爲心以聞過爲明廣聞言路以作士氣不責以出位不加以好名如此則忠言日進聰明日廣雖亂臣賊子亦將有所畏而不敢肆矣其三曰正名號嘗聞孔子有曰

名不正則言不順言不順則事不成禮樂不興刑罰不中民無所措其手足凡以名不正之故也陛下近日以來無故自稱爲威武大將軍太師鎮國公遠近傳聞莫不驚疑竊歎以爲惟事陛下聰明智勇上嘉唐虞下樂商周何所不至顧乃自輕如此本宗廟社稷何夫陛下自稱爲公誰則爲陛下者天下不以陛下事陛下而以公事陛下是天下皆公之臣而非陛下之臣也伏望陛下即日削去鎮國公等名號以昭上下之分以明示天下之人庶幾體統以正而朝廷自尊矣不然古之天子亦



有號爲獨夫與欲爲匹夫而不可得者竊爲陛下懼焉其四曰戒遊幸嘗聞大禹曰罔遊于佚罔淫于樂周公告成王毋淫于觀于佚于遊于田春秋譏觀魚終綱目書巡者二十九皆譏也陛下始時遊戲不出大庭馳逐止于南內論者猶謂不可既而幸宜府幸大同幸太原幸陝西榆林諸處所至費財勦冢郡縣騷然至使民間一夫一婦不能相保陛下爲民父母何忍使民至此虧損盛德貽譏萬世陛下自視爲何如主也近者復有南巡之命南方之民爭先挈妻子避去者流離奔踣救怨而

不敢言即今江淮之饑父子兄弟相食天時人事如此加以休息愛養尤恐不支况又重以感之其何不流而爲盜賊速而爲流亡也哉奸雄窺伺待時而發變生在內則欲歸無路變生在外則望救無及陛下斯時悔之晚矣彼居位大臣用事中官親聽羣小皆欲陛下遠出而後得以擅權自恣乘機爲利也其不然則亦袖手旁觀如秦人視越人休戚不相涉也夫豈有一毫愛陛下之心哉彼誠愛陛下者獨忍使陛下馳逐蒙塵而莫之救止也伏望陛下深推往事之非翻然悔悟下哀痛罪已

TIFFEN Color Control Patches



之詔與民更新罷南巡撤宣府行宮示不復出發
內帑以賑江淮之饑散邊軍以歸卒伍斥不御之
女以各還其家雪既往之謬來收既失之人心如
是則尚可爲也其五曰去小人嘗聞開國承家小
人勿用自古小人用事未有不亡其國而喪其身
者也謹按今之小人簞弄威權貪圖富貴者寔繁
有徒至于首開邊事以兵爲戲使陛下勞天下之
力竭四海之財傷百姓之心至今紛紛未已者則
江彬之爲也彬本行伍庸流兇狠傲慢誑無人臣禮
臣等但見其有可誅之罪而不見其有可賞之功

今乃賜以國姓封以伯爵托以心腹付以提督京
營之寄此養亂之道也彬外挾邊卒內擁兵權騎
虎之勢不亂不止天下之人切齒唾罵皆欲食彬
之肉彬不誅天下之亂必自彬始陛下亦何惜一
彬以謝天下哉伏望陛下大奮乾剛將彬下諸廷
議明正典刑以爲奸邪小人迷亂之戒其六曰建
儲武嘗聞漢人有言曰太子天下本本一搖則天
下震動夫有本而搖天下猶震動况于無本其何
以安洪惟陛下春秋漸高前星未耀祖宗社稷之
託懸懸乎無所終於寄方且遠事親遊屢犯不測



之區此必危之道也陛下徒知收置義子布滿左右獨不能豫建親賢以承大業臣以爲陛下殆倒置也伏望陛下早及是時將近時羣臣建儲章疏通行檢出宜付皇親勳舊及在廷文武大臣共圖大議即於宗室中遴選親賢一人養于宮中使視皇子以繫四海之望待他日誕生皇子之後俾其出就外藩如此則總體有人國本以固寔宗社無疆之休惟聖明留意車駕員外郎陸震見公疏即碎已疏草曰願同署名進疏入二公自分必死彬彬見疏果大恨必欲殺二公縛下詔獄錮校于廷五

日三訊杖百餘坐繫逾月隱名公體最羸衆咸痛公必死乃死得甦震竟死當是時海內盛傳公疏公歸杜門著述家素貧客至留飯或至日中未舉火貸未鄰家恬不屑意嘉靖改元召爲南京大理寺丞未幾卒無子贈大理少卿公嘗曰人生仕至公卿大都三四年惟立身行道斯千載不朽世之人願以彼易此何邪公況敏好學雖疾病支離手不釋卷詩文清粹和婉自成一家震字汝亨蘭谿人正德三年進士爲江西太和知縣有善政去之日民立祠祀爲武庫主事 孝貞皇后喪 武



宗自宣府奔喪歸又復欲出震抗疏諫 上怒罪且不測幸諸大臣力救得免陞車駕員外郎杖於廷死矣復題書與諸子曰吾筆亂神不亂也竟以創故卒卒後三年贈太常少卿子體仁廕國子生爲通政知事是時諫而杖死者贈主事何遵劉校尚寶卿主事林公鑑行人司副余廷瓚太常寺丞刑部照磨劉珥部主事行人詹賦劉崇孟陽李紹賢李惠王翰監察御史各廕子姪一人入國子監嘉靖初禮部主事任瑜上疏曰正德間給事中御史挾勢凌人趨權擇便交遊貴仗飲宴園亭凡朝

廷大闕失羣臣大奸惡緘口閉目不復救正一時犯顏敢諫視死如歸或拷死廷闕或流竄邊隅者皆郎中員外主事評事行人庶吉士等官又張英本一武夫入諫就死行道悲傷諸給事中御史揚揚出入若罔聞知今幸 聖皇馭極褒恤忠諍此輩更無面目復立清明之朝章下吏部竊張英者京衛指揮使聞 武宗南巡挾一刀囊土數升持諫疏當蹕道跪哭諫不允即拔刀自刎血流滿地侍衛人縛送詔獄問英囊土何爲曰恐汚帝廷酒土掩血耳殞命獄中無子嘉靖初憐其忠贈都指



揮官英弟雄都指揮

御史陳公

公名茂烈字時周莆田人弘治九年進士公先世瑞安人成籍興化遂居郡梅峰公髫年喪父繼戎役勵志過俗不與羣兒伍晝入公署夜歸讀書祖母憐其孱弱承止之乃指燈點誦不輟年十八慨然歎曰善學聖人者莫如顏曾顏之克已曾之日省豈非學之法歟作省克錄自考進士時奉使廣東師事白沙語累日甚喜白沙曰學須靜一退作靜思錄爲吉安推官持大體剛至誠通以民彝之

整家利寡婦財誣許婚斷後守志夫制悍妻姪有娠妾既生子歸承其業族人爭之驗與姊類爭者媿服時郡守嚴擊強豪徐朝以寬當道尚深刻徐開解得寬霽信乎上下考績歸至淮乏寒具凍幾死爲監察御史袍服朴素騎牝馬身若無官有尚書子受賂崔志端以道士起家根植自固言者屢劾不動公劾尚書去崔竟留遂以母老乞終養母力供甘旨短床敵席不辦一蚊帳身治畦一蒼頭給薪水出則自執小油葢妻子服食粗糲一女適彭惠安孫輔嫁具涼薄皆人甚不堪者公泰然



各目訓
自足日坐斗室究極五經四書之旨體驗身心隨
得隨錄常曰備有向上工夫詩文特土苴耳正德
中吏部以公養母清苦奏改爲晉江縣學教諭資
其祿疏辭不拜既又授侍郎濬禮例奏給月米

上嘉陳茂烈清苦令有司月給米三石資孝養又
辭曰陛下隆孝理之化長清白之風下逮微臣亦
荷叔恤豈獨臣一家之幸而已第念臣家素貧寒
食本儉薄故臣母自安于臣之家而臣亦得以自
遺其貧非誠有及人之廉盡已之孝也古人行備
貧米皆以爲親臣之貧尚未至是而臣母鞠臣守

貧居寡艱苦獨至臣雖勉盡心力之義竟未酬涓
滴之恩且母年已八十有六來日恐無多返哺至
情固欲自盡資養月米心竊不安奏上不允公辭
公以母年九十未有嗣息日夜爲憂方抱疾而母
卒強起號哭寢地疾轉亟卒林見素爲治殮具立
其族子遠揚爲後都御史王應鵬薦公廉約如石
守道而所養獨純孝行如徐仲車而所處尤困詔
表宅里曰孝廉恤其家見素曰陳公領悟既深而
克養益熱隱衷粹行對天地質鬼神鄉國敬服殆
黃憲管寧之流也



論曰二公清高皆首產忠潔足以明志孝廉足以存節究其用經濟才也孰非人臣孰非人子觀此能無深省乎

皇明名臣記第二十九卷

子履準校

孫心材重校

TIFFEN Color Control Patches

Blue

Cyan

Green

Yellow

Red

Magenta

White

3/Color


Black



ED 000003 NATIONAL CENTRAL LIBRARY, TAIWAN, R.O.C.



199-0000 NATIONAL CENTRAL LIBRARY TAINAN ROC





2025/08/01 NATIONAL CENTRAL LIBRARY, TAIWAN, R.O.C.

2025/08/01 479



皇明名臣記第三十卷

吾學編第五十一

太師李文正公

海鹽鄭曉

公名東陽字賓之茶陵人成籍居京師公四歲能大書景帝召見加諸膳賜寶鏹六歲八歲兩召試講尚書大義命肄京庠年十六舉鄉試天順八年進士翰林庶吉士成化元年授編修十年轉侍講十九年進侍講學士明年充東宮講讀官愛去弘治二年遷左庶子兼侍講學士四年實錄成陞太常少卿仍兼職掌翰林院事日講七年禮部侍



郎兼侍讀學士與誥勅八年兼文淵閣大學士入
內閣時占城爲安南侵授請賜誥問公曰春秋王
者不治夷狄安南雖奉正朔修職真然特險負固
積歲已久今遣官至其國徒掉寸舌小必掩過飾
非大或執迷抗命若置而不問損威已多卽問罪
典師貽惠尤大宜勿聽十年中官李廣以燒煉齋
醮被寵公與同官上疏曰我祖宗自洪武至天
順間而召儒臣咨議政事今朝參外不得一觀天
顏且經筵日講成就君德裨益治道今年歲進講
不過數日夫人君之心必有所繫不繫于此必繫

于彼正士既疎則邪說乘間而入近有以齋醮燒
煉進者此乃異端惑世之術聖王之所必禁宋徽
宗崇信道流及金兵圍城方士郭京誑稱作法卒
使乘輿播遷社稷顛覆求福不得反以致禍至若
燒煉其禍尤慘金石之藥性多酷烈一入腸腑爲
禍百端唐憲宗藥發致疾雖杖殺方士柳泌竟亦
何益今上清龍虎宮神樂祖師殿及香經廠皆焚
燬無遺神如有靈何不自保天厭其穢亦已明甚
矧災惑失度太陽無光天鳴地震草妖木異四方
奏報殆無虛日伏望嚴早朝之節復奏事之期勤

TIFEN Color Control Patches

Blue Cyan Green Yellow Red Magenta White Black
3-Color

講學之功優節下之禮遠邪佞之人斥誣罔之說
太平之業可保矣科道疏救武岡知州劉遜上
震怒俱下獄又同疏申救得釋尋召至平臺奏事
云十一年太子出關加太子少保禮部尚書召見
面議四營總兵官去留是年清寧宮災公與同官
上疏曰近年以來災異頻仍內府火災尤甚或以
爲天道茫昧變不足畏此乃慢天之說或以爲天
下太平患不足慮此乃誤國之言或以齊醮祈禱
爲弭災此乃邪妄之術或以縱囚釋罪爲修德此
乃姑息之計災惑聖聰莫此爲甚且賄賂公行賞

罰失當紀綱廢弛賢否混淆工役繁興軍民困憊
下情不達上澤不宜愁歎之聲上干和氣災異之
積正此之由時又有爲李廣乞祠額者公執不可
清寧宮成召能仁寺僧入大內慶讚公又執不可
上皆從公言十二年給事中華昶劾程敏政考會
試通私命公覆試十六年加太子太保戶部尚書
謹身殿大學士十七年祀闕里還上時政疏十八
年上不豫召入受顧命康陵即位加少傅兼太
子太傅尚書大學士如故正德元年上不親政
又與同官上疏曰近日視朝太遲免朝太多奏事

漸晚嬉游漸廣夫奢靡玩戲非所以崇儉彈射釣
獵非所以養仁鷹犬狐兔田野之物不可育于朝
廷弓矢甲冑戰鬪之象不可施于宮禁正人不親
直言不聞而此數者交雜于前臣竊憂之近六月
中風雨飄蕩雷霆震怒正殿鴟吻 太廟吞獸天
壇樹木禁門房柱摧折燒毀災異尤其惕然省悟
創身勵精庶可回天慰人不聽又與同官上疏曰
先帝頒命惓惓以陛下爲托臣竊心刻骨誓以死
報通者地動天鳴五星凌犯星手晝見白虹貫日
羣災疊異併在一時歷觀載籍偏閱古今未有如

此而不亂者且詔令廢格變易殆盡憂在于民生
固計若罔聞知事涉于近幸貴戚牢不可破或旨
從中出略不預聞或有所議擬徑行改易臣若護
頌命之名不盡輔導之責天下後世其謂臣何不
報又陳政令十失是冬加少師兼太子太師吏部
尚書華蓋殿大學士二年逆瑾擅權益恣暴尚寶
卿崔璠御史姚祥主事張偉爲通卒誣執荷校長
安門外公力救得戍邊內苑御船獵獸上疏曰今
歲自端陽後金鼓炮火聲徹都邑廐牧廝役紛克
禁廷大臣畏忌不敢言小臣震懼不敢諫不知

TIFFEN Color Control Patches



祖宗分職設官朝廷庶祿養士將焉用之伏望鑒
古道以端好尚視朝加早則炎暑不侵進膳有時
則元氣日盛三年給事中安奎御史張或忤瑾荷
校公疏救都御史楊一清逮繫至公又力救是夏
早朝有校匿名文書數瑾罪者瑾怒羣臣悉建詔
獄公又力救五年夏旱霖上疏條四事會張永發
瑾奸伏誅 上以公有反正功加特進左柱國庶
其從子兆蕃爲尚寶永上疏曰天下者 祖宗之
天下上天所付託生民所仰賴 高皇帝櫛風沐
雨十餘年而後定何其難也

高皇帝櫛風沐雨十餘年而後定何其難也

定聘貽謀二十餘年而後成何其難也 列聖相
承兢兢業業罔有怠荒 先帝顧命惟欲陛下早
嗣大位早成大婚光前裕後行無疆之澤 聖慮
所及何其深且遠也臣願念上天付託者重思
祖宗授受者隆體生民仰賴者切每于朝奏講讀
之暇安處宮闈溥施恩澤起居以節游豫以時保
養天和培植國本則六氣莫能侵百邪不敢近矣
不報七年流賊數十萬殘破半天下賊就平 上
以公有功加磨一子錦衣指揮辭 上以京軍不
習戰陣欲調邊軍衛京師公疏陳十不便不聽遂

名臣錄 卷之三十一
五十一
乞休卒年七十贈太師諡文正公慧悟夙成文章
流麗代言敷奏明暢爾雅又能獎進才雋推挽聲
譽風胡所漸人皆嚮附事太陵稱忠勤康陵時周
旋曲濟保護善類清謹弗渝休休不專政歸卿寺
人顧思之

太保楊文襄公

公名一清字應寧雲南安寧州人父徙巴陵又徙
丹徒年八歲以奇童薦入翰林為秀才成化八年
進士為中書舍人結交海內名士文章益有名從
學者日衆出為提學歷山西陝西僉事副使陞提

督四夷館太常少卿南太常卿弘治十五年劉忠
宣公言馬政廢壞陞副都御史督馬召詰闕而授
勅行明年拜理茶馬鹽馬陝西人素喜公公官益
高才益展布條上茶鹽監牧事宜及易置馬吏奏
請輒允牧事有成益開水草善地起城堡廬舍河
湟涼固間雲錦成羣十七年虜入花馬池塞十八
年勅公經略邊務兼巡撫陝西禦虜虜遁去正德
元年改總制三邊兼理馬政是年陞右都御史公
疏言陝西各邊延綏城堡據險寧夏其肅河山阻
隔賊雖侵犯為患猶淺惟花馬池至靈州一帶地

里寬沒城堡稀疎兵力單弱一或失守虜衆奔趨
而入犯我環慶寇我固原深入我平鳳臨鞏其間
漢土雜處僮兵連禍結內變或因之而作根本動
搖誠非細故此所謂膏肓之疾腹心之害也成化
初年北虜在套彼時未有邊牆志肆出入已而得
巡撫寧夏都御史徐廷璋修邊牆二百餘里開濬
溝塹一道延綏地方邊牆塹塹又得巡撫都御史
余子俊修濬完固北虜知不能犯不復入套者二
十餘年世人玩邊備稍疎塹既日薄溝又日淺
弘治十四年大虜由花馬池拆塹而入戕破內郡

虜人得志始蔑我邊牆爲不足畏連年擁衆拆入
我軍動輒失利寧夏鎮巡屢奏乞築塹濬塹提督
軍務都御史史琳又乞於花馬池鞏州設立營衛
兵部奏下總制尚書秦紘紘止添修四五小堡及
於靖虜至環慶地方挑挖邊塹一道七百餘里自
謂可無虜患弘治十七十八年冬虜復大舉仍自
花馬池清水管拆塹深入紘所修邊塹營堡不能
捍禦阻遏攻陷清水管殘破花馬池上屢宸慮勅
臣經理臣閻芳歷官陝西有年虜情邊事頗嘗究
心但腹裏頻年旱荒倉廩空虛饋餉不繼虜軀動

號數萬倏聚忽散未至而廣徵士馬刺徒費弱
既至而調兵應援則緩不及事縱使大兵既集務
速則彼或不來持久則我師先老恐終無以伐其
深入之謀沮其方張之勢嘗聞防邊之計莫危於
戰莫安於守臣恐坐談不如親見自慶陽環縣延
綏定邊寧夏花馬池興武清水營直抵靈州一帶
邊城堡墩臺躬親閱視廣集衆思兼收羣策參
酌損益始有定論其大要有四修濬墻塹以固邊
防增設衛所以壯邊兵經理靈夏以安內附整飭
鞏州以遏外侵當務之急莫先於此但陝西財賦

民勞修邊之役人多異議然利害有重輕關繫有
大小大事可成則小費不足計速效可圖則近怨
不足恤此臣區區犬馬一寸之忠也今之河套即
周之朔方漢之定襄赫連勃勃統方城也唐張仁
愿築三受降城置烽墩千八百所自是突厥不敢
踰山牧馬朔方無寇歲省費億計滅鎮兵數萬受
降遠在河外古之舉大事者未嘗不一勞而後永
佚類如此受降據三面之險當千里之蔽正統以
來浸失其險會受降而衛東勝已失一面之險又
輟東勝以就延綏則以一面之地遮千餘里之衝



遂使河套沃壤爲虜甌脫某穴其中深山大少
顧在彼而寧夏外險反南備河此陝西北虜之患
所以相尋而莫之能解也茲欲復守東勝因河爲
固東接大同西接寧夏使河套方千里之地歸我
耕牧開屯田數百萬用省內運不然則陝西用兵
殆無虛日八郡之人疲於奔命民窮盜起禍將何
極及今將延綏寧夏一帶邊防設法整飭賊來有
以待之雖非上計猶愈於無策醜虜聞知或數十
年未敢輕犯我得休養生息東勝之議未必終不
可復也世之論邊事者或專主於戰伐臣亦非敢

忘戰者方將蒐選官軍策勵將士修車馬備老
儲糧糧明斥堠今冬虜賊若復侵犯謹當督率諸
將恭行天罰成功在天臣不敢必凡所當爲臣不
敢避今首以築牆挑塹爲言宜必增益多口但受
恩深重自當爲國遠圖今年套內無賊腹裏有秋
人民稍安正可有爲之日應合經理邊防事宜條
奏伏望 聖明俯垂省覽下兵部議勅公經理二
年公言臣即兼巡撫已不能專力馬政今冒總制
事益廢閣乞仍遣巡茶御史兼馬政是年引疾東
歸理惡公已又逮詔徵長沙力救得釋兵部聽言

萬曆二十五年
九



卷之三十一
一清修邊纔有端緒而去凡糴餉費銀十餘萬兩起戶後銀十六萬兩及諸犒勞藥餌轉運木石皆一清精神運用計慮周悉今付之新任撫臣意有異同事無絀紀恐徒費財靡益邊務乞遣大臣專理議上兵部右侍郎文貴右副都御史張龔陝西巡撫副都御史曹元乞簡用瑾意不欲修邊內批罷後銀等大銀解京寧竟止五年安化王反寧夏召公總制陝西延綏寧夏并涼各路軍務同太監張永討賊兵纔至陝仇欽已擒賊公謂永曰藩室亂易除國家內變不可測奈何永曰何謂公曰公

豈一日忘情願無能為公畫策者遂促席手書瑛字永曰渠日夜在上傍上一日不見渠不樂今其枝附已成耳目廣矣奈何公曰公亦天子信幸臣今討賊不付他人付公上意可知公試班師入京說言請上問語寧夏事上必就公問公於此時上寘鑄偽檄并述渠亂政凶狡謀不軌海內悉怨大亂將起上英武必悟且大怒瑾瑾誅柄用公益矯瑾行事呂強張永素登公千載三人耳永曰即不濟奈何公曰他人言濟不濟未可知言出公必濟顧公言時須有端緒且委曲上



萬一不信公頻首請死願死 上前卽退嗟沒又
餒狗又涕哭頓首得請卽行事無緩頃刻漏機事
禍不旋踵永勃然作曰老奴何惜餘年報 王乎
已而永入京詩見如公策竟誅瑾永力薦公才望
長沙又薦公召入戶部尚書尋加太子太保六年
改吏部尚書中原盜起公上平賊十一策賊平加
少保兼太子太保公在吏部時給事中王昂劾吏
部謫官公疏救御史五洋劾內閣謫官公疏救雲
南陝西鎮守太監添奏延按御史張璞劉天和王
廷相逮下詔獄公又疏救十年入內閣加少傳太

子太傳大學士武英殿尚書如故公不屑曲謹以
故被劾去歸丹徒嘉靖初遣使存問大禮議起公
見永嘉疏曰張生此論聖人復起不能易也張桂
向用力薦公嘉靖四年虜大入塞擾關隴起公兵
部尚書兼憲職提督軍務陝西未幾召入內閣首
薦起餘姚鉛山遂請老公亦請老尋加公少師改
華蓋殿 上憐公老令朝朔望公復銳意修邊及
選將練兵屯田防虜 上亦用公言竟中止公惡
武定侯助橫騎諷御史趙鍾劾助奪勳後府及園
管八年秋公計去張桂霍韜曰議大飛者吾輩二

四人張桂去且及我急上疏列公罪二十四
上立召承嘉還內閣俄朱繼宗獄起坐公受張容
金錢名請承誌又輒與容指揮世錦衣 上又憐
公大臣老不問言官劾上削籍明年疽發背卒繼
孫元授詔請復公官公生而隱宮貌類寺人學
博才雄善調停慮變濟務尤曉暢邊事羽檄旁午
一夕十疏口占措授悉中機宜又好汲引人人或
嘗已頗揚薦之一時俊達喜功名者亦爭趨其門
嘉靖二十七年贈太保謚文襄

太傅席文襄公

公名書字文同進寧人弘治三年進士初知劍城
興水利開荒萊興學御盜皆有條績召工部主事
造舟淮浦財貨清嚴作漕船志紀因革利病傳以
已意改戶部時雲南晝晦五日勅大臣考雲貴諸
吏公疏言致災之由係朝廷不係雲貴在大臣不
在庶僚條上時事千言陞河南按察僉事勤賊正
經界禁工役騎豎宗藩莫敢撓阻兼理盧鳳會歲
饑請漕臺京粟賤宜截漕粟賑糶積舟車貴又數
萬皆可易銀轉京庫又便得截粟四十萬石饑民
大濟正德四年副使提學貴州延王



校五年入賀京道逢楊文襄曰曩見子河南鄉試
治河策善貴州不足煩子河事大治河宜子楊入
吏部遂薦公河南叅政領河事會外艱竟不及治
河去八年按察使浙江擒治豪右逐貪酷吏釋冤
獄臬政一新十二年右布政使雲南勦寇益搆亂
土舍轉左福建閩宸濠反衆觀望公發庫金募兵
二萬討賊嘉靖改元之歲陞副都御史巡撫湖廣
擒奸豪荒三虎者除民害長沙守貪酷巧附麗公
按坐譴戍吏民畏服元年陞南京兵部侍郎時江
淮南北大饑奏截漕粟五十萬石給軍餉戶部方

議發帑賑會公奏至請亟賑又條上賑法一言江
北四郡饑最甚江南八郡蘇松常鎮次之徵寧池
太又次之廷中方難得人往賑見公疏喜請以賑
事付公公賑有法欽郡縣銀米數并截漕粟戶部
賑銀量饑重輕爲多寡大抵專設粥以故侵冒者
少全活數十萬逾兩月人稍蘇古人言救荒無善
政舍此更無長策卽有死者饑餓疾疫羣聚轉滌
勢不可奈何顧所活者多死者無露齒鬻鬻當是
時大禮未定桂文襄上疏并錄公及方文襄疏同
封進上得覽喜急徵入京言官遂劾公賑事奪

TIFFEN Color Control Patches



法公亦疏辭召尋本生詔下停召公禮部
內傳下言官又交劾并劾賑乾沒銀八萬兩三法
司戶部出案 上曰衆且中傷書再遣司禮監官
事得白益遣使促公公至改稱考 獻帝伯考

孝宗將下詔令公議詔條公曰即開條濫恩赦正
德諸弊政不可遏力言不可召至左順門傳問可
否又力言不可遂止公尋檢姚崇要說上圖新政
十二事御史蓋田劾公自比姚崇比 上玄宗大
不道公乞罷不許荆田稱大同軍叛公薦一清守
仁討賊時相方主撫議不果又議世廟街宜避太

廟及禮樂宜選減於太廟者四事上大禮集議恭
要六卷五年 獻帝實錄成進少保時公目失明
薦羅欽順自代修明倫大典公總裁六年加武英
殿大學士賜第給俸留京師三日卒贈太傅謚文
襄第春吏部侍郎

太師張文忠公

公名孚欽初名璉字兼用永嘉人七試禮部正德
十五年始得舉進士明年嘉靖改元賜進士時議
大禮未定公上疏爲 上極言父子之倫不可奪
衆不悅是年冬授南京刑部主事嘉靖三年再



疏 上召與衆廷議竟如公說陞翰林學士因
進廟議陞詹事兼學士五年陞兵部右侍郎轉左
進謁廟議及奉安 獻皇帝神主儀六年兼翰林
學士進大禮要略命修明倫大典是年八月詔訊
李福達獄署都察院事公卿臺諫郎署多得異議
成削籍福達竟脫死十月陞禮部尚書兼文淵閣
大學士入內閣賜銀圓書二忠良貞一繩愆弼違
公遂奏革鎮守內臣清勘皇親庄田七年加太子
太保辭遂再加少保 上享 太廟見公喜賜詩
稱公貌奇才傑進姚溪書院集賜書院名貞我六

月明倫大典成加少傅兼太子太傅吏部尚書諱
身殿大學士 章聖太后賜金緞建議請嚴宣諭
杜私謁重制誥平濬賊定服制應制陳言曰審幾
徵專委任惜人才求民隱八年勅重修大明會典
是年與桂文襄不相能八月降勅諭百官並勒致
仕公至天津召還九年有四郊之役知營建事修
祀儀成典進郊祀議又請做古立九嬪以廣儲嗣
又正孔子祀典去王號以名與 上名嫌請更名
上改名字敬字懋恭十年雷震午門西樓致仕十
一年召還三月加兼太子太師進華 諡少傅

書如故八月又致仕十二年四月召還十三年
少師餘官如故命有司爲作實錄棧十四年病乞
致仕十五年命錦衣千戶視病論疾愈還朝至舟
疾作歸再起至金華疾又作歸 獻皇后崩之歲
卒年六十五贈太師謚文忠詩文簡曰公天性孝
友氣度朗豁博極羣書奇偉迥特非時俗庸淺所
能揆測及當事濫致執法以性剛觸不同遭遇
聖王建明大禮乃知殷宗思治夢帝養傳周宣中
興嶽降生申有由然也

論曰余見學士大夫多督李公

東陽

豈其然哉豈

其終哉文正爲政值奸凶隕名毀迹保護善類卒
之日諸門生故吏歛金錢爲葬具不一二年家人
不免於凍餒余嘗過其門蕭然四壁不足當近日
輔臣一宴會之費楊公一清文武兼資處瑾承張
桂間固有深意非直任權術其濟不濟命也席公
書 早自修檢才詣學識又足展其志意所至注措
有善譽張公字敬 晚年發憤抗朝議受知 聖明
得柄用攬才俊謝苞苴孤立行一意元侯中賞載
最歛東要亦有以服其心矣

聖明名臣記第三十卷終

子履準校

孫心材重校

遼國臣記叙

高皇帝親賢好士砥礪英豪雖巖亂尚嚴成行罔貸而冰霜雨露實均造物之心天下鼓於向往建文繩武敬體益敦人重名節士惜廉耻試觀華除遺事當時死義之臣何多考書契以來未有盛於此者也

文皇仗義周公師陳江上金川不守本

高皇帝親嫡子豈易姓比况英毅懿達遠邁建文使智如管仲以忠

高皇帝者忠



聖明名臣記第三十卷終

子履準校

孫心材重校

遼國臣記叙

高皇帝親賢好士砥礪英豪雖巖亂尚嚴成行罔貸而冰霜雨露實均造物之心天下鼓於向往建文繩武敬體益敦人重名節士惜廉耻試觀華除遺事當時死義之臣何多考書契以來未有盛於此者也

文皇仗義周公師陳江上金川不守本

高皇帝親嫡子豈易姓比况英毅懿達遠邁建文使智如管仲以忠

高皇帝者忠



文皇他日齊名楊震亦無不可胡乃耳怡於赴電
取適於捐生宗嗣奄滅而守不移朋屬既殲而
心不動精金以百鍊益助長河雖萬折必東壯
烈過鬼神血誠貫天日方陳暴饑之節尤爲皎
皎而周景諸公相時委曲終完大義他若知名
無考有迹無名者不可勝數又寧無名迹俱泯
詩不見於賦眉幾豫決於色舉者乎蓋自推戴
留名外人人皆息豫讓矣此其浩然天植夫豈
聞彼伯夷古稱商家一代之人心風俗下竊謂
高皇作人之化更爲過之書曰既歷三紀世變風

移

高皇憂夷爲華誕敷文德茲方三紀而養士之報
若此自是以後四十八年乃有己巳之變去戊
申八十餘年德教愈深宜有文丞相李侍郎者
光我中華盛於建文可也於時死緩授命之士
寂無聞焉豈人不古若建大相異乃爾耶夫平
時危言潔行與臨難抗節死忠其致一也已已
以來又百二十年廷臣危言潔行固多可表求
其格心善俗歷歷如漢長孺唐韓休宋田錫歐
陽修者殊未易得即得之未安於位也度之於



難祭可知矣嗚呼人才關氣運之盛衰士氣
人才之隆替翁故許遜國諸臣以附名臣不惟
彼之不可泯亦見此之不可忽有風教之責者
庶其感動於斯也時
嘉靖丙寅初秋朔進士鄭履淳謹叙

建文遜國臣記目錄

第一卷

魏國公徐輝祖

文學博士方孝孺

兵部尚書齊太

太常卿黃子澄

刑部侍郎張昺

按察僉事湯宗

燕府長史葛誠

燕府伴讀余逢辰

兵部尚書鐵鉉

吏部尚書張統

禮部尚書陳迪

刑部尚書侯太

刑部尚書恭昭

第二卷

都指揮謝貴

都指揮馬宣

大寧守將卜萬

都督孫岳

都指揮宋忠

都指揮彭聚

都指揮莊得

都指揮楚智

指揮王資

指揮趙諒

都指揮彭二

都指揮朱鑑

都督廖鏞

都指揮瞿能

都指揮余瑛

都指揮孫太

都指揮陳質

都指揮卓旗張

指揮崇剛

指揮宋瑄

指揮張倫

衛鎮撫楊本

所鎮撫周拱元

衛鎮撫曾濬

千戶倪諒

第三卷

禮部侍中黃觀

戶部侍郎卓敬

戶部侍郎郭任

兵部侍郎陳植

刑部侍郎胡子昭

御史大夫景清

吏部侍郎毛太

戶部侍郎盧廻

禮部侍郎黃魁

兵部侍郎徐屋

御史大夫練子寧

都御史茅大芳



都御史陳性善

大理少卿胡閏

太常少卿盧原質

太常少卿廖昇

大理寺丞鄒璋

大理寺丞劉端

大理寺丞彭與明

左拾遺戴德彝

第四卷

開國公常昇

越雋侯俞道淵

駙馬都尉梅茂

長興侯耿炳文

駙馬都尉耿璿

潯城侯李堅

安陸侯吳傑

歷城侯盛庸

江陰侯吳高

都督耿璘

都督劉貞

都督趙清

都督楊文

都督徐凱

第五卷

翰林修撰王叔英

翰林編修王良

翰林編修程濟

衛府紀善周是修

給事中陳繼之

給事中韓永

給事中黃鉞

給事中龔太

監察御史曾鳳韶

監察御史董備

監察御史葉希賢

監察御史魏冕

監察御史王度

監察御史甘霖

監察御史高翔

監察御史王彬

監察御史鄭公智

監察御史韓郁

參軍斷事高巍

行軍斷事錢芹

戶部主事巨敬

國子博士黃彥清

宗人經歷宋徵

欽天監副劉伯完

按察使王良

參政鄭居貞

按察副使程本立

按察僉事胡子義

按察僉事林嘉猷

知府葉惠仲

知府王璉

知府姚善

知府徐安

知府黃希范

知府孫鎮

知府陳彥回

谷府長史劉璩

遼府長史程通

知州蔡運

知縣顏伯璋

知縣鄭恕

理問徐讓

縣丞劉亨

縣丞衛健

教授陳思賢

教諭王省

主簿唐子清

吏目鄭華

典史周縉

典史黃謙

盧振

牛景先

周璠

謝昇

雙翎

松江同知

生員高賢寧

儲福

舉人劉政

第六卷

某部郎中梁田玉

中書舍人何申

中書舍人郭節

梁中節

郭良

河西備

中書舍人梁良玉

中書舍人何和

梁良用

何淵

雲庵和尚

川中補鍋匠

第七卷

馮翁

戶部尚書王鈍

侍郎學士王景

大理少卿薛崑

國子祭酒張顯宗

翰林侍讀唐愚士

翰林侍書宋懌

監察御史尹昌隆

按察會事葉砥

東湖樵夫

工部尚書嚴震直

侍郎學士董倫

少卿學士高遜志

侍講學士王達

翰林侍講樓璉

尚寶司丞李得成

國子博士王紳

知府劉有年

TIFFEN Color Control Patches

Blue Cyan Green Yellow Red Magenta White Black

ColorChecker 3000

典史魏澤

衛卒羅義

第八卷

都督平安

都督寧忠

都督清忠

都督寰宇

都督楊松

都督馬溥

都督陳暉

都指揮房昭

都指揮唐禮

都指揮孫狗皮

都指揮葛進

太監吳亮

建文遜國臣記目錄終

建文遜國臣記第一卷

吾學編第五十二

海鹽鄭曉

文皇即位之歲八月得建文時羣臣封事千通命解縉等檢閱凡言兵食事宜者留覽其詞涉干犯者悉焚不問

建文四年十一月都御史陳瑛請治建文諸死事臣文皇曰彼食其祿自盡其心爾勿問又曰諸臣盡忠于太祖故盡忠於建文但惡其導誘建文變亂成法耳

永樂十一年正月勅法司解建文諸臣禁令



十四年論法司奸惡齊黃等違親未拿者悉宥來告者勿理

二十一年十一月劄論禮部尚書呂震盡赦諸死義家於是稍稍有言建文時事者諸死義家人亦稍復還廬里

吉木人切錢習禮為練子寧姻為寧家所持習禮惶急揚榮為白 上上欣然曰使練子寧在朕固當用之况習禮乎

仁宗即位之歲十一月劄論禮部尚書呂震曰建文中奸臣正犯悉受顯戮其家屬初發教坊司錦衣衛浣衣局習匠功臣家奴今有存者既經大赦並宥為民給還田土

洪熙元年 仁宗撰長陵碑文稱建文君雖追廢猶書其沒曰崩當其在位猶尊之曰朝廷又論羣臣曰若方孝孺輩皆忠臣詔從寬典於是天下始敢稱孝孺諸死義為忠臣云

曆皇復辟之年釋建庶人吳庶人繫令自便

吏部侍郎楊守陳曰國可滅史不可滅我 太祖定天下即命儒臣撰元史靖難後史臣不紀建文君事遂使建文數年朝廷政事及當時忠於所事

者湮沒不傳及今采輯尚可補國史之缺草奏欲
上以病不果

南京吏部侍郎儲璫曰方正學一時諸公必不可
泯又曰永樂初節行之士尤見志尚所在某不自
揆念其忠於所事嘗欲蒐其遺事稍發其潛

弘治中台人繆恭學古行高晚年走京師上六事
其一紀絕屬請封建庶人後爲王奉祀懿文太子
通政司官見恭奏大駭罵恭釐子何爲自速死繫
恭兵馬司獄劾上待命竊 敬皇明聖詔勿罪放
恭還鄉

弘治中給事中全豁吳世忠請表祠方孝孺周是
修練子寧黃子澄鄒瑾魏冕顏伯璋齊太諸死義
者

嘉靖十四年給事中雲南楊傑請表揚建文諸忠
臣下禮部議議未上 今皇帝因召對禮官問曰
昨給事中言建文諸臣事云何及言對曰諸臣誤
君亂國先朝誅極豈宜褒錄 今皇帝色變曰言
官得無誦朕言對曰言官本書生初入仕聞人言
建文諸臣死事時甚烈以故輒爲陳說耳 今皇
帝色霽明日上議亦不罪僕

魏國公徐輝祖

徐輝祖中山王長子初名允恭太祖賜名輝祖
身長八尺五寸洪武二十一年嗣魏國公二十六
年遣諭北平昉胡明年練浙江海上兵昉倭二十
九年會禮部翰林院試國子師生第優劣移吏部
錄用輝祖嘗侍懿文太子學通經書大義從唐
希元學書善大字戊寅閏五月建文君即位特見
信任八月兼太子太傅靖難兵起與齊黃盧恨張
昂若誠通謀議督諸兵北進屢有功召還靖難兵
至江上輝祖及開國公常昇分道出師禦戰將士

往往離散不肯向敵遂還京文皇即位勒罷尋
幽繫永樂五年輝祖卒年四十上曰輝祖與齊
大革罪同宜論死朕念中山王平定天下有大功
於國家曲赦輝祖今輝祖病死中山王功不可無
後令輝祖子嗣魏國公通給中山王歿後祿輝祖
長子釋迦保見上賜名欽嗣魏國公遂乞守墓
上怒謫居中都二十二年卒中山王四子次添福
增壽緒長女文皇后次代王妃次安王妃增壽
素通欵於北平壬午秋靖難兵入金川門建文君
手刃增壽於左順門廡下是年贈謚武陽忠愍侯

永樂二年贈定國公子景昌嗣

文學博士方孝孺

方孝孺字希直一字希古台寧海人父克勤元末隱居園初守濟寧有惠政孝孺幼精敏絕倫雙眸炯炯日讀書積寸為文雄邁醇深鄉人呼為小韓子年十四五侍父宦遊齊魯間歷覽孔子周公廟宅間迺悲舞等所在從宋濂游同門多天下名士一旦盡出其下先輩如胡翰蘇伯衡皆自謂弗如孝孺顧末視文藝恒以明王道開異端為己任進修所詣月異而歲不同世咸以為程朱後出管臥

病絕糧家人以告笑曰古人三旬九食窮豈獨我哉洪武十五年以吳沉揭傒薦召見上喜其來

動端整謂皇孫曰此壯士當老其才輔汝遣還鄉會使宋得罪詞連孝孺籍其家械送闕下上議

孝孺名特開釋令奉祖母孺妻子還二十五年又薦召至上曰今非用孝孺時稍擢漢中府學教

授日與諸生講明聖學蜀獻王聞其賢聘為世子師孝孺每見必陳說道德王喜甚講經論文無虛

日為名其讀書之廬曰正學皇太孫即位初廷臣交薦召為翰林博士進侍講尋陞侍講學士督董

TIPPEN Color Control Patches



倫侍經筵備顧問孝孺德望素隆一時倚重凡將
相大政議輒咨孝孺上好讀書每有疑即召使
講解臨朝奏事臣僚面議可否必命孝孺就殿前
批答孝孺嘗作書事詩曰斧戾臨軒几硯開春風
和氣滿龍顏網聽天語揮毫久携得香煙兩袖還
又曰風軟彤庭尚薄寒御爐香遠玉闌干黃門忽
報文淵閣天子有書召講官時大召名儒修太
祖實錄及類要諸書孝孺爲總裁會改謚身殿名
正心孝孺獻銘作授命神寶孝孺又獻頌皆規正
君德比定官制改孝孺爲文學博士靖難兵起日

召講讀詔檄皆出孝孺手兵既渡淮及江上書策
堅守誓死社稷建文君遜去文皇以姚廣孝言
召用孝孺不肯屈繫獄一日遣人諭再三終不從
又召孝孺草詔及見悲慟徹殿陛上降榻勞曰
先生無自苦余欲法周公輔成王耳孝孺曰成王
今安在文皇曰渠自焚死孝孺曰成王即不存
何不立成王之子文皇曰國賴長君孝孺曰何
不立成王之弟文皇又曰先生無過勞苦置左
右授筆札又曰詔天下非先生草不可孝孺大批
數字云云授筆於地又大哭且罵且哭曰死即死

TIFFEN Color Control Patches



詔不可草 文皇大怒命燦諸市孝孺慨然就戮
爲絕命詞曰天降亂離兮孰知其由奸臣得討兮
謀國用猶忠臣發憤兮血淚交流以此徇君兮抑
又何求嗚呼哀哉庶不我尤時年四十六復詔收
其妻鄭鄭先已經死宗族坐死者八百七十三人
孝孺和粹貞諒事親孝處師友篤恩義克勤守濟
寧被誣謫戍江浦上書乞以身代父不報宋濂華
蕪州孝孺自漢中走荆榛往祭墓且言之蜀王軫
恤其孤爰備至與林右王紳郭濟劉浩葉見太諸
名士友善切磨道義被薦時王叔英與書大率以

時措之宜爲言孝孺深然之及與政又輒慕古王
政即欲見諸行事以故多紛更卒無成效其文章
大類蘇氏而正論過之嘗謂道之於事無乎不在
列爲二十八箴又作雜賦三十八章以自警謂化
民必自正家始作宗儀九篇謂先王之治先德化
而後政刑作深慮論十首以募臣女主夷狄雖一
天下不可爲正統作釋統三篇多先哲所未發者
四方夾奇得一字實於金壁所著有遜志齋集四
十卷又有周禮考次大易枝辭武王戒書註帝王
基命錄文統宋史要言諸書逸不傳洪熙初仁

廟嘗謂羣臣曰若孝孺輩皆忠臣詔奸臣黨與從
寬典方氏遺族始有赦還鄉者因立祠堂祀孝孺
成化初遺文始行或曰錄孝孺家時得魏典史澤
周旋藏其幼子以故孝孺尚有後謝文肅公詩所
謂孫枝一葉是君恩也孝孺死節事至今百六十
年人皆歷歷能言雖人人殊其成仁取義之死靡
悔斷然不可泯滅而同時文學稱用之臣際會功
名史有別書以故彭惠安公澤哀江南詞有曰後
來奸佞儒巧言自粉飾叩頭乞餘生無乃非直筆
澤字彥思應天人為刑部尚書謫寧海

兵部尚書齊太

齊太深水人初名德洪武二十年鄉貢明年舉進
士歷禮兵部主事會震謹身殿上禱郊廟太以
官九年無過得陪祀賜名太三十年陞兵部左侍
郎明年進本部尚書上嘗召太問邊將姓名太
歷數無遺又問諸圖籍太出袖中手冊進簡要詳
密上大奇太是年閏五月受領命輔皇太孫時
諸王皆尊屬擁重兵專制地嫌勢逼詔諸王臨邸
中毋奔喪王國所在吏民悉聽朝廷節制詔下諸
王不說謂此齊尚書踈間我也嘗使北平北平賂

太太受歸請爲兵費 上益倚重太 文皇時自
燕邸入臨至淮安太言 上急出勅符勒歸國又
與太常卿黃子澄建策凡親王有罪輒除國建文
元年增糧兵起太專主籌畫命將出師 上日召
學士革討論周官法度處便殿弄柔翰詔闕外事
一付太太遂移檄指斥削屬籍或難之太怒曰名
正言順敵乃可服請難兵遂以誅太爲名上疏請
發奸臣齊太黃子澄等與臣訊究陛下即不發臣
必不休兵且抵京赤地千里時尚遣諸王督監諸
軍太以谷王穗滿師過還慮遼寧二王近燕爲變

皆召之還遼王至寧王竟不至二年靖難兵日進
逼淮泗謫太子澄官求解兵李景隆書于燕謂齊
黃屏窳遐其可息兵歸藩不聽進兵益急尋召太
未及還金川門開建文君遜去太追至廣德欲往
他郡起兵興復竟被執見 文皇不屈死之從兄
第敬宗等皆死叔時永陽彥等謫戍兒甫六歲給
配赦還今其子孫猶存故居爲領舍人猶稱尚書
舖云 仁宗爲長陵神功聖德碑述建文君焚崩
喪以天子禮臣僚非其罪者咸復之於是太等宗
黨皆得赦給還田土且戒天下毋得以奸黨相告

許云嘉靖中知縣謝廷澄爲祠祀太嘉靖已酉子
至深水造太祠見其五世孫光裕卽六歲兒後也

太常卿黃子澄

黃子澄名湜以字行分宜人少受易歐陽貞書周
與學春秋樂實有文行負盛名洪武十七年貢入
太學明年進士舉禮部第一授翰林編修陞修撰
件請東宮累官至太常卿建文君爲太孫時坐東
角門謂子澄曰諸王尊屬擁重兵奈何對曰諸王
僅有護兵纔足自守萬一有變以六師臨之誰其
能支漢七國非不强卒底亡滅小大強弱之勢不

同而順逆之理異也太孫善每呼子澄黃先生太
孫卽位倚任子澄謂曰先生無忘東角門之言子
澄頓首應曰不敢遂出與齊太議削奪諸王兵權
未幾周王得罪建文君書諭 文皇文皇爲曲解
子澄曰燕周母兄弟燕王出塞有功威名日盛不
併去燕後難圖於是出兵開平諸鎮及更置北平
守臣伺府中事日急靖難兵遂起及耿炳文諸將
相繼敗北建文君召問子澄對曰勝負兵家常事
今天下富盛兵強食足區區一隅豈能當天下全
力聚兵五十萬四面並進旦夕且成擒子澄遂薦

李景隆爲大將代炳文景隆尤昏懦戰輒敗棄其師遁召還京又赦不誅子澄慟哭曰景隆出師觀望懷二心不亟誅何以謝 祖宗馬將士練子寧亦執景隆於朝且哭且數請誅之皆不聽江淮諸將連敗子澄拊膺慟哭曰大事去矣誤薦景隆萬死不足贖誤國之罪賦詩云仗鉞曾登大將壇邪表遠賜朔方寒出師無律真兒戲負國全身獨汝安論將每時悲趙括攘夷何日見齊桓尚方有劔憑誰借哭向蒼天幾墮冠堦難兵至淮上建文君不得已遜于澄且密使募兵而以寬齊黃使告燕

文皇曰此緩我也請悉召吳傑平安盛甫師還即已建文君爲道少卿薛嵩請罷兵 文皇又不許兵抵江干蘇州知府姚善言子澄文武才畧足捍國難顧屏諸閹遠以快敵人胡失計至此始急召子澄未至金川門失守 文皇執子澄責問不服族其家一子走易姓名田經遇赦家湖廣咸寧正德辛巳進士黃表其後也

刑部侍郎張嵩

張嵩澤州人洪武中舉人才累官刑部侍郎二十年四月轉左建文君初即位諸大臣言藩王周



代岷谷湘相繼變告落國所在宜簡精強謀略有
威望者爲守臣彈壓禹出掌北平布政司事與謝
貴並受密命未幾詔讓 文皇禹貴遂集兵部署
守王城 文皇亦稱疾不出長史葛誠謂禹王無
恙禹不信張王朱能請 文皇起兵 文皇曰禹
貴已先發非計擒二人不可建文元年七月六日
會朝廷遣人進宮中官校 文皇盡縛官校置庭
中召禹貴入與械去禹以爲 文皇見兵大集窘
不得已縛府中人獻朝廷不妄防守遂懈二人入
至端禮門內伏兵起縛二人 文皇擲杖起立曰

我何病爲爾輩所迫耳禹不服死之屍得還葬禹
初至北平以吏李友直機密寄心腹令洞府中事
友直輒先事泄禹謀以故府中得爲備禹死友直
遂得爲北平叅議靖難後族禹家焚殺近戚程亨
輩戚疎遠及里人並戍邊一子得避脫 文皇嘗
夢禹被髮爲厲出焚其尸面色如生禹家上祖墳
在水南正德十五年知州馬汝驥立祠祀之汝驥
有行誼官至禮部侍郎謚文簡

按察僉事湯宗

湯宗未詳何許人爲北平按察僉事上言北平按

TIFFEN Color Control Patches



察使陳瑛密受王府金錢有異謀逮瑛謫廣西靖
難後瑛召還院憲治建文諸臣多坐夾滅恨宗亦
論死

燕府長史葛誠

葛誠未詳何許人爲燕府長史靖難兵未起誠與
張昂謝貴言府中事又管諫 文皇文皇稱病暑
月圍火輒言寒三司官入問疾誠密告昂王非病
以不得 上心故誠又密疏聞 上會燕人奏事
京師遂執下獄得密謀踪跡即發符逮府官校又
令貴昂發兵內應盡簿錄王府人 文皇大恨殺

其家

燕府伴讀余逢辰

余逢辰字彥章宣城人爲燕府教授陞伴讀靖難
兵未起逢辰頗聞其謀遺書戒其子自必死起
兵時逢辰泣諫死之

兵部尚書鐵鉉

鐵鉉鄧州人洪武中因子生授禮科給事中調五
軍斷事奏對詳明 上喜賜字鼎石藩府坐法刑
官久鞫不能奏當 上屬鉉立決 上益喜凡兩
法司疑獄盡屬鉉未幾陞山東叅政建文二年李

景隆駐德州鉉督餉飛芻挽粟水陸並進軍興不
乏五月靖難兵圍濟南甚急鉉暨徐將軍盛統兵
高僉憲宋恭軍張都統王太守王府校等悉力防
禦令軍民許降開城門候 文皇入急下鐵板巖
中比出戰令軍士噪罵 文皇窘大怒攻至秋七
月不能克舍之南去宋恭寧說鉉等曰濟南天下
之中北兵今南去其留守北平者類老弱且永平
保定難叛諸郡縣堅守者寔多郭布政並書生大
恭公能出奇兵陸行抵真定南朝諸將潰逸者稍
稍收合不數日可至北平其間豪傑有聞義而起

者大恭公便宜署都號召招徠之北平可破也北
平破北兵回顧家室必散歸徐沛間素稱號勇大
恭公檄諸守臣倡集義勇候北兵歸合南兵征進
者晝夜躡之大恭公館穀北平休養士馬迎其至
擊之彼背腹受敵大難旦夕平耳鉉以軍餉盡於
德州城守三月士卒困甚而南將皆駑材無足恃
莫若固守濟南率北兵使江淮有備北兵不能越
淮歸必道濟吾遂而擊之以逸待勞全勝計也乃
設宴天心水百亭犒問辛苦述賦賡歌激發忠義
未幾又有東昌之捷建文君以却敵之賞賞鉉進

TIFEN Color Control Patches

Blue Cyan Green Yellow Red Magenta White Black

ColorChecker 3.0 Color Black

布政使再陞兵部尚書恭盛廣軍務賜金幣詰命
封三代鉉入謝京師賜宴饋泉肉小河之捷中原
震動 文皇欲北還以諸將言再戰得勝遂長驅
渡江鉉感憤欲自裁 文皇登極鉉尚擁殘兵駐
淮南已而擒鉉至不肯屈令一頰終不可得割其
耳鼻竟不肯頰勞碎其體至死罵不絕聲時年三
十七子福安戍河池康安先卒父仲名年八十三
母薛安置海南


吏部尚書洪統

張純字昭季富平人父月川文行知名純洪武中

舉通經爲東宮侍書才識通敏太子器重統洪武
十二年冬陞通政司左叅議試左通政十五年雲
南平出爲右叅政陞辭 上賦詩二章賜統歷進
左布政使凡土地貢賦法令條格祠祀公廨上下
典儀經費程度悉統裁定夾民乎說遠邇莫安是
時雲南寓賢董倫王景韓宜可輩不問識不識皆
厚恤之以故遷謫至者如歸二十六年三月秩滿
入覲治行爲天下第一特令吏部勿考賜璽書曰
曩者討平西南夷命官撫守爾統實先往任今五
年言出則諸夾聽服令布則四野懽忻皆由誠信

相孚克共乃職今年來朝不待考而朕知其功出乎天下十二牧之首故嘉汝績復命仍治黔南汝往欽哉賜宴及道里費三十一年召爲吏部尚書滇人如失父母時建文旁求道邈日集闕下率命統試鑑識精絕各當其材會修太祖實錄被旨試翰林編纂官考第高下統得榜士齊策喜曰明達時務有用之才不但文辭之工也奏第一授王府審理副靖難後召統及戶部尚書王純諭曰卿二人久事皇考習知典故今皆老矣其解職務月給尚書半俸居京師視時政有戾舊制者直告

朕無隱庶稱厚望老成之意統出遂自經吏部後堂死統嘗爲雲南公廨記曰公廨廣三十七丈袤百丈有奇段氏時稱東府元爲行省皇明底綏萬方以洪武壬戌擬定雲南就置布政使司屋宇階庭雖有成績較之華夏則規模差陋惟堂與寢其製頗精緻旋榮累節軒翔峻起但歷歲已久柱傾瓦漏者屢矣周廡之外儀以重門功緒甚略意精者其舊貫而粗者元之改作也東垣左右司以下西垣管勾廳以下屬寺悉附焉統備員以來旋拒烏合之徒內訌而外叛兵旣未休僥疫隨之日



不暇給者凡五年歲丙寅始克儲材明年冬撤其堂而新之正六楹楹闊五尺椽九架而衍其前脊高四尋簷殺脊之半以強越二年再治材且因且革門寢暨經歷司始成其外門兩廊仍未易也初今有司計木之數與已細若戶力之盈虧差而賦之轉致不立期一從其便其典從也較四州十一縣夫之壯者每一州縣均作三四番每番期十日乍作乍輟不致妨其務不敢竭其力遷就數踰年而迄未畢工如是乎其累且滯者何哉蓋兵民之役有征有屯有祭有餉其大者如此其小者未可

枚舉故不得已爲是迂拙之政誠不忍更復之也竊嘗論之雲南於古爲荒外不治之地山林幽阻民俗草昧各體各部如蜂蟻然無教令等威之制無宮室服用器業之資生理既不足繫其心又奇險可以容惡是以樂縱恣而安恃亂苟求之以法而強之以不能彼不信然相噬則險然而長往矣昔在漢晉雖嘗設官亦卽其要會而領之隋唐間頗置州郡皆不過羈縻而已固未嘗如中國閭井其人也元以四夷氣類相近因而撫之爲宜然其弗靖者猶爾也是以志烈之士非不欲草薶而禽

彌之傾其勢有所不行亦崇齡久之乃已徐而思之有如耐飢渴習霧露來高走險殊死而不顧者乃其所長然而性多荒惰暗事機素無節制之可守雖則易合亦復易離智者察此則知所以制之矣必有人焉才兼文武而道濟方域曰德曰威曰廉曰信兼此四者而事不定人不妄吾不信也故當無事則宜佚簡易寬小過守大綱如班定遠之言或有盜賊則乘其未滋霆衝電激指的中之以懲其餘斯亦攻心伐謀之大端夫如是良怖急者可林下伏矣敬告來哲誠不知所以裁之洪

武二十三年庚午閏四月十八日

禮部尚書陳迪

陳迪字景道宣城人曾祖巨卿元江州路總管祖宥賢國初從征有功調撫州守禦百戶因家焉父仲康嗣百戶迪幼儻有志操洪武八年薦辟爲郡學訓導嘗爲郡草萬壽賀表上覽而異之十二年近臣薦召爲翰林編修十八年陞侍講預修大典二十四年陞山東左叅政捕蝗弭盜民德之二十七年內艱二十八年陞雲南右布政使時普定曲靖烏撒烏蒙諸夷煽亂迪率土兵擊破之捷



開賜金幣三十一年建文君即位改官制定六部
一品免尚書鄭沂等微迪爲禮部尚書建文二年
知貢舉是年水旱有言集議建言刑獄未清宜勅
法司擇公廉仁厚者分詣郡縣審覈獄囚無令久
淹致傷和氣又言逃民家業既喪且畏公私逋負
夫今不卹必嘯聚爲患宜使有司招徠其不願歸
者聽附籍種田暫免差役則民安而盜息矣皆從
之三年加太子少師薛兼偉靖難兵起與黃子澄
等上疏陳大計迪受命督軍儲於外過家未嘗入
聞變卽赴京師 文皇繼統召迪責問迪慢罵不

屈與子鳳山丹山等六人同日就戮將刑鳳山呼
曰父累我迪叱勿言罵不絕口湖嶺山等鼻舌焚
熱食迪迪吐唾益指斥遂俱凌遲死旣死人手衣
帶中得詩有曰三受天王頒命新山河帶礪此絲
綸千秋公論明於日照徹區區不衷心又有五噫
詞並悲烈蒼頭侯來保者拾其遺骸歸葬縣計家
橋洪熙初詔釋迪宗姻成造者還鄉給產業成化
壬寅郡人祀諸鄉賢祠甲辰郡守涂觀復於迪故
居立祠祀之後漣廢嘉靖乙未驗封郎中李默請
判寧國復置祠祀郡人私謚曰靖獻默文學才行

表著一時仕至吏部尚書兼翰林學士丙辰春爲
趙文華所誣逮詔獄卒

刑部尚書侯太

侯太南和人累官至刑部尚書靖難兵起太督餉
山東濟寧不守蟠船陷沒還京建文四年又出淮
安總軍餉得便宜行事 文皇即位太至高郵與
其謀士高才那仔同執下錦衣獄是年七月死第
微祖子玘皆論死籍其家幼子京兒永樂九年尚
繫錦衣獄

刑部尚書暴昭

暴昭山西人爲北平叅政時防藩府甚嚴未幾遷
刑部侍郎克北平採訪使甫至境聞變亟走歸聞
上建文元年設平燕布政司於真定陞昭刑部尚
書掌司事平安諸兵敗召歸京師靖難兵入城出
亡被執見 成祖抗罵不屈去髯截手足罵不絕
口至斷頸乃已


建文遜國臣紀第一卷

子履準校

孫心村重校







國立中央圖書館, 臺灣, R.O.C.




2012.0000 NATIONAL CENTRAL LIBRARY, TAIWAN, R.O.C





2025.05.01 NATIONAL CENTRAL LIBRARY, TAIWAN, R.O.C.

100-100000000-100000000



建文遜國臣記第二卷

吾學編第五十三

都指揮謝貴

海鹽鄭曉

謝貴未詳始所自起洪武二十五年以錦衣指揮
僉事陞河南都指揮僉事未幾署山西行都司事
二十八年坐趙隆事法當死 上特宥貴降河南
衛指揮僉事建文君即位疑北平兵部尚書齊太
薦貴智勇以為北平都指揮使俾覘藩府令其練
兵即有變先發後聞已卯六月貴部署北平七衛
兵布城中逼王城盡柵端禮四門 文皇用張玉



宋能計先擒貴貴死兵盡散王等遂奪北平九門

都指揮彭二

彭二亦未詳始所自起建文初為北平都指揮有威名靖難兵起殺謝貴二急跨馬大呼市中集兵得千餘人欲入端禮門文皇遣使卒麗來與丁勝格殺二兵亦散

都指揮馬

馬宣北平都指揮使靖難兵起殺張萬謝貴宣巷戰不勝東走薊州起兵西逆戰遇靖難兵戰不利退守薊州出城再戰又敗被執馬不絕口死之建

文君褒位宣家

都指揮朱鑑

朱鑑北平行都司都指揮守大寧靖難兵至大寧諸將陳亨房寬皆降鑑力戰不支被縛馬不絕口死之建文君加卹典文皇徽中所謂萬段凌遲處死者即鑑也

大寧守將卜萬

卜萬大寧大將也謀勇自負效死無恨每戰輒先登靖難兵畏萬萬部將陳亨欲降燕畏萬不敢發文皇貽萬書盛稱萬極詆毀亨緘識牢密召所獲



大寧卒解縛厚賞之置書衣中俾歸審與萬故使同獲卒見之怪問守者曰彼何為得此守者曰遣歸通密書於卜都司以故得厚賞卒晚告守者曰我得借行請惟命無庸賞我守者為請得俱遣竟不與賞不得賞者大恚至即發其事劉貞陳亨搜卒衣得與萬書遂疑萬執下獄籍其家其間吳高亦類此未幾亨竟降貞遁遼東大寧相繼不守矣今寧陽侯者即亨後也

都督廖鏞

廖鏞果人祖永忠開國功封德慶侯父權嗣封鏞

以適子任散騎舍人歷官至都督建文中與議兵事時宿衛殿庭靖難後上以廖侯兩子鏞與銘嘗受學方孝孺令召之孝孺怒曰汝讀幾年書還不識箇是字兩子復命上怒令軍校收孝孺孝孺杖衰經至闕下大哭上益怒令以刀抉其口兩旁至耳刑之粟實門外凡七日罵聲不絕廖兩子拾遺骸葬聚寶門外山上甫畢廖氏亦見收兩子遂逃去永樂元年四月錦衣鎮撫司奏獲鏞銘送刑部論死鏞弟鉞及從父淮安指揮僉事俱謫戍邊鏞母東甌王長女也并銘女送浣衣局

都督孫岳

孫岳洪武中從大將立功官至都督同知建文中充鳳陽守將靖難兵起大修戰守器械撤寺材爲戰艦樓櫓戈甲咸有法列寨淮西水陸有備靖難兵竟從下流渡淮至盱眙金川門不守尚猶堅守中都永樂元年法司劾岳逮至京宥死安置海南

都指揮瞿能

瞿能不知何許人號勇有名洪武中以四川都指揮使與同知徐凱統兵從涼國公渡大渡河擊西番有功又與都督徐司馬爲副總兵從總兵都督

聶緯討建昌叛酋月魯帖木兒已而改副涼國公藍玉能破賊覈狼塞建文君卽位從李景隆爲裨將二年四月庚申戰敗白溝河諸將皆狼狽走能父子獨力戰死之精兵萬餘人皆死或曰能通之子也

都指揮宋忠

宋忠錦衣衛指揮使智勇有名洪武二十九年百戶有論死者非其罪也忠疏救百戶御史劾忠上曰忠率直無隱爲人請命何罪爲并有百戶戍邊三十年御史劉觀劾忠作威福邀名譽調鳳陽

中衛明年平羌將軍都指揮齊讓討西夷無功以
忠爲參將從征虜前將軍楊文討之凱旋復官錦
衣視傳道四川建文元年三月勅忠以都指揮總
邊兵三萬屯開平蓋節燕府護衛壯士從忠聽忠
節制護衛胡騎指揮關童者素驍勇忠遣童入京
北平有采濟左右衛左調屯彰德右屯順德都督
徐凱屯臨清耿獻屯山海與忠相犄角約北平藩
閩張瑄謝貴長史葛誠爲內應 文皇發時貴誠
起兵忠率兵三萬至居庸關不敢進退保懷來

文皇曰宋忠握兵懷來必爭居庸宜乘其未至擊

之遂率精兵八千卷甲倍道起懷來獲謀言忠謂
諸將士家在北平者並爲燕府誅滅盡努力復家
警報困思 文皇忠令其家人張故旗幟爲先鋒
呼其父兄子弟相問勞家無志輒喜罵宋都督欺
我倒戈走忠倉卒列陣未成 文皇一鹿渡河大
戰敗奔入城被執死之子謙鎮南衛指揮使靖難
後誦成遂年十六賜死

都指揮余瑛

余瑛北平都指揮使與謝貴密謀不遂貴死瑛走
居庸關宋忠承制令瑛守關瑛簡練關卒得數千



人將進攻北平 文皇曰居庸險隘北平之咽喉
我得此可無北顧憂瑛若據此拊我背宜急取緩
則增兵繕守後難圖矣令指揮徐安鍾祥千戶徐
祥等擊瑛瑛且守且戰援兵不至棄關走懷來依
忠忠兵又敗同破賊不屈死之

都指揮彭聚

彭聚北平都指揮也與孫太副宋忠守懷來忠敗
聚力戰死當是時諸將校爲靖難兵所俘者百餘
人皆不肯降發憤死大半不可考矣

都指揮孫太

孫太都指揮使從宋忠戰懷來先登頗有斬獲靖
難兵擇善射者並射太中矢流血被甲慷慨裹血
力戰奮呼陷陣死之

都指揮莊得

莊得洪武末爲西涼都指揮召至北平爲燕兵右
翼出塞有功建文初隸宋忠麾下懷來之敗惟得
一軍得全盛庸戰夾河得力戰助庸新譚淵已而
靖難兵勁騎乘暮掩擊得力戰死

都指揮陳質

陳質歷官江西都指揮使有威名建文初充恭將



守大同尋陞中府都督同知徐代府陰事代簡王
獲罪靖難兵出懷來質以西師助宋忠忠敗退守
大同靖難後被執不屈上曰質奸人害代王者
遂被殺

都指揮楚智

楚智號將也洪武中數從末閔公涼國公出塞有
功陞都指揮使北平尋召入京從曹國公統騎
卒遇靖難兵戰奮力戰夾河之後被執不屈死之

都指揮卓旗張

張卓旗者不知其名以都指揮之偏將力挽千斤

每遇戰靖難兵輒揮卓旗先登軍中呼為卓旗張
轉戰山東屢有俘敵至夾河力戰死猶執卓旗不
仆北軍皆異之

指揮王資

王資不知始所自起以指揮從偏將防守淮北資
有臂力善騎射靈璧之後率步卒護軍餉諸將兵
敗輻重芻糧委棄狼籍不能獨完遂被執遣還京
遂走鳳陽從徐知府防禦靖難後追罪廢死

指揮崇剛

崇剛揚州衛世指揮其使同知僉事不可考矣



文初靖難兵起剛練兵繕濬城濠御史王彬倚任之兵至專以城守事屬剛晝夜不解甲同列懷戒心者忌剛畏彬不敢發及彬被執爲徐政所縛張本又素不喜剛剛亦不屈而死

指揮趙諒

趙諒鄆國公外孫其母與孝康皇后兄弟也壯勇知兵建文元年六月以諒爲留守右衛指揮僉事信任之諒能效職無私交未逾月靖難兵起諒時時奉密命往來諸將軍中督察之壬午秋常宗人並得罪諒亦坐廢憂懼卒

指揮宋瑄

宋瑄鄆國忠順公晟子也建文中爲府軍右衛指揮使數從諸將禦靖難兵有功靈璧之戰披甲躍馬先登斬首數級已而諸營兵敗瑄猶格鬪力屈死之靖難後晟功名大著封西寧侯辛未崇六年兵部上侯諸子孫名乞嗣封瑄子本晟長孫宜嗣上還瑄令瑄弟瑄嗣侯瑄尚安成公主璠弟瑄尚威寧公主璠罪廢瑄嗣侯沒於土木

指揮張倫

張倫河北諸衛指揮也勇悍負氣常喜觀古忠義

事建文元年十二月薊州衛官起兵攻北平不克
死倫聞之發憤合兩衛官各率其兵南奔結盟報
國初從景隆已而從盛肅有功靖難後死之

衛鎮撫曾濟

曾濟薊州衛鎮撫與馬宣守州城靖難兵攻之不
能下招之降不肯愾出兵力戰兵敗爲張玉所執
不屈死之

衛鎮撫楊本

楊本中牟人或曰處州人初爲太學生精於遺法
建文元年十二月募才略之士本應募起家兵部

試之授錦衣衛鎮撫時吳王撫軍一日本請王出
觀兵及登將臺見大水淼茫平階而一軍皆不見
本曰此水過也及帥師北向本常持一鐵棒重三
十斤臨陣馳突北軍披靡不敢前進破之景隆忌
本不上其功已而本約日出戰諸軍爲後繼景隆
謂諸將曰今日譬之一園瓜我輩種得熟乃破別
人採去耶竟擁兵不救本上疏略曰刑屬三千罪
莫大於不孝人倫有五德莫大於盡忠忘君虐民
者不可以不懲喪師失律者不可以不罪今都督
袁宇與耿炳文征討喪軍士二十萬於燕地 皇

上憐其為 太祖故舊不忍加刑又如魏國公徐輝祖征燕私存姊妹之情虧喪士馬 皇上召回京師命大教場操練軍士又曹國公李景隆四月進兵喪失軍馬無限 皇上責問乃歸罪羣下此實總兵之罪也乞假臣為大總兵用能官一員召募義勇招撫軍伍凡先鋒參謀軍政稽考等官臣自當保舉仍特命親王為監軍疾馳燕師則可免生民於塗炭莫宗社於泰山矣本座帥孤軍獨出被擒繫北平獄後 文皇攻濟寧失利趙王奔還北平恐人心動搖索本殺之 文皇大怒曰本有

才略予且欲用本奈何殺之本頭後無髮力戰乃功而爵賞不及

千戶倪諒

倪諒燕山左護衛千戶也上變告府中事府中官旗盡逮詔獄于諒周鋒皆伏誅沒產壯者戍邊鄉幼者刺離間親王字文錦衣鞍轡局幼軍靖難後諒死之

所鎮撫周拱元

周拱元沅州人少讀兵書出入辰沅蠻中相交易蠻人信之建文元年應募入京試騎射答策授錦

遼國圖
卷之二
木所鎮撫軍前差遣占候輒中主將令引步兵防

餉舟靖難後死

建文遜國臣記第二卷

子履華校

孫心材重校

建文遜國臣記第三卷

吾學編第五十四

禮部侍中黃觀

海鹽鄭曉

黃觀字淵伯一字尚賓貴池人初從父替姓許幼
穎敏受學元黃啤啤死節觀益自砥礪嘗築翠微
書舍讀書洪武二十四年會試禮部第一廷對禦
戎策大要以天道福善禍淫之機人事練兵講武
之法為言擢進士第一授官翰林復黃姓累陞尚
寶卿禮部右侍郎建文中改侍中掌尚寶司事與
方齊並見信用 文皇索齊黃時觀草詔極其詆

TIFFEN Color Control Patches

Blue Cyan Green Yellow Red Magenta White 3-Color Black

遼國圖
卷之二
木所鎮撫軍前差遣占候輒中主將令引步兵防

餉舟靖難後死

建文遜國臣記第二卷

子履華校

孫心材重校

建文遜國臣記第三卷

吾學編第五十四

禮部侍中黃觀

海鹽鄭曉

黃觀字淵伯一字尚賓貴池人初從父替姓許幼
穎敏受學元黃皞皞死節觀益自砥礪嘗築翠微
書舍讀書洪武二十四年會試禮部第一廷對禦
戎策大要以天道福善禍淫之機人事練兵講武
之法為言擢進士第一授官翰林復黃姓累陞尚
寶卿禮部右侍郎建文中改侍中掌尚寶司事與
方齊並見信用 文皇索齊黃時觀草詔極其詆



斤建文四年觀奉詔募兵上游且督諸郡勤王至
安慶聞變痛哭謂人曰吾妻翁有志節必不辱招
魂葬之江上明日家人自京奔至言翁夫人暨二
女同被執有象奴得之索釵釧出市酒殺夫人急
携二女率家屬十人投淮清橋下死觀慟哭至李
陽河聞建文君避位朝服東向再拜投湍流中死
籍其家并逮姻黨仁宗初得釋柯運爲觀傳秘
不肯示人後三十年縣尹清江龔守愚於觀故址
立祠祀之

吏部侍郎毛太

毛太不知何許人建文元年代王諫爲左侍郎兼
義爲右而統爲尚書太文章政事皆優所與交者
並中朝俊彥靖難兵起數上封事條方略張統死
太亦死或曰卽毛大亨也

戶部侍郎卓敬

卓敬字惟恭瑞安人生質秀敏孝弟七歲嬉戲相
工曰此兒骨髮殊異必爲名卿惜血不華色耳年
十五讀書寶香山風雨夜歸迷失道得一兕牛馮
之蹄比入門乃黑虎也洪武二十一年進士除戶
科給事中改元士尋又改爲士源又復爲給事中

時制度未備諸王服乘多僭敬乘間爲言 上曰
爾言是朕慮不及此因陞宗人府經歷進戶部侍郎
建文初燕王來朝敬密奏曰燕王智慮絕人酷
類先帝夫北平者強幹之地全元所由興也宜徙
燕封南昌以絕禍本夫萌而不動者幾也量時而
爲者勢也勢非至動莫能斷幾非至明莫能察建
文君覽奏大驚袖之翼曰語敬曰燕王骨肉至親
卿何得及此曰楊廣墮文非父子邪建文君默然
良久曰卿休矣事竟寢 文皇即位責敬不奉迎
乘輿敬厲聲不遜怒欲殺敬憐其才且繫獄或以

管仲魏徵事諷敬不聽姚廣孝惡敬必欲殺敬敬
臨刑從容歎曰冢起宗規略無經畫敬死有餘罪
神色凜然經日猶如生夷三族 文皇嘗曰國家
養士三十年惟得卓敬後四十年劉球傳其事私
謚曰忠貞敬立朝慷慨英偉美丰姿善談論凡天
文地理律曆兵刑皆能究察文詩峭拔磊落所著
有詩文五十卷

戶部侍郎盧起

盧起浙江仙居人建文三年爲戶部侍郎起疎爽
不屑曲謹然大節皎然少喜飲酒飲酣輒長歌入

TIFFEN Color Control Patches



或謂起狂既仕頓折節恭慎靖難後不屈縛就刑
長誦而死聞者悲之或曰盧珙

戶部侍郎郭任

郭任丹徒人或曰定遠人廉慎有吏才仕至戶部
侍郎調兵食軍興不之請難兵入金川門任不屈
死之子經亦坐死少子金山保戍廣西嘉靖中鎮
江知府劉儲秀祀之鄉賢祠

禮部侍郎黃魁

黃魁不知何許人建文中為禮部侍郎與陳迪黃
觀共事魁行古雅有文學習典禮迪視皆敬愛之
請難初魁不屈死之

兵部侍郎陳植

陳植廬江人元舉河南鄉試不仕洪武間起為吏
部文選主事歷官兵部侍郎靖難兵至植受命督
師江上有督將密議降者植責以大義督將恨之
遂過害督將率眾奉迎自陳邀賈文皇立誅之
具棺斂植遣官護喪葬於白石山植宗人大懼皆
變姓名走匿無敢會葬者

兵部侍郎徐屋

徐屋字宗實黃巖人以字行聘授風紀官屋以草



茅惠屏辭詞陵簿請准陰驛丞郡邑士多所造就
召見獎諭屢聘主文衡陞蘇州通判擢兵部右侍
郎疏請移整風俗罷去不急振舉廢墜裁定賦稅
撫輯農桑開政教之路塞異端之源進賢退不肖
請難兵起奉使招集兩浙義勇明年建文君遜位
去屋家覆沒於京師屋義祭侃然杜門終老

刑部侍郎胡子昭

胡子昭字仲常一名子韶字伯尚大足人初名志
高富經術性方介從學方孝孺漢中蜀賦王重子
昭贈子昭詩以明經儒士薦爲榮縣訓導建文初

陞翰林檢討又陞山東按察僉事進刑部左侍郎
建文四年九月死之臨刑詩曰兩間正氣歸泉壤
一點丹心在帝鄉時年四十一父復初母郭皆年
八十曾并其子五人給緝繼等皆謫戍正德中巡
按御史熊相立祠祀之

御史大夫練子寧

練子寧名安以字行新淦人洪武十八年進士父
伯尚洪武間爲起居注直言忤旨出爲廣德州同
知遷臨江鎮安二府通判子寧初從鄉長者竹庄
先生游命賦水竹村居詩曰千山暮雨石泉通一

夜春雷種龍長稍長與金少保相友善謂之曰異
日子必爲良臣我必爲忠臣廷對言近日朝廷用
人狗名而不求實小善驟進小過輒戮非育才用
人之道剴切不顧忌諱 上親擢第二授翰林修
撰未幾內艱杜門屏跡力行喪禮服闋復除翰林
學士副都御史工部侍郎建文初即位改吏部與蹇
義爲左右侍郎又御史大夫景隆奸邪懷異志
屢敗召還子寧說景隆於朝救其罪請誅之不聽
憤激叩首言此實因賊臣備員執法不能除奸請
先伏誅遂罷朝靖難兵旣渡淮靖江府直吏蕭用


道衡府紀善周是修上書論大計持斥用事者誤
國書下廷臣及兩人議用事者怒詆二人子寧曰
事已至此尚不能容言者子話者愧而止 文皇
即位縛子寧至語不遜斷其舌曰吾欲效周公輔
成王子寧手探舌血大書地上成王安在遂族其
家姻戚速戍邊者百五十一人越數年吉水錢習
禮以未及逮爲鄉人所持恒懷不安以告楊崇榮
乘間以聞 文皇欣然曰使練子寧尚在朕固當
用之况習禮乎子寧所著詩文名金川玉屑集正
德中江西提學副使李夢陽爲金川書院祠子寧

列其集行於世

御史大夫景清

景清本耿姓真寧人洪武二十七年進士第二人
個儻尚大節領鄉薦遊國學時同舍生有祕書清
求而不與固請約明旦即還書生旦往索曰吾不
知何書亦未假書於汝生忿訟於祭酒清即持所
假書徃見曰此清燈憲所業者即誦徹卷祭酒問
生不能誦一詞祭酒叱生退清出即以書還生
曰吾以子珍秘太甚特此相戲耳初清赴舉時過
淳化主家有女爲妖所憑清宿其家是夜妖不至

去却後來女詰之曰避景秀才旦日女以告其父
父追及清語之故清書景清在此四字令父歸粘
於戶妖遂絕不至清試禮部第三錄詩書二經入
翰林三歲改監察御史三十年春召見嘉其才命
署都察院左僉都御史與實德是夏臺臣鄧文鑑
劉觀及清奏事罷以疏事詭懷印入刑科更疏爲
給事中劾下詔獄尋宥之出川陝巡察私茶建文
即位擢左都御史改御史大夫 文皇繼統方孝
孺練子寧等死而清獨委蛇侍朝人疑之一日早
朝清緋衣入先是星者奏文曲犯帝座甚急 文



皇因疑清及朝清獨著緝逐收之得所帶劔詰責
不屈而死是夕精英迭見族其家已而時入殿庭
爲厲又命籍其鄉轉相攀滌謂之瓜蔓抄村里爲
瘡

都御史茅大芳

茅大芳大興人博學能詩文少有奇名或贈之詩
曰陸機此日能爲賦買誰何時復註書洪武中儒
士應時與教淮南考績入朝高廟召對悅之擢
秦府長史勉以童子輔相之業賜賞甚寵大芳感
激頌其堂曰希董方孝孺爲記稱大芳志意偉然

教大和雅不亢不諂深有得於正誼明道之旨建
文君即位擢右副都御史靖難兵起遺詩淮南守
將梅殷曲燕消息近如何聞道將軍志不磨縱有
火龍翻地軸莫教鐵騎過天河關中事業蕭丞相
塞上功勳馬伏波老我不才無補報西風一度一
悲歌建文四年八月死之子順童道壽文生並論
死二孫添孫歸生死獄中有希董集五卷行于世

都御史陳性善

陳性善名復初以字行山陰人洪武十八年進士
上見性善疑董謂侍臣曰性善君子人授行人司

TIFFEN Color Control Patches

Black 3. Color White 4. Yellow 5. Red 6. Magenta 7. Cyan 8. Blue

副入翰林爲檢討初誠意伯劉基卒命李鐸往取其遺書基子璉卽出觀象玩占石室中從錄諸閣上之性善善借書召入便殿繕錄上威嚴進見者惶汗手顫不成字惟性善動止安雅書法端正上悅賜性善酒是時威謫臣測性善留竟日家人以爲死天比出大驚喜久之超陞禮部左侍郎薦薛瑄言瑄雲南布政使韓宜可謙請籍性善薦起爲副都御史皇太孫在東宮時惡聞性善名及卽位一日退朝獨召性善賜坐問治天下之要且使手書以進性善感知遇盡所欲言朝廷悉從之然施行未竟輒爲有司所更性善詩見曰陛下不以臣愚猥承顧問臣既僭座上聽許臣必行未幾輒改所謂爲法自戾何以信天下靖難兵起改性善爲副都御史監軍建文四年三月辛巳戰靈璧敗績與彭與明劉伯完王資皆被執文皇縱之歸性善表朝服躍入河死之後加追戮家徙邊已而赦還

大理少卿明司

胡閔字松友鄱陽人

明行高皇征陳友諒

至鄱陽吳芮祠見壁

竹函人無俗懷寫此卷

TIFFEN Color Control Patches

Black Blue Cyan Green Yellow Red Magenta White 3-Color

龍骨九天風雨來飛騰作靈物 高皇問祠中人
此誰詩也對曰里墟中儒生胡嗣立召問見置帳
前久之官督府經歷建文中以直諫知名遷右補
缺尋進大理少卿靖難兵起數與齊黃議軍國事
壬午七月不屈死之籍其家子傳道論死傳慶請
成邊一女得釋歸貧甚無依鄉人競遺錢救曰此
忠臣女也旬日饑足嘉靖初提學副使邵銳詞之
學士宮

太常少卿盧原質

盧原質字希魯初名質寧海人父中母方孝孺姑

也洪武二十一年進士第三人授翰林編修孝孺
遺原質詩曰奉天殿上榜初開共賀江南得秀才
好與青蘿居士說今年文運屬天台二十三年外
艱賜傳奔喪二十八年陞太常少卿事建文君屢
有建白靖難後召見不屈死之族其家弟原朴

太常少卿廖昇

廖昇襄陽人不知其所以進學行最知名與方孝
孺王紳輩友善洪武中爲左府斷事 上知其賢
二十九年六月擢太常少卿建文元年正月勅修
高皇帝錄禮部左侍郎兼翰林學士董倫右侍郎

兼翰林學士王景彰爲總裁官昇及翰林侍講學士高異志副總裁翰林修撰李貫國子博士王紳漢中府學教授胡子昭齊府審理副楊士奇崇仁學訓導羅振馬龍他郎甸大官司吏目程本立等纂修官并博雅有文才朗達負氣苦靖難兵事語多撻買聞忠誠伯等自龍潭還慟哭與家人訣自縊死都御史陳瓌奏昇黃觀王叔英周是修王良顏伯瑋皆不順天命效死建文計其存心與叛逆等並宜追戮 上詔勿問

大理寺丞鄒瑾

鄒瑾吉安永豐人洪武二十七年遇金華王紳紳稱瑾志篤才敏議論磊落可喜思義人也嘗遊成都都人士皆願與瑾交洪武末薦至京建文二年爲大理右寺丞靖難後不屈死之或曰四川江津人洪武中以經明行修薦起縣學教諭遷監察御史歷陞都御史死建文時

大理寺丞劉端

王高

劉端南昌人建文二年進士驟遷大理寺丞廉明執法靖難後與同邑王高並坐縱方孝孺息樹陞別昇而終高與端同年進士又與端同官或曰高

TIFFEN Color Control Patches

Blue Cyan Green Yellow Red Magenta White Black

大理寺丞彭與明

大理寺丞彭與明

彭與明萬安人貢入太學洪武二十五年授兵科給事中陞刑部浙江司員外郎建文元年陞湖廣按察僉事尋陞大理右寺丞與明廉勤律已剛毅敢言敏達能斷四年擢中朝官知兵有風裁者出江北督察諸將與明爲衆所推遷出淮西至靈璧會何福戰敗爲北兵所執 文皇遣歸令傳語中朝士與明漸憤裂冠裳棄官變姓名

左拾遺戴德彝

戴德彝奉化人洪武二十七年進士第三人初爲翰林編修三十年與張信並陞侍讀 上諭曰汝爲侍臣凡國家政治得失生民利病當知無不言昔唐陸贄崔羣李絳在翰林皆能正言諫論補益當時汝宜以古人自期後改監察御史建文中省御史改左拾遺靖難兵起與方黃畫兵事靖難後不屈死之

建文遜國臣記第三卷

子履華校

孫心材重校

Color Control Patches

Blue Cyan Green Yellow Red Magenta White Black

建文遜國臣記第四卷

吾學編第五十五

開國公常昇

海鹽鄭曉

常昇開平王仲子也兄茂洪武三年以父功封鄭國公二年從宋國公馮勝出塞征納哈出茂本勝婿勝言茂驚潰納哈出衆降人被送京師茂亦言勝短上召勝還奪總兵印罷朝請茂安置龍州上念開平王功二十一年封昇開國公懿敬皇太子妃昇姊也靖難兵至浦子口昇及魏國公分道出戰衆散金川門失守昇見文皇得不死昇子



建文遜國臣記第四卷

吾學編第五十五

開國公常昇

海鹽鄭曉

常昇開平王仲子也兄茂洪武三年以父功封鄭國公二年從宋國公馮勝出塞征納哈出茂本勝婿勝言茂驚潰納哈出衆降人被送京師茂亦言勝短上召勝還奪總兵印罷朝請茂安置龍州上念開平王功二十一年封昇開國公懿敬皇太子妃昇姊也靖難兵至浦子口昇及魏國公分道出戰衆散金川門失守昇見文皇得不死昇子



繼祖生事謫雲南臨安永樂二年召至京賞鈔幣
遣歸謫所繼祖六子長寧寧子復弘治五年詔錄
太廟元祀功臣後復得爲南京錦衣衛世指揮使
卒子經嗣老子鳳卒子玄振嗣嘉靖十年進劉基
侑享太廟并議常李鄧湯四王後十一年續封玄
振懷遠侯

越嵩侯俞通淵

俞通淵父河間郡公廷玉兄被國忠烈公逼海南
安侯通源通淵以父兄故充參將侍舍人從大將
軍征秦隴燕趙功陞督府僉事征哈剌哈至捕魚
兒海獲酋長人畜尋轉餉江西充偏將征都勻龍
場諸蠻克辰沅寶慶俘獲多封越嵩侯統兵討建
昌叛賊城越嵩二十六年坐累奪侯還鄭建文元
年召見上壯之曰老将也授豹韜衛指揮使充
偏將從大將軍禦靖難兵敢戰有功白溝河之後
諸將兵大敗通淵遂攻於陣于朔先卒次靖嗣官
二年卒次端又明年優給錦衣未幾卒靖難後家
人懼禍不敢言葉替事建文時諸將校多失世官
也

駙馬都尉梅賾



梅賾歸德人汝南侯思祖從于洪武十一年尙寧
國公主爲駙馬都尉恭謹有謀能騎射諸駙馬中
高皇尤愛賾嘗受密命輔建文君靖難兵起賾充
總兵官鎮守淮安悉心防禦 文皇假道賾割使
人耳鼻口授詞答 文皇曰留汝口與賾下言君
父思義 文皇竟不得道淮安乃渡泗水破盱眙
出六合至京師卽帝位賾尙擁重兵淮上 上迫
公主招賾公主鴨指血爲書付季中使至賾賾得
書慟哭詢建文君所在中使曰去矣賾曰君存與
存君亡與亡吾姑忍俟之乃還京見 上上曰駙

馬勞苦曰勞而無功永樂二年 都御史陳瑛言
賾招藏亡命私匿胡人與女秀才劉氏朋邪詎說
幾得罪明年冬入朝賾警家都督譚深指揮趙賊
令人擠賾死竹橋下賊又誣賾自投水死都督許
成發其事 上怒罪深賊二人對曰此 上命也
奈何殺臣 上大怒立命力士持金瓜落二人齒
斬之蓋賾榮定初公主謂 上果殺成牽衣大哭
問駙馬安在 上笑曰爲公主踪跡賊無自苦公
主謹護二子順昌景福 上以順昌爲中府都督
景福指揮旗手衛僉事賜手書二甥曰朕不念爾

母爾安得至今日二甥後改孝陵衛指揮使宣德
中與世襲孫純舉進士為中都副留守或曰公主
嘗貽書阻靖難兵 文皇不答兵至淮北與公主
書言與帥不得已故令遷居太平門外勿罹兵禍
公主亦不答公主 高皇后長女后二女次適歐
陽倫倫犯茶馬禁死

長興侯耿炳文

耿炳文濠人父君用取滁和積功為管軍總管克
宋后取金陵丙申與士誠戰買勇先登死炳文代
領其軍明年取廣德長興擒士誠守將降其兵會

立元帥府長興以炳文為總兵都元帥辛丑敗士
誠將李伯昇追斬五千餘級拜指揮使吳元年破
蘇州陞大都督府僉事洪武初授鎮國上將軍兼
右率府副使二年陝西鎮守三年授秦王府左相
兼陝西行省右丞封長興侯食祿千五百石與世
券十四年破虜北黃河復還陝西二十四年賜鏹
鈔造第鳳陽葺先塋贈君用為侯二十五年兩當
妖人作亂總兵討三年平之三十年克征西將軍
勦平蜀盜三十一年鎮守遼東建文元年靖難兵
起炳文為征虜大將軍率衆二十萬北進至真定

都督徐凱兵十萬駐河間都督潘忠楊松營鄭州
先鋒至雄縣 文皇出炳文不虞破其城忠松引
衆來援伏兵起忠等皆被執因得炳文虛實遂長
驅至真定張玉朱能譚淵來戰炳文大敗奔還洹
沱河東炳文衆尚數萬復戰衆皆潰降副將駙馬
李堅都督霄忠領成都指揮劉遂俱被執炳文固
守真定靖難兵攻城二日不能下而去炳文老將
善戰至是敗建文君始有憂色召還遣李景隆代
炳文竟至於亡永樂二年刑部尚書鄭賜左都御
史陳瑛劾炳文衣服器皿僭飾龍鳳玉帶僭丹經

駙馬都尉耿璿

耿璿長興侯之子洪武中爲前軍都督僉事尚懿
文太子長女江都郡主建文元年郡主進封公主
璿爲駙馬都尉掌前府事璿勇悍有武略靖難兵
起以王室懿親得預聞兵事炳文北行璿力勸直
搗北平已而炳文戰敗璿快快抱病時對公主
悲泣建文君遜去杜門稱疾竟坐罪死公主復稱



郡主永樂元年春薨卒

灤城侯李堅

李堅武涉人父英開國有功爲驍騎右衛指揮金
事力戰死烏撒贈指揮使堅尚 太祖第七女大
名公主爲駙馬都尉嘗與駙馬歐陽倫梅毅陸賢
賑濟北平建文君即位進公主大長公主堅素負
才勇充左副將軍從長興侯北進遇靖難兵諸將
謹備西北靖難兵突擊出不意破西南長興侯大
敗靖難將丘福又攻子城堅出接戰互有勝負封
堅灤城侯食祿千五百石與世券已而兵敗溲沱

河薛祿引掣中堅墜馬祿揮刀直取堅堅大呼我
李駙馬勿殺祿擒堅見 成祖成祖謂爾至親今
至此奈何祿送北平道卒子莊以公主故特宥當
副公主懼禍繳語券莊流寓南京詩酒終其身公
主至宣德初卒或曰堅子莊嗣侯謚威壯弟成爲
中都留守攻山東都指揮成子陞世南京衛指揮
使祿後封陽武侯

安陸侯吳傑

吳傑黔國威襄公子也洪武十八年傑以指揮嗣
封安陸侯屢出山陝河南北平練兵從征胡二十

Color Control Patches

Blue Cyan Green Yellow Red Magenta White Black

ColorChecker

七年練兵浙江防倭二十八年有罪令與吳高皆從楊文征龍州立功自贖建文中率師援真定失律喪師謫南寧衛指揮使永樂元年子璟乞嗣正統間再三乞皆不許弘治六年璟孫鐸援詔乞嗣亦不許

歷城侯盛庸

盛庸不知何許人靖難兵起充參將從長興侯數失利長興侯召還庸又從曹國公轉戰蕪齊間互有勝負建文二年七月鐵鉉守濟南靖難兵圍急庸夜出劫戰盡憑城禦防盡毀靖難諸攻具捷聞

卽軍中陞鉉兵部尚書封庸歷城侯食祿千石充平燕將軍總兵官代曹國公鉉參贊軍務是年十二月戰東昌殺張玉三年三月大戰于夾河殺譚淵再戰敗走德州欲搗北平靖難兵長驅至淮上四年春夏間庸南趨靈璧齊眉山賊皆敗次於淮南六月靖難兵至浦口庸出高資港又戰敗靖難後勅庸曰比以山東未定命卿鎮守淮安今鐵鉉就獲諸郡悉平朕念山東久困兵革憊於轉輸卿宜輯兵養民以稱朕意永樂元年致仕千戶王欽發庸罪狀陞欽指揮同知賞銀百兩未幾都御史

陳瑛劾庸口出怨言懷異圖請誅庸遂削爵庸暴卒今英因公新寧伯即玉淵後也

江陰侯吳高

吳高父良開國有功封江陰侯卒贈蓋江國襄烈公高歷官前軍署都督僉事洪武十七年嗣侯屢出山陝北平河南練兵從征胡二十八年有罪調征趙宗晉靖難兵起高總兵守遼東與楊文數以遼東兵攻永平 文皇曰高雖怯行事差審文勇而無謀夫高文不足慮也遣人道二人書盛譽高極詆文故易其函投二人所二人得書並開建文

君竟疑高荆爵徙廣西尋命文守遼東竟敗靖難後召高鎮守大同高上言禦虜方略永樂十二年被劾編氓江陰十七年奪券洪熙元年 上曰高往年多行無禮請戍海南高即死徙其家會赦得釋宣德十年子昇乞嗣不許

都督耿獻

耿獻長興侯仲子累官至後軍都督僉事靖難兵起與江陰侯吳高及楊文率遼東兵圍永平不克退保山海關吳高被間奪兵徙廣西楊文守遼東獻數請攻永平以動北平文不聽靖難後獻論死



都督劉貞

劉貞合肥人開國功累陞左軍都督充大寧總兵官修懷來城池改左軍靖難兵起貞及陳亨卜萬引大寧軍出松亭關營沙河欲復遵化亨有貳心文皇入大寧盡誅其軍以行遂入松亭關貞夜負勅印浮海歸時建文君聞行北平諸將降文皇籍貞家下獄貞由海道出福建還京詔釋其家靖難後陞左都督鎮遼東恒懷愧憤水滸元年卒貞長女文皇昭順德妃也以故得免於禍次女伊王妃

都督趙清

趙清鳳陽人有膂力善用兵洪武中積功官至北平都指揮使陞後軍都督僉事致仕清去北平時常懷隱憂不敢言靖難兵起黃齊諸人薦清帥河南兵守彰德靖難兵至城下遣人招清清對使人曰殿下至京城但出片紙召清清不敢不至今爲朝廷守封疆不敢棄命失職靖難後召清還清遂乞闕不許


都督楊文

楊文倉山人甲辰領神鎗從征功陞右軍都督僉

事世指揮使二十七年文總兵率舟師鎮守太倉
仍督浙江海船召掌中都留守文總兵率十五萬
人征廣西築城設本議南丹潯州慶遠四軍民指
揮使司三十年遼東練軍屯田文總兵征虜前將
軍率京師湖廣江西兵征五關擒殺蠻賊建文初
充總兵部署大寧兵及寧府護軍屯開平靖難兵
起宋忠敗文移守遼左吳高時出兵援北平吳高
削爵徙廣西文專領遼東建文二年冬文引兵萬
餘掠薊州殺戮極慘遇劉江兵戰敗指揮王雄七
十一人皆被執靖難後召文還憐其關國老將得
不死永樂四年卒世羽林右衛指揮使

都督徐凱

徐凱合肥人開國功爲茂州衛指揮使守松潘累
立戰功洪武二十六年出掌鹽井衛事征賈哈剌
有功又從西平侯沐春討刀幹孟歷陞都督僉事
鎮守四川階文官軍叛會都督寧正討平之又充
征虜大將軍從沐春討刀幹孟有功建文元年從
大將何福征百夷爲副總兵靖難兵起從宋忠北
進練兵臨清二年十月吳傑平安守定州盛庸守
德州凱及陶銘城滄州爲犄角 文皇自通州直



趨滄州凱大戰不勝入城東門之卒先潰凱及都督程暹都指揮俞琪趙詩胡原李英張傑將校百餘人皆被執 文皇臥凱等酒遣歸凱等謝願留事殿下進至北平仍其官祿靖難後暴卒建文數年間諸將被執者益衆慮千人已邪懷來之戰都指揮俞真直定之戰都指揮劉廷庚辰白溝河之戰都指揮何清滄州之戰暹琪詩原英傑德州之掠千戶蘇獻辛巳滹沱河之戰指揮鄒漢陳鵬真定之圍都指揮朱榮定州之戰都指揮花英鄭琦王恭指揮詹忠壬午渡衡水指揮賈榮板東平指揮

詹豫拔汶上都指揮薛鵬瀾河之戰胡騎都指揮林帖木兒火耳灰吟三帖木兒婁鬼里淮河之戰守將丁良朱彬指揮王貴等一百八十餘人
建文遜國臣記第四卷

孫心材重校

子履華校






2025000 NATIONAL CENTRAL LIBRARY, TAIWAN 2025000





國立中央圖書館, 臺灣, R.O.C.





2025.08.08 NATIONAL CENTRAL LIBRARY, TAIWAN, R.O.C.



建文遜國臣記第五卷

吾學編第五十六

翰林修撰王叔英

海鹽鄭曉

王叔英字原采黃巖人初從外姓陳篤志力學洪武中與楊太中葉見太方孝孺林右並徵至京辭還鄉二十年薦起家仙居訓導三十年改海安府學陞漢陽知縣建文元年孝孺欲復井田叔英貽書力阻之其略曰天下之事固有行於古而亦可行於今者亦有行於古而難行於今者夏時周冕之類此行於古而亦可於今者也井田封建之類



可行於古而難行於今者也可行者行之則人之從之也易難行者而行之則人之從之也難從之易則民樂其利從之難則民受其患此君子之用世貴得時措之宜也召爲翰林修撰上資治八策曰務問學曰謹好惡曰辨邪正曰納諫諍曰審才否曰慎刑賞曰明利害曰定法制皆援証今古可見行事又曰太祖除奸剔穢抑強鋤梗如醫去病如農去草去病急或傷體膚去草嚴或傷禾稼是故體膚病去則宜調燮其血氣禾稼草去則宜培養其根苗靖難兵至淮上游兵逼江干建文君

遣使四出募兵叔英奉詔行至廣德聞建文君遜位恟哭會齊太奔叔英曰太貳心矣急擣太至密問之故乃相抱慟哭與太且圖後舉已而知事不可爲沐浴衣冠書絕命詞藏襦間自經於玄妙觀銀杏樹下詞曰人生穹壤間忠孝貴克全嗟余事君父自省多過愆有志未及竟奇疾忽見纏肥甘空在案對之不能嚙意者造化神有命歸九泉嘗念夷與齊餓死首陽巔周粟豈不佳所見良獨偏高躐邈難繼偶爾無足傳千秋史官筆慎勿稱希賢又題其墓曰生既久矣未有補於當時死亦徒

然庶無慚於後世 文皇登極治奸黨妻金安人
繫獄死二女赴井死叔英將死移書祠山道士盛
希年葬我祠山麓希年天台人收葬叔英墓在州
城西五里許正統中楊士奇題其墓曰嗚呼翰林
修撰王原采之墓士奇本叔英薦起也成化中州
守莆田周瑛封植表識其墓嘉靖中編修安福鄒
守益滿州判官立祠祀之太平知縣曾才漢又建
忠節祠祀叔英妻及二女有貞烈祠在黃溪畧上
叔英著有靜學集

翰林編修王良

王良字敬止吉水人建文元年江西發解第一明
年舉禮部廷試策最優以貌不揚易胡靖第一良
次之又次李貫並授翰林修撰如洪武十八年故
事良初聞靖難兵起輒憂不食日羸憊及渡淮閉
門涕泣不已訣妻子服毒死建文君哀其忠遣禮
部侍中黃觀諭祭或曰 文皇繼統前一日羣臣
迎附良慟哭不已與妻子訣吾不可復生豈能復
顧汝等是夜服腦子死此說非是靖貫皆事 文
皇永樂初 上出建文時羣臣封事千餘通令解
縉等編閱留軍馬錢糧數盡焚諸言語干犯者因

從容問貫籍等曰爾等宜皆有之衆未對貫獨頓
首曰臣貫等實未嘗有也 上曰爾以是爲奚耶
食其祿思任其事當國家危急時官近侍獨無一
言可乎朕非惡夫盡心於建文者但惡導誘建文
壞祖法亂政耳爾等前日事彼則忠於彼今日事
朕當忠於朕不必曲自遮蔽也後貫遷中允坐累
繫獄十年竟死獄中貫亦吉水人

翰林編修程濟

程濟朝邑人以明經爲岳池教諭岳池去朝邑數
千里濟寢食在朝邑而治岳池學蓋不廢建文初

上書言某月某日西北兵起朝廷謂非所宜言繫
至京將殺濟召入仰面大呼曰陛下且囚臣至期
無兵臣死未晚遂下獄已而兵果起赦濟以爲翰
林編修充軍師護諸將北行徐州之捷諸將樹碑
叙戰功及統軍者姓名濟一夜往祭碑人莫測其
故後 文皇過徐見碑大怒趣左右鐵椎椎碑再
椎遂曰止止爲我錄碑文來已而按碑族之諸將
無得脫者濟姓名正椎脫處得免濟曩之祭禳碑
也淮上諸將敗建文君召濟還京初濟與邑人高
翔並以明經徵翔厲名節濟好術數翔止濟勿爲



此濟不聽已而有兵事濟又勸翔學我術翔曰我願爲忠臣也金川門破翔招濟同死濟曰我願爲智士也翔竟死之建文君急召濟入問計濟曰天數已定惟可出走免難耳立召僧爲建文君落髮濟從之出每遇險幾不能脫濟以術脫去相從數十年後隨建文君至南京人尚識濟至京莫知所終

衡府紀善周是修

周是修名德以字行江西太和人少孤力學舉明詩爲霍丘學訓導入見 高帝問家居何爲對曰

教人子弟孝弟力田 高帝喜擢周府奉祠正逾年從王北征至黑山還陞紀善建文元年王有過盡遣府吏詔獄是修以嘗諫得免改衡府紀善衡王者建文君弟也當是時衡王未之國是修留京預修纂翰林好薦達知名士數陳論國家大計及指斥用事者誤國用事者怒衆共挫折之是修屹不爲動靖難師渡江宮中自焚是修留書其家別友人江仲隆解縉胡靖蕭用道楊士奇且付後事暮入應天府學自經死年四十九 文帝繼統都御史陳瑛言是修不順天命請加追戮 上曰彼

食其祿自盡其心勿問是修內貞外和孝友忠信
非其義不苟取襟懷坦明灑落而冲澹悠然其學
自經史百氏下至陰陽醫卜靡不通究爲文未嘗
諦思援筆立就而雍容雅贍詞理條達所著有詩
小序詩集詩譜論語類篇廣衍太極圖綱常慙範
通言家訓菊苑集進思集嘗曰忠臣不以得失爲
憂故其言無不直烈女不以死生爲慮故其行無
不果因取先忠節遺事輯爲觀感錄朝夕省覽士
奇嘗爲是脩傳語其子曰當時我脫與若父同死
今誰爲若父傳者

給事中陳繼之

陳繼之莆田人建文二年進士爲戶科給事中言
江南僧道多服田請人給五畝餘以賦民從之靖
難兵起建白多不避靖難兵入城死之繼之父秀
母黃諱戍甘肅道死子徵仔妻姚女進奴京奴沒
官第余朝等悉戍邊

給事中韓永

韓永西安人或曰浮山人不知始所自起建文時
爲戶科給事永豐軀美聲音吐宏朗每慷慨論兵
事建文君喜之靖難後杜門不出召入見不屈死

給事中黃鉞

黃鉞字叔揚常熟人以生員薦除宜章典史建文元年舉湖廣鄉試明年進士授刑科給事中陞戶科左改禮科建文三年外舉方孝孺屏左右問曰北兵日南蘇常鑿京師左輔君吳人朝廷近臣今雖去宜有以教我鉞曰三郡惟鎮江最要害守非其人自撤藩籬也鎮江指揮童俊狡猾不可測蘇州知府姚善忠義激烈有國士風能當一面但仁慈有餘而御下太寬此治郡之良才恐不足定亂

然國家大勢不在江南戎馬至此而禦之晚矣孝孺因附書善勉以忠孝期戮力王室濟時艱善得書與鉞相對慟哭以死自誓鉞就父殯居陂上舊廬足跡不入城邑靖難兵至江上善受建文君詔總蘇松常鎮嘉興五郡兵動王以書招鉞鉞即日督募軍遂至善所時俊果以鎮江降靖難後詔暴善罪捕善急善麾下許百戶素權詐得親善縛善邀賞鉞聞之慟哭遂絕食閉目三日求死家人救免或告鉞曰善歛服已得有鉞復瞪目曰吾知善矣無二心吾且少俟善事定吾獨死未晚脫鉞果

通鑑紀事本末 卷之七
不死吾將下報希直遂復稍稍食是年七月十一日善死報至鉞起登琴川橋西向再拜祀善慟哭曰吾與君同受國恩國有難義同許身君今與希直同死國吾忍獨生乎祀畢詒家人歸祭具遂從容整衣冠奮身入水死時北兵四出捕善堂藉藉言且併錄鉞家親族悉驚伏鉞友人楊福吳棺余日夜泣橋側百方求鉞屍不得更數日旋忍自出立水中福慟哭抱起易衣體猶不潰竟成禮葬之屏處福父添早奇鉞鉞與福共學福亦有古行

給事中龔太

龔太字叔安義烏人九歲而孤母傳躬教之造就外傳日記數千言長自刻勵造詣深遠洪武十九年鄉薦明年入太學奉旨闕齊府獄監安東倉盡力剔抉吏部策試第一除戶科試給事中建文三年遷都給事中 文皇渡江太與妻傳訣曰事至此我自分死爾第携幼穉歸否則俱溺井無辱俄宮中火起太馳赴為兵校所就見 文皇金川門以非奸籍得釋太自投城以死年三十六太遇事剛果有為以孝友聞狂人擠太池溺幾死聞其病狂弗校鄉有巫言人禍福輒驗太至不能出一語

子永吉累官兵部右侍郎改南京大理卿致仕

監察御史曾鳳韶

曾鳳韶廬陵人洪武末年進士建文初爲監察御史會薄王入覲馳皇道入且不拜鳳韶侍筵言殿上宜展君臣之禮宮中乃叙叔姪之倫由皇道不拜大不敬建文君曰至親勿問靖難兵起鳳韶使北平請罷兵歸國不報靖難後召復御史不至尋加侍郎召又不至刺血書憤詞襟上曰予生廬陵忠節之邦素負剛鯁之強讀書而登進士第仕宦而至繡衣郎旣一死之得宜可以含笑于地下而

不愧吾文天祥屬妻李子公望曰我死勿易衣遂自殺時年二十九李亦守節死

監察御史董鏞

董鏞或作庸不知始所自起亦不知何許人建文時爲監察御史諸御史有志節效忠本朝者時時會鏞所誓不負此心將校懷貳不力戰者輒露章劾之靖難後爲衆所持謂鏞逆黨也論死家徙戍邊

監察御史葉希賢

葉希賢監察御史也或曰浙東人或曰起家鄉薦



通鑑綱目 卷之五
九一
入臺侃侃自負建文中屢疏言用兵事又嘗劾耿李二大將失律金川門失守又詐藩守門者靖難後坐逆黨死之

監察御史魏冕

魏冕吉安永豐人建文時爲監察御史勁直有才名靖難兵至有約開門者冕率同僚十八人叩殿前殿之幾死會輟朝冕及鄧璋大呼請速加誅臣等義不與此賊同生不聽明日宮中火起或謂冕宜急迎附冕赧色厲聲曰使吾改臣節必不爲時所屈奈何後自壞也靖難後冕自盡法官請追罪

夷其族

監察御史王度

王度字子中歸善人少肆力學問通經史能文學爲鄉里師以明經儒士薦起家爲山東道監察御史有風裁疏十餘上多見采行靖難兵起度與齊黃等調兵食建文二年監會試時李景隆累敗退保濟寧以盛庸代之總兵度密陳便宜有東昌之捷徵景隆還不誅反用事忌庸并譏度度稍疎斥三年夏靖難兵南下益急度請募兵未幾有小河之捷勅度勞軍徐州比還鳳陽失守方孝孺與度

書誓死社稷四年秋七月謫戍賀州坐語不遜夷其族卒年四十七

監察御史聶霖

聶霖懷寧人洪武丁卯鄉薦爲監察御史剛介持正敢言中臺推重之靖難後被執求死從容受戮子孫相戒不復求仕至今微弱正德中知府胡績宗祀之鄉賢祠

監察御史高翔

高翔朝邑人有文學矜名飾洪武中明經徵爲監察御史諸所論奏皆國家機要帝上心建文時

尤戮力戎事相與激發忠義靖難後召翔翔服喪服入見大哭語多不遜遂族翔沒其產諸給高氏產者皆加稅曰令世世罵翔也親戚悉戍邊又發其先墓雜犬馬骨焚灰揚之而以其地爲滿澤園

監察御史王彬

王彬字文質交州東平人洪武中進士起家爲御史巡江淮治揚州靖難兵至彬與指揮崇剛共守揚城指揮王禮欲舉城降彬與剛知之執禮及其黨繫獄彬外禦內防七日不解甲有力士能舉千斤彬常以自隨靖難兵飛書城中有縛王御史降

者官三品左右俾力士莫敢縛彬禮弟宗厚賂力士母誘其子出會彬解甲浴盤中爲千戶徐政張勝所縛昇至城上校靖難兵中不屈死之政遂出禮等于獄與江都知縣張本開城門降正德中揚州祀彬名宦

監察御史鄭公智

鄭公智字叔貞官寧海人力學好古工文辭方孝孺薦之蜀獻王召至成都王與語經史論詞藝公智數稱述河間東平賢行王說之建文初侍孝孺至京尋舉賢良爲監察御史吏事精敏持法不阿

靖難後坐方黨論死

監察御史韓郁

韓郁未詳何許人爲監察御史建文中上書言諸王親則 太祖遺體貴則孝康皇帝手足尊則陛下叔父使二帝在天之靈子孫爲天子而弟與子遭殘戮其心安乎臣每念至此未嘗不流涕也此皆豎儒偏見病藩封太重疑慮太深而至此夫唇亡齒寒人人自危周王旣廢湘王自焚代府被推而齊臣又告王反矣爲計者必曰兵不舉則禍必如是朝廷執政激之使然燕舉兵兩月矣前後調

通鑑綱目卷之九十一
兵不下五十餘萬而一矢亡被謂之國有謀臣可
乎經營已久軍興輒乏將不効謀士不効力徒使
中原無辜赤子困於轉輸命不聊生日甚一日九
重之憂方深而出入惟惟與國事者方且洋洋自
得彼其勸陛下必削藩國者果何心哉諺曰親者
割之不斷疎者續之不堅殊有理也陛下不察不
待十年悔無及矣臣至愚感恩至厚不敢不言幸
少垂洞鑑興滅繼絕釋代王之囚封植湘王之墓
還周王于京師迎楚蜀爲周公俾其各命世子持
書勸燕罷兵守藩以慰宗廟之靈明詔天下撥亂

參軍斷事高巍

反正篤厚親親宗社幸甚不聽郁未詳其所終
高巍遼州人事母蕭至孝蕭老而病疾巍奉湯藥
不懈母亡廬墓蔬食三年洪武十五年應貢入太
學十七年以孝行旌尋授前軍督府試左斷事十
八年上疏欲壅河南山東北平兵後荒田及柳木
技慎選舉惜名器數事 上嘉納之後坐斷事不
稱旨當罪以議賢滿成貴州關索嶺仍許姪代復
建文君即位上疏陳乞歸田里未幾知州王欽應
詔辟巍赴銓曹上書論政事其一曰 太祖有文

王純一之德皇后有后妃不知之行百男君王上齊三代分茅府土先據形勢陝西百二山河其人悍勇西隣土番故以藩王之長秦府王之山西表襄山河地產良馬其人剛壯所謂山西將者是也北近胡虜故以晉府王之燕國雖無名山大川之限其南冀州真保順平大名諸府所謂秦土之野地里坦平肥沃賦饒衍北雖沙漠不毛廣畜馬羊其人不耕不耜及衣肉食弓馬是務遂全殘元藉之興業故以燕府王之四川雖曰西南一隅山河阻深玄德諸葛虎視吳魏故以蜀府王之其餘

楚湘齊交寧遼谷代慶肅星羅碁布比之古制雖皆分封焉當然 太祖聖意莫不欲護中國而屏四夷也今各處親王故多驕逸不法違犯朝制者不削則朝廷紀綱不立削之則傷親親之恩此我皇上所難處也賈誼曰欲天下之治安莫要於衆建諸侯而少其力力少則易使以義國小則無邪心真裁制諸侯之良策也以臣愚見莫聽晁錯削奪之策當行主父偃下推恩之令秦晉燕蜀四府子弟分王於齊兗吳楚潭湘齊兗吳楚潭湘分封於秦晉燕蜀其餘寧遼谷代慶肅等府類比而分

TIFFEN Color Control Patches



通鑑紀事本末卷之五
王之少其力而減其地如此則藩王之權不削而自弱矣其賢如河間東平下詔褒賞驕逸不法如淮南濟北者初犯則容之再犯則赦之三犯而不改者當合親王告太廟削其地而廢處之豈有不順服者哉修身齊家宣父明訓睦族和邦帝堯盛德惟皇上覽察焉建文君奇巍會靖難兵起命從李景隆出師參贊軍務魏復上書言臣願使燕披忠膽天陳義禮曉以禍福及親親之誼遂遣往燕巍自稱國朝處士臣某上書燕國大王其詞曰志業仲連子善與人排難解紛名世不朽我太祖

升遐遺詔內外臣民同心輔政我聖明天子嗣登寶位誕布維新之政下養老之詔天下感戴莫膏考妣朝野皆曰內有聖明君王外有骨肉藩翰帝王之治可待不意大王與朝廷有隙張皇三軍抗禦六師竟不知其意何出在朝諸臣執言仗義以順討逆臣以爲動干戈孰若和解使帝者復帝王者復王君臣之義大明骨肉之親愈厚臣所以得奉明詔置死度外來見大王欲盡一言求頭血汚地者稱臣宿許太祖生當殞首死當結草之願也昔周公聞流言即避位居東若大王始知謀逆



者擒送京師或默而泰聞或解其護衛或質所愛
子孫釋骨肉猜忌之疑塞讒賊離間之口不與周
公比隆哉慮不及此送檄遠邇大典甲兵襲疆宇
任事者得籍口以爲殿下假誅左班文臣實欲效
漢吳主倡七國以誅晁錯爲名家必自毀然後人
毀之恐一奸雄乘隙鳩集無賴因時乘釁率衆數
萬突起而橫擊之萬一有失大王獲罪先帝矣今
大王據北平取密雲下永平襲雄縣掩冀定易若
建瓴但自興兵以來經今數月尚不能出區區葦
爾一隅之地較以天下十五而未有一焉大王將

士殆亦疲矣况朝廷天下無限之師大王以一國
有限之衆應之大王同心之士大約不過三十萬
大王與我聖天子義則君臣親則骨肉尚生離間
之疑况三十萬異姓之士可保終身困迫而死於
殿下乎大王信臣言上表謝罪按甲休兵朝廷寬
宥再修親好天意順人心和 太祖在天之靈亦
安矣不然執迷不回僥倖悖事恐與伯夷叔齊奉
伯仲雍求仁讓國之義徑庭矣幸而兵勝得成後
世公論爲何儻有蹉跌取譏萬世於是時也追復
臣言可得乎巍白髮書生野辨微命生死不懼者

但久蒙 太祖教養無能補報洪武十七年旌表
愚臣孝行臣竊自負既爲孝子當爲忠臣死忠死
孝臣至願也書再上不報景隆兵敗難自拔南歸
建文二年五月遇鐵鉞於臨邑相持勵哭共誓效
死遂趨濟南守城拒退靖難兵魏賦志喜有曰至
濟南而被圍思張巡之忠堅幸遇知己之鐵相更
從英華以雲鵬若徐將軍之起赴盛統兵之桓桓
合意高公之糾謾大叅宋公之周旋掠陣張都統
之能勇給備王太守之從權吾道王府校之論議
斯文王肯播之勉焉衆齊羣策屈力保全盛統兵

者盛庸也餘不可考矣京城破寇縱死難舍又有
高不危者仕建文時死義弟宣戍南海衛或曰不
危魏字也

行軍斷事錢芹

錢芹字繼忠吳人少好奇節元末以策干諸將不
遇洪武初辟大都督府掾從中山王出北平絕漢
而還未幾解職家居二十餘年其貧樂道姚太守
虛心求見芹授一冊竟不交一言而退冊中言勤
王事不知其詳也建文君求直言舉山林巖穴懷
才抱德之士善薦芹吉安知府薦蕭用道用道授



靖江府直史芹爲戶部司務留中議事尋署行軍
斷事從大將軍諮議軍事會遣芹入奏事道病卒
猶條兵事後急上執政年七十二賜棺歛歸葬黃
山善後竟勳王

戶部主事巨敬

巨敬平涼人初爲監察御史伉直敢言建文中爲
戶部主事清慎有聲靖難後被逮責問不屈死之
夷其族

國子博士黃彥清

黃彥清不知何許人亦不知仕何官建文四年十

二月彥清尚爲國子博士以在駙馬都尉府中
中私譚建文君坐死并逮從子貴池典史金蘭等
繫獄嚴言彥清實不在軍中金蘭等得釋金蘭後
官至知縣南京故老言建文已卯庚辰間法網疎
隔道不拾遺有得鈔於衢者輒拂其塵土置高潔
處以石鎮之而去一時士風朴實尚義者多靖難
兵入京之夕郎御史給舍四十餘人相與絕城遁
去詰朝御史以聞 文皇不問已而深山窮谷中
往往有傭販自活禪寂自居如所謂雪庵和尚者
其志蓋可悲云或曰黃彥清本大臣出外巡訪

文皇詔至拒不受欲圖興復下皆効命顧兵力不足死之或曰王說爲黃

宗人經歷宋徵

宋徵不知何許人爲宗人府經歷建文時上疏請削罪廢宗藩屬籍諸王聞之皆恨徵徵又嘗與盧振謝昇牛景先數言耿曹諸將失律懷求心靖難後縛至不屈死并殺其妻子

欽天監劉伯完

劉伯完不知何許人洪武時重天官之學稍通曆象占步風角者咸得衣食於官凡有征討必選通知天文者從行伯完精於占候又諳回曆法起時人歷官欽天監副靖難兵南下在歷城侯軍中從何福戰靈璧敗績被獲釋還竟亡去莫知所終

按察使王良

王良字天性祥裔人歷官刑部左侍郎建文三年問燕國人罪從末減左遷浙江按察使至浙江謁岳鄂王墓誓曰苟愧武穆非人也建文君遜位大憫九月詔召良良集果司諸印私第躊躇未能決妻問故曰我分應死未知所以處汝耳妻曰我何難君爲男子乃爲婦人謀乎遂愧食抱其子歛

獻如厠置其子池旁自投池死良歟妻畢即列新於戶寫遺囑付家人令妾抱幼子往匿某會事家或曰託諸汴商遂舉火闔室自焚死事聞上曰死本良分也朝廷印信良不得輒毀良毀印不得無罪徒其家於遼台人陳璉私議良死事每談及流涕沾襟正德戊寅浙江按察使梁材提學副使劉瑞改公署東水鑑亭為祠祀良

參政鄭居貞

鄭居貞徽州人或曰閩人父潛固初歷仕潞州同知居貞豐類美髯髯從父官閩中因從貢尚書遊

洪武中以明經舉授華昌通判陞禮部郎中建文時爲河南試左參政三年吏民信愛之永樂初坐方黨死于南京有閩南集關龍行藁歸來藁隨藁檜廷藁子孫因留居福州瓜山方孝孺之爲漢中教授也居貞嘗以詩送之曰翩翩紫鳳雛羽翮備五彩徘徊千仞翔餘音被江海於焉覽德輝濟濟鑄環珮天門何嵯峨羣仙久相待晨沐暘朝陽夜息飲沆瀣如何復西飛去去秦關外岐山諒匪遙啄食良自愛終當巢阿閣庶以鳴昭代

按察副使程本立



程本立字原道，未出伊川。上世徙杭，再徙崇德。今析桐鄉。本立少有大志，讀書不務章句，與海鹽沈壽康友善。壽康喪，父母葬，祭以禮，敦行，誼南臺論薦，與官力辭，不就。鄉人稱爲孝隱。先生嘗執手告本立曰：世之學者，爭務科舉，以經學爲名，而無實吾所不取。子之質，近厚年且富，當志於聖賢之學。本立遂篤志修檢，就學人華，朱克修寓金華最久。造詣益深，國初舉明經秀才。洪武九年，除泰府引禮舍人，同奉養燕府。官僉召見，奉天門賜馬楮幣。母艱去官。十三年，補周府禮官。從王之國。大梁二

十年春，進長史。從王來朝，被累請雲南馬龍他郎甸長官司。吏目留家大梁，從一僕去。雲南會死，可伐煽誘百夷爲逆。二十一年，本立單騎入夷巢，諭順逆利害，諸酋落威感，說歸附。是冬，諸夷復變，帥潘沐英張統屬本立行縣，與兵事。且撫且禦，本立誓以死濟萬民，不避險難。山行野宿，自楚雄姚安抵大理，永昌鶴慶麗江往來，綏輯民夷，稍安。二十五年，英卒。本立爲文祭英，英宗人重本立，請本立撰碑記述英功德。三十一年，奏計入京，還鄉。應天府尹向寶翰林學士董倫薦本立，學行政事，宜留

中朝徵入翰林充纂修官修 太祖實錄未幾陞
試左僉都御史授四品散官食正七品俸建文三
年坐失陪祀調降仍留翰林編纂明年實錄成改
江西按察副使未至江西聞靖難兵入京自縊死
本立所著有異隱集後百三十年福建布政使吳
昂刻於閩壽康洪武庚戌旌表孝子知縣王文禮
敬之

按察僉事胡子義

胡子義一名志遠刑部侍郎子昭第也薦辟爲成
遠訓導歷蜀府典貢山東按察僉事聞兄死辟世
丹稜蜀獻王聞而憐之令削髮爲僧子義以親遺
體辭有子二人生數歲子義曰吾兄無後天不絕
吾姓二子當免於難竟棄去莫知所終

按察僉事林嘉猷

林嘉猷名昇以字行台寧海人師同邑王琦琦坐
累徙雲南嘉猷徒步千里追別又行六千里至漢
中師方孝孺孝孺得嘉猷鄭叔貞喜曰匡我者二
子也洪武二十九年以儒士校文四川蜀王訝其
名字不相蒙更名良顯薦入史館爲史官累遷陝
西按察僉事嘗被召入燕邸最久知二郡王素傾

世子以告孝孺建文君遣錦衣千戶張安持書詣燕許世子王燕燕內使黃儀因問世子計且得行世子竟先發事遂洩靖難後坐方黨逮至京建文四年九月丁亥死之

知府葉仲惠

葉仲惠初名見奉以字行臨海人與兄見太爽仲並有文名稱二葉仲惠初任廣武衛知事陞知縣建文初以知縣充史官修高廟實錄二年同考禮部陞知府永樂元年二月坐修實錄時書靖難事爲逆黨論死籍其家時年六十四

知府王璉

王璉字器之日照人通經史尤長於春秋初仕教授坐論洪武末以賢能薦授寧波知府潔廉平易杜私謁革吏弊政教兼舉璉自奉儉約一日見饌兼魚肉大怒命撤而瘞之就埋奠太守惟痛絕豪武人以故衛史卒恨璉靖難兵至江上璉造船取海道勦王爲衛史卒縛至京見文皇文皇問造舟何爲璉徐對曰由海道趨瓜州截路耳文皇亦不怒釋還田里鄞人黃學憲謂王贊璉曰富貴不淫忠難矣恆神明其心始終一德

知府姚善

姚善字克一安陸人初姓李後復姓居魚寨善志
行淳實學識高遠為諸生時扁讀書所曰待旦軒
會稽唐之淳為之銘善工詩為唐相唱和洪武中
鄉舉歷祁門丞同知廬州重慶所至有能聲三十
年擢知蘇州府初上以吳民淠夷俗儻靡違式
繩以重法置訟者更持短長訟蜂起難治善洞達
政體周悉人情張弛寬密允協時宜敷造請郡賢
考求治道商略民生休戚俗尚淳薄稍因俗救正
吏民回嚮轉稱大治為列郡最隱士王宥居陋巷

善性饒舍車詣門賓問為誰曰姚善賓乃開門延
語及賓報謁南府門再拜而返善自邀還辭非公
事不敢入又將候韓奕奕避入太湖善歎曰韓先
生可謂名可聞而面不可見者錢芹自守甚高善
願見不可得有俞貞木者以明經見重於善月朔
望必延致學宮講經書訓士一日饋菜於貞木誤
送芹所芹受之吏覺其誤詣貞木以告貞木曰錢
先生不苟取與今受不辭必仰府公之賢耳善聞
之欲往候乃使人先道意芹對使者曰芹誠願見
公然芹民也禮不可往見于庭若明公弘下士之

TIFFEN Color Control Patches



風請俟月朔相會於學宮善如期至迎片置上坐
請質經義片曰此士子之業公今有官守何不詢
時務邪善益起敬請問今日急務片出投一簡竟
不交言而去視之皆戰守制勝之策也善心嘉之
時靖難兵已由北平善於是密結鎮常嘉松四郡
守訓練民兵相約勤王而薦芹爲行軍司馬建文
元年善至京師畫策防禦又從大將軍北行尋還
京建文君用漢破七國策賈黃于外善言于朝
曰人有文武才略可扶顛濟危者反置散地不用
今事已狼狽須急召之詢其姓名不對再二詢之

曰今人才豈有過於黃大卿者遂復召還二人四
年詔善兼督蘇松嘉常鎮五郡兵勤王未及戰
文皇即位索子澄甚急子澄避善所約共航海善
謝曰公可去善不可去公朝臣可四往號召圖興
復善職守土義當與城存亡子澄遂去善爲麾下
許千戶等縛見文皇詰善曰若一郡守乃敢舉
兵抗我邪善厲聲不遜死之時年四十三子節諱
成賀縣千戶所幼子繼兒蘇州坐配保兒習匠正
德十一年湖廣巡撫秦金祀善鄉賢祠奕潛心理
學尤精於醫洪武初累薦不起所著有韓山人集

知府徐安

徐安鄞人洪武中舉人材累官濟南知府調鳳陽靖難兵自儀真趨京師奇兵間道從靈壁出鳳陽渡河安謀知拆浮橋絕舟楫拒守靖難兵竟獲應舟以濟靖難後放歸田逾年舉遺逸有司上安名得復任居數載鳳陽諸戚里泰安凌宗親庇細民奪莊田 文皇始怒曰朕昔尚為安所困况若曹乎建安謫戍雲南

知府黃希范

黃希范不知何許人為徽州知府政令嚴明士民信服靖難兵起大修武備金川門失守素服不治事後坐與長史程通善嘗共謀條上防禦策為錦衣邏卒捕去論死籍其家

知府孫鎮

孫鎮合肥人洪武中中制科除度支主事時以課程事罪部官鎮諫不宜連坐謫戍雲南尋復官擢衛輝知府靖難兵至抗節不附壬午秋謫戍山海二十餘年宣德初薦起為上饒縣丞不就自號冲玄子

知府陳彥回

知府陳彥回



陳彥回字士淵莆田人父立誠歸安丞被誣論死
家破彥回謫戍鎮南弟彥困遼東彥回未入滇家
人多道死比至蜀惟彥回與祖母郭僅存會赦又
弗原監送者憐彥回縱之去顧貧不能歸往依定
遠知縣黃積良稱黃姓積良器依南文縣丞于中
和未幾闕中教諭嚴德政薦彥回明經爲保寧府
學訓導三考至京承額問陞平江知縣至平江閏
十一月 上崩彥回入臨給事中楊傑康薦彥回
文學廉幹陞徽州知府至徽教月政教一新士民
感悅建文元年春以循良受上賞是冬郭氏卒承

重徵父老走京乞留會彥回哀經赴闕疏乞得復
陳姓奪服留徵除彥回成籍彥回又乞竟服不許
許襄事蒞郡再疏又不許葬郭徵郡北十里北山
之陽彥回視事時走墓下哭甚哀徵人名爲太守
山彥回恒以亡命月宗爲愧悒悒不自安屢欲陳
首輒自籌曰祖母年高即嗟跌奈何隱忍二十餘
年始得行其志靖難兵至江上彥回糾義勇勤王
文皇即位械至京死之籍其家

谷府長史劉璟

劉璟字仲璟其父文成太師也弱冠涵濡經傳喜

TIFFEN Color Control Patches



談兵究極稍略握奇諸書偉觀豐髯議論英發匪
賊葉丁香叛延安侯唐勝宗討之決策於璟破賊
還薦璟才略 上喜曰璟真伯溫兒矣召見璟謂

曰朕欲汝日夕左右惟闔門使如儀禮司立百官
上宣達爲職處兩無此官者遂授之賜第馬衣帶
金書除奸敵佞四字於鐵簡賜之且命曰百官敢
有不法汝持此糾正會谷王封宣德府副侍臣曰
谷王年少誰可羽翼王者諸大臣故忌璟對曰闔
門使劉璟忠勇果敢可任 上領之授谷府長史
并勅提調蕭燾慶寧燕趙六王府事璟宣至燕

文皇與璟奕璟勝

文皇曰卿獨不少讓我耶璟

正色曰可讓處璟不敢不讓不可讓處璟不敢讓
也請難兵起璟馳還京獻十六策不聽令參議李
景隆軍事景隆又不聽景隆戰敗璟夜半渡蘆溝
河水陷馬斃璟力破水跳崎岸冒雪走良鄉裂趾
跛行三十里璟子穎自大同赴難越良鄉至涿州
遇璟翼璟上馬奔還家養疾建文二年璟輿疾赴
闕進聞見錄千萬言又不聽令璟還家待用明年
六月建文君遜位璟稱疾不起法官論璟逃叛逮
至京見 上猶稱殿下且云殿下百世後遂不得



一箇 字下詔獄徵髮自經死法官希旨緣坐其
家 上不許得歸葬嘉靖乙酉授學副使萬湖肖
像配享文成祠

遼府長史程通

程通字彥亨績溪人祖平謫戍延安通以太學生
走闕下上書請還其祖詞懇惻 上憐而釋之洪
武二十三年舉應天鄉試時遣詣王行邊以封惠
發策通對拜遼府紀善二十四年從王關武臨清
明年從之圍遼西靖難兵起從王渡海來朝進左
長史從王之圍荊州衛士紀綱者方幸王通報辱

之朝廷遣人至荊州通上防禦北兵數千言 文
皇即位綱入賀留錦衣衛幸用事乘間言通曩有
封事指斥遂械通至京論死家人戍邊簿錄其家
得田數十畝遺書致百老牯皮數張績溪之程最
衆幸使者仁恕不旁及

知州蔡運

蔡運南康人貢起家歷官四川奉政清勁直諫不
諂於俗罷歸復起賓州知州有惠政靖難後論死
百姓憐之而思之

知縣顏伯璋

顏伯瑋廬陵人名瑛以字行聰敏介直能文章建
文元年賢良徵授沛知縣靖難兵起淮北民終歲
給軍餉伯瑋征賦有方民不告勞三年六月北兵
掠濟寧游兵過沛沛人竄匿伯瑋設法招徠會該
豐沛軍民指揮司集民兵五千人築堡備禦尋調
三千人益山東兵是月望日靖難兵攻沛伯瑋遣
縣丞胡先百夫長邵彥莊間行至徐告急都督援
兵竟不至度不能文令其弟瑛次子有為還曰汝
歸白大人子瑛弗克盡矣題詩察院壁曰太守諸
公鑒此情只因困難未能平丹心不改人臣節青

史誰書縣令名一木豈能支大厦三軍空擬築長
城吾徒雖死終無憾望宋民艱達聖明是月二十
二日夜二鼓靖難兵入東門指揮王顯迎降伯瑋
冠帶升堂南拜慟哭曰臣無能報國遂自經死時
年五十有為不忍去復還見父尸遂自刎以從瑋
脫走濟寧逾月還沛詢邑人知胡先已收葬伯瑋
父子於沛南關外乃至徐告伯瑋友人晏璧璧與
伯瑋同郡宦於徐因爲伯瑋傳其事言伯瑋善事
父母友于兄弟睦於族姻鄉黨稱其六行無異辭
以故守令知而薦之及爲沛令數以事至徐又同

督運德州每連林共食談誦慷慨練達機宜深喜
鄉郡之有人屬縣之得賢長吏也古語云謀人之
軍師敗則死之謀人之邦國危則亡之若伯瑋寄
百里之命素志已定視死如歸賢於人遠矣觀此
壁亦行誼君子也正統中御史彭勗爲伯瑋起墳
祠祀之

知縣鄭恕

鄭恕字本忠仙居人治尚書能賦詩善書畫好古
博雅家甚貧釜魚籠座一介不妄取蕭然十室日
與學徒數十人講論經理高風勁節一時敬尚寧
波知府禮聘爲昌國訓導未幾陞蕭知縣留心撫
字民愛敬之建文四年靖難支將王聰攻破蕭恕
死之年五十六後藉其家二女當配亦死之子廉
漫姪温漫謫北平種田

理問徐讓

徐讓山西布政司理問不知何許人材氣磊落有
口辯應募賞書物至北平議和解兵受而不答建
文四年五月還授衛鎮撫軍前差遣戰歿

縣丞劉亨

劉亨字嘉會廬陵人博通經史洪武十五年以賢

人君子微辭親老歸養久之復舉經明行修入對
稱旨命說書華蓋殿尋言事件執政出爲壽州訓
導三十一年冬建文君詔求言上言文武並用久
長之術而六卿秩卑於五府當並爲一品園子祭
酒師表天下士位不當在太僕下諸武臣子弟他
日當授之兵宜立學校之使知事上使下禮義之
道多見采用陞武進丞修學政課農桑恤孤寡表
節義毀淫祠縣傍作善教坊再思亭風屬民庶訟
省野開流亡來歸建文三年賜贊善四年縣民李
德茂馮阿實作亂白郡守毋令滋蔓寧家擒首惡

致之論降散其黨靖難後遣使勞以金帛旣而有
言亨昔在建文時上書改舊制又坐他事罷歸亨
遂杜門不復出有薦亨修永樂大典者力辭疾湖
廣廣東聘考試官皆不就宣德中監察御史尹崇
高復言亨學行雖老可爲師表官亨造朝自言年
將八十不足任教事上曰伏生九十尚傳經八
十爲教官何不可亨懇辭吏部尚書郭進曰孔子
言老者安之朝廷豈少此人宜聽還鄉自使得
歸正統中年八十二卒

縣丞詹健

衛健山西孝義縣丞不知何許人讀儒書達吏事
膽智過人與徐讓同應募使北平不答健曰願殿
下熟思之亦不聽還授衛鎮撫與讓並赴軍前差
遣後戰歿

教授陳思賢

伍性原

陳應宗

林珏

陳思賢茂名人質直好義洪武末爲漳州府學教
授以忠孝行藝勗諸生隨才教誨多所成就文
皇靖難詔至慟哭曰明倫之義正在今日遂堅臥
不出迎率其徒伍性原陳應宗林珏鄒君默曾廷
瑞呂賢即明倫堂爲舊君哭臨如禮郡人執送京

師思賢暨六生咸以身殉或曰死於道嘉靖中提
學副使邵銳立祠祀之

教諭王省

王省字子職吉水人洪武五年領鄉薦至京詔免
會試命吏部次第擢用省以親老乞歸養尋以文
學徵上親試稱旨當殊擢省自陳才薄親老乞
便養得浮梁教諭外艱起復改睢陽凡八年又改
濟陽靖難兵至省爲游兵所執從容引臂詞義慷
慨衆舍省省歸坐明倫堂伐鼓聚諸生謂曰若等
知此堂何爲名明倫今且勿多論只說君臣之義

何如省大哭諸生亦哭遂以頭觸柱死女靜適即
墨周簿聞靖難兵至濟陽謂父必死三遣人訪竟
得遺骸歸葬省子顛為夔州通判亦抗節死賊中

主簿唐子清

唐子清沛主簿也不知何許人在沛有善政民愛
之頗知縣守沛專調兵食一切邊察事皆付子清
靖難兵執子清欲殺之將兵者欲且留子清不屈
死

吏目鄭華

鄭華臨海人字思榮洪武十八年進士初授行人

奉使川廣有令名建文元年誑誤論東平州吏目
靖難兵起謂其妻齋曰吾義必死奈親老汝少何
妻泣對曰君能為國妾獨不能為君子乃稱病尋
醫携家托友人無錫丞趙次進巫還州州長貳以
靖難兵且至盡棄城走去華獨率民吏憑城守力
不支請援山東又不至不食五日而死

典史周磐

周磐字伯紳武昌人以太學生授永清典史廉謹
攝令亭捕蝗弭盜靖難兵起永清地近燕繒極力
拒守縣民寡弱相帥避散縉度不可為懷印南奔



將他國道聞母喪歸終喪卽出糾義旅勤王戎器
數日略具聞南師燔遂去匿民間壬午十月丁巳
吏部言前北平屬州縣官朱寧等二百九十人當
皇上靖難時俱棄職遠避宜寘法典命入粟贖罪
屯戍興州有司遂絀縉至京謫興州居數年子代
還年八十終於家吳文定公嘗爲縉傳以故得獨
傳寧等竟不可考

典史黃謙

黃謙亦不知何許人以儒生爲沛典史果敢能狀
下頰知縣禮遇之益効力盡職靖難兵欲執至徐

招降謙不屈死之

盧振

盧振靖難兵起與徐輝祖齊黃謙畫攻守効力爲
多靖難兵畏之壬午秋逮至不屈榜振名數其罪
殺之夷其族

牛景先

牛景先禦靖難兵數有功金川門失守景先變姓
名易服出走死蘆葦寺中已而窮治齊黃黨逮景先
妻妾發教坊司

周齊



周璠建文中從將校効力戰守靖難後不屈死之
妻王氏子靈兒皆沒官

謝昇

謝昇富建文時練兵給餉夙夜効勞靖難後不屈
死之振景先璠昇皆不知何許人亦不知其始所
自起任何官或曰璠諸城人

龔翔

龔翔字大章崑山人年十七爲金川門守卒建文
末靖難兵首入金川門翔大哭後還鄉宣德中周
忱延撫兩薦爲崑山太倉學官辭不就曰翔仕無

害於義恐負徃日城門一慟耳竟隱終身門人私
謚爲安節先生

儲福

儲福無錫新安鄉人也洪武初諫燕山衛籍年二
十餘頗好義建文末挈母妻逃去 文皇即位詔
換購戍卒入伍至燕山福在錄中調曲靖衛復挈
母妻以行因仰天哭曰吾雖一介賤卒義不爲叛
逆之臣在舟中日夜泣不輟竟不食而死母韓婁
范爲營地葬之范時年二十有姿色居貧奉姑甚
謹每哭其夫則走山谷中大號不欲聞之姑也官

有聞其寡者欲委禽焉既而聞其事曰此節孝婦也我安忍犯之一日范往澗水邊浣衣見其傍草生若蘇麻草因取之織席售養姑姑賴以存姑年七十餘終營葬爲廬于墓傍范年八十餘卒廬草遂不生土人義之卽其廬葺爲菴集尼居之名崇孝菴

松江同知

松江同知者不知其姓名勳王詔下同知榜募義勇人援極言大義感動人心并述靖難之兵平思遠義 文皇既卽位械至京磔於市

舉人劉政

劉政字仲理長洲人父有經學爲沛學教諭政聰敏力學治春秋建文元年秋方孝孺試圻府士千五百人題命論語托孤寄命節不可奪章得政卷孝孺喜曰此烏中孤鳳當虛左處子是科登書二百十四人政第一四年建文君遜位殺孝孺政慟哭不食死之或曰政在永樂中嘗不復仕授徒終其身

生員高賢會

高賢寧濟陽儒學諸生也受學於教諭王省建文



中貢爲國子生靖難兵攻濟南不下以箭射書城中使丞降賢寧時在城中作周公輔成王論射城外請罷兵靖難後被執 文皇曰此作論秀才耶秀才好人命官之賢寧固辭其友紀綱時爲錦衣指揮俸用事勸賢寧就職賢寧拒不聽曰君以軍旅發身余本書生食祿有年於義不可綱言於上得遣歸年九十七卒

建文遜國臣記第五卷

子履華校

孫心材重校

建文遜國臣記第六卷

吾學編第五十七

某部郎中梁田玉

海鹽鄭曉

梁田玉定海人歷官至郎中靖難兵入金陵田玉與華御史俱覓髮爲僧避去久之松陽人王詔遊治平寺觀轉藏閣藏上矍矍有聲異之令人緣藏登絕頂無所見見書一卷載建文時出亡臣僚二十餘人事紙毀泥字多斷爛不可讀讀數日稍稍銓錄其可識者得田玉郭良梁中節梁良用宋和郭節何洲梁良玉何申凡九人人僅數言詔憐其

TIFFEN Color Control Patches

ColorChecker 30 Color Patches

Black White 30Color Black

Blue Cyan Green Yellow Red Magenta White 30Color Black

中貢爲國子生靖難兵攻濟南不下以箭射書城中使丞降賢寧時在城中作周公輔成王論射城外請罷兵靖難後被執 文皇曰此作論秀才耶秀才好人命官之賢寧固辭其友紀綱時爲錦衣指揮俸用事勸賢寧就職賢寧拒不聽曰君以軍旅發身余本書生食祿有年於義不可綱言於上得遣歸年九十七卒

建文遜國臣記第五卷

子履華校

孫心材重校

建文遜國臣記第六卷

吾學編第五十七

某部郎中梁田玉

海鹽鄭曉

梁田玉定海人歷官至郎中靖難兵入金陵田玉與華御史俱覓髮爲僧避去久之松陽人王詔遊治平寺觀轉藏閣藏上殘壞有聲異之令人緣藏登絕頂無所見見書一卷載建文時出亡臣僚二十餘人事紙毀泥字多斷爛不可讀讀數日稍稍銓錄其可識者得田玉郭良梁中節梁良用宋和郭節何洲梁良玉何申凡九人人僅數言詔憐其

TIFFEN Color Control Patches

ColorChecker 30 Color Patches

Black White 30 Color Black

Blue Cyan Green Yellow Red Magenta White 30 Color Black

忠又得之異各贊數語題曰忠賢奇秘錄贊良王
曰行儒名釋知我者誰至寶淪沒久而同輝

中書舍人梁良王

梁良王亦中書舍人梁郎中族也靖難後決妻子
易姓名挾微貨走出金陵城逾嶺至海南寓市肆
粥書爲業以死贊曰忠臣蹇蹇遵彼海澗就書玩
市資以盡瘁也如遺如哀此陸沉

中書舍人何申

何申不知何許人爲中書舍人建文末奉使四川
至峽口聞金川門不守發憤慟哭吐血不數日疽
發背死贊曰兩涯洶洶中作齋居義私馮殿與之
俱敵奸諛過此寧不傷息余乃爲繫括王子之詞
合而銘之曰今吾故吾知我者誰將若溪身希蹤
宋徽跋戰潛龍寥寥冥鴻豈吝姬疇而其漢卜山
椒木滢天涯海滄會其可逢鼓以南音肯欠一死
以明我心白霓豈見虞淵沉沉孰呵護此悠悠古
今嗟乎靖難時死者無慮千人宋張林黃諸君子
百方搜考僅得百餘人此二十餘人者幸而不死
又得好義者密錄其姓名藏之蕭寺秘處歷百餘
年而王詔始見之縉雲鄭信爲識其事竟以紙字

唐滅故僅得九人其十一人不可考矣

中書舍人宋和中書舍人郭節

宋和郭節皆中書舍人也不知何許人靖難後變名挾卜筮書走異域賣卜給衣食客死

梁良用

梁良用亦定海人父子兄弟八人同仕于朝靖難後相率變姓名避去良用去為舟師已而死于水或曰梁氏父子兄弟為舟師被水死者五人贊曰泛泛柏舟載浮載沉中流苦楫懷我好音肯欠一死匪名是尋以完我族庶明我心

梁中節

梁中節定海人未詳仕何官少好讀老子太玄經靖難後與郭良葉官同走出京城為道士入山去

何洲

何洲海州人不知仕何官與宋和郭節友善素以忠義相勗靖難後遂相約棄官為篋人客死異域竟莫識其姓名王詔合和節洲而系之贊曰箕子陳範厥氏隱卜義有從否道有宜告烈烈英賢家宜備

郭良

TIFFEN Color Control Patches

Blue Cyan Green Yellow Red Magenta White 3/Color Black

郭良不知何許人靖難後與梁中節相約棄官爲道士去贊曰鴛鴦等引嘯傲林阜顏波莫挽使我心勞

雪庵和尚

雪庵和尚名璧不知其姓靖難初方黃之獄殺幾萬人即不殺誦戍窮邊不死於道死於邊者又幾萬人當是時和尚壯年始慟哭落髮爲僧西南走重慶重慶大竹善慶里山水奇絕可廬和尚又走善慶里里墟中有隱士杜景賢知和尚非常人與之遊往來白龍諸山山旁有松柏灘灘水清駛難

箕蘇廟和尚欲寺焉景賢豪有力壘爲之寺寺成和尚率其徒數人入居之斯夕誦經山中人不知書謂且誦佛經乃不知其誦易乾卦也景賢曰和尚相釋而誦儒不可誦佛佛經景賢意和尚不宜誦儒書恐有踪跡然又不肯顯言言則恐和尚走去以故婉解之乃和尚亦知景賢意遂乘儒經不誦誦觀音經寺因名觀音云和尚好觀楚辭時時買楚辭袖之登小舟急棹灘中流朗讀一葉輒投一葉於水投已輒哭哭已又讀讀終卷乃已衆莫測其云何景賢固知之然亦不問和尚和尚好酒

不戒酒日注酒一壺俟客客至輒飲客不至卽拉
樵牧豎入飲飲半醅呼兒童歌曰我歌爾和歌竟
瞑焉而寐和尚頎形秀爽措柔白剪剪落筆成章
詞不甚工密然意氣渙發又能感愴人或曰和尚
當建文壬午爲御史不數月帝遜位和尚固秘跡
以死死之日其徒問曰師卽死宜銘何許人和尚
張目曰松陽問其姓名不答和尚有詩若干篇今
且百四十餘年尚未收顯行於世或曰此松陽葉
希賢也以賢良方正舉爲監察御史

河西備

河西備不知何許人建文四年夏六月 成祖入
金陵卽帝位備被芻衣走是冬至金城行乞市中
金城邊地極寒備當芻衣明年過河西依莊浪
豪魯家爲傭傭亦取直稍稍積買羊裘披之雖寒
必覆之故芻衣益破縷縷竟不肯脫故芻衣夏
或衣暑布布卽新故芻衣輕覆其上人勸之棄故
芻衣不肯棄直悶悶不答傭錢稍有餘走市中買
牛肉酒與諸乞兒食飲傭力作倦時自吟哦或夜
聞其哭泣聲永樂中有留都官從宋總兵至莊浪
者議備欲與語備走南山中避旬月留都官去乃

還有問留都官備何人者留都官亦不答在莊浪
數年病且死呼主人謝為曰我死勿殮我棺幸西
北風大起火我無理我骨骨家從其言

川中補鍋匠

川中補鍋匠亦不知何許人往來夔慶間為人補
鍋至州邑不過三日即去去或復來夔慶人有欲
學補鍋者即教之補鍋不索謝錢直令負攜從有
後曾學者至即遺先學者去如是數年夔慶間人
識之皆呼為老鍋匠補鍋或與錢布米不擇富食
時與之食即不復索錢錢稍稍積囊中遇風雨寒

暑不出補鍋即出錢買酒飯自飲食常寄宿蕭寺
中忽夔州市中逢馮翁者二人相顧愕然已而相
持哭哭已相牽入山岩中坐語竟日學補鍋者屏
不得聞二人語語已又相持哭且別去言今永訣
不可復相見已竟莫知其所終蜀中蛾眉亭嘗有
建文遺臣題詩云一箇忠臣九族殃全身遠害亦
天常夷齊死後君臣薄力為君王固首陽

馮翁

馮翁亦不知何許人在夔州以章句教童子給衣
食能為對句及古詩詩輒自題馬二子或馬公或

塞馬先生嘗作詩大書壁間比見補鍋匠歸即削
去詩曰夜夢何奇特能飛天漢津朝橫滄海曲夕
過漁池瀨光變皆五色蛟涎無損鱗田變化聞
張王藉高晏時蓋永樂甲申乙酉間未幾辭主人
去莫知所終

東湖樵夫

東湖樵夫樵浙東臨海東湖上日負柴入市口不
二價建文壬午秋詔至臨海湖上人相率走縣庭
聽詔或歸語樵夫曰新皇帝登極樵夫愕然曰皇
帝安在或曰燒宮自焚矣樵夫慟哭遂投湖水中

死竟不知何許人

論曰余聞之陶徵士言齊二客魯兩生史並失其
名操行之難而姓名翳然撫卷長歎不能已已余
獨幸夫雪庵諸君子忍垢茹荼卒晦其名以不滅
其族也

建文通國臣記第六卷

子履準校

孫心材重校





國立中央圖書館 臺灣分館







2025 RELEASE UNDER E.O. 14176



© 2008 NATIONAL CENTRAL LIBRARY TAIWAN R.O.C.





2022041 NATIONAL CENTRAL LIBRARY, TAIWAN, R.O.C.

2022041 - 4



建文遜國臣記第七卷

吾學編第五十八

戶部尚書王鈍

海鹽鄭曉

王鈍字士魯太康人故元進士爲侍氏尹洪武十年舉秀才授主客主事改長沙通判坐事免後舉明經授大名通判遷吏部郎中福建恭議陞參政寬慎廉介民懷其惠坐轉漕不給當罷特宥召遣持節諭撫麓川平緬却贈金或曰夷且疑來奈何鈍受之悉輸雲南省藏還陞浙江左布政使愛去建文初陞戶部尚書靖難兵至鈍踰城走靖難後



召見曰爾向輔建文聞朕骨肉今何顏邪鈍頭首
懇謝命致仕月給尚書半俸永樂元年六月鈍上
言軍令屯種數事皆從之復命往北京山東撫綏
軍民經理屯成二年四月仍浙江布政使與勅致
仕卒于罷官至戶部侍郎

工部尚書嚴震直

嚴震直烏程人共武五年起家布衣授武舉議舉
授戶部郎中陞工部右侍郎逾年進尚書二十六
年鄉民訴其弟姪不法上付震直訊報具獄
上以為不欺赦其弟姪已而坐專降威家御史使

龍州二十八年修桂林靈渠尋陞右都御史復為
工部尚書洪武三十年二月震直上論兩廣鹽法
廣鹽得行江西安贛吉臨諸府震直質直勤敏
上數稱之時時賜食彼其家靖難兵起震直督餉
齊魯間兵敗為北兵所縛置布囊兩馬夾昇至此
平建文君遜位後復為工部尚書奉使安南至雲
南見建文君悲愴吞金而死震直慰悟切不喜讀
書力田供徭賦頗長於算數寡學識諸權貴人皆
喜之

侍郎學士王景



延祥日
王景字景彰以字行松陽人洪武初起家懷遠教諭歷知州山西參政訥雲南建文君召景爲知縣留與修高廟實錄母歿去職闕吏部尚書張統爲雲南布政使時知景薦陞禮部右侍郎兼翰林侍講充總裁官時難後進學士時言建文君崩上問景旣禮景頓首言宜用天子禮上從之景博學能文章並著

侍郎學士董倫

董倫字安常思縣人僑居定平質直有文學遨遊山林間布褐藜藿淡如也從遊者衆稱曰川先生

勝國時累辟不起固初擢用單縣儒士張寧寧薦倫洪武十五年遣使徵爲右贊善事懿文太子陳說忠厚十八年擢左春坊大學士太子卒出爲河南左叅政留情民瘼管上封事數千言又薦肇州吏目諸葛伯衡上擢伯衡陝西右叅議三十年註誤免官典教滇南建文君在東宮憐其老且遠去賜白金若干鎰至成都蜀獻王敬禮倫抵滇關心訓化不忍鄙夷其人雖蠻童僊暨皆知向慕建文君即位念舊臣屢詢倫左右亦多薦倫者召拜禮部侍郎兼翰林學士賜御書怡老堂扁及棨几

玉鳩杖各一倫上表謝略曰桓榮設几杖於太常不聞宸翰之賜晏殊題舊學於神道未見几杖之頒自今將杖以戒噎則當思四海或有飢餓之民憑几以安身則當念一物或有顛連之歎或曰此孝孺代筆也初監察御史解縉嘗代夏長文作劾都御史袁太書太恨縉中傷縉上令縉十年著述來京擢用未及期上崩縉赴臨有司謂赴臨非詔宜調詣河州衛史縉與倫書祈援倫左右縉得召還為翰林待詔倫為人質直敦厚富文學為時所重建文間屢懇言宜親睦宗人不聽靖難後

倫年八十餘令致仕出京惛惛成疾數日卒

大理少卿薛嵩

薛嵩閩鄉人慷慨負志操有治才口辯建文三年以鎮江知府為大理左少卿是年方孝孺建議草詔令嵩賞至北平又作宣諭數千言刊印千紙付嵩令密散北兵諸將士嵩見成祖曰上言殿下且釋甲謁孝陵暮即旋師成祖叱曰事至此尚誰欺左右請殺嵩成祖曰天子命使也釋之歸靖難後免嵩死請廣西永樂初安南王孫陳天平自老撾來歸李聲子蒼請天平歸還國上命



廣西總兵黃中以兵五千送天平歸中舉崑爲輔
行至芹站伏發劫殺天平崑被虜死

少卿學士高遜志

高遜志字士敏蕭縣人元末僑寓嘉興好問學嘗
侍父宦遊吳中受業宣城貢師大都陽周伯琦遂
昌鄭元佑爲文深純典雅成一家言年二十五爲
鄞山書院山長洪武二年徵修元史入翰林爲編
修累遷侍讀學士建文時太常右少卿兼學士庚
辰會試與董倫爲考試官所舉士胡靖吳溥楊子
榮楊溥胡濙輩靖難後皆爲名臣遜志存沒不可

考是科同預較藝者右拾遺未達吉縉修史官吳
勤葉惠仲趙友士徐旭張東彝監試御史王度俞
士吉皆一時之選惟惠仲王度死難餘皆位如故
徐旭承樂初爲吏部郎中與逢吉皆預重修高
廟實錄旭陞國子祭酒士吉承樂初爲僉都御史
國子祭酒張顯宗

張顯宗字明遠汀州寧化人少喪父母黃守志訓
教顯宗以文學著名洪武二十四年進士及第二
十九年以編修陞太常寺丞賜衣一襲三十年著
國子祭酒事建文君即位爲真上便宜數事學政

一 新壬午正月陞工部右侍郎靖難兵至淮顯宗奉詔起義兵江西募民出粟給軍餉六月還復爲祭酒靖難後江西兵執顯宗及布政使楊璉按察使房安僉事呂昇至南京請顯宗等戍興州後平交趾起顯宗爲左布政使勞來撫戢夷民安附永樂七年卒於官顯宗性行孝友政事敏達時以文學飾吏事會交趾初平人情未定清林知州王賦武寧知州魏思善能奉行顯宗約束皆有惠政並卒於官

侍講學士王達

王達字達善無錫人洪武間爲大同訓導過北平私上謁 成祖成祖喜禮達建文末薦陞國子教職靖難後姚廣孝又薦達陞翰林編修再陞侍講學士達謙和恭慎能詩文 上嘗問達建文君事對曰建文君亦可與爲善願輔導非人耳 上終薄達一日達侍問達十難字達識其八 上曰朕更有難字難汝達懼服銀屑死 上顧憐之命有司歸其喪或曰達草靖難登極詔或曰草詔者括蒼王景學士也

翰林侍讀唐愚士

唐愚士名之淳以字行山陰人建文二年勅翰林侍從之臣方孝孺等集數千載經史中事爲一書以考治亂爲警戒命舉優通文學之士孝孺首薦愚士愚士時寓金陵爲李景隆子師立召爲翰林侍讀賜冠帶令與孝孺俱領修書事進講前漢書愚士少負奇志好學父庸仕國初應奉翰林文字有文章名愚士得遊公卿間宋濂稱其文魁之進學庸諱死臨沒愚士奉喪歸葬宋父遽文雖荒敗壁高崖斷石靡不氣錄什襲時時伏讀聲淚動人聞者掩涕愚士長身巨鼻博聞多識續連世

故爲文蔚瞻尤長於詩翰洪武中數從景隆徧遊燕薊秦周所過廢都舊邑名賢古帝遺跡輒爲詩歌論記詞音超絕性喜飲酒酒酣高談傾坐晚得官近侍未幾病病愈復起明年病甚比卒遺言請銘孝孺愚士貧無他宗族喪事數千百緡倚辦景隆孝孺爲聞上詔有司給舟歸葬

翰林侍講樓璉

樓璉字士連金華人嘗從宋濂學洪武中以儒士召歷宣寧仁壽主簿藍田知縣擢廣東道監察御史諫成雲南建文君嗣位屢下詔求賢璉以文學

舉入翰林侍經筵官至侍讀靖難兵入京 文皇命方孝孺草詔孝孺哭且罵授之筆擲諸地曰身可死詔不可草改命連及王景聰惶懼不敢辭歸而憤鬪妻子問之曰得無傷方先生邪連愧曰我受刑猶可正恐累及爾輩耳連延一夕自經死

翰林侍書宋懌

宋懌字子爽金華人文憲公孫也懌父凝中書舍人恁思紹父學本母李蜀獻王闡之時賜粟帛賜其家專心力學書至建文君即位念懌爲典宗舊學之臣召懌入翰林侍書與劉彥昂朱思平

皆知名建文時而濂門人有聲稱者同郡樓建浦陽鄭楷皆見權用永樂十年濂孫情坐鄭公智黨刑部侍郎張本請罪情 文皇曰濂名儒開國時事 皇考有勞原情勿問

尚寶司丞李得成

李得成涑水人父德儀早卒母張氏洪武初避兵溺死得成臥水求其尸望父母像與妻事之甚謹洪武十九年縣舉孝廉爲大官署丞二十四年改太常贊禮郎二十五年又以劄肝報效之忠陞尚寶司丞二十七年八月旌其門孝子學士劉三吾



為傳其事靖難兵起景隆敗於德州濟南被圍急
黃子澄等謀緩燕師遣人講和得成慷慨請行見
成祖濟南城下請回軍還燕成祖必欲得齊黃
乃肯解兵遂得成歸報朝廷以得成辱命下獄已
而有之永樂初陞陝西左叅政歷陞陝西右布政
使欵上言民間疾苦

監察御史尹昌隆

尹昌隆字彥謙太和人洪武十八年進士授翰林
修撰改監察御史建文即位初朝晏昌隆諫曰
太祖高皇帝雞鳴而起昧爽而朝未嘗日出臨百

官百官于是乎戒懼故能庶績咸舉天下安也陞
下副守大業固宜迨繩祖武兢兢業業憂勤萬幾
未明求衣日昃忘食寧知不及今乃溺于晏安日
刻甚晏猶未臨朝羣臣宿衛疲伺廢業上下懈弛
臣恐播天下傳四夷非社稷福也建文君曰昌隆
言中朕過禮部可頒示天下使人知朕過元年京
師地震昌隆疏言奸人專政陰盛陽微諫見於天
執政大怒斥為福寧知縣未幾中使誣昌隆詛說
下獄事白得釋靖難兵南下昌隆上書言今日事
勢日去而北來章奏言周公輔成王不若罷兵息

戰許其入朝彼既欲申大義于天下不應便相違
戾諒或有蹉便須讓位不失守藩若沉吟不斷禍
至無日進退失據雖欲求爲丹徒布衣不可得矣
不報靖難後昌隆名在奸黨驅出就戮昌隆當陛
大呼曰臣當時曾上章勸讓位陛下秦贖尚在可
覆也命緩昌隆刑檢奏有之 上曰火燒頭早從
此言南北生靈受禍不若是酷朕亦無此分苦遂
貸昌隆死未幾以爲北平按察知事行部主事預
備議進左中允漢庶人惡昌隆改爲禮部主事尚
書呂震善爲官諱忌昌隆詔昌隆與各庶人通謀

論死淡其家震病時時號呼乞解曰尹相尹相妻
子問故曰昌隆守欲殺我震竟死

國子博士王紳

子紳

王紳字仲縉文忠學士紳之子年十三穎敏過人
幼鞠於兄綬最恭順痛父死義尤孝事母母卒哀
毀未幾兄綬亦卒營葬苦卓負奇志博讀經史
百家言發諸論雖縱橫磅礴沉思銳氣俯視朋流
宋濂一見奇紳曰華川有子洪武十五年蜀王禮
聘抗客禮教授蜀郡紳痛父遺轍未返丘隴白王
走雲南慟哭原野行求久之不能得即莫死所仰

天一號幾絕日夜悲哀滇人感憤稱王孝子紳因
迷滇南恫哭記時雲南布政使張統重紳純孝爲
作弔王翰林文建文君卽位給事中徐誠御史黃
凱薦召爲國子博士預修 高皇實錄與方孝孺
友善嘗尊孝孺爲百代儒宗勸著書淑來學孝孺
不應紳意悟自是略文藝潛心道德建文元年四
月紳上言父死節狀且曰陛下方隆孝治而明詔
又有旌表節義之條正徵臣得展情事之時先臣
志節獲伸之日也下翰林定議降制曰朕慕水洪
業大賚四方文武之臣勲庸勞烈著於天下者感

思曩封寵錫以崇德報功况於守節秉義之臣命
書懸贈曷可忘哉故翰林待制王律博學雄文顯
名當世久事 皇祖夙夜在廷獻納論思數被嘉
獎修史擅三尺之譽蒞民兼四善之稱蘊才而弗
克大施銜命而述先出使導滇民而歸化宣皇威
以懷柔豈期塙承以詭謀竟致忘身而殉義歷年
滋久卹典未遑暨嗣息之疏陳乃興懷而慨歎是
用職陞禁從謚錫美名循彝制以勸忠推茂恩而
示訓尚惟冥漠服此殊榮特贈翰林院學士奉議
大夫謚文節開國以來文臣有謚者寔自律始時

寒義被拔擢而與時浮沉紳士書勸之曰執事方負天下重望治否安危固係於進退去取之是非而所任非其所長所職非其所事位高於器則有覆餗之患才過於職則有積薪之譏非其才而強委之至於值事則是執事欲爲尋常無聞之人而不可得况敢望其遠舉優游而與時俗上下乎義得書極慙之建文二年卒年四十有一有繼志齋集三十卷藏于家子稔字叔豐少有志行壯力聞學性至孝紳痛念父沒食不兼味稔遵教子孫相承致十年不變父母喪三年酒肉未嘗入口學問

該博士從遊日衆有青巖稿聖朝文集全華賢達傳續文章正宗卒年五十九門人私謚孝莊先生稔初從學孝孺靖難後嘗欲與孝孺表姪鄭珣至槩寶門外負其遺骸歸葬不可得坐逮繫獄文皇念稔忠特宥之且用稔稔辭疾請書青巖山下將終身焉稔與童景庸書言痛念遜志名蹟日就湮沒欲執事與令兄商確搜輯其學行幽潛生卒始末爲家傳行狀以傳同志有愛慕之心者自能默識謹識或可待時發揚於萬一稔遂輯方氏遺文爲侯城集後百年始傳



按察僉事葉砥

業砥字周道一字履道上虞人有學行洪武三年
進士除定襄縣丞八年坐累謫涼州砥處之裕如
日杜門力學時法峻諸謫士伍河西者喜從砥遊
建文元年詔求賢陝西按察羅副使臨江知府劉
鵬上虞知縣李惟中皆薦砥史才召為翰林編修
修國史或又薦砥才任風憲改廣西按察僉事永
樂初坐修史書苦難事多微詞被逮籍其家惟薄
田廬故書數篋事白仍與史事書成改考功郎中
尋副總裁永樂大典侍講直官郎中三考加俸二

等職如故砥重聽諛謂授他職上為寫授砥砥
不自安求去不許請郡得饒州知府年八十卒於
官

知府劉有年

劉有年廬陵人徙沅州洪武中明經起家為監察
御史學行有聞尋辭官養母母忤旨謫傳舟通州有
年至通州讀書不解得儀經十八篇於州故家上
之詔藏秘閣建文君起有年徙中為太平知府請
難後坐不肯迎駕謫雲南西平侯知有年賢遺諸
子從學且薦於朝及交趾平以為按察僉事卒官



黃福質有年江湖習次洙泗規模文宗韓柳學本程朱

典史魏澤

魏澤字彥恩深水人有學行洪武中累遷至刑部尚書先是文皇南下姚廣孝曰殿下至京幸全方孝孺殺此人則天下讀書種子絕矣文皇曰然比至京建文君遜去遂召孝孺問曰我法周公匡成王成王不在當議所立對曰殿下既以匡王室而來成王不在當立成王之子忤旨固有滅十族等語遂械繫獄以廣孝言未殺孝孺且收捕其

族黨每捕至輒下獄休孝孺終不屈乃盡殺之澤是時請為寧海典史當捕方氏悉力保護周旋以故方氏有遺育謝文肅公詩所謂孫枝一葉者澤之力也後過孝孺故居為詩悲悼詩曰苟與衝雨過侯城撫景令人感慨生黃鳥向人空百轉清猿墮淚只三聲山中自可全高節天下難居是盛名却憶令威千載後重歸華表不勝情

衛卒羅義

羅義山西清遠衛戍卒也靖難兵起義詣闕上書乞息兵講和又錄上文皇書言殿下聰明英武



建文遜國臣記第八卷
今之周公也宜謹守燕土以法周公輔成王之義
嘗聞夷齊以困相讓去隱首陽聖賢欲成天下之
事必先明順逆之理成敗之勢禍福之機又得天
道之宜人心之安然後可殿下今以藩國敵朝廷
即遂其願尤爲不可况萬難無一易甚乞早息兵
歸國書上下義獄建文四年六月庚辰 上出義
獄中擢戶科給事中朱幾陞湖廣左叅政

建文遜國臣記第七卷

子履奉校

孫心村重校

建文遜國臣記第八卷

吾學編第五十九

都督平安

海鹽縣志

平安初名保兒滁州人 太祖養保兒及周舍道
舍馬兒金剛奴也先買鹽真童潑兒爲義子分守
新附城邑安父定從 太祖起濠梁積功至濟寧
指揮僉事又從常遇春定山東下河南克元都戰
沒安襲陞密雲指揮使洪武三十一年擢右軍都
督僉事靖難兵起克叅將從景隆而北設伏白溝
河敗績營軍家橋邀北餉舟疑不敢進景隆敗鐔



建文遜國臣記第八卷
今之周公也宜謹守燕土以法周公輔成王之義
嘗聞夷齊以困相讓去隱首陽聖賢欲成天下之
事必先明順逆之理成敗之勢禍福之機又得天
道之宜人心之安然後可殿下今以藩國敵朝廷
即遂其願尤爲不可况萬難無一易甚乞早息兵
歸國書上下義獄建文四年六月庚辰 上出義
獄中擢戶科給事中朱幾陞湖廣左叅政

建文遜國臣記第七卷

子履奉校

孫心材重校

建文遜國臣記第八卷

吾學編第五十九

都督平安

海鹽甄曉

平安初名保兒滁州人 太祖養保兒及周舍道
舍馬兒金剛奴也先買鹽真童潑兒爲義子分守
新附城邑安父定從 太祖起濠梁積功至濟寧
指揮僉事又從常遇春定山東下河南克元都戰
沒安襲陞密雲指揮使洪武三十一年擢右軍都
督僉事靖難兵起克叅將從景隆而北設伏白溝
河敗績營軍家橋邀北餉舟疑不敢進景隆敗鐔

山安援景隆殺陳亨還與鐵鉉共守濟南已而朱能兵至安敗之轉戰東昌告捷又戰單家橋執薛祿祿逸去復戰陳瑄不相援安遂敗葦城之役安陷陣先登衆不繼三戰三敗進攻北平又戰敗援保定不克連文四年進討總兵帥遼東兵復通州不克退戰泃河靖難兵伏發夜敗安安轉戰小河殺王真成祖督戰甚急安挺鎗大呼焉奪得前王旗又奮刀入安陣遇安安遂退又戰雲壁安及陳暉馬溥徐真皆被執安力舉數百斤累勇善戰亨真皆驍將並爲安所殺安就執靖難諸將皆

喜或請殺安成祖惜其才勇釋縛簡銳卒衛逸之北平且令仁宗郭資善視安已而掌北平都司事進北京行後府都督僉事永樂七年三月成祖見安忽問曰安乃尚無恙安慚懼遂自經今武安侯成山伯即亨真後也

都督審忠

審忠累官都督建文元年克征虜右副將軍與駙馬都尉李堅從大將軍至北平八月及靖難兵戰于真定敗奔泃泃河戰又敗與都督顧成都指揮劉遂皆被執忠之妻都督徐凱女也後與凱同死

都督潘忠

潘忠歷官至都督將兵屯雄縣建文元年八月靖
難兵至雄破其東門忠至月濠橋遇伏戰敗被執

都督袁宇

袁宇壽州人父洪開國功爲左都督宇事建文君
有軍功爲指揮使韓王妃及李景隆妻宇兄弟也
宇從景隆北進有功陞後府都督同知建文三年
六月壬午靖難將李遠出沛泗掠餉道宇率步騎
三萬邀還中伏大敗宇脫身走以弟容爲文皇
駙馬都尉封廣平侯故得不死建文四年七月宇

練兵雲南

都督楊松

楊松積功官至都督勇果敢戰靖難兵起列營雄
鄭敵至輒敗與潘忠皆被執

都督馬溥

馬溥壽州人父鑑開國有功官至都督僉事溥襲
武德爵指揮僉事建文君初陞都督四年夏與徐
真並克恭將遇靖難兵戰敗靈璧皆被執溥于春
爲周府儀賓靖難後宥溥令改建周府

都督陳瑄

陳瑄



陳暉始爲洮州衛指揮累功至都督克副總兵與靖難兵戰真保滄德間互有勝負已而戰敗被執送北平建文四年八月遣之江西參贊總兵韓觀軍事觀開國功臣韓成子也

都指揮房昭

房昭都指揮守大同建文三年七月引兵入紫荆關掠保定登山結寨蓋召義勇承制授指揮千百戶進據易州西水寨寨在萬山中四面險峻惟一徑攀援可上昭守寨集兵糧進攻北平 文皇惡昭逼落府急回軍渡滹沱河八月真定將官都指揮章壽率兵萬人運餉援昭 文皇曰昭得諒兵糧卒未可破比至餉入寨遂進兵合圍真定裨將都指揮花英鄭琦來援陣巽山下合戰大敗英琦及都指揮王恭詹忠等皆被執昭諒脫走西水寨遂破永樂元年昭尚爲將官備禦宣府

都指揮唐禮

唐禮歷官都指揮靖難兵起盛將軍以徐凱敗於滄州引兵出德州營於東昌禮素稱戰將令將騎兵殿後而以孫霖爲先鋒營滑口靖難兵夜襲破之擒禮霖逃走

都指揮孫狗皮

孫狗皮徐州人歷官北平都指揮建文中數從諸將力戰有功靖難兵畏之已而戰敗被執永樂元年坐死宥之隆百戶

都指揮葛進

葛進歷官河南都指揮使充偏將從大將軍北進建文四年正月朔靖難兵至臺城時進傷先鋒率步騎萬人渡濟沁河半渡靖難將李遠擊之進見遠兵稍退擊馬林間步卒短兵接遠誘進潛師出進後盡解林間擊馬急鼓眾擊進進兵夫馬大敗

脆身走靖難後坐死宥之掌寧夏衛事

太監吳亮

吳亮者建文中中官最親幸建文君焚宮廛去文皇疑匿于僧溥洽所永樂乙酉以他事禁銅溥洽命胡給事中浚以訪張通過爲名又遣太監鄭和等下西洋徇物色不可得正統七年有僧出自田州土官所至廣西藩司自稱建文皇帝曰我自蜀歷滇遊方至此今老矣欲逃骸骨歸故鄉官司奏上驛送赴京寃爲老佛至京寓大興隆寺京城內外僧拜謁無虛日皆曰此海外高僧科道官屢

上言恐其惑眾乃下獄朝廷不忍以亮經侍建文君使審視老佛見亮即曰汝非吳亮耶亮曰不是曰我昔御便殿食子鵝葉片肉於地汝時手執壺狗銜之何謂不是亮伏地哭不能仰視復命畢自經死遂取老佛入西內辛葬西山不封不樹鄆人黃潤玉有學行爲廣西提學覩見建文君跣坐蒲堂曰我朱允炆也長身巨鼻聲如洪鐘

建文遜國臣記第八卷終

子履學校

孫心材重校

皇明天文述序

高皇久在兵間熟知乾象既登宸極召集名家覽搜往牒設官制象并合華夏曲算旁占綜略今古以故二統相持則徵諸七政三曆相準必協於五紀敬天勤民蓋孜孜焉矧其災祲一譴側身脩省符瑞屢臻虛心式教雖亮欽曆象舜在璣衡不是過矣若乃訓諭諸王飭戒羣將吉凶先見動中玄機疇人世業莫能測識豈非數由天悟理本神乎者耶

成祖

上言恐其惑眾乃下獄朝廷不忍以亮經侍建文君使審視老佛見亮即曰汝非吳亮耶亮曰不是曰我昔御便殿食子鵝葉片肉於地汝時手執壺狗銜之何謂不是亮伏地哭不能仰視復命畢自經死遂取老佛入西內辛葬西山不封不樹鄆人黃潤玉有學行爲廣西提學覩見建文君跣坐蒲堂曰我朱允炆也長身巨鼻聲如洪鐘

建文遜國臣記第八卷終

子履學校

孫心材重校

皇明天文述序

高皇久在兵間熟知乾象既登宸極召集名家覽搜往牒設官制象并合華夏曲算旁占綜略今古以故二統相持則徵諸七政三曆相準必協於五紀敬天勤民蓋孜孜焉矧其災祲一譴側身脩省符瑞屢臻虛心式教雖亮欽曆象舜在璣衡不是過矣若乃訓諭諸王飭戒羣將吉凶先見動中玄機疇人世業莫能測識豈非數由天悟理本神乎者耶

成祖

仁宗親承指授

列聖相傳憲章具在凡以答天心之仁愛顧民情之岩險者要不止於觀變明時撫辰熙績而已議者乃謂保章聖壺名號徒存太史天官職業盡廢日月之交會氣朔之盈虛中節之緩急晝夜之短長似多違舛稍宜更定豈知位育恭贊之道變理弼亮之功有不假於器數藝術者歟天文嘉靖己酉六月望日鄭曉識

皇明天文述

吾學編第六十

海鹽鄭曉

吳元年太史院使劉基率其屬高翼等上戊申大統曆上初在滁陽問韓國公漢有三傑佐平天下今徐達可方韓信公可兼張良蕭何乎對曰良智計絕人臣何敢望良若轉給兵食或可勉效何耳上因問今世之士孰可擬良者對曰臣聞浙東宋濂能知象緯上曰以吾所聞濂不如青田劉基上定括蒼孫炎以上命聘基詣金陵時時占乾象佐行軍輒效以爲大史監太史令尋改

天史院使洪武元年改院爲司天監又置回回司
天監是年十一月徵元太史院使張佑張沂司農
卿兼太史院使成祿太史同知郭讓朱茂司天少
監王可大石澤李義太監趙恂太史院監候劉孝
忠靈臺郎張容回回司天監黑的兒阿都刺司天
監丞迭里月實一十四人二年又徵元回回曆官
鄭阿里等十一人至京議曆法占天象三年定爲
欽天監掌察天文定曆數凡日月星辰風雨氣色
之變率其屬而占候焉語在百官述十年三月
上與羣臣論天與日月五星之行翰林應奉傅藻

輿籍黃麟考功監丞郭傳皆以蔡氏左旋之說對
上曰天左旋日月五星皆右旋二十八宿經也附
天體而不動日月五星緯乎天者也朕自起兵以
來與善推步者仰觀天象二十有三年矣嘗於天
氣清爽之夜指一宿爲主太陰居是宿之西相去
丈許盡一夜則太陰漸過而東矣由此觀之則是
右旋此曆家亦嘗論之蔡氏謂爲左旋此則儒家
之說爾等不折而論之豈所謂格物致知之學乎
十三年秋 上坐武英西廡召見諸儒龔穀等言
志 上說曰老儒質直宜輔朕始置四輔官告太

TIFFEN Color Control Patches



廟以王本杜佑龔敬為春官杜敬趙民望吳源為
夏官秋冬官缺今本等兼攝各司時令以災陰陽
十七年七月製觀星盤十月大明清類天文分野
書成凡二十四卷詔賜泰晉 成祖周楚齊六府
大抵欽天監十二分野分配州郡與唐天文志稍
異貞觀中淳風撰法象志因漢書十二次度數始
以唐之州縣配而一行以為天下山河之象存乎
兩戒北戒自三危積石員終南地絡之陰東及太
華逾河並雷首底柱王屋太行北抵常山之右乃
東循塞垣至穢箱朝鮮是謂北紀以限戎狄南戒

自岷山嶺冢負地絡之陽東及太華連商山熊耳
外方桐柏自上洛南逾江漢橋武當荆山至于衛
陽乃東循嶺徼達東甌閩中是謂南紀以限蠻夷
故星傳謂北戒為胡門南戒為越門河源自北紀
之首循雍州北徼達華陰而與地絡相會並行而
東至太行之曲分而東流與涇渭濟瀆相為表裏
謂之北河江源自南紀之首循梁州南徼達華陽
而與地絡相會並行而東及荆山之陽分而東流
漢水淮瀆相為表裏謂之南河故於天象則弘農
分陝為兩河之會五服諸侯在焉自陝而西為秦

涼北紀山河之曲爲晉代南紀山河之曲爲巴蜀
皆負險用武之國也自陝而東三川中嶽爲成周
西距外方大伾北至于濟南至于淮東達鉅野爲
宋鄭陳蔡河內及濟水之陽爲鄆衛漢東濱淮水
之陰爲申隨皆四戰用文之國也北紀之東至北
河之北爲邢趙南紀之東至南河之南爲荆楚自
北河下流南距岱山爲三齊夾右碣石爲北燕自
南河下流北距岱山爲鄒魯南陟江淮爲吳越皆
竹海之國貨殖之所阜也自河源循塞垣北東及
海爲戎狄自江源循嶺徼南東及海爲蠻越觀兩

河之象與雲漢之所始終而分野可知矣於易五
月一陰生而雲漢潛萌于天稷之下進及井鉞間
得坤維之氣陰始達於地上而雲漢上升始交於
列宿七緯之氣通矣東井據百川上流故鶉首爲
秦蜀墟得兩戒山河之首雲漢達坤維右而漸升
始居列宿上菁鶉參伏皆直天關表而在河陰故
實沉下流得大梁距河稍遠涉陰亦深故其分野
自漳濱鄆負恒山居北紀衆山之東南外接髦頭
地皆河外陰國也十月陰氣進踰乾維始上達于
天雲漢至營室東壁間升氣悉究與內規相接故

自南正達于西正得雲漢升氣爲山河上流自北正達于東正得雲漢降氣爲山河下流阪管在雲漢升降中居水行正位故其分野當中州河濟間且王良閣道由紫垣絕漢抵管室上帝離宮也內接成周皆承韋分十一月一陽生而雲漢漸降退及艮維始下接于地至斗建間始復與列含氣通於易天地始交泰象也喻析木津陰氣益降進及大辰升陽之氣究而雲漢沉潛於東正之中故易雷出地曰豫龍出泉爲解皆房心象也星紀得雲漢下流百川歸焉析木爲雲漢末派山河極焉故

其分野自南河下流窮南紀之曲東南負海爲星紀自北河末派窮北紀之曲東北負海爲析木負海者以其雲漢之陰也唯阪管內接紫宮在王畿河濟間降婁玄枵與山河首尾相連鄰顛項之墟故爲中州負海之國也其地當南河之北北河之南界以岱宗至于東海自鶉首喻河戒東曰鶉火得重離正位軒轅之低在焉其分野自河會之交東接祝融之墟北負河南及漢蓋寒燠之所均也自析木紀天漢而南曰大火得明堂升氣天市之都在焉其分野自鉅野岱宗西至陳留北負河濟

南及淮皆和氣之所布也陽氣自明堂漸升達於龍角曰壽星龍角謂之天關於易氣以陽決陰夫象也升陽進踰天關得純乾之位故鶉尾直建巳之月內列太微爲天庭其分野自南河以負海亦純陽地也壽星在天關內故其分野在商亳西南淮水之陰北連太室之東自陽盛之際亦巽維地也夫雲漢自坤抵艮爲地紀北斗自乾攜巽爲天網其分野與帝車相直昔五帝墟也究咸池之政而在乾維內者降婁也故爲少昊之墟叶北宮之政而在乾維外者阪營也故爲顓頊之墟成攝提

之政而在巽維內者壽星也故爲太昊之墟布太微之政而在巽維外者鶉尾也故爲烈山氏之墟得四海中承太階之政者軒轅也故爲有熊氏之墟木金得天地之微氣其神治于季月水火得天地之章氣其神治于孟月故章道存乎至微道存乎終皆陰陽變化之際也若微者沉潛而不及章者高明而過亢皆非上帝之居也斗杓之外廷陽精之所布也斗魁謂之會府陽精之所復也杓以治外故鶉尾爲南方負海之國魁以治內故阪營爲中州四戰之國其餘列舍在雲漢之陰者八爲

TIFFEN Color Control Patches

Blue Cyan Green Yellow Red Magenta White Black

負海之國在雲漢之陽者四戰之國降婁玄
桴以負東海其神主於岱宗歲星位焉星紀鶉尾
以負南海其神主於衡山熒惑位焉鶉首實沉以
負西海其神主於華山太白位焉大梁析木以負
北海其神主於恒山辰星位焉鶉火大火壽星豕
韋為中州其神主於嵩嶽鎮星位焉近代諸儒言
星土者或以州或以國虞夏秦漢郡國廢置不同
周之興也王畿千里及其衰也僅得河南七縣今
天下一統而直以鶉火為周分則疆場針矣七國
之初天下地形雌韓而雄魏魏地西距高陵盡河

東河內北固漳鄴東分梁宋至於汝南韓據全鄭
之地南盡潁川南陽西建甯略距函谷固宜陽北
連上地皆綿亘數州相錯如繡考雲漢山河之象
多者或至十餘宿其後魏徙大梁則西河合於東
井秦拔宜陽而上黨入於奧鬼方戰國未滅時星
家之言屢有明效今則同在畿甸之中矣而或者
猶據漢書地理志推之是守其石遺術而不知變
通之數也又古之辰次與節氣相係各據當時曆
數與歲差遷徙不同今更以七宿之中分四象中
位自上元之首以度數紀之而著其分野其州縣

雖改隸不同但據山河以分爾晉天文志十二次分野始角亢者以東方蒼龍爲首也唐十二次始女虛危者以十二支子爲首也其以斗牛爲星分之首者日月星起於斗宿古之言天者由斗牛以紀星故曰星紀則星紀爲十二次之首而斗牛又二十八舍之首也本朝應運肇基而南京應天府寔星紀斗牛之分且與天地人三統之正相協自周以來數千年間帝王之運適符於今豈偶然哉是年欽天監博士元統言曆日之法其來尚矣今曆雖以大統爲名而積分猶授時曆數况授時曆

法以至元辛巳爲歷元至洪武甲子積一百四年以曆法推之得三億七千六百一十九萬九千七百七十五分經云大約七十年而差一度每歲差一分五十抄辛巳至今年遠數盈漸差天度擬合修改蓋七政之源有遲疾逆順伏見不齊其理深奧實難推演聞磨勘司令王道亨有師郭伯玉者精明九數之學若得此人推大統曆法庶幾可成一代之制蓋天道無端惟數可以推其機天道至妙因數可以明其理是理因數顯數從理出故理數可相倚而不可相違也 上是其言十八年冬



天監星臺於雞鳴山回回欽天監觀星臺
因花雨臺二十年遷鳴人年壯解書者赴京習天
文推步之術二十九年鑄渾天儀成二十六年欽
天監監副李德芳言故元至元辛巳爲曆元上推
往古每百年長一日下驗將來每百年消一日永
久不可易也今監正元統改作洪武甲子曆元不
用消長之法考得春秋晉獻公十五年戊寅歲距
至元辛巳二千一百六十三年以辛巳爲曆元推
得天正冬至在甲寅日夜子初三刻與當時實測
數相合洪武甲子元正上距獻公戊寅歲二千二

百六十一年推得天正冬至在己未日午正三刻
比辛巳爲元差四日六時五刻常用至元辛巳爲
元及消長之法方合天道疏奏元統復言臣所推
甲子曆元實與舊法相合略無差誤 上曰二統
皆難憑只驗七政交會行度無差者爲是自是欽
天監造曆以洪武甲子爲曆元仍依舊法推算不
用捷法二十七年召國子博士錢宰等脩書傳
上曰若輩知天象乎皆對不知 上曰朕觀天象
自洪武初有黑氣凝奎壁乃文章之府朕甚異焉
今年春暮黑氣始消文運興矣洪武中朝廷訪求



通曉曆數數往知來試無不驗者封侯食祿千五百石山東監生周敬心奏言國祚長短在德厚薄非曆數之可定三代有道之長固有定論三代而下深仁厚德者漢唐宋而已如漢高之寬仁繼以文景之恭儉昭宣之賢明光武之中興章帝之長者唐太宗之力行仁義宋太宗之誠心愛民是以有道之長國祚最長者莫如秦其次如隋又其次如五代始皇之酷虐煬帝之苛暴五代之窮竟皆是皆人事所致豈在曆數歟惟 聖上應天眷命掃滅胡夷救亂誅暴其功大矣然神武過於漢高而

寬仁不及賢明過於太宗而忠厚不及是以御宇以來政教未敷四方未治伏乞效漢高之寬仁同太宗之忠厚法三代之稅斂則帝王之祚可傳萬世又何必問諸小技之人邪三十一年幸回回監仁宗即位作臺禁中 上時時登臺觀象洪熙元年正月賜大臣天元玉曆賦 太祖精於天文每以指訓子孫以故 成祖 仁宗皆知天象凡遣將行師諸王出塞遇有侵祥手勅緘諭 仁宗嘗見星變對大臣泣下未幾晏駕正統四年造渾天春環玉衡簡儀十一年令簡儀九道圭表壺漏並

准南京作暑影堂以便窺測調品十四年大統曆
冬及二至晝夜六十一刻景泰六年造簡儀銅壺
成化十年冬都陽童軒知天文以太常少御掌欽
天監事弘治十一年訪世業嗜人并諸能通曆象
適甲卜筮者正德元年七月五宮監侯楊源上疏
言占候得大角及心宿中星動搖天璇天璣天權
星不明乞安居深宮絕遠遊獵罷弓馬嚴覈令毋
輕出入闕除內侍寵倖遊逸小人節賞賜止工役
親元老大臣日侍講習詩書疏下禮部言源占候
之言深切時弊源復疏言十月二十六日占候得

連日霾霧交作爲衆邪之氣陰冒於陽臣欺于君
小人擅權爲下叛上引譬甚力劉瑾怒矯旨杖源
三十釋之源又疏言自正德二年來一向占候得
火星入太微垣帝座之前或東或西往來不一勸
上宜思患預防瑾大怒罵源爾何官亦學爲忠臣
復矯旨痛杖三十謫戍肅州行至懷慶卒十三年
夏五月己亥朔日食起復那合日官周濂請驗交
食以更曆元禮部員外郎鄭經之上言曰歲差之
法虞喜以五十年差一度久而驗之弗合也何承
天以百年劉焯以七十五年僧一行以八十三年

TIFFEN Color Control Patches

Blue Cyan Green Yellow Red Magenta White 3/Color Black

久而驗之又弗合也許衡王恂郭敬以六十六年
有餘以審矣今據其法步之又弗合也且如定歲
之法積四朞餘日而分日加於四朞故二至之時
祇存絲忽此所宜定也又如定日之法日有百刻
而變爲九百四十畫以氣朔有不盡之數難分故
也凡月三十日而二氣盈四百一十一畫二十五秒
一朔虛四百四十一畫積盈虛之數以成閏故定
朔必視四百四十一畫前後爲臙胸祇在一畫之
間此又所宜定也日月交食惟日食實難定月食
分數惟以距交遠近別無四時增損蓋月小閏虛

大月入閏虛而實故八方所見同也日爲月所掩
而食蓋日大而月小自上而月下日遠而月近日
異四時月有九道故旁觀者遠近自不同矣如北
方食既南才半虧南方食既北才半虧故食之時
刻分秒據地定表因時求合而後準也如乾清宮
火之歲仲秋日食日官所步合八分六十七秒而
閩廣之區遠至食既其時刻分秒焉可同之今按
交食以更歷元時分刻刻分分秒至精至細
及至於半秒難分之所此又所宜定也夫差之半
秒積以歲月則懸離臙胸皆不合原算矣是年十



月明年九月十月望月三食時刻分秒並不協嘉
靖三年正月五星聚營室欽天監掌監事光祿少
卿樂護上疏曰臣等預算今年正月五星以次聚
營室但太陽臨近當隱伏不見今候其象果然夫
數不爽而象暗聚則其降精流氣亦必成祥自古
五星之聚莫不有大禍惟視人君德政淑惡何如
耳古書曰五星之聚是謂改易王者有德受慶子
孫蕃昌無德受殃失其國家百姓流亡蓋天道無
親福無常主故五星之聚有禍有福無德靡不受
禍聚房周祚以昌聚箕齊桓用霸漢興聚井宋盛

聚奎是因者皆當更革之際一福一禍增裁覆傾
昭然在德惟天寶聚于尾箕而唐德弗稱旋有祿
山之亂唐業遂衰 皇上聖德中興五星適聚可
不益修聖德愛養黎元以承此大慶乎簡易寡慾
修德之大儉用省財愛民之實伏乞陛下鑒此天
數之大克已納躬勵精而實行之使人心悅而天
意孚真所謂有德受慶矣臣職司占候竊惟禍福
之祥莫大於此至於修德應天之實非臣等之言
所能盡意更乞延訪文武羣臣博求修德愛民之
道而實行之以及內外左右莫不修省協贊承此



大慶不使天眷別有所顧則宗社生靈不勝幸甚
占書又曰天下兵謀則五星聚於營室凡所以內
修外攘以銷夷狄盜賊之謀者似亦不可不加之
意也伏乞 皇上亟與大臣圖之疏下禮部部言
堯舜授受曰解數在躬允執厥中四海困窮天祿
永終 皇上起自潛邸入承大統正德年間權姦
用事冗濫靡費寔耗無餘天下之財盡歸權室公
私赤立國非其困 皇上起而救之生理未復重
以水旱非常之災流移轉徙餓殍相望朝廷屢議
賑恤而在官無可發之廩在民無可貸之儲相顧

錯愕計無所出所謂四海困窮者積漸至此遺大
投艱付託甚重亨屯極溺求望甚切伏望仰稽乾
象俯順時宜圖任老成斥遠羣小崇敬畏戒遠欲
嚴諸一心自足以爲祈天永命之本其他齋醮祈
禳異端小說不宜輕信以啓侍門傷治體至於足
國裕民則今日之務莫急於此必先儉約必端好
尚必慎差遣必重爵賞必戒典作稍在得已即賜
停止務求安靜休養生息假以數年天與之時人
盡其力則生理庶可復而國用亦自有餘矣臣等
待罪禮官星家之說素所未冒不敢旁引曲證以



清天聽至於惠迪吉從逆凶作善降祥作惡降殃
天命靡常常於有德永言配命自求多福則歷聖
言之若出一口傳曰畏聖人之言伏乞垂情經典
堯舜爲師執一中以臨照百官資四海以永綏天
祿應天之寶莫大於此其欲修禳以銷盜賊夾狄
之謀者侯命移咨兵部上議仍乞勅令百官同加
寅畏勉修職業凡事有關國體民生至計者並許
直言以共成嘉靖之治宗社幸甚生民幸甚時又
有華湘亦以光祿少卿管欽天監事上言自昔聖
王承天御極必以治曆明時爲先乾坤莫位之後

四時七政隨天而運寒暑代謝爲歲虧盈互易爲
月晝夜還轉爲日經緯錯列爲星辰步算周審爲
曆數天子奉順陰陽時以作事以厚生而世治
時苟不明晦朔弦望失其節分至啓閉乖其期則
無以該洽生靈而世亂矣夫曆之來由黃帝迄秦
末凡六改由漢高祖迄漢末凡五改由魏文帝迄
隋末凡十三改由唐高祖迄周末凡十六改由宋
太祖迄宋末凡十八改由金熙宗而迄元末凡三
改一曆之改廣集衆見思無遺智法無遺術宜其
永久不變然歷代長於曆者不數歲而輒差杜預

曰陰陽之運隨動而差差而不已遂與曆錯歐陽
脩曰事在天下其易差者莫如曆夫所以差者由
天周有餘日周不足也天周有餘則天常平運而
舒日周不足則日常內轉而縮天日之差於中星
驗焉竟之冬至初昏昴中而日在虛七度虛者北
方之宿則日行北陸經於玄枵之子也今之冬至
初昏室中而在箕二度箕者東方之宿則日行東
陸經於析木之實也計今去堯木四千年而差五
十度矣再以赤道考之勝國至元辛巳改曆天正
冬至赤道歲差一度五十秒今退天三度五十二

分五十秒也實道歲差九十二分九十八秒今退
天三度二十五分七十四秒也故洪武中漏刻博
士元統上言我朝承運以來曆雖以大統爲名而
積分猶授時之數年遠數益漸差天度距元辛巳
至元統上言時歲在洪武甲子僅一百四十年迄
今則二百四十二年授時曆法每歲差一分五十
秒約七十年差一度今合差三度餘矣年逾遠而
數逾盈然則治曆者豈不可隨時修改以求合於
天哉夫不隨時修改求合於天則曆必差是以正
德戊寅日食庚辰月食時刻分秒起復方位多與

欽天監推算不合山東道御史朱節謬薦臣知曆學政官於茲恭惟 皇上入繼大統之年適與元之革命改憲辛巳之歲相符則調元正曆以求未立之差法固有待於今日臣竊念班固作漢志以明治曆不可不擇者三專門之奇明經之儒精算之士臣於三者無一焉蚤夜憂惶罔知所措然於治曆之法聞其繁矣古今善治曆者三家一曰漢太初曆以鐘律起二曰唐大衍曆以著策起三曰元授時曆以晷影測就日體測之毫忽微眇不可得而述者元史所謂自古及今推驗之精蓋未有

出於此龜豎誕哉今欲正曆而不登臺測影臣竊以爲昔空言臆見也伏望令臣暫住朝叅督率會奏改曆中官正周濂及於疇人子弟中揀選諳曉本業善於書算者及今冬至之前親詣觀象臺晝夜推測日影赤道黃道中星分秒日計月書至來年冬至以驗二十四氣二至二分日月交食合朔弦望日躔月離黃赤二道及昏旦中星七政躔度紫炁月孛羅候計都之類視元辛巳所求委有所差備錄上覽乞勅禮部延訪四方有能知曆理如揚雄善立差法如邵雍沉潛智巧如許衡郭守敬

者令其詳定歲差以成一代之懿制夫天文七曜
三垣二十八宿爲大聖人觀天文以察時變觀此
也此其有恒之象也雲雨震電風雪霜露類皆天
象而非其恒也尋字虹珥之類其怪也夫日大明
陽之精光若象也月夜明陰之精光也后象也上
有失德則適見于天而薄食日食陽不勝陰也月
食陰不讓陽也先王謹天戒莫嚴于日食矣春秋
二百四十二年而日食三十六日官失之也史官
失之也日輪大月較小日道近天在上月道近人
在下故日食旣時四面有光溢出也水火金木土

卽人間日用五府之精光也水行最速一瀉千里
金行於世其流如泉火三月而改木一歲而彫土
博厚不遷故金水附日歲一周天火二歲木十二
歲土二十八歲一周天土亦名填讀如鎮以填靜
爲體讀如田以填塞爲用也木星八十三年而與
日合者七十六火七十九年而與日合者三十七
土五十九年而與日合者五十七金水雖隨日然
金八年而合於日者五水四十六年而合於日者
一百四十五三垣曰天市明堂位也曰太微朝廷
位也曰紫微宮寢位也明堂位者天子巡狩之居

TIFFEN Color Control Patches

Blue Cyan Green Yellow Red Magenta White Black

也朝廷位者聽政之居也宮寢位者燕息之居也
天市歲臨之太微日臨之紫微朝夕在焉七曜必
遵黃道歷天街歲一受事太微而出猶大臣受天
子之命於朝以行其職也二十八宿分列四方各
守其野率諸經星以共紫微之帝猶郡國百司各
治其職安其民人以承天子也二十八宿者蒼龍
白虎朱雀玄武各七宿也角主發育萬物亢曰疏
廟氏爲天根房天子之後竅鍵閉鈞鈴兩咸以防
淫而謹內也心天子象言天地之心人之主也尾
主后妃叙御于主所箕承帚又揚簸之器尾而

受之以箕示婦道也五星聚箕尾而有天寶之亂
亂自色荒也斗主薦賢受祿斗爲器量所以斟酌
也民事莫重於耕織故牛女相聯牛農丈人耕具
鬪珠女獻工也天田九星彙井田狗天難教樹畜
也羅堰九坎天淵言農桑者先水利也北陰也故
虛與危主死喪危禍事室以農畢而見故主營建
宮室事嘉靖甲申五星聚營室矣壁圖書之祕府
奎天子武庫婁三蕃牧犧牲以供祀事自室以至
于婁天子之宮館苑囿在焉胃儲藏五穀之府昴
主刑獄又名旄頭占胡人順逆畢主邊兵昴畢之

間有天街分華夾也參中三星中軍其中大將旁
參謀也二角左右將軍二足前後將軍前行軍之
藏府井主水泉主水衡法令平中之事物之平者
莫如水故營國制城畫壁分州皆取象焉鬼主內
外祠祀事柳主草木又爲天厨主饗燕事星爲文
明之會主衣裳文繡張主珍寶宗廟服用異天子
之禁府也軫主車騎任載又星搖星墮大異也凌
犯守留芒角掩各以類占之若乃日之行道周天
如循環月亦然兩環兩交一謂之天首一謂之天
尾天尾爲計天首爲羅月行遲速有常度最遲之

虞卽字也故謂之月字字六十二年而七周天烝
生於閏二十八年十閏而烝行一周天烝字皆有
度數無光象故與羅計同謂之四餘并七政爲十
一也

洪武元年三月辛卯彗星出昴北二年五月甲午
朔四年九月庚戌朔七年二月丁酉朔八年七月
己未朔日食九年六月戊子客星見七月癸丑朔
日食乙亥客星沒十年二月白虹貫日十二月乙
巳朔日食白虹貫日十一年九月客星掃天并十
二月乙巳朔十四年十月壬子朔日食十一月黑



氣亘天十五年正月白虹貫日二月彗星見十六年正月白虹貫日八月壬申朔日食十八年二月乙巳初昏五星並見九月戊寅太白經天客星入太微垣乙酉彗長丈掃翼十月彗星掃天廟十九年三月白虹貫日四月癸亥留南斗七月癸亥三辰晝見十二月癸未朔日食二十年二月五星皆見五月丁丑三辰晝見六月太白經天秋二十一年五月甲戌朔二十二年九月丙寅朔日食十二月白虹貫日二十三年正月癸亥入南斗九月庚寅朔二十四年三月戊子朔日食四月彗星三入

紫微垣二十六年四月太白經天七月甲辰朔日食二十九年五星數失度三十年二月白虹亘天貫日五月壬子朔日食十月癸亥犯南斗
建文二年三月丙寅朔日食

永樂元年四月太白出昴北四年六月己未朔五年十月辛巳朔六年四月己卯朔十月乙亥朔十七年正月辛巳朔十二月正月丙子朔六月丙寅朔十一月甲午朔十四年五月壬辰朔十五年四月丁巳朔十月癸未朔十八年八月丁酉朔十九年八月辛卯朔二十年正月己未朔二十一年六月



月庚戌朔日食

洪熙元年四月有星變十月丙寅朔日食

宣德五年八月己巳朔日食十月夜有蓬星八日始滅十二月有異星見或曰含譽星也六年四月暮出東井九月彗惑犯南斗七年正月辛酉朔日食八年八月彗惑犯南斗閏八月彗出天倉旁入貫索掃七公是月有怪星見或曰歸邪星也

正統元年九月白虹貫日修狼星動攝四年八月

丙子朔五年正月甲辰朔六年正月己亥朔七月

丙申朔七年六月庚寅朔八年六月甲申朔十一

月壬子朔九年十月丙午朔十年四月 朔十

一年四月 朔十二年八月 朔日食十三

年二月 朔日食

景泰元年正月壬午彗星出天市垣掃天紀二年

六月 朔日食三年三月甲午有星字於畢八

月彗彗晝見十一月己未朔日食癸未客星見與

鬼四年五月乙丑有星出鈞陳北二小星隨之丁

丑歲星晝見六月甲辰歲星晝見五年四月

朔六年四月 朔日食

天順二年二月 朔七年五月 朔日食



成化二年太白曳入南斗三年二月丁酉朔日食
既四年二月壬辰朔日食七月有星孛於台斗五
年六月癸丑朔六年六月戊申朔日食七年春有
星孛于天田八年春彗星見軒轅九年三月山東
諸路黑氣亘天晝晦四月辛酉朔十年九月癸丑
朔十二年二月乙亥朔日食十三年正月山陰雨
血射人六月甲辰京師雨鏡十八年五月己巳朔
日食二十年元日星變九月乙酉朔日食二十三
年五月星隕

弘治元年六月癸巳朔二年十二月甲申朔日食

三年十二月辛亥彗星見于天津七年三月己卯
朔日食五月宣府山西河南白晝隕星八年三月
乙酉朔十三年五月甲寅朔日食是年彗星見十
五年五月庚午朔九月庚午朔日食十一月戊子
雲南晝夜黑九日十八年九月庚子恒星晝見
正德元年三月隕星大如月六月辛酉震郊壇門
七月己丑彗星見于參井入北斗至於戊戌乃滅
太白經天白虹貫日八月大角大火中星動搖天
璇天機天權星晦二年正月乙亥朔九年八月辛
卯朔十年十二月癸丑朔十二年六月己巳朔十

Color Control Patches

Blue Cyan Green Yellow Red Magenta White 3/Color Black

三年五月巳亥朔十五年三月癸丑朔日食十六
年正月有星孛于東南項之橫絕東西復爲鈞屈
二月長安大雷電以風雨白毛三月癸丑朔日食
嘉靖三年正月五星聚于管室四年十二月乙卯
朔日食五年五月丁丑朔六年五月丁丑朔日食
六月甲子京師雨錢七月壬辰南京雨血七年五
月辛未朔八年十月癸亥朔日食十年六月乙巳
彗星見東井十一年春彗星再見八月彗星見東
星十二年六月彗星見鼎單射天漢十月辛巳星
隕如雨十八年四月庚申彗星見兩旬始滅六月

丁酉震奉先殿閏七月庚申木火水金星聚東井
十九年三月癸巳朔日食九月壬子彗惑入南斗
十月水土金星聚于角十二月戊午太白經天二
十一年七月巳酉朔日食八月丁酉彗惑掩南斗
杓二十二年正月丙午朔日食二十三年六月彗
惑犯南斗二十四年五月壬戌朔日食二十六年
木星逆行留管室二十七年三月朔日食望月食
二十八年三月辛未朔日食

皇明天文述

子履舉校

孫心材重校





RESERVED NATIONAL CENTRAL LIBRARY, TAIWAN #1221

天
文
地
理
學
叢
書





國立中央圖書館 國家圖書館 國家圖書館 國家圖書館



THE NATIONAL CENTRAL LIBRARY, TAIWAN, R.O.C.





2025.000 NATIONAL CENTRAL LIBRARY, TAIWAN, R.O.C.



皇明地理述序
余聞之學士大夫言我朝疆域過於宋敵於唐
不及於漢蓋以失朔方大寧交趾及開平興和吉
菟樂浪燉煌故也夫堯封禹貢閩越無聞荆蠻徐
戎敷周爲梗以今視昔奄甸弘矣述輿地
嘉靖丙寅五月朔鄭曉識



皇明地理述卷上

吾學編第六十一

海豐鄭曉

洪武三年冬儒士魏俊民黃茂劉儼丁鳳鄭思先
鄭權上 大明志命秘書監梓行授俊民等官先
是 上令俊民等類編天下州郡地理形勢降附
始末爲書凡行省十二府一百二十州一百八縣
八百八十七安撫司三長官司一東至海南至瓊
崖西至臨洮北至北平六年令州府繪上山川險
易圖十六年詔天下都司上衛所城池地理山川
關津亭堰水陸道路倉庫圖十七年令朝覲官上



地理考 卷一
土地人民國十八年夏 上覽輿地圖侍臣有言
輿地之廣古所未有者 上曰地廣則教化難周
人衆則撫摩難過此正當戒慎天命人心惟德是
視紂以天下而亡湯以七十里而興所係在德豈
在地之大小二十七年寰宇通衢書成書分爲八
目東距遼東都司又自遼東北至三萬衛西極四
川松番衛又西南距雲南金齒南踰廣東至崖州
又東南至福建漳州府北暨北平太寧衛又西北
至陝西甘肅爲驛九百四十折江福建江西廣東
之道各一河南陝西山東山西北平湖廣廣西雲

南之道各二四川之道三爲驛七百六十六凡天
下道里縱一萬九百里橫一萬一千七百五十里
四夾之驛不與焉永樂六年張輔沐晟上交趾圖
東西一千七百六十里南北二千八百里十六年
詔募天下郡縣志命原吉榮幼孜領其事景泰中
脩寰宇通志唯祝穆方輿勝覽葉盛曰此趙宋偏
安之物况直爲四六設今欲成盛代一統之書宜
有資軍國益勸戒如地理戶口類不可缺必如永
樂中志書凡例克廣之可也陳循不聽笑曰此豈
造黃冊耶天順五年撰 大明一統志嘉靖三年

文選郎中夏良勝撰統官志直述郡縣煩簡爲銓
授簿例爾八年少保桂萼上吏部員外郎李默所
撰 皇明輿地圖叙記條其風俗阨塞兵賦藩封
稍稱精覈十六年禮部主事許論上九邊圖論條
析鎮寨利害亦爲明練

京畿

京師負重山而平陸地饒魚鹽穀馬果窳之利又
轉漕東南財貨駢集天險地利足制諸胡汴洛關
中江左皆不及也真定北至於永平昔爲內郡乃
今居庸紫荆山海喜峰古北黃花鎮皆稱扼塞故
漁陽保塞重兵屯焉廣平順德大名山東西腰脊
南北舟車並集臨清天津海運故道適洋餉舟下
直沽至漁陽猶海運也河間真保多降胡性獷難
馴東安霸州武清而東野曠人稀凶徒伏匿遠山
有樵牧之利姦人淵藪其中有司莫敢踪跡若乃



水利不修旱澇歲困田野不開租徭日增馬牧不
蠲坐糜財力肯游不戢兼併膏腴郵傳不節水陸
繹發閭閻不廢奸胡規伺皆不可謂非急務也

京畿

京畿府八州一十九縣一百一十六 戶四十一
萬八千 口三百四十一萬三千 賦六十萬
一千

順天府五州二縣 大興 宛平 良鄉 固安 永

清 東安 香河 通州四縣 三河 武清 寶

坻 漷 昌平州三縣 順義 密雲 懷柔 涿

州一縣 房山 霸州三縣 文安 大城 保定 薊

州四縣 玉田 豐潤 遵化 平谷

保定府三州十縣 清苑 滿城 安肅 定興 新

TIFFEN Color Control Patches



城唐博野 慶都 容城 完 蓋 雄

祁州縣深澤 東鹿 安州縣高陽 新安

易州縣涑水

河間府二州一十六縣河間 獻 阜城 肅寧 任丘

交河 青 興濟 靜海 寧津 景州三縣吳

橋 東光 故城 滄州三縣南皮 鹽山 慶

雲

真定府五州二十七縣真定 井陘 獲鹿 元氏 樂

城 靈壽 藁城 無極 平山 阜平 定

州三縣新樂 曲陽 行唐 冀州四縣南宮 新

河 棗強 武邑 晉州三縣安平 饒陽 武

強 趙州六縣栢鄉 隆平 高邑 臨城 贊

皇 寧晉 深州一縣衡水

順德府九縣邢臺 沙河 南和 平鄉 廣宗

鉅鹿 唐山 內丘 任

廣平府九縣永年 曲周 肥鄉 雞澤 廣平

邯鄲 威安 威 清河

大名府十縣元城 大名 南樂 魏 清豐

內黃 滹 滑 東明 開州一縣長垣

永平府五縣盧龍 遷安 撫寧 昌黎 灤州

TIFFEN Color Control Patches



樂亭

延慶州舊名陵一永寧

保安州

南京畿

南京畿開基之地也勝勢在長江太祖自上流和陽橫江渡克宋石下太平三戰而入集慶成祖出維揚儀真迺泗而上龍潭浦口望風奔潰中至金川啓關納欵以故留都守禦舟師爲急藩垣之固專倚江北徐賴跨中原瓜連數省淮安控徐揚魯齊文武重臣開府作鎮雖職兼漕撫而聯終兩京庶民多遊手野有遺利鳳陽高墻陵墓供億繕葺財力冗費豐沛之間濁河汎濫幾淪魚鼈轉餉既艱民亦剝瘠決嘴之患濠泗尤棘揚有鱉臺

富商走集民頗豐洽俗亦淳麻瀕湖農田塗墾爲
患江南安慶當長江委流東約全楚爲江表門戶
蘇松常三郡市浮於農文勝於質加之田賦不均
稅徭日困常征之外坐派日煩沿海兵戍本以備
倭而太倉崇熟瀕海之民擅鹽魚之利間作弗靖
出沒江洋肆行剽劫以故江防海備並爲要職嶽
多山少田民逐末利風俗用偷池在山麓江潯多
流冗寇盜因以竄匿鎮江鑿山通漕海潮下上較
土歲易利歸豪貴財盡貧冗矣

南京畿

南京畿府一十四州一十七縣九十六戶一百
九十六萬二千口九百九十六萬七千賦
五百九十九萬五千

應天府八縣上元江寧句容溧陽溧水

江浦六合高淳

鳳陽府五州十縣鳳陽臨淮懷遠定遠五

河二縣虹壽州二縣霍丘蒙城泗州二縣盱眙

天長宿州一縣靈璧潁州二縣潁上太和

亳州



蘇州府七州長洲 吳 崑山 常熟 吳江

嘉定 太倉州一縣崇明

松江府三縣華亭 上海 青浦

常州府五縣武進 無錫 江陰 宜興 靖江

鎮江府三縣丹徒 丹陽 金壇

揚州府七縣江都 儀真 大興 高郵州二縣興

化 寶應 泰州一縣如皋 通州一縣海門

淮安府九縣山陽 鹽城 清河 安東 桃源

沐陽 海州一縣贛榆 邳州二縣宿遷 睢寧

廬州府六縣合肥 廬江 舒城 無為州一縣巢

六安州二縣英山 霍山

安慶府六縣懷寧 桐城 潛山 太湖 宿松

望江

太平府三縣當塗 蕪湖 繁昌

寧國府六縣宣城 寧國 涇 太平 旌德 南

陵

池州府六縣貴池 青陽 銅陵 石埭 建德

東流

徽州府六縣歙 休寧 婺源 祁門 黟 績溪

廣德州一縣建平



和州縣合山

滁州縣全椒 來安

徐州縣蕭 碭山 豐沛

湖廣

湖廣跨有江漢武昌其都會也南匯湖漢北擁原
陸山高水濶効其靈秀承天王氣獨萃焉耶襄上
走秦梁德黃下臨吳越荆顧巴蜀辰扞雲貴榔桂
通五嶺入八閩衝據南岳之勝永寶之間謹備苗
夷而已常德地廣民貧漢陽土狹利薄岳州當洞
庭之波仰資市利長沙雖卑濕民物稱殷盛頌穀
土泥塗甚於禹貢宗藩賦祿廣於周封傳符紛紜
流冗雜沓土酋橫強猶復征調洞蠻草竊徒示羈
縻皆足為慮乃若民寡蓄儲官多徵集坐費財力



益肆皆窳非明示休息恐未得安靖也

湖廣

湖廣布政司領府一十五州一十六縣一百七
戶五十三萬一千 口四百三十三萬三千
賦二百一十六萬七千

武昌府一州江夏 武昌 嘉魚 蒲圻 咸寧

崇陽 通城 興國州二縣大冶 通山

漢陽府二縣漢陽 漢川

黃州府一州黃岡 黃安 蘄水 羅田 麻城

黃陂 蘄州二縣廣濟 黃梅

承天府二州鍾祥 京山 潛江 荊門州一縣當



陽 沔陽州一縣 景陵

德安府一州 安陸 雲夢 應城 孝感 隨州

一縣 應山

荊州府一州 十 江陵 公安 石首 監利 松

滋 枝江 夷陵州三縣 長陽 宜都 遠安

歸州二縣 興山 巴東

岳州府一州 七 巴陵 臨湘 華容 平江 澧州

三縣 石門 慈利 安鄉

鄖陽府七縣 鄖 房 竹山 上津 竹溪 鄖西

保康

襄陽府一州 襄陽 宜城 南漳 棗陽 穀城

光化 均州

常德府四縣 武陵 桃源 龍陽 沅江

辰州府六縣 沅陵 辰溪 盧溪 溆浦 沅州

二縣 黔陽 麻陽

衡州府八縣 衡陽 衡山 來陽 常寧 安仁

鄰 桂陽州二縣 臨武 藍山

永州府一州 零陵 祁陽 東安 道州三縣 寧遠

永明 江華

長沙府一州 十 長沙 善化 湘潭 湘陰 寧



鄉 瀏陽 醴陵 益陽 湘鄉 攸 安化

茶陵州

寶慶府一府 邵陽 城步 新化 武岡州一縣 新

寧

靖州三縣 會同 通道 綏寧

郴州五縣 永興 宜章 興寧 桂陽 桂東

浙江

浙江山海江湖所在限隔大海東藩直轉淮陽重湖右匯波聯圻輔左逾信郡即走江西南入閩關遠連甌越而杭州其都會也杭山水秀麗人慧俗奢衣被可觀米薪是急嘉湖寔與江東相表裏兩稅困人貧者流徙富者并兼海鹽之塘利害通於蘇松歲築歲傾勞費已甚安吉以西山越巢窟錯入廣德好訟喜鬪累典大獄至勤誅討笠澤之閭鹽徒出沒剽掠村墟久之不治將有隱憂嚴衛金華以徽饒為郭郭生理為優征徭亦簡寧紹温台



並海而南達於汀漳估客來往人獲其利寇至倉卒亦能為禍倭夷貪市中國墻云奉旨風帆所指突至寧波華人文通倏去忽來詐設叵測除戎之戒定海為棘處人視他郡為悍依山盜曠糾結四集激之易亂緩之難馴

浙江

浙江布政司領府一十一州一縣七十五戶一百二十四萬二千口四百五十二萬五千賦二百五十一萬

杭州府 元錢塘 仁和 海寧 富陽 餘杭

臨安 於潛 新城 昌化

嘉興府 七嘉興 秀水 嘉善 海鹽 崇德

平湖 桐鄉

湖州府 六州 烏程 歸安 長興 德清 武康

安吉州 一縣 孝豐

嚴州府六建德 淳安 桐廬 遂安 壽昌

分水

金華府八金華 蘭谿 東陽 義烏 永康

武義 浦江 湯溪

衢州府五西安 龍游 常山 江山 開化

處州府十麗水 青田 縉雲 松陽 遂昌

龍泉 慶元 雲和 宣平 景寧

紹興府八山陰 會稽 諸暨 餘姚 上虞

嵊 新昌 蕭山

寧波府五鄞 慈谿 奉化 定海 象山

台州府六臨海 黃巖 天台 仙居 寧海

太平

温州府五永嘉 樂清 平陽 瑞安 泰順



江西

江西三百距山背沿江漢實爲吳楚閩越之交外
析險阻中包壤地安危輕重常視他藩即凶方有
事雖欲保境距兵勢難獨完南昌沂江滙湖右荆
左浙旣橋所集江西一都會也九江獨據上流人
有市利南康臨彭蠡縮隘土瘠時有寇盜饒州稱
爲裕阜廣信傳道下邑較盛撫州人悍多山寇而
衣食自足頗憂兼并建昌僻在東南卽有藩封亦
稱安輯南安贛州則汀漳雄韶山嶽會焉林深谷
邃寇賊淵藪撫臣提兵牽制數省軍門之費不煩



地理通志 卷之八
度支苟得其人南服一壯鎮也袁州地逼長沙連
民客戶喜獄好爭濺察既難緩馴不易臨江瑞州
素稱樂土吉安山雄水秀人才輩出地利亦饒甲
於諸郡大抵江西之民質儉勤苦時有憂思至爭
曲直持官府即費財不吝其土卒逐末不務稼穡
至有棄妻子經營四方老死不歸者

江西

江西布政司領府一十三州一縣七十七 戶一
百五十八萬三千 口七百九十二萬五千
賦二百五十二萬八千

南昌府一州七縣 南昌 新建 豐城 進賢 奉新

靖安 武寧 寧州

饒州府七縣 鄱陽 餘干 樂平 浮梁 德興

安仁 萬年

廣信府七縣 上饒 玉山 弋陽 貴溪 鉛山

承豐 興安嘉靖二十九年添

Color Control Patches



地理通志

南康府四縣 星子 都昌 建昌 安義

九江府五縣 德化 德安 瑞昌 湖口 彭澤

建昌府五縣 南城 新城 南豐 廣昌 瀘谿屬

六年

撫州府六縣 臨川 崇仁 金谿 宜黃 樂安

東鄉

臨江府四縣 清江 新淦 峽江 新喻

吉安府九縣 廬陵 泰和 吉水 永豐 安福

龍泉 萬安 永新 永寧

瑞州府三縣 高安 上高 新昌


袁州府四縣 宜春 分宜 萍鄉 萬載

贛州府十二縣 贛 零都 信豐 興國 會昌

安遠 寧都 瑞金 龍南 石城 長寧屬

四年 定南屬 添

南安府四縣 大庾 南康 上猶 崇義



TIFFEN Color Control Patches

福建

福建海抱東南山聯西北重關內阻羣溪交流雖
封壤約束而山川秀美福州其都會也福州及建
寧以江浙為藩人稠土沃礦徒作孽波及建寧古
田福寧利在魚鹽害亦隨之汀漳山廣人稀外寇
內連與南贛聲勢聯絡海物互市時起兵端人悍
嗜利喜爭大抵漳州為劣興泉文物之盛甲於八
閩地利亦豐人懷異順延平邵武事簡人淳雖沙
尤之間或有小竊亦不能為大患



福建

福建布政司領府八州一縣五十七 戶五十萬

九千 口二百八萬二千 賦八十八萬三千

福州府九閩 侯官 古田 閩清 長樂 連

江 羅源 永福 福清

泉州府七 晉江 南安 惠安 德化 安溪

同安 永春

建寧府八 建安 甌寧 建陽 崇安 浦城

政和 松溪 壽寧

延平府七 南平 將樂 大田 沙 尤溪 順



昌 永安

汀州府八長汀 寧化 上杭 武平 清流

連城 歸化 永定

興化府二莆田 仙遊

邵武府四邵武 光澤 泰寧 建寧

漳州府十龍溪 漳浦 龍巖 南靖 長泰

漳平 平和 詔安 海澄嘉靖四十年添寧洋嘉靖五年添

四十五

福寧州二福寧 寧德

皇明地理述卷上 萬曆戊戌孫心材重校

皇明地理述卷下

吾學編第六十二

河南

海鹽鄭曉

河南當天下之中開封其都會也北下衛漳建京
圻東沿汴泗轉江淮車馬之途交於四方雖險寒
不及關中而水陸道里為便彰德控趙魏懷慶走
晉冀衛輝淇汲亦當傳孔河南嵩洛河華分陝要
區蔽山南扼河北稱形勝焉汝寧南陽下蕪黃入
襄郟又與淮江相為表裏顧分封日盛宗祿日繁
民亦勞止雖陳歸德犬牙畿省轄官不能專奸人



昌 永安

汀州府八長汀 寧化 上杭 武平 清流

連城 歸化 永定

興化府二莆田 仙遊

邵武府四邵武 光澤 泰寧 建寧

漳州府十龍溪 漳浦 龍巖 南靖 長泰

漳平 平和 詔安 海澄嘉靖四十年添寧洋嘉靖五年添

四十五

福寧州二福寧 寧德

皇明地理述卷上 萬曆戊戌孫心材重校

皇明地理述卷下

吾學編第六十二

河南

海鹽鄭曉

河南當天下之中開封其都會也北下衛漳建京
圻東沿汴泗轉江淮車馬之途交於四方雖險寒
不及關中而水陸道里為便彰德控趙魏懷慶走
晉冀衛輝淇汲亦當傳孔河南嵩洛河華分陝要
區蔽山南扼河北稱形勝焉汝寧南陽下蕪黃入
襄郟又與淮江相為表裏顧分封日盛宗祿日繁
民亦勞止雖陳歸德犬牙畿省轄官不能專奸人



時竊發急之則潰逸四出彰德兵民雜集頗爲牽制河洛之間馮險竊獵習於劔弩難馴易動若山川環互民物寢茂汝寧爲優

河南

河南布政司領府八州一十二縣九十六戶五十八萬九千口五百一十萬六千賦二十四十一萬四千

開封府四州三縣祥符 陳留 杞 通許 太康

尉氏 洧川 鄆陵 扶溝 中牟 陽武

原武 封丘 延津 蘭陽 儀封 陳州五縣

商水 新鄭舊隸西華 項城 沈丘 許州

四縣臨潁 襄城 郟城 長葛 禹州舊隸

密 鄭州四縣榮陽 滎澤 河陰 汜水



歸德府一州商丘 寧陵 鹿邑 夏邑 永城

虞城 睢州二縣考城 柘城

彰德府一州安陽 湯陰 臨漳 林 磁州二縣

武安 涉

衛輝府六縣汲 胖城 新鄉 獲嘉 淇 輝

懷慶府六縣河內 濟源 脩武 武陟 孟 溫

河南府三州十縣洛陽 偃師 鞏 孟津 宜陽

登封 永寧 新安 汜池 嵩 盧氏 陝

州二縣靈寶 閿鄉

南陽府二州十縣南陽 鎮平 唐 泌陽 桐柏

南召 鄧州三縣內鄉 新野 浙川 裕州二縣

舞陽 葉

汝寧府二州十縣汝陽 真陽 上蔡 新蔡 西

平 遂平 信陽州二縣羅山 確山 光州四縣

光山 固始 息 商城


汝州四縣魯山 郊 寶豐 伊陽

TIFFEN Color Control Patches

Blue Cyan Green Yellow Red Magenta White Black

陝西

陝西山河四塞神阜陝區也平涼固原豐草平野
監牧蕃滋鞏風之墟亦稱雄劇延慶沙葦蕭條而
人士精勁寧夏隔在河外別爲一區水穀之利亦
足自養其涼以西至於嘉峪左右番達勢爲孤危
洩岷西寧錯入羌族要在撫輯而已西安會府生
理殷繁塞餉藩祿十居七八閭閻疾苦殆與他郡
相當漢中西川襟喉潼關保障全陝並爲重地若
乃茶之禁漸弛藩牧之地漸廣僕苑之畜漸耗異
類之巢漸深斥塚之封漸蹙調弦改轍皆在所急



河套之議至殘督府爲世大戒矣

陝西

陝西布政司領府八州二十一縣九十五戶三

十六萬二千口三百九十三萬四千賦一

百九十二萬九千

西安府六州三十一縣長安 咸寧 咸陽 盤屋 興

平 臨潼 高陵 鄠 藍田 涇陽 三原

渭南舊馬 商州四縣鎮安 洛南 山陽 商

南 同州五縣朝邑 郃陽 澄城 白水 韓

城 華州二縣華陰 蒲城 耀州二縣同官 富

平 乾州三縣醴泉 武功 永壽 邠州三縣淳



地理志

化 三水 長武 嘉慶十一年添

鳳翔府 七縣 鳳翔 岐山 寶雞 扶風 郿

麟遊 汧陽 舊屬 隴州

漢中府 四縣 南鄭 褒城 城固 洋 西鄉

鳳 石泉 舊屬 漢陰 舊屬 寧羌州 二縣 略陽

沔 興安州 縣四舊屬 旬陽 平利 白河

紫陽

平涼府 七縣 平涼 崇信 華亭 鎮原 隆德

涇州 一縣 靈臺 靜寧州 一縣 莊浪 固原

州

鞏昌府 三縣 隴西 安定 會寧 通渭 漳

寧遠 伏羌 西和 成 兩當 舊屬 秦州

三秦安 清水 禮 階州 一縣 文 徽州

臨洮府 三縣 狄道 渭源 蘭州 一縣 河州

慶陽府 四縣 安化 合水 環 寧州 一縣 真寧

延安府 六縣 膚施 安塞 甘泉 安定 保

安 宜川 延川 延長 清澗 舊屬 綏德州 二縣 米脂

州 三縣 洛川 中部 宜君 綏德州 二縣 米脂

神木 舊屬 葭州 二縣 吳堡 府谷



山東

山東在兩都之間外引江淮內馮遼海西走趙魏
北屆滄瀛而川陸孔道並會德州自海運既廢此
為漕渠禁塞疏濟舟車牽挽勞役無休時兗州水
潦為虐疾苦滋甚青多礦賊禁輯尤難公私交病
成山沙門上下礮礮險毒勢難輒議聞諸往蹟平
度東南有南北新河南起淮北安東北出海倉入
北海不數日抵直沽勝國濟治置閘通舟避開洋
之險嘉靖中副使王獻修濟有緒謠言中阻臨濟
濟寧有喉吭之憂此亦未為不知務也登萊儲在



地輿記
卷之四
膠東三面距海利在魚鹽蠶積農田亦足自贍且無海寇牧撫得人不失為樂土也

山東

山東布政司領府六州一十五縣八十九戶七十七萬口六百七十五萬九千賦二百八十五萬一千

濟南府四州二縣 歷城 章丘 鄒平 淄川 長

山 新城 齊河 齊東 濟陽 禹城 臨

邑 長清 肥城 青城 陵 泰安州二縣 新

泰 萊蕪 德州二縣 平原 武定州四縣

五陽信 海豐 樂陵 商河 濱州三縣 利津

霑化 蒲臺

交州府

四州二縣

滋陽

曲阜

寧陽

鄒

泗水

滕

全鄉

魚臺

單

城武

曹州

曹定陶

濟寧州

三縣嘉祥

鉅野

鄆城

東平州

五縣汶上

東河

平陰

陽穀

壽張

沂州

二縣刻城

費

東昌府

三州十縣

聊城

堂邑

博平

茌平

清

平莘

冠

臨清州

二縣丘

館陶

高唐州

三恩

夏津

武城

濮州

三縣范

觀城

朝

青州府

三州十縣

益都

臨淄

博興

高苑

樂

安

壽光

昌樂

臨朐

安丘

諸城

蒙

陰

莒州

二縣沂水

日照

登州府

七縣蓬萊

黃

福山

棲霞

招遠

萊陽

寧海州

一縣文登

萊州府

五縣掖

平度州

二縣濰

昌邑

膠州

一縣

高密

即墨

山西

山西表裏河山人稠地狹俗尚勤儉果毅任氣北倚重邊極稱險塞自大同反創虜數入內郡鴈門南北爲虜通衢今日所備不止河曲而已山後曠徙河中屯卒上黨遺民亦非細故也嗟乎山西四郡大同不足恃則太原危矣虜已獲利於潞安其志時時在平陽每議禦虜輒云居庸紫荆并陘置鴈門且不論况大同乎夫晉冀勞瘁印無虜患外轉塞儲內供藩祿猶不能支仰給鹽利當是時而不早爲之所內憂方殷爾



TIFFEN Color Control Patches

Blue Cyan Green Yellow Red Magenta White Black

山西

山西布政司領府五州二十縣七十八 戶五十

八萬九千 口五百八萬四千 賦二百二十

七萬四千

太原府六州二縣陽曲 太原 榆次 太谷 祁

徐溝 清源 交城 文水 壽陽 臨 孟

靜樂 河曲 平定州一縣樂平 忻州一縣定襄

代州三縣繁峙 五臺 崞 岢嵐州二縣嵐 興

保德州 遼州二縣榆社 和順


平陽府六州二縣臨汾 襄陵 洪洞 浮山 趙

也里來

卷下

七

三



城 太平 岳陽 曲沃 翼城 汾西

蒲州 五縣 臨晉 榮河 猗氏 萬泉 河津

解州 五縣 安邑 夏 聞喜 平陸 芮城 絳

州 三縣 稷山 絳 垣曲 霍州 吉州 一縣 鄉寧

隰州 三縣 太寧 石樓 永和

大同府 四州七縣 大同 懷仁 應州 一縣 山陰 朔州

州 一縣 馬邑 蔚州 三縣 廣靈 廣昌 靈丘 渾源

州

潞安府 八縣 長治 長子 屯留 襄垣 潞城

壺關 平順 黎城

汾州府 二縣 孝義 平遙 介休 汾陽 靈石

源 晉屬 永寧州 一縣 寧鄉 沁州 二縣 沁

澤州 四縣 高平 陽城 陵川 沁水



四川

四川長川沃野穀粟山林竹木蔬果織淙之饒自足周勝西屆蕃部南阻蠻落雲棧之固北出褒斜懼峽之流東下荆楚坤維并絡斗絕諸夏實爲陸海而成都其會府也山川綢繆防守爲易盜奸割據安輯爲難以故松疊威茂安綿叙瀘重夔皆有兵憲蓋唇齒之勢利在東南指臂之形險在西北或謂吐蕃寇自黎文南詔賊由沅黎蕃詔糾合必由灌口蒐兵繕障玩池久矣劇盜起於重夔諸戎伺於靡服烏撒悍於鄰夷龍州梗於餉道皆非細

TIFFEN Color Control Patches

Blue Cyan Green Yellow Red Magenta White 3 Color Black

故也建昌西徼與壤民夷頗輯都江水後郡灌爲
勞亦蒙其利諸郡塘堰官課其成而已

四川

四川布政司領府八州二十縣一百七 軍民府
四 戶一百十六萬四千 口二百一十萬四
千 賦一百二十萬六千

成都府

六州二
十四縣

成都

華陽

雙流

溫江

新

繁 金堂

仁壽

新都

井研

郫 資

彭安 灌

內江

崇寧

崇慶州

一縣新津

漢州 三縣 什邡

綿竹

德陽

綿州

二縣彰明

羅江

茂州 一縣 汶川


威州 一縣 保

簡州 一縣 資

陽

TIFFEN Color Control Patches

Blue Cyan Green Yellow Red Magenta White 3-Color Black



保寧府二州 閬中 蒼溪 南部 廣元 昭化

巴州二縣 通江 南江 劍州一縣 梓潼

順慶府二州 南充 西充 蓬州二縣 營山 儀隴

廣安州一縣 岳池 鄰水

叙州府十縣 宜賓 慶符 富順 南溪 長寧

高 筠連 珙 興文二縣 隆昌一縣 永川

重慶府七縣 巴 江津 長壽 大足 永川

榮昌 綦江 南川 黔江 安居 璧山

合州二縣 銅梁 定遠 忠州二縣 酆都 墊江

涪州二縣 武隆 彭水

夔州府一州 奉節 巫山 大昌 雲陽 大

寧 萬 開 新寧 梁山 建始 達州二縣

東鄉 太平一縣

龍安府三縣 原為龍州 石泉一縣 江 油二縣

字保

馬湖府一縣 屏山一縣

潼川州七縣 射洪 鹽亭 中江 遂寧 蓬溪

安岳 樂至

眉州三縣 彭山 丹稜 青神

嘉定州六縣 峨眉 洪雅 夾江 犍為 榮 威



遠

瀘州^三納溪 合江 江安

甲州^二大邑 蒲江

雅州^三名山 榮經 蘆山

鎮雄府

烏撒軍民府

東川軍民府


烏蒙軍民府

TIFFEN Color Control Patches


Blue Cyan Green Yellow Red Magenta White 3-Color Black



RESERVED NATIONAL CENTRAL LIBRARY, TAIWAN, R.O.C.



1928-29 NATIONAL CENTRAL LIBRARY, TAINAN, R.O.C.





國立中央圖書館, 臺灣, 民國

4102268 x-7



廣東

廣東在嶺海間古稱樂土北負雄韶以臨吳楚東
肩潮惠以制甌閩內闢高廉以控交桂外藩雷瓊
以扼黎峽廣州山海包絡嶺南一都會也戍洋守
嶂屯哨勞止韶州嶺險谷平交廣咽喉南雄萬山
三水控帶羣蠻而督府兵餉九郡傳郵盡仰其權
利惠州提封廣袤僻客曠徒勢難收戡潮州沃野
廣原昔所患者峯戶斗老今則內寇外夷爲害棘
矣肇慶據上游當嶺西孔道高州海灣獍衝關地
除兵耕守並集可也廉州層山曲水海北要區雷



州炎微多平田腴壤通夫藏命貴在人牧瓊州有
司並海五指腹心反為黎穴若乃濱海島夷之圍
以十數雖時時出沒志在貿易非盜遷也顧人逐
山海礦冶膏舶之利不務農田或尚剽掠行劫海
上桴鼓之驚彌滿山谷凡以生齒日繁徵求日困
師旅數興漁獵逐至過山之禁久弛餉軍之饋益
頽也况夷珍珠窟本民用所興而公私交征反為
民病

廣東

廣東布政司領府一十州八縣七十五 戶四十
八萬三千 口一百九十七萬八千 賦一百
一萬七千

廣州府一州十縣 南海 番禺 順德 東莞 從

化 龍門 新寧 增城 香山 新會 三

水 清遠 新安 連州二縣 陽山 連山

韶州府六縣 曲江 樂昌 仁化 乳源 翁源

英德

南雄府二縣 保昌 始興

地理

卷

七



惠州府十 博羅 海豐 河源 龍川

和平 長樂 興寧 長寧嘉慶六年添 永安嘉慶

潮州府十 海陽 潮陽 揭陽 程鄉 饒平

大埔 惠來 澄海嘉靖四十年添 普寧嘉靖四十年添

平遠嘉慶三年添 肇慶府十一 高要 四會 新興 陽春 陽江

高明 恩平 廣寧嘉靖三十年添 德慶州縣封

高州府五 茂名 電白 信宜 化州縣 吳川

石城

廉州府二 合浦 欽州縣 靈山

雷州府三 海康 遂溪 徐聞

瓊州府三 瓊山 澄邁 定安 文昌 會同

樂會 臨高 儋州縣 昌化 萬州縣 陵水

崖州縣 感恩 羅定州嘉慶五年添 東安 西寧

按今廣州府葦崇化縣廉州府葦石康縣



廣西

廣西東南接廣東均在嶺南而風壤氣習異於廣東山高而秀水清而駛地利物產優贍自足則桂林其都會也若府江左江右江號爲三江貫絡諸郡綿流甚遠苗夷附據肆爲寇竊不但古田荔浦若其蠶食而已潯州大藤峽跨黔鬱江上蠻巢穴焉雖有屯戍未見摧輯柳慶號爲盜區行居苦其荼毒設兵制將控馭督警之可無大患思恩田寧強悍久矣殘破之餘胡孽復作削土分官不爲無策南寧太平控遏兩江坐躡交趾寔爲桂管保障



梧州開府稍有兵卒地促人貧全仰東道然諸蠻
咽吭列郡襟束形勢便矣

廣西

廣西布政司領府一十一州四十七縣五十三
軍民府一 戶一十八萬六千 口一百五萬
四千 賦四十三萬一千

桂林府二州臨桂 興安 靈川 陽朔 永寧

州縣灌陽 永福舊縣 義寧舊縣 全

柳州府十州馬平 洛容 羅城 柳城 懷遠

融 來賓 象州一縣武宣 賓州二縣遷江 上

林

地輿志 卷下 四十二



慶遠府

四州 宜山

天河

忻城

河池州

舊屬南丹府

思恩府

舊屬南丹府

荔波

舊屬南丹府

南丹州

東

蘭州

那地州

平樂府

七州 平樂

恭城

富川

賀

荔浦

修仁

昭平

舊屬四州

永安州

梧州府

九州 蒼梧

藤

容

岑溪

懷集

林州

博白

北流

陸川

興業

潯州府

三州 桂平

平南

貴

武靖州

南寧府

四州 宣化

橫州

舊屬南寧府

永淳

新寧州

武緣

隆安

上思州

舊屬南寧府

隆慶

太平府

十五州 太平

思城

鎮遠

茗益

安

平

思同

養利

萬承

全茗

結安

英

結倫

都結

左

上下凍

崇善

羅陽

陀陵

永康

思明府

五州 思明

上石西

下石西

憑祥

忠

鎮安府

思恩軍民府

向武州

富勞

田州

一縣舊屬田州府

上林

江州

一縣舊屬田州府

羅白



城

上隆龍

州府

善屬田

恩城州

州府

都康州

歸德州

州府

善屬田

思陵州

州府

果化州

州府

奉議州

州府

善屬田

泗城州

州府

利州

龍州

按桂林府舊有理定縣今詳

Continued by TIPPEN Color Control Patches at the University of

Blue Cyan Green Yellow Red Magenta White 3/Color Black

雲南

雲南疊山崇峻瀉澗縈紆金碧米鹽之產亦稱精
贍而雲南其一都會也臨安大理永昌鶴慶楚雄
並稱沃壤設險守固華內捍外則元江臨安路走
南交金齒騰衝鄕諸甸永寧麗江聯絡於瀾滄
烏蠻蒙撒控羣於曲靖若尋甸上下風土絕異而
兵衛漸疎矣大抵滇南取道貴陽稍有警動坐令
梗絕城郭人民夷居十八緩則蜂屯蟻聚號令不
行急則承突颶張勦誅未易苟緩撫得人相與休
息本無禍變傾萬里投宣類無固志時聞蠢動答



有由矣

雲南

雲南布政司領府一十四州四十一縣三十軍
民府八 戶一十三萬二千 口一百四十二
萬三千 賦一十四萬

雲南府四州 昆明 富民 宜良 嵩明州 晉

寧州二縣 歸化 呈貢 安寧州二縣 羅次 祿豐

昆陽州二縣 三泊 易門

大理府四州 太和 趙州二縣 雲南 新平今 鄧

川州一縣 浪穹 賓川州 雲龍州

臨安府四縣 建水 石屏 阿迷 寧州 通海

地理志

卷八

七

七

UNIVERSITY OF TORONTO LIBRARY



地理志

河西 昭峨 蒙自

楚雄府二州 南安 鎮南州 楚雄 定邊 廣

通 定遠 砮嘉

潞江府三州 新興 路南州 河陽 江川 陽

宗

廣南府一富州

廣西府三州 師宗 彌勒 維摩

蒙化府一雲龍州

景東府

鎮沅府

永寧府

順寧府

曲靖軍民府四州 霑益 陸涼 馬龍 羅雄州

南寧 亦佐

姚安軍民府一州 姚州縣 大姚

鶴慶軍民府二州 劍川 順州

武定軍民府三州 和曲州二縣 南甸 元謀 祿勸

州縣 石舊

尋甸軍民府

麗江軍民府四州 通安 寶山 巨津 蘭州

地理志

卷下

說

一三五

序



元江軍民府

永昌軍民府

二州騰越

騰衝州

保山

永平

縣

孟定府

孟良府

北勝州

威遠州

灣甸州

鎮康州

大侯州

革

按雲南府舊有楊林縣臨安府舊有寧遠州今



貴州

貴州本隸川湖雲南建省設官始於永樂十一年
緣田酋倡亂旅拒朝命誅討既行始置郡縣官雜
土流而思州思南三十九長官司者地本蠻夷山
多菁穴水不涵滄土無貨殖貧瘠已甚官戎歲給
全仰他省加以兵荒匱乏弗繼况省城會區咫尺
夷土西南諸郡苦於嶺賊思南石阡銅仁界在川
湖鎮草酉播夷峒間寇攘四出師旅數興境內諸
酋亦皆佳兵好殺非因俗隨時先幾撫定未易爲
力也



貴州

貴州布政司領府八州六縣六 戶四萬五千

口二十三萬一千 賦四萬七千

程番府

萬曆六年改爲貴陽府 縣一 新貴 萬曆十九年以竹貴長官司改刺歸治於

官流

思南府 二 雙川

印江

鎮遠府 二 鎮遠

施秉

石阡府

銅仁府

黎平府 一 永從

THE NATIONAL CENTRAL LIBRARY, TAIPEIN, R.O.C.



城地述

都勾府

麻哈

獨山

清平

思州府

普安州

永寧州

鎮寧州

安順州

遼東

遼東實有遼東西地東北西皆夷地南阻海惟山海關內通圻甸蓋渤海之外一都會也西南起山海歷醫無間長白諸山包絡北東南走海上海薄蓋金以西接盛龍可渡登萊汎吳浙地饒魚鹽菽馬國初馬雲葉旺經略置衛所不復如古設郡縣獨遼陽開原有安樂自在二州處降夷其保塞奚夷東北則建州毛憐女直諸衛西北則兀良哈朵顏福餘大寧三衛分地世官互市通貢恩威羈縻爲我藩蔽而奸闖出入亦不能盡禁東北諸夷屋



居耕食不專射獵警備差緩西北俗仍北虜時時抄掠故遼東備邊與諸鎮異要在隨勢安輯先事防守俾信義相懷足制其心斯爲上計停斬論功第二義也寧遠東西兩屯頗安給錦義地務寡生理廣寧無屯營之利羊仰給轉粟與遼陽隔河河亘數百里遼陽舊城在焉草木豐茂更饒魚鮮國家委與諸夫彼進據腹心限隔東西守望勞費道里迂遠成化以來屢議收復而屢作屢輟竟不可行遼陽以牛盞聚兵兵食益窘開原三城三商受敵六堡難復二虜輒巢清陽鎮矣聞聚而謀我我

失漁樵之利又略我男女易畜產二江外否卽繫之耕織日夜無休時西馬市廢蒲河懿路殘破不可言撫順通夷貢市內外皆山多伏虜我難於斥望瀋陽難有關虜馳牧外險內夾不能援鳳凰壁鞞東垂鴉鵲鎖鑰西境並海四州恃得勝之捷無海寇弘治中嘗一至未及岸而去然遼水南注海溢不能洩患苦沮洳矣

薊州

國初卽古會州大寧地設北平行都司興營諸軍衛封建寧藩與遼東宣府聯絡東西爲外邊已而



魏國公經略自古北口至山海關增修關隘爲內邊以故薊州西接居庸北折而東南抵海上盡瀕陽盧龍背其管內船泛登萊陸走趙魏肩肘美達襟帶原澤馮朔京師號稱雄鎮又地壤深厚樹畜漁鹽黍稷之利甲於圻內 文皇帝難兀良哈內附迺徙北平行都司於保定爲大寧都司而散布輿管諸衛京府之境大寧地盡畀兀良哈通貢互市爲我藩籬朵顏大寧福餘三衛是也自是紅螺白雲之北棄與戎寇遼東宣府聲援隔絕諸夷裂我險阻閔我門庭憂我官賞殘我吏民喜峰三屯

密雲白羊堡僅收縮管之左臂薊州則上谷孤子後背僣倭則盧龍單薄嘆其喉吭則遼海坐隅扼其胃腹則遼東逼失計甚矣正統以前夾心畏服方隅寧謐土木之變三衛爲也先鄉道始命都御史鄒來學經略已而總兵叅將內臣增設日多三衛亦矯詐反覆然尚未敢顯言爲寇也弘治中守臣楊友張瓊燒荒掩殺無辜邊釁遂起正德以來部落旣蕃朵顏獨盛陽順陰逆累肆侵噬花當脅求添貢把兒孫深入虜掠動稱結親迨北惘疑中國而叅將陳乾魏祥先後陷沒以故三衛日蹙

嘉靖中鞏蘭台輒宴官賞蒔益貢禍機所伏不待智者而知也天壽山七陵在焉余嘗從祠官至長陵北望烽堞不數里已已之變祠官不能至昌平昌平陵衛吏卒如倚寓增兵繕障於斯爲急古北口潮河川俱要害而潮河川本殘元避者故道尤爲虜衝作橋則浮沙難立爲壅則漲水易淤都御史洪鍾雖嘗設有關城勢孤難守議者欲塞川流建石墩數十令其錯綜宛轉下通流水上傳烽火亦一策也喜峰口三衛貢道稍深峻燕河營太平寨馬蘭峪密雲四營聲勢相援虜卽至中兩營當

其衝燕河密雲相犄角遵化三屯建昌固其內防虜當大控永平梁城間無虜患亦無海寇若乃山麓林莽樊桐阻固以供薪炭伐條枚日就疎薄嘉靖中胡守中又出塞盡斬遼金以來松林百萬自撤藩蔽矣

宣府

宣府漢上谷也國初開平王克元上都設衛開平置八驛東四驛曰涼亭泥河賽峰黃厓接大寧古北口西四驛曰桓州威虜明安盟寧接獨石成祖四出塞皆道開平與和萬全間嘗曰滅此殘虜



惟守開平興和大寧遼東其肅寧夏邊固永無虞矣已乃棄大寧與廣興和亦廢而開平失援宣德中遂使衛獨石盛固蓋三百里正統末獨石八城殘破宣府遂爲重鎮宣府山川糾紛地險而狹分屯建將倍於他鎮勢完易守然去京師近北門鎖鑰慎哉慎哉鎮分五路獨石八城爲北路地雖懸遠然阻長安嶺虜難運下中路萬峪大白陽青邊諸堡西路柴溝洗馬林萬全諸城南路東西順聖川皆稱虜衝東路永寧四海冶龍門朵顏所伺而四海冶上通開平大路下連橫嶺兒亦要地也宣

府素稱戢兵自參將都勳出境燒荒遇虜二十騎而潰關山王經前後陷沒及冒聞大同之變此其漸已久撫臣守將交任其責可也况芻粟日窘每有警報輒議吃運弘治中宣府粟草積至六七年少亦不下三四年今數月且不給幸虜無他計僅爲草竊即狡不過也先火飾董萬一屢入內地知我虛實不徒寇掠更迭困我宣至京僅三百里奈何不早爲之所也固初至宣德它運皆董以武帥後以營卒景泰以後取諸民力

大同

大同川原平行故多虜患虜酋犯應朔不西入平虜威遠則中經右衛水口諸城堡卽掠順聖左右天城陽和當其衝矣平虜西連老營堡近偏頭關焦家坪娘娘灘羊圈子蕎麥川狗澗灰泉皆套虜渡口虜涉河瞬息可至故大同稱難守况大邊旣失二邊之內棄爲虜庭墩軍騎情聲報不明至與虜通反爲鄉導夫復五堡增高山聚落之戍爲急五堡復則屏外因而沃土茂田盡爲我利二邊宣寧諸縣棄地漸闕恢開高山聚落實鎮城南腋東西虜衝募軍分駐則接仗之費省而犄角之勢成矣張文錦旣死李瑾又死此非細創征之不克撫之不輒用夏從夾爲禍尤棘正綱紀布恩信化頑屬潛消默奪不震不竦非英毅忠誠之士不可歷朝賜勅通書納貢市馬弘治中許進巡撫時三貢皆不可謂非策昔魏尚李廣皆守雲中尚給士卒饗軍吏無所不至廣遠斥墩就水草頓止人人自便是以能用其衆以制匈奴撫臣守將不能不勞拊綈之思矣

榆林

榆林舊治綏德粟米脂魚河地幾二百里成化九

TIFFEN Color Control Patches

31.5 30 28.5 27 25.5 24 22.5 21 20 18.5 17 15.5 14 12.5 11 10 9 8 7 6 4.5 3 1.5

ColorChecker 31

Black White 3-Color Black

Blue Cyan Green Yellow Red Magenta

年都御史余子俊議徙鎮榆林堡內地稍安又築邊牆自黃甫川西至定邊營亘千二百餘里連墩勾堡橫截套口內復塹山澗谷是曰夾道得地利焉虜遂不敢輒渡河我得耕牧套內益以樵採圍獵之利稱雄鎮焉當是時寧夏巡撫徐廷璋亦修邊虜不復入套者二十餘年久之玩弛墻薄溝淺虜遂以套為巢穴成化弘治正德屢有搜套之議或謂當尋漢唐受降舊城又謂當復守東勝東路可無虜患然用人理財宜在所先審時度勢未易言也我兵日歛虜巢日深諸利皆失鎮城四望白

澤黃沙地無產穀商無通貨一切糶糧仰給腹裏弘治正德中布政使文貴侍郎馮清改本色為折色重以災蠲民運動計百萬以故軍用大窘有米珠芻桂之謠即虜壓境據魚河我餉道遂絕此時予金如山亦不可食倪岳許論嘗欲通舟河渭轉漕邊鎮此經史所載非鑿空之說也榆林地險將士懷忠畏法死無怨言又果悍敢勇戰不貫胃虜呼為駱駝城人馬見則畏之四方征調所向有功更多將材有節氣視他鎮為最

寧夏



寧夏賀蘭山環其西北黃河繞其東南險固易守
沃土長流生理饒洽成化前虜患多在河西虜既
入套河東三百里花馬池清水管左右反爲敵衝
自巡撫徐廷章築靖總制楊一清王瓊屢增築更
益敵臺足禦小寇顧兵寡勢分虜大舉輒不能遏
嘗聞弘治前虜不懸套或連歲不至卽至在水堅
時凍解不能復出入以故每歲水時伺虜入則戒
嚴出卽否乃今渾脫飛渡數萬立濟據爲巢穴誘
我遁逃盡知內地虛實咸寧固靖不得休息計論
欲擇花馬池便利之地建城堡該丞遊稜總制居

之而分屯重兵清水與武諸管各三百里內旗幟
相望刀斗相關鐵柱白水諸堡水草大路盡築墩
堡可謂扼吭之計東援榆林西援寧夏亦常山蛇
勢也論又曰往時虜出入河套犯甘涼皆由賀蘭
山後自總兵杭雄敗後遂出山前趙瑛周尙文禦
之皆敗由此不已不知寧夏所終也王瓊廢鎮遠
關而城平虜棄地蓋八十里以故虜患愈近而民
利益窘中衛偏在西隅雖地狹易守顧山後之虜
窺靖虜者數數有之尋討故事云自賀蘭山直西
至鎮番內皆漢朔方地今棄與虜城而守之莊涼



靖固皆安枕矣

甘肅

甘肅卽漢河西四郡斷匈奴右臂者也蘭州爲金城渡河西六百餘里至涼州爲武威又西四百餘里至甘州爲張掖又西四百餘里至肅州爲酒泉又西出嘉峪關爲沙瓜赤斤苦峪以至哈密諸城皆燉煌地也洪武五年宋國公下河西遂棄燉煌關嘉峪自莊浪而南三百餘里爲西寧古湟中也自涼州而北二百餘里爲鎮番古姑臧也夫以一條之路孤懸幾二千里西控西域南隔羌戎北遮

胡虜經制長策自古爲難且哈密甘肅藩籬諸番領袖成化以來陷於土魯番恢復之策屢勤朝議胡世寧論之悉矣亦不刺阿爾禿斯二寇盤據西海吞并屬番爲西南患項許亦不刺內附尋以取弱故棄不納似爲失計正德中土魯番兩犯甘肅彭澤陳九疇皆以忠勇獲罪貽笑奸夷漸不可長若收海上之虜置哈密近境結以恩信西制土番北制瓦剌此千載一時也倘有成績卽令職西域之貢何所不可議者低云戎心叵測而不知窮虜易用乃今自據西海散處河岷阻扼成祖以來



治夷建寺立僧有深思焉西域稱王數十貢文數
百紙釋驗無厭苟不徵勒給符限年勒各坐困中
土矣嗟乎河西危則洮岷臨鞏漸被其禍關西隴
右憂方棘也

固原

固原本開城縣套虜未熾專備靖虜一面平固安
會間稍得休息弘治十四年火節入寇內郡遂爲
虜衝始改立州治設固靖甘肅四衛統以總制參
遊與寧夏爲唇齒塞上人謂花馬池諸城爲大門
若併力堅守花馬池固原可無虞而響石溝至靖
虜諸堡修築亦在所緩蓋力分則勢弱寇已入門
主人束手故總制不駐花馬池固原未可息肩也
每黃河水合靖虜南北一望千里坦如平地若賀
蘭山後之虜屢水南下蘭靖安會卽爲禍階調兵
防守候在水東而西風臨鞏之卒多未經戰豈能
捍禦不添沿河之堡不屯常戍之兵固原亦未可
息肩也

三邊四鎮

陝西三邊列鎮曰延綏寧夏甘肅固原延綏東黃
甫川至定邊營千二百里西接寧夏花馬池出花

馬池至橫城三百二十里東至黃甫川千五百二十里皆在河內邊牆外悉爲河套套長幾二千里橫自牆距河遠八九百里近二三百里惟黃甫川八九里爾川南焦家坪兩岸夾山水先合後泮娘娘灘羊園子渡口冬水涸虜每二三年或四五年大衆自坪或灘或渡口入套每遣零騎伏林逐草往來不絕是以套中無歲無虜由橫城渡河而西爲寧夏鎮城鎮城至鎮遠關二百四十里中衛四百里在河外賀蘭山後虜時住牧警報屢至由鎮城渡河東入靈州至韋州三百四十里韋州南接

固原預望城至固原鎮城三百里由固原出靖虜之蘭州七百三十里河州九百二十里皆在河內套虜秋由花馬池潰墻入山後虜冬由靖虜衛踏水入則臨鞏涼慶諸郡縣皆釋騷矣由蘭州渡河西出莊浪至甘州鎮城一千二百里至嘉峪關六百里皆在河外西海有虜寇土魯番天方西域有西夷西寧莊浪華啞章啞等族有番落酒泉浩疊之間環而居者皆犬羊也延綏鎮一千二百里寧夏鎮一千二百二十里固原鎮一千三百里甘肅鎮一千八百里通計五千六百餘里



六關

直隸三關
山西三關

居庸
居庸門

紫荆
紫荆關

倒馬
倒馬關

居庸隸薊州紫荆倒馬隸保定屬門偏頭寧武隸山西巡撫居庸諸關本太行山與屬門諸山相斷數百里屬門且南北太行絕東西表裏縱橫左右紫帶關秋蕩華險由天造山西自井陘西北數百里崇岡複嶂扼爲居庸遶遼東折玉帶神嶺諸山若拱若抱八陵在焉外拒四海冷潮河川古北口去虜不遠故居庸爲京師北門居庸左轉蓋遼陽盧龍當山海之際古渝關也控約遼東西右循太行西南以徃包絡數十城皆平原沃野北倚上谷

雲中皆宿重兵居庸東去舊有松林數百里中有間道騎行可一人卽札八兒導元兵趨南口者紫荆倒馬二關隘口旣多守備不能專內連真定保定大名古燕趙之郊平夷曠行無高山大陵爲之限隔騎兵便馳逐南並井陘出山西路險隘士馬不能成列東更顧德廣平遂入齊魯下江淮屬門三關山東起代郡外斷雲中內略太原北境西盡雍河之濱屬門稱絕險虜人大同川二邊不能守則屬門當其衝武諸營堡不甚險隘虜往往由蕃麥川野豬口入婦女畜產驅逐已出塞而遊兵

TIFFEN Color Control Patches



百里赴援難矣偏頭地平可馳馬故多虜患西北
冬備河曲東北時時備大同川往時諸險塞設關
羅夫環戍戍卒荷戟守吏辨符行者背肩曳踵左
右森立正德以後商人入賂通者奸關廢塞缺斤
左右環立不問誰何况嚴符券嘉靖以來虜細出
入至居京師習兵器市禁物奉來旅往如履康衢
防哉防哉

論曰虜莫強於遼金元莫弱於我 朝國初胡裔
半留中國逃還沙漠者無幾永樂四出塞虜益遠
徙死者降者又半以故我塞上戍兵不及四十萬
虜令其得關平輿和西揀朔方東勝皆水草善地
自永樂迄金木皆一遭敗劓生聚既蕃侵噬漸近
也先火篩之後益輕中國恃其長技往往深入風
雨飄忽動輒數萬我軍禦之不過依險結營以防
衝突僅不亂行即爲全勝虜志日驕我氣日奪其
零賊出沒雖稍有俘斬亦已甚豈蓋衆寡之勢殊
強弱之形異也幸其狼婪鼠竊無有他志計日數
程不能持久每一大舉驍肉掠馬頗有勞費若得
失不警則懊悔無已是以邊境得苟免焉近年吉
囊俺答屢入內郡飽掠而歸聚兵十萬莫敢發一



矢而輒張提冒功上下相蔽甚至殺歸正人爲首
功寬酷已極今虜中控弦之士餘二十萬益以中
國逃竊知內地虛實一旦攻處外變內憂禍不
細也

附夷官考

土官初隸吏部驗封洪武三十年凡掌土兵者改
隸兵部其襲替閩武選大抵與驗封不異洪武中
土官無子弟其婿與妻皆得襲永樂中襲替人文
出十年者亦聽然背萬里赴闕或獻馬方物請命
最謹天順八年三月上 兩宮徵號詔許土官繳
呈勘奏卽與冠裳於是介使未將威福自恣雖托
羈縻之名竟開驕悍之漸成化十五年又有納殺
備賑之令則經制日卑規取愈陋 孝宗末年發
憤釐革至正德旋復廢廢嘉靖九年始曲爲條約



稍復 祖宗之舊今攷府州縣正貳幕屬巡檢驛
傳凡三百六十隸驗封宜慰宜撫招討安撫長官
凡一百三十二隸武選隸驗封者皆領於布政司
武選所隸或領於都指揮使司文武相維機權攸
寓細大相關掌股易運數年來鎮撫巡部諸臣建
白日煩紛更已甚矣雲南本徼外地 國初元孽
竊據戊申開基尚阻聲教王偉秉義捐軀傳友德
沐氏父子兄弟咸戡惠戢梅思祖張統繼虜藩屏
平徭均賦疆土稍闢顧其人慄悍不得已因俗爲
政官其酋領稍示安輯元江永寧鎮沅孟良京東

最強鎮鎮南榮化順寧霑益差小然皆向背靡常
調劑爲難諸甸約攝騰衝諸羅竊尋靖蓋自麓
川虛耗中土孟養曲徇奸夷正統迄今益復反復
况投官非人刑法好貨湖南滇北將有梗鬪之憂
至求馬湖建昌川陸遠道計亦晚矣貴州本西南
夷羅施思國 國初富翠朱欽歸附仍其世官山
嶺地瘠夷情稍詐分隸川湖雲南永樂癸巳始立
三司當時和成易節以文武大吏感懷有方時稱
馴順然壤地聯絡衝胸掣肘自泗城北窺永寧芒
部南擾畢節西播外突普凱內潰交讒搆亂喜禡

瀘之間宜有機權携其醜類若乃硯門遠引諸番
梧州旁通四省所謂與蜀盛衰者也

雲南一百五十一武定麗江景東沅江順寧永寧
鎮沅蒙化孟良孟定知府十人賓山南甸蘭州灣
甸寧州富州北勝大侯雲龍浪蕩鄧州安寧威遠
雷益羅雄鎮康陸涼知州十七人臨西嶧峨雲南
亦佐羅次元謀知縣六人廣南姚安府同知二人
鶴慶府知事一人于厓宜撫經歷一人巨津師宗
浪蕩通安北勝鎮南姚州順州同知八人北勝南
安鎮南州判官三人雲南楚雄亦佐易門定邊永

平縣丞六人昆明雲南廣通嶧峨定遠楚雄主簿
六人威遠州吏目一人五井順盪鹽井副使二人
速爲古刺勝衛樣備觀音山沙橋德勝關泮西在
城打牛坪晉寧易龍驛丞十二人金齒水銀鄧川
州寧番順寧尋甸禾摩村東山口浪滄江師井打
牛坪盪井金沙江十二關備溪江青索鼻納更山
蒲陀崧鎮南箭桿場關索嶺鐵鐘清水江黑鹽井
西金沙江赤水鵬定西嶺龍街關曼神寨徐白水
關南平關黑鹽井阿雄村曼賴元江禾摩村安南
坡麻朕煉象關楚雄縣松詔鋪觀音山鳳羽鄉東



全沙江回登關湯池英武關巡檢四十五人

改流二十五知府三人鶴慶尋甸廣西知州四人
馬龍彌勒維摩阿達知縣二人路南蒙自府同知
一人楚雄府照磨一人麗江典史一人浪穹鹽井
副使一人彌沙驛丞五人永平孟哈潞江羅卜思
庄雲南巡檢十二人宣化關甸頭孫備神摩河下
江南安州普昌石門關彌沙井雲龍甸煉象關楚
場

貴州一十五鎮遠府同知一人鎮遠府通判一人
鎮遠府推官一人安順州同知一人普安州判官

一人夔川縣丞一人黃沙渡瓮城河盤江谷龍的
澄河覃韓偏刀水巡檢六人司獄一人 改流二
知縣一人夔川巡檢一人都儒五堡三坑

廣西一百九十七思恩田州思明鎮安知府四人
思明結安下石西利州都結奉議思城上思龍英
鎮遠江州結倫思同果化都康茗益萬承全茗上
下凍泗城太平向武南丹歸順安平萬承忠州思
陵龍州歸德那地東蘭上隆知州三十三人左州
同知一人羅白憑祥上林陀陵羅陽忻城知縣六
人上林縣丞一人懷遠主簿一人桂平貴溪典史

二人水平寨波羅里大洞三寨鎮安平鄉理源鎮
高井寨尖山鎮周冲都樂墟古江口羅目鎮慈樂
寨東鄉巡檢十三人木盤浦鎮鎮寨白石寨草觀
旺思隆鄉連城鄉武羅鄉武林鄉辛安寨東禪鎮
那龍寨太約鎮寨下市界牌鎮交城鎮歸仁鎮古
眉寨草峰寨白面寨遷隆寨西合寨麗壁市桑江
口古營鎮三畔鎮二門灘鎮大亭寨龍門寨靖寧
鄉宜良鎮都博鎮新興鎮歸化鎮吉清鎮屏河鎮
江口鎮章略鎮安湘鎮崇善鎮莫羅鎮武陽鎮中
明鎮通道鎮清流鎮思管鎮鸞頭隘保江鎮西明

鎮潯江鎮萬石鎮安永鎮縣廊鎮清水鎮李廣鎮
思龍鎮東江鎮德勝鎮大曹鎮思農鎮比蘭鎮安
化鎮普義鎮吉定鎮陽思鎮上堡鎮金城鎮方村
蒙村窮果兩江口峰門寨南源寨常安鎮龍平寨
西嶺寨鎮峽寨白霞寨邊達寨信都鄉沙田寨樊
家寨白花河口渠樂寨金城寨八尺寨那樓寨橫
山寨南鄉南里鄉大宣鄉馱演寨鵝頭鎮都名鎮
丹陽鎮周冲大宣鄉靖寧鄉大黃江口北山懷遠
鎮湘山渡副巡檢一百二人 嘉靖七年初設武
靖知州一人田州吏目一人臨時岩馬甲大田子

巡檢二人

廣東一龍門縣巡檢一人 右隸吏部驗封

雲南布政司領宣慰司七宣撫司三長官司二十都司領安撫司三長官司三車里木邦孟養緬甸老撾東里八百大甸爲七宣慰南甸千崖隴川爲三宣撫十二關納樓茶甸教化三部王弄山虧容甸溪處甸思陀甸左能寨落恐甸安南綠谷寨刺次河革甸香羅瓦魯之因遠羅必甸馬龍他郎甸者樂甸鈕兀芒市爲二十長官其都司領者安撫三路江鎮遠楊塘長官三茶山鳳該施甸

甲楊院思郎累彩怕河武龍拱甲床甲斐鳳下隆縣甲篆甲蒼奈怕牙思幼候周思恩白典龍定羅定安古零舊城那馬下旺都陽巡檢二十八人改流四知州二人養利上石知縣二人崇善永康四川二十五烏撒芒部烏蒙東川知府四人東川府同知一人龍州判官一人龍州宣府知事一人馬湖把事一人信寧侮泥溪麻刺村昭平堡粟水寧戎明月三岔巡檢八人溪龍阿用祿馬蠻夷白水太平瀘沽驛丞七人 改流知府一人馬湖湖廣五南渭施溶上溪知州三人滑石江院場坪

湖廣都司領宣慰司二宣撫司四安撫司九長官
司二十蠻夷長官司五承順保靖爲二宣慰施南
散民忠建容美爲四宣撫東鄉五路忠孝忠路金
峒龍潭大旺忠峒高羅桑植爲九安撫臘慈峒支
著黃洞鹽運洞施容施白崖峒田家峒五寨草子
坪播把峒上愛茶峒劍南木冊鎮南唐啞椒山瑪
瑞五峰石寶水盡源通塔平石梁下峒臻湖六峒
橫坡等處爲二十長官鎮遠隆奉西坪東流鳳壁
洞爲五蠻夷長官

貴州布政司領宣慰司一安撫司一長官司五十

二蠻夷長官司二十都司領長司十一

貴州宣慰金筑安撫貴竹水東青山劄佐龍里白
納底寨養龍坑施溪黃道溪水德江蠻夷沿河祐
溪偏橋而阡苗民葛彭葛商龍泉坪銅仁省溪提
溪大萬山平頭者可烏羅麻響木瓜大華上馬橋
大龍香程番臥龍番小程番方番金石番韋番洪
番盧番羅番盧山都勻平川六峒邦水豐寧平定
樂平慕役頂營十二營康佐寧谷寨西堡爲五十
二長官中曹奉西都坪峨異溪都素朗溪鎮遠金
容金達印水十五洞潭溪八舟洪洲伯里曹滴洞

古洲西山陽洞湖耳亮寨歐陽新化中林驗洞赤
溪瀟洞龍里爲二十蠻夷長官其都司領者新添
小平伐把千寨丹平丹行楊義樂平平伐大平伐
平浪九名九姓獨山州爲十一長官

四川布政司領宣慰司一宣撫司二安撫司三長
官司十二都司領宣撫司二招討司一安撫司四
長官司二十二行都司領長官司五

播州宣慰永寧龍州爲二宣撫草塘黃平黎州爲
三安撫泥溪平夷蠻夷沐川播州餘慶白泥容山
真州重安九姓平茶峒爲十二長官其都司領者

石砬酉陽爲二宣撫天全六番招討八郎改角寨
麻兒者爲四安撫朮木頭靜州岳希蓬石耶峒邑
梅峒占藏先結族臘匪族白馬路山峒族阿昔峒
北定族麥匪族者多族羊力族班班族祈命族勒
都族包藏族阿昔族思曩兒族阿用族潘幹寨疊
美營卽爲二十四長官

廣西布政司領長官司三永安上林安陸 右隸
兵部武選

論曰明興平定四海凡夷獠蠻獠獠之地西起
巴蜀牂牁東抵湘楚包絡湖嶺東折而南南盡海

TIFFEN Color Control Patches



上又東跨百粵三江大者兼據連城細者保持深
菁豔稍奉約束要在羈靡而已然兵力稍健乍叛
乍歸苟功率過濫撫懷失策雄圖自縮狡窟益深
况地廣宜高擅利習兵生齒益繁財貨益廣詐以
謀成罪以功解種愛醜禍茂玩中土未可謂無虞
也嗟乎夏典憂荒周官蕃鎮大抵因民順俗橫海
伏波逾湟絕嶺輿地漸開化理終塞乃知天德無
私王道有量闢國陋於緩人曲防窘於曠度苟醜
類自獲飽緩中華不患荼毒吾又何求焉惟夫吏
好蓄積政多解弛或遠嫌自潔或求勝喜功於是

侵奪日聞師徒數起網漏網類夷夏並困茲欲收
總長策用圖久安必畫正疆理則鄰族靡爭預陳
嫡孽則宗庶自定世及之際以時覈閱錢穀之輸
一切報罷而又飭武事於節帥修文德於廟堂猶
亂之憂斯其鮮矣

皇明地理述卷下

萬曆戊戌孫心材重校







2025/08/05 NATIONAL CENTRAL LIBRARY, TAIWAN, R.O.C.




仁德及公處於其後我則所為而謝安人有其
之王存儲老之古無可少矣學試讀言之義
其的公古能由明絕地天初下時因而其
能於七代時字而重可考於三王最較乎秋秋
平海世直天神道及款不可以有知矣官是奇
讀之

讀我則知高而情

皇正紀卷二

032614

v.18




00000 NATIONAL CENTRAL LIBRARY, TAIWAN, R.O.C.



皇明三禮述序

太祖勤民育物敬共明神博考經誼釐正祀典二
丘始分而終合四廟先異而後同明堂肇於周
經我則郊焉而侑

仁祖太公遺於漢寢我則廟焉而祔宗人有其舉
之至存佛老之宮無可考矣寧缺禘嘗之義蓋
其酌今古通幽明絕地天和上下時因而因或
沿於七代時革而革可考於三王箴箴乎秩秩
乎撫世宜民神道設教不可以有加矣當是時
議禮之臣李善長宋濂詹同陶安崔亮牛諒陶



三
凱朱升業詔辱諸君子皆能尋則夷形取法萃
渙條之品式以授祠官雖損之益之未必盡復
古先聖王之舊而仰贊聖猷一洗汚俗凡其矯
誣妖誕褻鄙侵黷奇袤巫覡諸不在祀典者莫
不峻制而曲防之豈非猾夏之禍烈於九黎恭
常之功艱於二正時與勢然乎必欲咨三禮於
四岳俟兩生於百年迂遠而濶於事情矣

列聖相承式遵成憲建文撤

仁祖而郊
高皇

仁宗因

高皇而進

成祖迨至

憲宗升祔有祀寢之議

孝穆登饗有奉慈之議情文思義固有不得不然
者其他稍有注措不過徵文細故之間而已

今皇帝天德高明聖學純遠孜孜三重休洽百神
郊禘廟祧社稷禘享帝王聖師雲雨風雷岳鎮
海濱農桑醫牧老君仙子山公水伯司舟宗匠
靡神不舉商宗彤日徒云豐昵周王雲漢僅爾



拜哭孰若

今皇帝發九世之積德而垂萬祀之常經也嗚呼
盛矣

嘉靖丙午三月朔鄭曉識

皇明三禮述目錄

上卷

圓丘

方澤

朝日

夕月

祈穀

祭享

大饗

宗廟

大神

TIFFEN Color Control Patches

Color Control Patches

Blue

Cyan

Green

Yellow

Red

Magenta

White

3/Color

Black

奉先殿 崇先殿

世廟

奉慈殿

陵寢

下卷

大社稷

帝社稷

神祇壇

太歲

聖旦

正旦
先師
聖師
歷代帝王廟

先農

先醫

先蠶

高禩

五祀

青龍



金海

旗燹

功臣廟

京師十廟

南京十四廟

司府州縣

式齊

皇明三禮述卷上

吾學編第六十三

海鹽鄭曉

國初郊廟社稷先農為大祀已而改先農及山川帝王先師旗燹為中祀諸神小祀 今皇帝以朝日夕月天神地祇為中祀大祀致齋三日中祀二日祀有牲牲四等曰犢曰牛曰太牢曰少牢色尚駢或黝天地日月加玉焉玉三等曰蒼璧曰黃琮曰玉牲大祀入滌九旬中祀三旬小祀一旬殺禮不用牲用果脯從其族也或用素羞祀有帛大祀中祀京師用制帛制帛五等



曰郊祀曰奉先曰禮神曰展親曰報功小祀者
帛禮佛帛王國司府州縣亦用帛小祀則否凡
祀有樂樂四等曰九奏曰八奏曰七奏曰六奏
奏樂有歌有舞歌堂上舞堂下舞皆八佾佾有
文有武先師六佾佾去武小祀則否凡助祭文
臣五品武臣四品以上嘉靖中都給事中乞得
助祭帝社稷無助祭大臣五六人陪拜焉小祀
則否

園丘

園丘在南郊歲冬至 皇帝大祀天於園丘 皇

天上帝南向駢犢一蒼璧禮三獻樂九奏舞八佾
上祭服拜跪飲福受胙 太祖配神西向駢犢一
從祀四壇東西相向大明駢牛一夜明駢牛一二
十八宿木火土金星周天星辰牛一羊一豕一
雲師兩師風師雷師牛一羊一豕一前期一月太
常演禮樂於太和殿先五日請 上視牲遣大臣
三人看牲四人分獻送進儀注六日請 上致告
於景神殿五日 上視牲三日 上至 太廟祭
服請 太祖配是日 上皮弁服御奉天殿百官
朝服聽誓戒一日質明 上告於景神殿出至園

丘視邊豆牲宿齋初漏禮部太常詣皇穹宇太常
卿少卿丞請 皇天上帝 太祖神版從祀神牌
奉安壇座 上登壇初獻讀祝分獻官行禮 上
亞終獻分獻官亦如之望燎燎半 上還宮謁景
神殿告大報禮成禮部太常奉神版神版安皇穹
宇遇風雪 上於小次行禮

方澤

方澤在北郊歲夏至 皇帝大祭地於方澤 皇
地祇北向駢牛一黃琮禮三獻樂九奏舞八佾
太祖配神西向駢牛一從祀東西相向凡四壇壇

太牢一東中嶽東嶽南嶽西嶽北嶽基運山翊聖
山神烈山西中嶽東鎮南鎮西鎮北鎮天壽山純
德山次東東海南海西海北海次西大江大淮大
河大濟先期二日太常卿請 太祖神主於廟寢
奉安皇祇室至期禮部太常詣皇祇室請 皇地
祇神版 太祖神主從祀神牌奉安壇座望瘞瘞
祝帛燎配帝帛太常奉神版神牌安皇祇室神主
還廟寢餘如南郊

吳元年建圓丘於鍾山之陽以冬至祀昊天上帝
建方丘於鍾山之陰以夏至祀皇地祇洪武二

年二月壬寅朔 上勅禮官翰林太常曰昔聖
帝明王嚴於祭祀內致誠敬外致儀文朕膺天
命首崇祀事願草創之初典禮未備何以交神
明致靈既其博考郊禮來聞丞相善長學士安
太常卿惟庸等議上請祀天圓丘以大明夜明
星辰太歲諸神從祀祀地方丘以嶽鎮海瀆諸
神從祀 上從之撰二丘樂章二年奉 仁祖
配天地位西向時中都亦有南北丘五年著令
皇帝郊祭 太子留宮居守親王戎服從七年
上以 大祀獻終分獻未安論學士詹同宋濂

議請初獻奠玉帛已分獻官即初獻亞獻終獻
亦如之 上曰善八年始奏上所撰樂章定大
祀登壇脫冕禮九年定郊社大事固有三年喪
不廢十年春 上感齋居陰雨覽京房災異之
說始定合祀禮 上更撰樂章八月作大祀殿
於南郊未成十一月丁亥合祀於奉天殿十二
年正月合祀於大祀殿昊天上帝后土皇地祇
南向 仁祖配位如故從祀丹墀四壇曰大明
曰夜明曰星辰又曰星辰內墀外二十壇曰五
嶽壇五曰五鎮壇五曰四海壇四曰四瀆曰風

三禮通考卷之五十四
四
雲雷雨曰山川曰太歲曰天下神祇曰歷代帝
王各壇一凡二十四壇大臣分獻禮成 上大
喜作大祀文并歌九章其辭曰朕聞太極之化
也天生於子地闢於丑位極既定虛其中而爲
寰宇是時人生於寅巽居兩間人生既多非聖
莫馭天生君主爲民立命然鴻荒之時莫知誰
始今載於書始自伏羲相繼而至唐虞以及夏
商周斯數君者剛天立極首與舜倫者乃前伏
義神農黃帝是也法三皇而守行者少吳顓頊
高辛唐虞其益損禮樂文飾其事者獨夏商周

也下至秦漢以及宋元亦然嗚呼天惟自然而
常者三綱五常也昔聖人度人情而措彝倫特
不逆其性務從其善未嘗有異此道而爲人君
者也每聞昔君欽若昊天莫敢有怠朕即位以
來命儒臣徧考羣書自周以至宋元皆著祀典
守而行之然當行祀之時惟 宗廟頗合人情
南北二郊以及社稷甚有不如人情者以社稷
言之古人以社爲五土之神稷爲五穀之神土
主發生五穀用之以生而乃一園之中各壇而
祭是土穀不合於生生之意也行禮之時先社

固宜而又先奠社配乃行稷神之禮此果合人情乎况朕自即位以來祀天享地奉宗廟社稷每當齋期必有風雨臨祭方歛每以為憂京房有云郊祀鬼神必天道雍和神乃答矣若有飄風驟雨是為未善於是自洪武十年更祀社稷於闕右去繁就簡一壇合祀以奉二神神乃我答人情懼悅後洪武十一年命三公率土工部後梓人於京城之南創大祀殿合祀皇天后土是年冬十月三公奏告工成朕命禮部去前代之祭期歲止一祀朕度古人之祀南北

郊彼以義起故曰南郊祭天以其陽生之月北郊祭地以其陰生之月孰不知至陽祭之於至陰之月至陰祭之於至陽之月於禮可疑且掃地而祭其來甚遠言祀天地尚質不尚華固執古不變至今天地之享與人大異朕以斯禮執古不變則人之享亦執古而不變乎若人執古則汗尊杯飲茹毛飲血巢居穴處今可行乎斯必不然因命太常卿每歲祭天地於首春三陽交泰之時遂於洪武十二年正月十有一日合祀天地前期致齋五日內二日以告仁

組三日正齊風和日暖及夜陞壇山川草木不
搖江海息波輕雲縹緲於昊穹獨見太陰於中
天纖塵不動銀燭舒光香燼裊繞斯必神之臨
降合祀宜也朕雖失學無文特迷其事而歌咏
之文多不載二十一年增修壇壝大祀殿丹墀
中疊石爲臺東西相向爲壇四內墻外二十壇
亦東西相向文武大臣及近侍官二十四人分
獻罷朝日夕月祭星之祭并罷太歲風雲雷雨
獻鎮海濱山川月將城隍歷代帝王春秋祭惟
歲八月中旬擇日於山川壇及帝王廟祭之建

文元年祿 仁祖配祀 太祖高皇帝 文皇
即位亦如之永樂八年後 上巡北京命 皇
太子攝遣禮部尚書至北京復命十八年北京
壇成 上歲親祀南京郊壇有事則遣官祭告
洪熙元年春奉 文皇配位 太祖下西向嘉
靖九年 上從言官夏言言欲分祀 天地下
廷議主分祭者右都御史汪鋐中允庾道南編
修程文德等八十二人主分祭而以成憲及時
未可爲言者大學士張璉等八十四人主分祭
而以山川壇爲方丘者尚書李瓚等二十六人

主合祭而不以分祭爲非者尚書方獻夫李承
勛詹事霍詵魏校編修徐階郎中李默王道等
二百六人無可否者英國公張崙等一百九十
八人 上曰分祀禮也遂作圜丘於天地壇南
稍北爲皇穹宇作方丘於北郊稍南爲皇祇室
從祀圜丘日月星辰雲雨風雷方丘蕤鎮海濱
五陵山是年三月 上從言議南北二郊奉
太祖配孟春祈穀祀 上帝於大祀殿奉 文
皇配下廷議羣臣以爲不可疏留申言又疏請
上怒羣臣違君叛禮令祈穀 二祖並配二郊

專奉 太祖配已而罷祈穀之配毀大祀殿
語在祈穀大饗中十七年薦大號於天改昊天
上帝稱皇天上帝

朝日

朝日壇在東郊西向春分之日祭大明之神神西
向用太牢玉禮三獻樂七奏舞八佾甲丙戌庚壬
年 皇帝親祀祭服拜跪飲福受胙餘年遣文大
臣攝祭

夕月

夕月壇在西郊東向秋分之日祭夜明之神神東



向樂六奏牲玉獻舞如朝日從祀二十八宿木火土金水五星周天星辰南向用太牢丑辰未戌年皇帝皮弁服親祀拜跪飲福受胙餘年遣武大臣攝祭

國初有朝日夕月之祭洪武二十一年罷嘉靖九年復

祈穀

雨崇雩

今皇帝以歲嘗釐行祈穀禮於南郊大饗殿祭皇天上帝用騂犢蒼玉禮三獻樂九奏舞八佾上禱雨祭 皇天上帝如祈穀禮去玉

嘉靖九年 上欲於奉天殿中行秋報禮丹陛上行大雩禮夏言秋報於大祀殿奉 文皇帝配以甲 上分配 祖宗之敬第舉祈報之義大學士丘濬嘗欲於郊兆傍擇地爲雩壇歲孟夏後行雩祭禮 上旣以孟春上辛祈穀於上帝自二月至於四月雨暘時若則大雩之祭可遣官攝如雨澤愆期 上禱焉

大饗

皇帝季秋行大饗禮於南郊大饗殿 皇天上帝南向騂牛一蒼璧 唐宗獻皇帝西向騂牛一禮

如南郊

大饗禮蓋始於 今皇帝云嘉靖十七年 皇帝大孝欽宗祀 皇考以配上帝乃撤南郊大祀殿建大饗殿饗上帝尊謚 皇考為睿宗知天守道弘德潤仁寬穆純聖恭儉敬文獻皇帝 侑饗焉是秋殿未成乃大饗於宮右乾闥玄極寶殿遂升禘皇考於太廟仍獻主於原寢

宗廟

宗廟前殿後寢殿寢殿後有祧殿皆九楹各異兩廡寢殿藏主如同堂異室之制祭出主於殿畢歸

主於寢殿 太祖開天行道肇紀立極大聖至神 仁文義武俊德成功高皇帝 孝慈貞化指順仁徽成天育聖至德高皇后中室 成祖啓天弘道高明學運聖武神功純仁至孝文皇帝 仁孝慈懿誠明莊獻配天齊聖文皇后 仁宗敬天體道純誠至德弘文欽武章聖達孝昭皇帝 誠孝恭肅明德弘仁順天啓聖昭皇后 宣宗憲天崇道英明神聖欽文昭武寬仁純孝章皇帝 孝恭懿憲慈仁莊烈齊天配聖章皇后 英宗法天立道仁明誠敬昭文憲武至德廣孝睿皇帝 孝莊獻

穆弘惠顯仁恭天欽聖曆皇后 憲宗繼天疑道
誠明仁敬崇文肅武宏德聖孝純皇帝 孝貞莊
懿恭靖仁慈欽天輔聖純皇后 孝宗建天明道
誠純中正聖文神武至仁大德敬皇帝 孝康靖
肅莊慈愷懿明天贊聖敬皇后 睿宗知天守道
洪德潤仁寬穆純聖恭儉敬文獻皇帝 慈孝貞
順仁敬誠一安天誕聖獻皇后 武宗承天達道
英肅睿哲昭德頌功宏文思孝毅皇帝 孝靜莊
惠安肅溫誠順天偕聖毅皇后 叙列左右室皆南
向 睿宗 今皇帝父也於 武宗爲叔以故躋

武廟上祀嚴藏 德祖玄皇帝后 懿祖恒皇帝
后 熙祖裕皇帝后 仁祖淳皇帝后 祧主廟殿
兩廡侑享親王十五人 壽春王劉妃霍丘王翟妃
下蔡王安豐王趙妃南昌王蒙城王田妃盱眙王
唐妃臨淮王劉妃寶應王六安王來安王都梁王
英山王山陽王昭信王功臣十七人 開國輔運推
誠宣力武臣特進光祿大夫左柱國太傅中書右
丞相中山武寧王徐達開國翊運推誠宣力靖遠
功臣開府儀同三司上柱國太保中書左丞相開
平忠武王常遇春開國輔運推誠宣力武臣特進

TIFFEN Color Control Patches

Blue Cyan Green Yellow Red Magenta White 3 Color Black

榮祿大夫右柱國大都督府左都督同知軍國事
岐陽武靖王李文忠開國輔運推誠宣力武臣特
進榮祿大夫右柱國寧河武順王鄧愈開國輔運
推誠宣力武臣特進光祿大夫左柱國信國公追
封東甌襄武王湯和開國輔運推誠宣力武臣柱
國西平侯進封黔寧昭靖王沐英贈奉天靖難推
誠宣力武臣特進榮祿大夫右柱國追封榮國忠
顯公加封河間忠武王張玉奉天靖難推誠宣力
武臣特進榮祿大夫右柱國左軍都督府左都督
太子太傅成國公追封東平武烈王宋能開國輔

運推誠宣力武臣特進光祿大夫柱國同知大都
督府事號國忠烈公命通海開國輔運推誠宣力
武臣特進光祿大夫柱國同知大都督府事蔡國
忠毅公張德勝開國輔運推誠宣力武臣光祿大
夫柱國同知大都督府事趙國武莊公胡大海開
國輔運推誠宣力武臣榮祿大夫柱國同知大都
督府事梁國武桓公趙德勝開國輔運推誠宣力
武臣鎮國將軍護軍僉大都督府事追封泗國武
壯公耿再成開國輔運推誠宣力武臣柱國武定
侯追封營國威襄公郭英贈奉天靖難推誠効忠

宣力武臣特進榮祿大夫右柱國追封金鄉忠壯侯加封寧國公王真開國輔運推誠宣力武臣安遠將軍輕車都尉同知英武衛親軍指揮使司事特封永義侯景世傑開國翊運守正文臣資善大夫贈太師益文成護軍誠意伯劉基皆左右敘恭仁康定景皇帝 貞惠安和景皇后不得入宗廟 孝潔陳皇后 孝烈方皇后皆未稱廟別殿祀焉立春特享 皇帝祭 太祖大臣八人祭 諸帝內臣八人獻 諸后太牢九禮三獻樂六奏舞八佾 皇帝祭服拜跪飲福受胙立夏時禘

太祖南向 成祖西向北上上於 七宗七宗東西相向牢醴樂舞如特享立秋時禘如夏禮立冬時禘如秋禮季冬中甸擇日大禘 德祖 懿祖 熙祖 仁祖 太祖異室南向 成祖 仁宗 英宗 孝宗 睿宗東叙西向 宣宗 憲宗 武宗西叙東向 成祖北上如時禘驛牛十三羊十三豕十三禮三獻樂六奏舞八佾 皇帝獻德祖帝后祭服拜跪飲福受胙大臣十二人分祭 諸帝內臣十二人獻 諸后侑享親王東西各二壇壇一太牢功臣少牢一特享時禘亦如之

國初建四親廟於闕左中 德祖東 懿祖次
仁祖西 熙祖廟與主皆南向東西有夾室有
庶三門門設二十四戟繞以周垣略如都宮之
制洪武元年定四孟歲除五享造金祭器揮機
枕單篋筭帷幔浴室皆備二年令清明端午中
元冬至時享歲除如故祝稱孝子皇帝不稱臣
遣 皇太子祝云命長子某不得稱皇太子三
年時享仍用四孟孟春特享四廟三時奉 三
祖合享於 德祖之廟 德祖南向 三祖東
西向初獻各奏其廟樂餘奏 德廟樂九年改

建太廟前正殿後寢殿殿翼兩廡寢殿九間間
一室中室奉 德祖帝后神主 懿祖東一室
熙祖西一室 仁祖東二室主皆南向几席諸
器備如生儀時享殿中設 德祖帝后衣冠神
座南向 懿祖座左西向 熙祖座右東向
仁祖次 懿祖西向孟春擇上旬日三五朔日
歲暮除日皆合享奏 德廟之樂罷特享二十
五年令廟享值國喪樂備而不作三十一年
太祖神主附寢殿西二室南向正殿神座次
熙祖東向 成祖遷都北平建廟亦如之 成

祖升祔東三室殿座次 仁祖 仁宗升祔西
三室殿座次 太祖 宣宗升祔東四室殿座
次 成祖 英宗升祔西四室殿座次 仁宗
弘治元年 憲宗將升祔議祧禮禮官言國家
九廟已備 憲宗祔廟議者咸謂 德 懿
倍 仁四廟宜以次奉祔而尊 太祖爲百世
不遷之祖是知尊 太祖而不知 太祖之尊
其祖也昔周既追王太王王季又上祀先公以
天子之禮國家自 德祖以上莫推其世次則
德祖視周后稷不可曉明甚 懿 熙 仁三

祖以次當祧 太祖 太宗視周文武世室百
世不遷禮也 憲宗升祔當祧 懿祖宜於

太廟寢殿後別建祧廟如古夾室之制歲暮則
奉祧主合享如古禘祭之禮吏部侍郎楊守陳
言禮官議請尊 德祖百世不遷如宋僖祖故
事非是禮天子七廟祖功而宗德故凡號太祖
者卽始祖也始祖必配天若商周契稷皆有功
德非直原本統也宋僖祖及我 德祖可比商
報乙周亞圉非契稷比議者習見宋儒嘗取王
安石說遂使七廟既有始祖又有太祖太祖既

配天又不得正位南向名與實非非禮或曰降而合食以尊就卑不可謂禮不又有大禘乎
憲宗升祫請并祧 德 懿 熙三祖自 仁祖下爲七廟異時祧盡則 太祖擬契稷而祧主藏於後寢禋禮行於前殿時享尊 太祖禋祭尊 德祖如此功德是崇恩義亦備庶無悖禮 上從禮官議始建祧廟於寢殿後奉藏懿祖神主神座 熙祖寢主遷東一室殿座遷西向一位 仁祖以下遵遷 憲宗升祫西四室殿座次 宣宗 孝宗升祫祧 熙祖 武

宗升祫祧 仁祖 睿宗升祫不得不祧 德祖以故九廟 太祖居尊而 四祖之主皆祧矣嘉靖九年春 今皇帝復行特享禮令祠官廟殿設帷幄如九廟奉 太祖南向十年冬上諭禮官言 太祖以恩隆 德祖今日當以義尊 太祖給祭宜奉 四祖同 太祖背南向庶見 太廟爲特尊 太祖言言禮合羣廟之主而祭於 太祖之廟是爲大禘亦以尊太祖也 太廟 太祖之廟不當與昭穆同序太祖太廟之主不可與子孫並列自今大禘宜

奉 四祖 太祖皆南面 德祖居中 懿祖
熙祖 仁祖 太祖東西並叙 列聖左右序
列東西相向如故不惟我 太祖別於羣廟之
主足以伸 皇上尊 太祖之心而 懿 熙
仁三祖得全其尊充足以體 太祖之心 上
曰善是年 上坐文華殿東室召見輔臣時變
禮官言議復古七廟之制 太廟及寢殿祧廟
宜存弗撤惟量地分建羣廟議未決諸大臣退
會中允庾道南跪請建九廟 上得覽喜下廷
議言上議古者天子廟制唐虞五廟夏后因之

殷周大抵皆七廟而祭法王制與劉歆宗說又
各不同宋儒朱熹古今廟制引王制天子七廟
外爲都宮內叙昭穆漢不考古諸帝異廟諸廟
異地不合都宮不序昭穆明帝遵儉自抑遺命
勿別爲廟遂有同堂異室之制嗣後歷魏晉隋
唐宋皆然我 太祖初別立四親廟廟皆南向
似近古禮後改建 太廟又用明帝之制 皇
上憲天稽古大釐祀典獨於廟制不能無疑形
諸翰札宣諸召問謀諸臣劾者屢矣但今 太
廟南近宮牆東遺世廟西阻前朝地勢有限

上諭 太廟三殿勿撤則 太廟垣外左右隙地不盈數十丈若依古制昭穆六廟在太廟前以次而南則今 太廟都宮之南至承天門墻不遠即使盡闢其地分爲左昭右穆尤恐勢不能容若欲稍減規模不必別門異寢又恐禮未必協況古七廟九廟制度皆同今 太廟巍然宏壯而羣廟墮然湫隘亦恐於義未安議者欲就 太廟兩廡即分羣廟不惟去尊即卑不足以稱 聖孝而遠就一時裁損廟貌尤非細故且有廟無寢神將安棲諸王功臣置之何所議

者又欲藏主夾室夫夾室者側室也以藏統主可也以藏親廟未毀之主情理斜矣至謂周人廟制約儉宜儉爲之夫周廟門大扁七箇闌門容小扁三箇則大門寬容二丈一尺小門寬容六尺其制過於今廟烏在其爲儉約也今損於太廟羣廟可又損於 世廟乎且 太宗功業比隆 太祖 憲宗 獻皇父也又可減於 世廟乎今之廟主 太宗之下凡有 七聖將如古制爲三昭三穆而止立六廟乎抑如商周以 太宗爲百世不遷之宗而加立七廟乎即

使廟宇既成 皇上冠冕佩玉執圭服袞循紆
曲之途徧歷羣廟而行興俯拜起奠獻之禮非
獨筋力不逮而日力亦不給矣議者乃曰周禮
宗伯代后獻羣廟可遣攝也夫古者廟祭君后
祭獻后不與祭宗伯代獻謂一廟之中代亞獻
之禮未聞人臣可以主廟祭也且古者助祭諸
侯類多同姓罔非天胤今陪禮者可擬古諸侯
乎 皇上仁孝誠敬可以終歲舉祭止對越
太祖之廟而不一至羣廟乎且規制必備而後
成廟門垣廡寢是也儀文必備而後成禮主助

禮樂之類是也今分爲各廟廟祭之時不得不
降從簡易是欲尊之而反卑親之而反疎祇見
其貶損而未見其隆重矣大學士丘濬謂宜一
日間祭一廟歷十四日而徧七廟此蓋無處而
強爲之說不自知其言之迂也馮端臨曰後世
失禮豈獨廟制漢儒以來講究非不詳明而卒
不能復古者以昭穆難定故也必如古制父子
相世則可兄弟相及則其序紊矣周孝王以共
王之弟懿王之叔繼懿王而立故朱子廟圖宜
王之世則以穆懿夾爲昭共孝厲爲穆夫穆王

昭也共王穆子穆也懿為穆孫則繼穆而為昭是也孝為共弟而繼共為穆雖於世次不紊然以弟而據孫之廟矣夾王懿王子也穆也而圖居昭厲王夾王子也昭也而圖居穆是孝王立而夾厲之昭穆易位於是朱子亦無以處此不過即其繼立之先後以為昭穆而不能自守其初說矣又况宣王時三昭三穆為六代所祀合始於昭王今孝王居其間於是昭王以六世祖雖未當祧而已在三昭三穆之外名為六廟而祀止三世耳前乎周者為商商武丁之時所謂

六廟祖丁南庚陽甲盤庚小辛小乙也然南庚者祖丁兄子陽甲盤庚小辛小乙又皆祖丁之子姑以祖丁為昭言之則南庚至小乙皆祖丁子行為穆是一昭五穆而武丁所祀上不及曾祖未當祧而祧者四世矣後乎周者為唐唐懿宗之時所謂六廟者憲宗穆宗敬宗文宗武宗宣宗也然穆宗宣宗皆憲宗之子敬宗文宗武宗又皆穆宗之子姑以憲宗為昭言之則穆宣為穆敬文武為昭是四昭二穆而懿宗所祀上不及高祖未當祧而祧者三世矣若必欲祀及

六世則武丁時 太祖之外必十廟懿宗時

太祖之外必九廟而後可蓋繼世者既不能必其為弟為子建廟者亦安能預定其為昭為穆或穆多昭少如殷或昭多穆少如唐哉若必欲昭穆世叙則建廟之時昭穆者必在 太祖之廟之左穆齒者必在 太祖之廟之右如此則預立六廟定三昭三穆以次遞遷之說又不可行矣故東都以來同堂異室未可盡以為非禮也 皇上以 皇考專享世廟而 太祖列聖乃不得專廟以全其尊然 列聖同享太廟已

極尊崇而 皇考專居世廟猶為遜遜若廟制大小不倫行祀親攝或異則尊卑厚薄之間似不足以稱 皇上孝敬之誠 皇上猶諭輔臣亦言祀典宜正廟制難更大哉 皇言實為世之實訓也疏入 上不允竟撤故廟改建 祖宗各為專廟諸廟合為都宮 太廟居中昭穆六廟左右列 成祖廟在六廟之上廟各有殿殿後有寢藏主 太廟寢後別有祧寢藏祧主 太廟門殿皆南向琴廟門東西相向內門殿寢皆南向十三年南京 太廟災 上意欲勿建

勅廷臣議禮官言京師宗廟行將復古而南京
太廟修飾方新遽罹回祿 皇天眷德之意
聖祖啓後之靈恐不可不默會於昭昭之表
上喜令亟起新廟罷建南京 太廟廟址祭周
垣香火并入南京奉先殿十五年十二月廟成
詔曰朕創昭穆羣廟以祀 祖宗彰 太祖爲
專尊之主復作 太宗廟於羣廟之外表功德
不遷享百世祀更創 皇考廟曰獻皇帝廟別
擇吉區以避渠道正修時祭以避豐禱之嫌十
七年九月遂尊 皇考廟號爲睿宗廟享 大

廟又改尊 太宗爲成祖立春特享各出主於
殿 成廟迎神樂別歌三獻徹饌還宮樂如太
廟 仁 宣 英 憲四廟樂歌同 孝 武
二廟迎神樂別歌三獻徹饌還宮樂歌同 睿
廟樂別歌異於諸廟立夏時禴出 太祖 成
祖 七宗主於大殿立秋時禴如夏禮樂歌異
於夏立冬時禴如秋禮迎神徹饌還宮樂歌異
於秋季冬中旬擇日大禴出 四祖 太祖
成祖 七宗主於大殿祭畢各歸主於其寢二
十年四月宗廟災初震火起 仁廟風大發

仁廟主殿俄而 成祖廟主又燬延焚 太廟
及 昭穆率廟惟 府廟獨存 上奉 列聖
主於景神殿遣大臣入長陵獻陵告題 成祖
仁宗帝后主亦奉景神殿二十四年七月新廟
成復同堂異室之制寢殿 太祖正位居尊
成祖 仁 宣 英 憲 孝 睿 武左右
次列背南向 四祖居禔寢南向

洪武二年壽春十五王進佑 四祖廟壽春於
孝陵爲伯南昌七王兄寶應七王從子也余從
大夫後助祭 太廟見庶中木主稱壽春八王

爲高伯祖考寶應七王爲曾祖考禮官誤矣語
在十五王傳中是年耐饗戰歿功臣已乃設青
布幃於廟庭祀之尋更定功臣十三人令大海
通海張趙德勝世傑再成楚國公廖永安七人
已卒耐廟連等六人俟卒進佑八年設黃布幃
殿左右廊於廟中殿上祀 四祖左祀楊王皇
兄徐王右祀功臣九年定壽春王王妃二十一
人侑享於東壁功臣十二人西壁罷永安祀洪
熙元年以靖難功臣王能真崇國恭靖公姚廣
孝侑享 文廟嘉靖九年中允廖道南言廣孝

三禮記
卷一
覺徒不宜入廟移祀大典隆寺十年以刑部郎
中李瑜議進基侑祀 高廟位次六王十六年
武定侯勛乞進其祖英侑享 高廟下廷議不
可戶部侍郎唐胥疏爭言廟祀諸臣位次上下
且不可易現有無之額敢輒增損乎勛言往年
進基耐享以文臣故舉朝翕然願從臣祖英武
臣乃紛然阻忌 上是勛言進英祀先是 二
廟侑享功臣位各以爵及進基伯位公侯上
上不喜曰何上基而下英也令禮官考議乃合
二廟功臣叙爵於是列英永義侯上河間東平

二王熙寧王下基永義侯下英未進侑時禮官
言言禮有功臣之祀漢祭功臣於朝廷魏祀尚
書令荀攸於太祖廟唐高祖至憲宗廟或六七
八人或二三人宋太祖至光宗亦然如魏徵
李沆司馬光皆文臣不必皆武功也守成諸君
亦各有與享者不必皆創業也我朝 二祖開
國靖難固有功臣 仁宗以後無事武功其間
相與輔贊治平豈無有如魏徵李沆輩者今侑
享 二祖凡十七人十七人中惟基廣孝二人
文臣耳自後六廟缺焉無聞乞下廷議考求六

朝文武大臣有功在當時澤在後世者請
裁定進侑廟度 上不允

大禴

大禴 皇帝以丙辛年孟夏大禴於太廟 皇初
祖帝神南向牛一羊一豕一 太祖西向配牛一
羊一豕一禮三獻樂六奏舞八佾

嘉靖十五年禮官言請行古大禴禮下廷議皆
請禘 德祖 上不從或曰禘頤頤 上亦不
從曰可稱皇初祖帝神勿主名五歲一禘於太
廟祀 皇初祖而奉 太祖配焉先一日令中


書官書皇初祖帝神牌位於太廟至日設太廟
殿中祭畢燎牌位

奉先殿 崇先殿

奉先殿藏 列聖帝后神主朔望薦時食焉 今
皇帝初尊 皇考爲皇帝未祔廟亦未祔奉先殿
也別立崇先殿 今皇帝既建九廟主皆遷於廟
中時食之薦在奉先殿承天又有隆慶殿奉 獻
皇帝后

世廟

世廟 府宗獻皇帝廟也 今皇帝既尊 皇考



爲獻皇帝遜不敢祔宗廟別爲世廟祀禮如宗廟
既尊稱 睿宗祔太廟享祫如 列聖而徹世廟
之禮

奉慈殿

奉慈殿在奉先殿右 孝宗 生母孝穆紀太后
也不得祔 太廟奉先殿 孝宗即位初作奉慈
殿別祀 太后已而 憲宗 生母孝肅周太皇
太后 今皇帝 生祖母孝惠邵太皇太后皆祀
殿中孝肅中室孝穆孝惠在右室主書皇太后太
皇太后歲享薦禮如 太廟奉先殿嘉靖十五年

上諭禮官曰廟中帝配一后陵祔葬乃有二三后
廟祀陵祀本不同奉慈三后主既不得祔廟又不
祔陵殿似黜之非親之也禮官遂請奉孝肅於裕
陵孝穆孝惠於茂陵殿 上又曰皇太后太皇太
后本子孫尊稱稱睿皇后純皇后又嫌於適改主
題皇后不得書帝謚罷奉慈享薦禮

陵寢

熙祖葬祖陵在泗州基運山設泗州祠祭著奉祀
一人朱氏世官朱本宗人婿也即祖陵望祭 德
祖 懿祖二陵陵戶三百十四家長至正旦太牢

三清明中元孟冬朔望少牢三奉祀行事 仁祖
葬英陵改稱皇陵在中都朔聖山置中都留守司
皇陵衛皇陵祠祭署奉祀二人劉氏汪氏祀丞二
人汪氏趙氏劉義惠侯繼祖孫二汪皆汪氏老母
孫陵戶三千三百四十二家長至正旦太牢清明
中元孟冬少牢奉祀行事朔望少牢留守行事弘
治元年勅內官一人監護 高皇帝后四十妃嬪
葬孝陵在南京神烈山即鍾山設孝陵衛孝陵神
官監孝陵祠祭署清明中元冬至太牢正旦清明
中元帝后愍忌聖旦酒果勅感大臣一人奉祀事

固有大事遣大臣祭告 文皇帝后十六妃葬長
陵在昌平天壽山 昭皇帝后七妃獻陵 章皇
帝后七妃景陵 廢皇帝后十八妃裕陵 純皇
帝后孝穆紀皇后孝惠邵皇后十四妃茂陵 敬
皇帝后恭陵 毅皇帝后一妃康陵皆在天壽山
各置陵衛神官監祠祭署如孝陵正旦酒果清明
中元冬至聖旦太牢分遣勳戚大臣祀愍忌太牢
專遣勳戚大臣祭 獻皇帝后顯陵在承天純德
山置衛神官監祠祭署如諸陵祀亦如之孝陵東
有懿文太子陵祀禮視孝陵四孟歲暮忌辰加牲

為署官行事京師西山有 恭讓胡皇后 景皇

帝后 孝潔皇后繼張后陵 憲廟廢吳后諸帝

妃懷獻世子悼恭太子哀冲太子莊敬太子越靖

王秀懷王新獻王滕懷王衛恭王許悼王忻穆王

申懿王雍靖王岐惠王涇簡王蔚悼王穎瑋王薊

哀王戚懷王均思王墳及諸鷄公主諸阿保夫人

墳南京韓憲王張順妃李麗妃墳成以時祀牲醴

素羞各有差諸王葬其封國者其子孫祀之外戚

楊王墳在盱眙設盱眙祠祭署奉祀陳氏墳戶二

百一十家徐王墳在宿州設宿州祠祭署奉祀祀

丞皆武氏墳戶九十三家潯陽王墳在潯州廟首
宥氏墳戶十九家皆歲時祀

皇明三禮述卷上

子履準校

孫心材重校

TIFFEN Color Control Patches

Blue Cyan Green Yellow Red Magenta White Black

皇明三禮述卷下

吾學編第六十四

太社稷

海鹽鄭曉

歲仲春秋上戊 皇帝祭太社稷於社稷壇東太
社玉一牛一羊一豕一酉太稷玉一牛一羊一豕
一皆北向配后土勾龍氏西向后稷氏東向各太
牢禮三獻樂七奏舞八佾 上祭服拜跪飲福受
胙

因初太社太稷異壇同遺北向勾龍后稷配社
石主半埋土中稷不該主洪武元年令風雨齋

THE NATIONAL CENTRAL LIBRARY, TAIWAN, R.O.C.

TIFFEN Color Control Patches

Blue Cyan Green Yellow Red Magenta White Black

皇明三禮述卷下

吾學編第六十四

太社稷

海鹽鄭曉

歲仲春秋上戊 皇帝祭太社稷於社稷壇東太
社玉一牛一羊一豕一酉太稷玉一牛一羊一豕
一皆北向配后土勾龍氏西向后稷氏東向各太
牢禮三獻樂七奏舞八佾 上祭服拜跪飲福受
胙

因初太社太稷異壇同遺北向勾龍后稷配社
石主半埋土中稷不該主洪武元年令風雨齋

THE NATIONAL CENTRAL LIBRARY, TAIWAN, R.O.C.

TIFFEN Color Control Patches

Blue Cyan Green Yellow Red Magenta White Black

宮望祭三年建祭殿於壇北又北拜殿十年改
建午門外同壇同壇壇二成四出陸用五成土
如其方色埋石主於壇中比祭設神牌北向是
年以禮官張善議罷勾龍后稷配配 仁祖西
向建文君即位撤 仁祖配 太祖永樂中京
師壇成位置如故 仁宗又奉 成祖配嘉靖
九年 今皇帝諭禮官奉 太祖 成祖配位
藏太寢仍以勾龍后稷配

帝社稷

皇帝以歲仲春秋上戊之明日祭帝社稷東帝社

西帝稷皆北向各太牢一禮三獻樂六奏舞八佾
上皮弁服拜跪壇在大內西苑曲風亭西墮陸主
如太社稷

神祇壇

神祇壇在園丘西歲仲秋祭天神地祇天神壇南
向雲師雨師風伯雷師凡四壇壇一太牢地祇壇
北向五嶽五鎮基運廟聖神烈天壽純德五陵山
四海四瀆五壇壇一太牢從祀京畿山川西向天
下山川東向各牲五酒三獻樂八奏舞八佾天神
燎地祇瘞 皇帝以辰戌丑未年行事祭服天神

晚前後再拜地祇再拜皆飲福受胙餘年遣大臣攝祭

國初建山川壇於天地壇西俗呼爲地壇正殿七壇曰太歲曰風雲雷雨曰五嶽曰五鎮曰四海曰四瀆曰鍾山兩廡從祀六壇左京畿山川夏冬季月將右春秋季月將都城隍壇西南有先農壇東有旗纛廟壇南有藉田洪武二年封京都及天下城隍神三年正岳鎮海瀆城隍諸神號合祀太歲四季月將風雲雷雨岳鎮海瀆山川城隍旗纛諸神又令鶯鵲春分後三日遣

官祭山川壇諸神是日 上皮弁服御奉天殿降香中嚴坐殿上獻官復命解嚴還宮七年令仲春秋上旬擇日祭未幾以諸神從祀南郊省春祭十年 上親祀山川諸神於殿中功臣分祀兩廡永樂中京師山川壇成位置如南京進祀天壽山於鍾山下嘉靖十一年 今皇帝釐正祀典即山川壇爲天神地祇壇改叙雲雨風雷其太歲月將旗纛城隍別祀之

太歲

太歲壇歲十二月大給之日遣官祭太歲之神於

TIFFEN Color Control Patches



太歲殿牛一羊一豕一禮三獻樂八奏舞八佾從祀四季月將之神東廡春秋西廡夏冬凡四壇壇一太牢

聖旦

萬壽聖節先一日 皇帝以酒果告 祖宗列聖 帝后於奉先殿至日以酒脯告 皇天上帝於玄極寶殿遣官以牲醴祭神烈山天壽山純德山諸陵墳東岳都城隍素羞祭玄帝及靈濟宮又以素羞告修齋於道極七寶帝尊 上稱名云嗣天子

正旦

正旦 皇帝拜 天於玄極寶殿用酒脯果帛先一日太常由午門右順思善齋一會極順德咸和右通玄凌霄集真門入殿演禮出長庚門宿闕右支待房子夜內右掖右順思善長庚二南四德陟虛集真門入殿供奉殿在乾清宮垣後嘉靖中建

先師

歲仲春秋上丁 皇帝御奉天殿傳制遣大臣以太牢祭至聖先師孔子於太學南京太學遣祭酒禮三獻樂六奏文舞六佾司府州縣衛學各提調官行事用少牢禮祭如太學祭不能備則已京府

及附府縣行釋菜禮殿中先師南向復聖顏子宗
聖曾子述聖子思子亞聖孟子配享東西相向稍
後先賢闕損再耕再雍宰予端木賜冉求仲由言
偃卜商顛孫師十哲從祀亦東西相向兩廡從祀
先賢濟臺藏明宓不齊原憲公冶長南宮适高柴
漆雕開樊須司馬耕公西赤有若琴張申振陳亢
巫馬施梁鱣公皙哀商瞿冉孺顏幸伯虔曹卹冉
季公孫龍漆雕哆秦高漆雕徒父顏高商澤壤駟
赤任不齊石作蜀公良孺公夏首公肩定后處鄆
單奚容箴罕父黑顏祖榮旂秦祖左人郢句并顯

鄭國公祖句茲原亢縣成廉潔燕伋叔仲瞻之
僕邾巽樂欬公西與如狄黑孔忠公西箴步叔乘
施之常秦非顏噲先儒左丘明公羊高穀梁赤伏
勝高堂生孔安國毛萇董仲舒后蒼杜子春王通
韓愈胡瑗周惇願程顥歐陽脩邵雍張載司馬光
程頤楊時胡安國朱熹張栻陸九淵呂祖謙蔡沉
真德秀許衡九十一人是日子夜先祭啓聖公孔
氏用少牢先賢顏無繇曾點孔鯉孟孫氏左右配
享兩廡先儒程珦朱松蔡元定從祀太學遣祭酒
南京太學司業司府州縣衛學各提調官行事



國初 上如江淮府先謁文廟幸學至南昌亦
如之洪武元年令仲春秋上丁傳制遣官祭先
師於國學丞相初獻翰林學士國子祭酒亞終
獻四年國子司業濂上孔子廟堂議曰世之言
禮者咸取法於孔子不以古之禮祀孔子衰祀
也衰祀不教不敬則無福奈何今之人與古異
也古者主人西面几筵在西也漢章帝幸魯祠
孔子帝西面再拜開元禮先聖東向先師南向
三獻官西向猶古意也今儀開元二十七年之
制遷神南向非神道尚右之義矣古者本主棲

神天子諸侯廟皆有主大夫東帛士結茅爲兼
無像設之事開元禮設先聖神座於堂上兩楹
間先聖東北背莞席尚掃地而祭也今因開元
八年之制搏土而肖像焉失神而明之之義矣
古者灌鬯炳蕭求神於陰陽也今用熏鄉代之
非簡乎古者朝覲會同郊廟祭饗皆設庭燎司
烜共之火師監之示嚴敬也今以秉炬當之非
瀆乎古之有道有德者使教焉死則以爲樂祖
祭於禘宗謂之先師若漢禮有高堂生樂有制
氏詩有毛公書有伏生也又凡始立學者必釋

TIFFEN Color Control Patches

Blue Cyan Green Yellow Red Magenta White Black

莫於先聖先師釋奠必有合謂國無先聖先師則所釋奠者當與鄰國合若唐虞有夔伯夷周有周公魯有孔子則不合也當是時學者各祭其先師非其師弗學非其學弗祭學校既廢天下莫知所師孔子集羣聖之大成顏曾思孟實傳其道尊之以爲先聖先師而通祀於天下固宜若七十二子止於國學設之庶幾弗悖禮意開元禮國學祀先聖孔子以顏子等七十二賢配諸州惟配顏子今以荀况之言性惡揚雄之事王莽王弼之宗莊老賈逵之忽細行杜預之

建短喪馬融之黨附勢家亦則其中吾不知其何說也古者立學專以明倫子雖齊聖不先父食久矣故禹不先鯀湯不先契文王不先不窟宋祖帝乙鄭祖厲王猶尚祖也今回參佞坐饗堂上而其父列食於廡間顛倒彝倫莫此爲甚吾不知其何說焉嘗看士見師以菜爲贄故始入學者必釋菜以禮其先師其學官時祭皆釋奠今專用春秋非矣釋奠有樂無尸釋菜無樂是二釋之重輕以樂之有無也今襲用魏漢律所製大晟樂乃先儒所謂亂世之音可乎哉古



者釋奠釋菜名義雖存而儀注皆不可考開元禮彷彿儀禮饋食篇節文爲詳所謂三獻獻後各飲福卽尸酢主人主婦及賓之義也今憚其煩惟初獻得行之可乎哉他如廟制之非宜冕服之無章器用雜乎雅俗升降昧乎左右此類甚多雖更僕不可盡若乃建安熊氏欲以伏羲爲道統之宗神農黃帝堯舜禹湯文武次而列焉草陶伊尹太公望公暨稷契夔益傳說箕子皆天子公卿之師或宜秩祀天子之學若孔子實兼祖述憲章之任其爲過祀則自天子下達

苟如其言則道統益尊三皇不泯於醫師太公不辱於武夫矣昔周立四代之學學有先聖庠序以舜夏學以禹殷學以湯東膠以文王復各取當時左右四聖成其德業者爲之先師以配享焉此固天子立學之法也上不喜謫謙安遠知縣是年令進士釋褐行釋菜禮更定釋奠祭器禮物擇監生及文職大臣子弟在學校者充樂舞生五年罷孟子配享踰年上曰我聞孟子辨異端闢邪說發明孔子之道宜配享如故六年翰林國史院學士承旨詹同侍講學士

TIFFEN Color Control Patches



樂韶鳳上釋奠樂章舞六佾禮部尚書牛諒上
禮儀制曰可遣御史大夫陳寧釋奠胡丞相言
誠意伯不陪祭願受胙 上曰基學聖人之道
不陪祀使弗學者何以勸旣不與祭而享胙禮
乎春俸一月寧坐不舉奪半月七年仲春上丁
日食改仲丁五年作文廟成遣官以太牢祭
上遂視學釋菜始詔司府州縣衛學遍祀孔子
頒釋奠儀正德鎮濟城隍及忠臣烈士封號
大成至聖文宣王及配享從祀諸賢儒如故十
七年議大成樂二十六年頒大成樂器於天下

府學令州縣學式於府學二十九年從行人司
副楊砥議罷揚雄從祀進祀董仲舒 文皇卽
位之八月遣官釋奠先師永樂八年正文廟聖
賢繪塑衣冠正統元年判定從祀名爵位次二
年進宋儒胡安國蔡沉真德秀從祀三年禁祀
孔子於釋老宮令祭物非所產者以所產代八
年從輔臣士奇議追封元吳澄爲臨川郡公從
祀景泰六年加大學兩廡祭物成化二年追封
仲舒爲廣川伯安國建寧伯沉崇安伯德秀蒲
城伯十二年祭酒周洪謨請改大成至聖爲神

聖廣運加服袞冕十二筮豆舞八佾又言古者
鳴球琴瑟堂上之樂笙鏞祝敔堂下之樂而干
羽舞於兩階今干羽居上而樂器居下宜正如
禮下禮官議尚書郭幹言正統十二年御史請
加封孔子 英宗不允今考聖神廣運乃伯益
贊堯之詞不若大成至聖本於孟子中庸猶可
擬議洪武中建南京太學廟用神聖當時祭酒
訥碑文曰像不土繪夾習乃革今廟塑像徒仍
元舊不忍撤毀故有冕旒原非國典筮豆佾舞
之數 祖宗品式具在不敢輒議惟佾數居下

宜令太常攷正 上從之洪謨又請 上曰尊
崇孔子朝廷盛典筮豆佾舞從洪謨言弘治元
年 上視學後吏部尚書恕請釋奠用太牢加
幣是年諫官請罷祀融弼雉從祀進祀禮部侍
郎兼翰林學士薛瑄下禮官集議言雉已黜於
洪武時瑄無著述况等皆有羽翼聖經之功遂
已當是時少詹事兼侍講學士教政言融弼戴
聖劉向達何休王肅預八人宜罷從祀鄭象虛
植鄭玄服虔范甯五人宜祀於其鄉况雉實相
伯仲言者併欲黜况宜也申棖申黨本一人祀

宜存振家語七十弟子不及公伯寮泰冉顏何
述瑗林放宜祀瑗於衛祀放於魯寮及冉何宜
罷祀禮記傳於后蒼與王通胡瑗皆宜從祀顏
淵子思配於廟嚴而父坐庭廡非禮宜別立祠
廟中祀啓聖王以杞國公無繇萊蕪侯燕洵水
侯鯉邾國公孟孫氏配享永年伯珣獻靖公松
從祀下禮官議不可遂已柳陽何孟春言七十
子有公孫尼子者作樂記緇衣宜從祀敏政不
及尼子何也或曰尼子即龍也四年祭酒鐸疏
言宋儒楊時息邪放淫承孟氏之傳衍晦翁之

派雖晚年一出不克盡行其志而力闢新經足
衛吾道若吳澄生長於淳祐貢舉於咸淳受宋
之恩已如此其久爲國子司業爲翰林學士歷
元之官乃如彼其榮迹其所爲曾不及洛邑之
頑民何敢望首陽之高士况二人皆太學之師
乞升時上耐宋諸賢之位斥澄下從莽大夫之
列不報八年大學士溥又言時入朝首請罷安
石配享廢其新經有衛道之功或疑其出處之
際而少其著述殆未之考也 上從之追封時
將樂伯從祀十四年鐸以侍郎領祭酒事又言

人倫莫大於君臣父子顏曾思三子配饗堂上
而其父列祀廡下非禮宜於闕里別廟祀叔梁
紇而以路背子魚配吳澄宋氏遺臣不耻事胡
名節掃地宜罷從祀禮官議不合遂已嘉靖九
年今皇帝從輔臣懇議修正孔子祀典說改
大成至聖文宣王爲至聖先師孔子四配爲復
聖顏子宗聖曾子述聖子思子亞聖孟子從祀
及門弟子稱先賢左丘明以下稱先儒去塑像
設木主罷公侯伯諸封爵申黨申根二人存板
去寔寮冉何況聖向達融休肅弼預澄十三人

罷祀放瑗支衆植皮辜七人祀於其鄉進后蒼
王通胡瑗歐陽脩從祀又以行人薛侃議進陸
九淵從祀改稱大成殿爲先師廟大成門爲廟
門聰又引敏政說請別立祠祀齊公叔梁紇稱
啓聖公孔氏以無繇點鯉孟孫氏配稱先賢珣
松蔡元定從祀稱先儒撤無繇點鯉從祀從之
今皇帝以改稱先師故皮弁服謁廟用特莫帛
行釋奠禮迎送神各再拜三樂三奏文舞六佾
配從祀賢儒及啓聖祠分奠用酒脯遂幸太學
先是先師稱大成至聖文宣王四配克闕復聖

公郟固宗聖公沂國述聖公鄒國亞聖公十哲
左費公閔損薛公冉雍黎公端木賜衛公仲由
魏公卜商右郟公冉耕齊公宰子徐公冉求吳
公言偃陳公顛孫師兩廡東金鄉侯澹臺滅明
任城侯原憲汝陽侯南宮适萊蕪侯曾黠須昌
侯高翟平與侯漆雕開睢陽侯司馬耕平陰侯
有若東阿侯巫馬施陽穀侯顏辛上蔡侯曹邨
枝江侯公孫龍馮翊侯秦商雷澤侯顏高上邽
侯壤駟赤成紀侯石作蜀鉅平侯公夏首膠東
侯后處濟陽侯奚容蒧富陽侯顏祖澄陽侯句

井疆鄆城侯秦祖卽墨侯公祖句茲武城侯縣
成汧源侯燕伋宓句侯顏之僕建成侯崇欽堂
邑侯顏何林慮侯狄黑鄆城侯孔忠徐成侯公
西葦臨濮侯施之常華亭侯秦非文登侯申板
濟陰侯顏噲泗水侯孔鯉蘭陵伯苟况睢陽侯
穀梁赤萊蕪侯高堂生樂壽伯毛萇彭城伯劉
向中牟伯鄭衆緱氏伯杜子春良鄉伯盧植司
空王肅司徒杜預昌黎伯韓愈豫國公程顥新
安伯邵雍溫國公司馬光建寧伯胡安國華陽
伯張栻將樂伯楊時魏國公許衡西單父侯宓

Color Control Patches



不齊高宓侯公冶長北海侯公背哀曲阜侯顏
無繇共城侯高柴壽張侯公伯寮益都侯樊須
鉅野侯公西赤千乘侯梁驪臨沂侯冉孺沐陽
侯伯皮諸城侯冉季濇陽侯漆雕哆高宛侯漆
雕徒父鄒平侯商澤當陽侯任不齊升平侯公
良孺新息侯泰冉梁父侯公肩定聊城侯鄒單
祁鄉侯罕父黑潛川侯申黨厭次侯祭旗南華
侯左人鄆胸山侯鄭國乘平侯原亢睢城侯康
潔博平侯叔仲會高唐侯邾邈臨朐侯公西輿
如內黃侯蓬伯玉長山侯林放南頓侯陳亢陽

平侯琴張博昌侯步叔乘中都伯左丘明臨淄
伯公羊高乘氏伯伏勝考城伯戴聖曲阜伯孔
安國廣川伯董仲舒岐陽伯賈逵扶風伯馬融
高密伯鄭玄任城伯何休偃師伯王弼新野伯
范甯道國公周敦頤洛國公程顥鄆伯張載徵
國公朱熹開封伯呂祖謙崇安伯蔡沉浦城伯
真德秀臨川郡公吳澄

聖師

文華殿聖師之祭始於今皇帝奉皇師伏羲氏
神農氏軒轅氏帝師陶唐氏有虞氏王師夏禹王

商湯王周文王武王九聖南向左先聖周公右先師孔子東西向凡歲春秋開講先期一日 皇帝皮弁服拜跪行釋奠禮用美酒脯帛

歷代帝王廟

歷代帝王廟歲仲春秋 皇帝遣大臣祭太昊伏羲氏炎帝神農氏黃帝軒轅氏帝金天氏帝高陽氏帝高辛氏帝陶唐氏帝有虞氏夏禹王商湯王周武王漢高祖皇帝漢光武皇帝唐太宗皇帝宋太祖皇帝分五室室太牢一禮三獻樂七奏舞八佾從祀名臣風后力牧皋陶夔龍伯夷伯益伊尹

傳說周公旦召公奭太公望召穆公虎方叔張良蕭何曹參陳平周勃鄧禹馮異諸葛亮房玄齡杜如晦李靖郭子儀李晟曹彬潘美韓世忠岳飛張浚凡三十二人列兩廡廡二壇壇少牢一

洪武元年祀三皇用太牢勾芒祝融風后力牧配四年令天下立三皇廟歲春秋祭已而令祭於陵是年命官參考歷代聖帝賢王但在中原安養人民者三十四君合祀之擇名臣從祀六年禮官言古帝王有父子祖孫一廟合祭非禮令別立歷代帝王廟同堂異室歲春秋祀三皇



五帝禹湯文王武王漢高祖光武唐高祖太宗
宋太祖元世祖其守成賢君令所在有司歲春
秋祭於陵七年聖帝王袞冕坐像 上曰伏羲
神農未有衣裳之制勿加冕服已而郊祀禘祭
諸帝王省春祭歲仲秋遣官祭於廟二十年以
武成王從祀帝王廟去王號罷故廟祀二十一
年禮官擇上歷代名臣始終全節者三十五人
從祀帝王廟 上曰趙普負太祖不忠不可祀
元木華黎安童祖也不可祀孫而去祖可祀木
華黎罷安童祀祀伯顏阿木可勿祀又曰漢陳

平馮異宋潘美背宜祀未幾 上曰文王雖基
周命終守臣節唐高祖有天下本太宗力也可
勿祀祀於陵增祀隋文帝是年廟火改建於欽
天山之陽去隋文帝子午卯酉年傳制祭陵停
廟祭嘉靖九年罷歷代帝王南郊從祀禮官請
加南京廟春祭 上不從令建廟京師歲仲春
秋祭南京祭罷十年春廟未成 今皇帝祀之
文華殿廟初成 今皇帝至廟祭是年修譔姚
涑請罷元世祖祀禮官議不可 上從禮官議
二十四年給事中陳棻又言之乃罷祀元世祖

TIFFEN Color Control Patches



并罷從祀木華黎等五人

先農

先農 皇帝仲春擇日祭遂行耕耤禮用太牢禮
三獻樂八耒舞八佾 皇帝皮弁服升殿飲福受
胙更冕善冠黃袍至觀耕臺下耤田秉耒耜三推
三反京尹捧青箱播種而覆之三公五推九卿九
推宴後耕官

洪武元年御史尋造請耕耤田享先農以勸天
下 上從之二年建壇於山川壇西南是春

上祀先農遂耕耤田以後稷配已而奉 仁祖

配八年遣應天尹祭不設配永樂遷都建壇如
南京遣順天尹祭 皇帝初即位行耕耤禮親
祀焉 今皇帝令歲仲春上戊遣官祭

先醫

先醫歲仲春冬上甲日遣太醫院官祭用少牢
今皇帝又建三皇廟於太醫院春秋祀焉

先蠶

先蠶氏之祭自 今皇帝始歲春擇日 皇后祭
用少牢禮三獻樂六奏去舞公主內外命婦陪祀
先期內尚儀奏祭祀 皇后內執事皆致齋蠶官

令陳祭物祭女生陳樂器至日 皇后乘肩輿出宮至西華門升重翟車女官奉鈞篋前行出郊至壇 皇后易禮服拜跪瘞奠飲福受胙如禮畢 皇后易常服詣采桑臺采桑三公命婦五采列侯九卿命婦九采織成內命婦一人行三盆手禮遂布於織婦獻織於雋宮令

高禘

今皇帝始以歲祀高禘設木臺於皇城東永安門北震方壇上 皇天上帝南向駢犧蒼壺 獻皇帝配西向牛一羊一豕一高禘在壇下西向牛一

羊一豕一禮三獻樂九奏舞八佾 皇帝位壇下北向 后妃位壇南數十丈外北向用帷壇下陳弓矢弓鞬如 后妃嬪之數祭畢女官導 后妃嬪至高禘前跪取弓矢授 后妃嬪后妃嬪受而納於弓鞬

五祀

五祀 皇帝遣官祭立春司戶宮門外道左西向立夏司竈太庖前中道南向季夏土王用事中雷文樓前西向立秋司門午門外西角樓東向立冬司井太庖井前南向皆遣內臣各少牢一歲暮太

常少卿合祀於太廟丹墀西東向少牢五

金海

金海祠在大內西苑湧泉亭後歲仲春秋上壬遣太常卿以少牢祭司海水府司舟三神

西海子者古燕京積水潭也源出西山神山一畝馬眼諸泉繞出甕山後匯爲七里濼東入都城瀟爲積水潭南出玉河入於大通漕渠嘉靖十四年上諭禮官歲端午朕奉兩宮遊西海子時望祀諸神宜特建祠祀焉

青龍

青龍祠在阜成門外三十里祭弘濟大青龍神靈顯小青龍神歲仲春秋遣順天府官以少牢祭
洪熙元年二月久旱禱不得雨或言盧師山潭有大小二青龍時時出沒每旱禱輒雨上令禱焉雨應時大注上喜命成國公勇論祭封神飾祠宇名其山曰翠微

旗壽

旗壽廟在山川壇旗壽殿內府歲仲秋祭山川之日遣旗手衛官祭於廟霜降日又祭於教場歲暮享太廟日又祭於承天門外皆用少牢永樂後朔



望有神旗之祭專祭火雷之神神機營提督官請
祭於教場曰旗頭大將曰六轟大將曰五方旗神
曰主宰戰船正神曰金鼓角鏡鉞之神曰弓弩飛
鎗飛石之神曰陣前陣後神祇五猖等衆皆南向
牛一羊一豕一國有大征討 皇帝武弁服謁祭
祭軍牙之神六轟之神甘南向建牙旗六轟於神
位後祭之日 皇帝省牲視滌牛一羊一豕一體
三獻奏樂 皇帝飲福受胙望燎判五雄雞血於
五酒碗酌神馮

功臣廟

功臣廟殿中元祀中山武寧王徐開平忠武王常
岐陽武靖王李寧河武順王鄧東旣襄武王湯鏐
寧昭靖王沐羊二豕二配享十五人東序西向都
指揮使馮國用郢國公僉都督耿再成泗國武莊
公僉都督丁德興濟國公都督同知張德勝蔡國
忠毅公靖海侯吳禎海國襄毅公平章康茂才斷
國武義公副使茅成東海郡公西序東向恭政胡
大海越國武莊公都督同知趙德勝梁國公廣德
侯華高巢國武莊公都督同知俞通海虢國忠烈
公江陰侯吳良江國襄烈公宣寧侯曹良臣安國

TIFFEN Color Control Patches

Blue Cyan Green Yellow Red Magenta White Black

忠烈公安陸侯吳復黔國威毅公副使孫興祖蒸
山忠愍侯羊二豕二兩廡各設牌一書故功臣都
督指揮千百戶衛所鎮撫羊十豕十四孟歲暮遣
勲戚大臣祭大功坊又有中山王家廟歲遣太常
五祭用少牢

洪武二年正月立功臣廟於雞鳴山六月廟成
上諭功列祀二十一人令死者塑像生者虛位
時大海國用趙德勝再成德興逆海張德勝成
八人已卒棲神卞蔣諸廟至是塑像移祀廟中
十三人虛位元祀書贈王謚姓從祀書官書贈
謚姓名梁國公不書謚三年增職歿功臣五年
增百二十四人七年令都督祭堂上都指揮以
下兩廡永樂三年上諭禮部中山王勲德因
朝第一當百世不忘自今正旦清明中元十月
朔冬至皆遣祭於家廟

十廟

十廟在京師 皇帝遣官各以時祭季春秋真武
季夏東岳仲夏都城隍漢前將軍漢壽亭侯仲春
秋祭國姚恭靖公廣孝正旦長至聖旦靈濟宮皆
太常仲春秋京師太倉戶部司馬馬祖先牧太僕

宋文丞相元世祖陵皆順天府東岳都城隍太牢
六廟少牢真武靈濟宮素羞

靈濟宮者全闕玉闕真君及神父母二仙妃也
先是遣內閣禮部內官嘉靖中改太常朔望皆
祭之真武亦如之元世祖祭嘉靖中罷姚公初
侑享 成祖嘉靖中撤廟祀移祀大興隆寺

南京十四廟

南京十四廟季春秋北極真武孟春天妃李春寶
誌禪師仲秋都城隍仲春祠山廣惠張王渤孟夏
季秋五顯靈官皆太常祭仲春秋京都太倉戶部

司馬馬祖先牧太僕四孟歲除漢棘陵尉蔣忠烈
王子文漢前將軍漢壽亭侯關王晉成陽卞忠貞
公壹宋濟陽曹武惠王彬南唐唐劉忠肅公仁贍元
衛國忠肅公福壽皆應天府蔣廟又有孟夏之祭
關廟又有仲夏太常之祭諸廟皆少牢真武寶誌
素羞祀並稱 皇帝遣官云

關廟初稱漢前將軍壽亭侯嘉靖十年南太常
卿黃芳奏改稱漢前將軍漢壽亭侯

府州縣 附武廟

府州縣近郊三壇南神祇壇歲仲春秋祀雲雨風

雷之神境內山川之神城隍之神各少牢在省城者布政司官祭府不別祭縣附府者亦如之西社稷壇歲仲春秋上戊祀司社之神司稷之神各少牢北屬壇歲上元清明孟冬朔日祭無祀鬼神羊三豕三飯米三石各宦鄉賢二祠附先師廟或別祠歲仲春秋祭用少牢岳鎮海瀆在境內者歲仲春秋別祭之用少牢古帝王陵寢忠臣烈士及吏有功德於民者各以時祭牧馬者祀馬神市鄉百姓又有鄉社鄉屬之祭若諸小鬼神祠有靈異者百姓各以其鄉俗賽禱官不禁也都司衛所凡守

禦官歲霜降有旗壽廟之祭用少牢古帝王陵陳州有伏羲氏商高宗孟津漢光武鄭州周世宗鞏宋太祖太宗真宗仁宗郭神農氏寧遠舜帝延安軒轅氏西安周文王武王成王康王漢高祖景帝咸寧漢文帝興平漢武帝長安漢宣帝富平後魏文帝扶風隋高祖三原唐高祖禮泉唐太宗蒲城唐憲宗溼陽唐宣宗滑高陽氏高辛氏內黃商中宗順天元世祖東平堯帝曲阜少昊氏趙城媯皇氏滎河商湯王會稽夏禹王宋孝宗凡三十六陵子午卯酉年傳制遣道士賞香帛至陵令所在長

TIFEN Color Control Patches

ColorChecker Blue Cyan Green Yellow Red Magenta White Black

三禮記
史祭嘉靖又有武功姜嫄后稷之祠虞都堯母之祠五岳者岱華嵩衡恒山也廟在太安華陰河南衡州真定五鎮廟東沂山在沂州西吳山隴州中霍山平陽南會稽紹興北醫閭遼東四海神廟在萊州蒲州廣州懷慶四瀆廟江在成都河蒲州兗州淮彰德濟河南衛輝又有濟源廟諸山川湖澤泉澗龍湫岡陵凡有祠者各以時祀之忠臣烈士吏有功德於民之祠通州有開平忠武王及燕山侯孫興祖山海關中山武寧王張都督世忠世忠又祀太原南京渤泥恭順王蘇州兩尚書廟祀及

聖宮歲霜降有旌壽廟之祭用少牢古帝王陵陳州有伏羲氏商高宗孟津漢光武鄭州周世宗鞏宋太祖太宗真宗仁宗郭神農氏寧遠舜帝延安軒轅氏西安周文王武王成王康王漢高祖景帝咸寧漢文帝與平漢武帝長安漢宣帝富平後魏文帝扶風隋高祖三原唐高祖禮泉唐太宗蒲城唐憲宗涇陽唐宣宗滑高陽氏高辛氏內黃商中宗順天元世禮東平堯帝曲阜少昊氏趙城媯皇氏滎河商湯王會稽夏禹王宋孝宗凡三十六陵子午卯酉年傳制遣道士齎香帛至陵令所在長

TIFFEN Color Control Patches



史祭嘉靖又有武功姜嫄后稷之祠慶都兗母之祠五岳者岱華嵩衡恒山也廟在太安華陰河南衛州真定五鎮廟東沂山在沂州西吳山隴州中霍山平陽南會稽紹興北醫閭遼東四海神廟在萊州蒲州廣州懷慶四瀆廟江在成都河蒲州兗州淮彰德濟河南衛輝又有濟源廟諸山川湖澤泉澗龍湫岡陵凡有祠者各以時祀之忠臣烈士吏有功德於民之祠通州有開平忠武王及燕山侯孫興祖山海關中山武寧王張郁督世忠世忠又祀太原南京渤泥恭順王蘇州兩尚書廟祀夏

忠靖公周文襄公太平忠臣廟祀樞密院判花雲王鼎及知府許瑗淮安平江陳恭襄公濟寧尚書宋公平陽薛文清公海州廣寧伯劉公又有都督衛公永康侯徐公甘州伏羌伯毛公榆林余肅敏公太原二忠祠丁璋周宇二將軍杭州鄒詹事徐贊善于肅愍公金華胡武莊公配按察副使陶公青田誠意伯劉文成公海鹽按察使楊公南昌忠臣廟平章趙德勝樞密判官李繼先左副指揮使劉齊統軍元帥許珪右副元帥趙固昭同知元帥朱潛元帥副使牛海龍千戶張子明張德山百戶

TIFFEN Color Control Patches

Blue Cyan Green Yellow Red Magenta White Black

徐明總管夏茂江西行省都事葉思誠知洪都府
葉琛臨海同知趙天麟一十四人二忠祠孫忠烈
公許忠節公廬陵忠節祠宋六臣及劉忠愍公李
忠文公廣信張叔夜祠附祀永豐知縣鄧顛饒州
忠臣廟樞密同知丁普郎張志雄等三十五人賓
慶參政賀興隆侯官麻剌康靖王上杭巡按御史
伍驥福建都指揮丁泉廣州僉都御史楊公配按
察副使毛公南海忠義祠南海民關敏慶遠葉恭
議祠府同知葉禎父子雲南二忠祠王忠文公吳
忠節公黔寧王廟昭靖王配其子定遠王貴州鎮

遠侯顧公諸先朝祠祀至於今存者多不錄也

洪武元年令郡縣訪求應祀神祇名山大川聖
帝明王忠臣烈士凡有功於國惠及民者奏
著祀典二年令有司祠祀典神祇其不在祀典
而嘗有功德於民者即不祭存其祠宇三年訪
求帝王陵寢四年遣使致祭諸陵始罷天下祀
三皇六年定十二省山川罷省祭京師合祭及
四夷山川各城隍春三月三日秋九月九日祭
七年定府州縣社稷祭正配皆少牢已而罷配
嶽鎮海瀆亦如之歲仲春秋擇上旬日祭九年

令外百司祭祀三歲以品級序是年遣官行視
帝王陵九年禁樵牧設守陵戶陵二人三歲一
傳制遣道士奉香詣諸陵令有司致祭 皇帝
即位遣官祭告十一年令外百司祀小祀用牲
醴中祀加帛十四年令祭山川諸神文職長吏
行事武官不得預軍民指揮使司自祭之二十
九年令陪祭未入流官用祭服宣德八年令外
諸吏上官合祀應祀神祇於城隍廟用少牢令
守禦官廟復立旗纛廟鶯鶯霜降日以少牢祭
軍牙六畜神武服行事出師祭而行班師歸於

廟已而省鶯鶯之祭清明中元孟冬朔日祭無
祀鬼神設壇城北府州曰郡屬縣邑屬鄉村間
百戶內立一壇祀五土五穀神歲一戶爲會首
春秋二社率錢備少牢祭祭畢行會飲禮會中
一人讀抑強扶弱之誓又立一壇祭無祀鬼神
歲亦三祭祭用牲酒會飲讀誓如祭社 國朝
品官廟制未定乃做朱子祠堂之制奉高曾祖
禰四世主以四仲月祭又有臘日愍忌之祭與
歲時俗節薦享庶人得祀祖父母父母

皇明三禮述卷下

子履平校孫心材重校

TIFFEN Color Control Patches

Blue Cyan Green Yellow Red Magenta White 3/Color Black


一人跪明前為禱之誓又立一壺祭無狐思頓
卷封二抽率發謂少半祭祭畢汗會相驗會中
百氣內立一壺張正土正張輒煮一氣為會首
張輒着足越北氣散曰張輒總身張輒林間
氣已而各發健之祭前用中兵孟冬隱日祭無

ColorChecker
TIFEN Color Control Patches

Blue Cyan Green Yellow Red Magenta White 3/Color Black



402745 V-41



皇明百官述卷上


吾學編第六十五

海鹽鄭曉

宗人府洪武三年置大宗正院正一品二十二年
改爲宗人府以秦王爲宗人令晉王燕王左右宗
正周王楚王左右宗人已而勳戚大臣攝府事不
備官

宗人府宗人令一人左右宗正各一人左右宗人
各一人吏三人其屬經歷司經歷一人

宗人令掌皇九族六親之屬籍以時修其玉牒書
宗室子女適庶名封生卒婚嫁謚葬凡宗室陳請



爲聞上達材能錄罪過左右宗正宗人爲之貳經
歷典出納文移

三公府正一品府罷而李善長徐達以丞相兼太
師太傅常遇春以上公贈太保三孤無兼領者

文皇帝罷公孤官 仁宗復設

太師太傅太保曰三公少師少傅少保曰三孤侍
上左右備顧問咨機務無定員無專授爲勳戚文
武大臣兼官加官贈官文官惟贈得三公嘉靖初
楊廷和一品十二年加太傅辭不受

中書省正一品初設左右相國洪武元年改左右

丞相各一人左右丞各一人叅知政事二人總領
衆職分錢糧禮儀刑名營造四部其屬左右司郎
中各一人員外郎各一人都事各一人中書舍人
二十人是年始置吏戶禮兵刑工六部正三品設
尚書侍郎郎中員外郎主事統於中書省以滕毅
楊士義錢用壬陳寬周頌單安仁爲六部尚書入
見奉天殿諭曰朕肇基江左軍務方殷官制未備
今以卿等分任六部國家之事總之中書分理六
部至爲要職凡諸政務宜竭心爲朕經理或有乖
繆患及天下不可不慎五年定六部職掌歲終考

續以行黜陟九年增戶部爲五科刑部四科工部
四科設尚書一人侍郎一人郎中二人員外郎二
人主事五人十一年禁六部奏事不得關白中書
省十三年誅右丞相胡惟庸詔罷中書省存中書
舍人

直文淵閣卽所謂入內閣辦事也先是洪武十五
年冬始放宋制置殿閣學士吏部尚書邵質華蓋
殿翰林學士宋訥文淵閣檢討吳伯宗武英殿典
籍吳沉東閣並爲大學士是年召耆儒鮑詢張長
年俞詮至命爲文華殿大學士三人辭不就時

特侍左右備顧問未與機務建文四年七月 成
祖簡用翰林待詔解縉編修黃淮尋又用修撰胡
靖編修楊榮楊士奇檢討胡儼金幼孜七人入內
閣名直文淵閣預機務永樂五年十一月 上諭
吏部廣等侍朕日久繼今考滿勿改外任廣卽靖
也 仁宗又設謹身殿大學士於是大學士有華
蓋謹身武英三殿及文淵東閣皆在內閣曰東事
避丞相名若東閣文淵閣大學士不得言入內閣
亦不得預機務也嘉靖壬戌九月新建三殿成詔
改奉天殿爲皇極殿華蓋殿爲中極殿謹身殿爲

建極殿始有建極殿大學士

直文淵閣翰林院檢討編修修撰侍講侍讀講讀
學士學士詹事府左右春坊司經局官官不得過
五品或九卿正亞兼翰林學士東閣文淵閣武英
謹身華蓋殿大學士已而加官至領東宮公孤帝
三孤者或止一二人多或至六七人宣德初張瑛
陳山始以侍郎入內閣未幾以干請諸司出瑛爲
南京禮部尚書山教小內使書景泰中王文始以
官保尚書入內閣西東楊最久皆不得領吏部尚
書領吏部尚書亦自文始其屬制勅房誥勅房皆

以中書舍人諸司寺或卿貳充之官至太常卿止
卽有年勞加俸不得帶九卿堂上執政官嘉靖中
張電始以白衣善書歷陞侍郎

直文淵閣入內閣預機務出納帝命奉陳規誨獻
告謨獻點檢題奏擬議批答以備顧問平庶政不
得專制九卿事九卿奏事亦不得相關白凡上所
下一曰詔二曰誥三曰制四曰勅五曰冊文六曰
諭七曰書八曰符九曰令十曰繳皆審著申覆而
調劑焉平允乃行之凡下所上一曰題二曰奏啓
三曰表箋四曰講章五曰書狀六曰文冊七曰揭

TIFFEN Color Control Patches



帖八曰制對九曰露布十曰譯皆審署申覆而修
畫焉平允乃行之凡經筵知經筵事或同知看定
其講章日講亦如之凡 東宮出閣講讀領其事
叙其官而授之職業凡修實錄史志諸書充總裁
官實錄成呈上焚其草禁中凡宗室請名請封及
諸臣請證並擬上焉凡圖書繕寫雜校皆譯而察
之凡郊祀巡狩親行扈行凡累朝御文實錄寶訓
玉牒之副古今書皆籍而藏之凡會勅稽其由狀
而叙述上請焉凡禮部會試廷試貢士國子生月
課歲貢生廷試夷館譯生皆總領之制勅房書辦

制勅詔旨誥命冊表寶文玉牒講章碑額題奏揭
帖凡應機密文書及王府勅符底簿誥勅房書辦
文官誥勅番譯勅書并夷書揭帖紀功勅合皆稽
按典故起草進畫若漏洩稽緩遺失妄誤皆有罰
六部初屬中書省洪武十三年罷中書省陞六部
正二品設官一百五人分領中書之政二十三年
遷戶部尚書楊靖刑部兵部尚書沈潛工部刑部
尚書趙勉戶部工部尚書秦達兵部著令自今官
三年皆遷調未幾潛復兵部達復工部二十八年
上坐奉天門勅文武羣臣自古三公論道六卿分

TIFFEN Color Control Patches



職自秦始置丞相而亡漢唐宋因之雖有賢相然
多小人專權亂政我朝罷相設五府六部都察院
通政司大理寺分理天下庶務彼此頡頏不敢相
壓事皆朝廷總之所以穩當以後嗣君並不許立
丞相臣下敢有奏請設立者文武羣臣即時劾奏
處以重刑建文陞六部尚書正一品設侍中一人
位侍郎上 成祖復正二品華侍中永樂元年正
月以北平爲北京二月置北京行部尚書二人侍
郎四人其屬六曹清吏司吏禮兵工曹郎中員外
郎主事各一人戶刑曹各二人以戶部尚書掌北

平布政司事郭資刑部尚書李保定府事鍾僉爲
北京行部尚書既遷都罷北京行部及六曹清吏
司分置行在六部十八年定都除行在字在應天
者加南京字洪慶元年復稱行在正統六年復除
行在字諸司亦如之初六部之屬吏部曰選司封
司勲考功四部改文選給封稽勲考功洪武二十
九年差五部屬皆稱清吏司建文去清吏字靖難
後復故戶部曰民度支倉四部二十三年改十
二部浙江江西湖廣陝西廣東山東福建北平河
南山西四川廣西量其繁簡兼領京畿而以雲南

隸陝西建文改民度支金帛倉庾四司請難後復
故永樂元年改北平司爲北京司十九年華北京
司增雲南貴州交趾三司宣德十年華交趾司禮
部曰儀祠膳主客四部改儀制祠祭精膳主客兵
部曰司馬職方駕庫四部改武選車駕武庫職方
刑部曰憲比司門都官四部洪武二十三年改十
二部如戶部建文爲詳憲比議職門都官四司請
難後復故北平雲南貴州交趾改置如戶部工部
曰營度水屯四部改營繕虞衡都水屯田又改將
作司爲營造繕所隸工部

吏部尚書一人左右侍郎各一人其屬司務二人
文選驗封稽勲考功四清吏司文選郎中一人員
外郎一人主事二人驗封郎中一人員外郎一人
主事一人稽勲郎中一人員外郎一人主事一人
考功郎中一人員外郎一人主事二人吏四十五
人監生六十七人

尚書掌官史選授勲封考課之政令侍郎爲之丞
凡制命敷奏率其屬奉其職以贊天子倡百司
康兆民司務省署抄目受發文移五日一奏上三
月引監生勘奏登選諸司務皆如之文選掌官史

選陞改調之事以贊尚書凡官二萬四千六百八十三人京師一千四百十六人南京五百五十八人外二萬二千七百九人凡選歲引選六類選亦如之遠方選二朝覲之歲揀選一歲貢選教職者無常期選庶吉士會翰林院禮部御史會都察院凡陞必滿考不能久任不待考滿曰推陞類推上一人取旨單推上二人三品以上九卿及僉都御史祭酒廷推上二人或三人內閣吏部尚書勅推上二人或三四人皆滿省以署職試職實授莫年資以裁革并有兼攝添設註選量舉而薦舉起

廢徵召達雋異以帶俸添註寄恩冗以降調除名馭罪過以官程勤吏治以寧假悉人情其入選賢良方正聰明正直孝悌力田明經經明行修博學宏詞孝廉人材秀才耆民稅戶諸科並輩曰進士曰舉人曰歲貢曰官生恩生功生曰吏員承差知印書算篆書譯字醫藥天文地理匠人畫士僧道咸登資等釐其流品平其注權不得相先後王官不外調王姻不內除大臣之族不得任科道族有僚屬者下避上傳陞乞陞者執不可奏其弊也有納粟馬銀乞遠方之例遠方不得銓府佐州縣正

驗封掌封爵襲降喪贈吏算之事以贊尚書凡公侯伯開國靖難討虜捕倭擒反者外戚恩澤闕里大宗徵其誥券適孽功罪封號祿爵以第其世流降除之等請裁於上以土流馭夾官以誥勅授封贈以進階贈封加贈追奪勳愆良以歷叙錄任子以等級給散官以考擬差胥算以須知訓入官稽勳掌勳級名籍長制之事以贊尚書凡五品上文官再考後勳凡百官黃類登內府有故除之凡三年喪解職糾奪喪禁短喪誘匿喪欽天監奔喪三月復凡父母老七十解兄弟得終養更名各有諱

復姓姓無滿役名姓更復必登版考功掌官吏考課黜陟之事以贊尚書凡內外官給由三年初考六年再考並引請九年通考奏請綜其稱職平常不稱職而黜陟之陟無過二等大臣不註考倉場庫官一年考巡檢三年考教官及流外冗官九年考覈其功過而黜陟之陟無過一等惟舉人教官得引選試陞陞無等遠省府同知下三六年省考九年部考京官五品下已亥年考察不職者除名調降致仕有差四品上自陳去留聽上外官辰戌丑未年考察不職者亦如之內外官有勅章下品

其良不肖擬去留請大臣自陳下亦如之王官長
史審理紀善考察如京官南京庶官初考引復再
考南京吏部類報大臣再考亦引請外官九年僅
一考即稱陞減一等吏二考數冊移驗封承差數
冊移文選吏三考及知印考第其資格引選凡乞
致仕者不限年聽京官七十外官六十五致仕大
臣奏聽上文官請弄祭贈證蔭者按其滿考被劾
與否報所司必俾公議以閹廟量殿最以旌異廉
政績以貢舉搜遺選以保留達民情以紀錄懲愆
過以誦成糾罷閑官吏

戶部尚書一人左右侍郎各一人提督倉場侍郎
或尚書一人其屬司務二人浙江江西湖廣陝西
廣東山東福建河南山西四川廣西貴州雲南十
三清吏司各郎中一人員外郎一人主事一人添
設浙江湖廣廣東福建河南四川廣西貴州司各
主事三人山東司郎中一人主事三人陝西司郎
中二人主事三人山西司郎中三人主事四人雲
南司主事四人照磨所照磨一人檢校一人監生
六十三人吏百七十八人所屬衙門寶鈔提舉司
提舉一人副提舉一人典史一人抄紙局廣積庫

承運庫廣益庫太倉銀庫各大使一人節慎庫印鈔局寶盈局御馬倉張家灣檢校批驗所各大使一人副使一人寶鈔廣惠庫贓罰庫各大使一人副使二人甲乙丙丁戊字庫大使五人副使六人吏四十八人外承運庫行用庫軍儲倉大使一人副使一人

尚書掌戶口田賦貢役經費之政令侍郎爲之丞凡制命數奉其屬奉其職業以贊天子倡百司康兆民照磨檢校典磨勘休糧同其計算十三司各掌其分省及兼領京師直隸之事以贊尚書

條爲四科曰民曰度支曰金曰倉類理之以周知其地理古今沿革山川險易肥瘠寬狹民生物力多寡登耗之數凡賦役稽版籍一歲會實徵十歲攢黃冊冊有丁有田丁有役田有租田曰官田曰民田凡二等租曰夏稅曰秋糧凡二等丁曰成丁曰未成丁凡二等役曰甲役曰徭役曰雜役凡三等皆有力役有徭役計其丁田爲差凡鹽存積十二常股十八召商輸芻粟佐邊十八次支十二見支商毋銀輸窳毋銀賦私鹽毋速盜公鹽毋歸豪有力者凡頒祿俸糧廩兼本折色本色毋過十六

折色每過十五凡漕運曰支兌曰改兌支兌十八
改兌十二凡貯粟曰京倉曰通倉京倉十八通倉
十二凡藏銀曰內帑曰太倉內帑十二太倉十八
其沒貲也太倉十一內帑十九凡蠲征曰恩蠲曰
災蠲恩蠲十一災蠲十九凡兵農曰屯田曰管田
屯田十八管田十二凡賑濟曰出帑曰發倉出帑
十一發倉十九凡邊儲曰田賦曰鹽賦田賦十六
鹽賦十四主兵常支客兵乍支其贏也曰權熟儲
也曰預借曰吃運邊有行郎中曰邊郎掌出納邊
儲五歲勅科道各一人覈糾乾沒以舉荒棄貧民

以古籍附流民以時零寄細民以馴野馭羈靡之
民以圖帳柳兼并之民以折銀劑米值以平米均
田耗以布帛歛庸調以桑棗課農官以芻地給馬
牧以里老攝鄉社以律誥嚴訓防以給除差優復
以珍異儲上供以鈔錠節恩賞以限田裁異端以
賜田懷降虜以封閉密砂礮以金穀累贓罰以課
程攔雜物以闢權市船材以引由嚴茶政以權量
和市易以時估約均輸凡獻產漏產詭產用戶折
戶逃戶必罰毋亂宗類毋淆良賤毋遊手食毋跋
鈔毋過錢諸王大臣毋得請常課乞開田提舉倉

TIFFEN Color Control Patches



禮部尚書一人左右侍郎各一人其屬司務二人

儀制祠祭主客精膳四清吏司各郎中一人員外郎一人主事二人提督四夷館主客主事一人監

生六十一人吏四十八人所屬衙門鑄印局大使

一人副使二人教坊司奉樂二人左右韶舞各一人左右司樂各一人

尚書掌禮樂官舉封建朝賀祭祀宴饗街藝道佛

之政令僉郎為之末凡制令敷奏率其屬奉其職

業以贊 天子倡百司康兆民儀制掌禮文宗封

冊 皇后妃嬪上 慈宮徽號皆擬上其儀以令

於諸司歲元旦長至萬壽聖節大朝賀之禮三月

朔望殿朝之禮二日早午晚門朝之禮三凡經筵

日講御文華殿 皇帝初即位請耕耤田視太學

釋奠拜先師 皇帝諭百官曰詔曰制曰勅曰誥曰書 太皇太后 皇太后曰誥百官陳事於 皇帝曰表曰奏曰題 太皇太后 皇太后亦如之於 皇太子曰箋曰啓 皇后亦如之 皇帝批答曰聖旨 皇太子曰令旨 太皇太后 皇



太后皇后曰懿旨 東宮出閣監國節令百官朝賀禮下 天子諸王讀書禮下 東宮 皇后令節受冊外命婦朝賀 皇太后 太皇太后亦如之凡歲一封宗室王郡王將軍中尉妃主君各以其親疎爲等百官於宗王稱官而各不得稱臣王官各稱臣於其王凡監學條其規約而時申之司府州縣衛學皆有歲貢貢以次子午卯酉歲歲省試生儒易詩書春秋禮記人占一經中式曰舉人名有額辰戌丑未歲會試天下舉人額上請中式者請 上策試賜進士及第出身有差諸司相移

文上下曰照會曰劄付曰故牒曰帖下上曰咨呈曰牒呈曰呈曰申敵曰咨曰闕曰牒皆以印識通上下防奸偽凡印文四等文淵閣玉箸篆將軍掛印柳葉篆一品至九品九疊篆賜關防若未入流條記亦如之監察御史八疊篆夾王印三等曰金曰鍍金銀曰銀凡宴禮三曰大宴曰中宴曰小宴禮宴最夫凡射禮二曰大射曰宴射皆酌古禮而殺其儀節凡冠婚 天子至於庶人參諸三禮而登殺其儀凡官民公私服舍皆有式無相踰僭凡巡狩親征班師策勳行賞第其禮儀移有司凡詳

瑞辨其物名類奏大瑞特奏無請封禪以鄉飲酒
禮讀律語訓禮讓以養老尊高年以卹貧周仁政
以旌表章勸勵以建言議利病以連坐誦成禁自
宮祠祭享祭享獻薦天文園卹廟諱術藝道佛之
事以贊尚書凡祭有三曰天神曰地祇曰人鬼辨
其大祀中祀小祀而敬供之飭其壇廟陵寢數省
闕之蠲其牢禮玉帛菜羹水陸瘞瘵之品第其配
侑從食功德上下凡王國司府衛所州縣祀典神
祇稽諸令甲播有司以時謹其祀事品官庶人家
祭亦如之督日官欽若昊天而曆象之算大統曆

御覽曆壬遁曆御覽天象錄七政緯度曆回回七
政緯緯度曆占日月交食月五星凌犯日月旁雲
氣品調壺漏有變密奏上日月食預移內外諸司
救之凡天下大災異卽聞次類聞並乞修省凡喪
服五曰斬衰曰齊衰曰大功曰小功曰緦麻辨其
同姓九族異姓母族妻族親疎之等而爲三年期
九月五月三月之等凡國有喪若品官庶人喪皆
傳古喪禮損益行之凡謚 皇帝十七字 皇后
十三字 皇妃 東宮東宮妃二字親王一字郡
王二字勳戚文武大臣請葬祭贈謚移諸司嚴行

能請上葬祭有差謚皆二字官品未高而侍從有
勞勤事死義夾王若使得特賜凡 先帝后愍忌
祀於陵輟朝不廢務凡藝術天文地理醫藥卜筮
師巫音樂並籍其人毋以術越境典妖妄藏識圖
玄象凡僧道咸設官領之三年一度度必通經母
賞度以周知冊檢其偽冒而嚴其禁令凡樂曰中
和韶樂曰堂下樂曰丹陛樂曰侑食樂曰大樂其
雜樂備八音五聲十二律九奏萬舞之節俗樂有
百戲承應隊舞承應舞歌承應祭祀用雅樂太常
領之宴饗朝會兼用俗樂領於伶人奉鑿韶舞俳

長色長歌工樂工舞人各專其業而籍用之 墓
宮 中宮女樂奉鑿諸官妻五人提調主客掌華
夷朝貢往來宴賜之事以贊尚書凡蕃夷辨其五
年三年二年比年年再至之貢及其貢物貢途貢
使豐約遙徑多寡之數王若使至賓待之差其迎
送宴勞賞賚廬室幕帳食料之等請嗣王封者使
二人領冊於其國詣大首渠有保塞功授冊印封
之以信符徵勘合以金勅諭差發以通事譯夾情
以開市平交易以計折收番貨以刑典禁交通凡
賜均賞特賞皆有差凡域中歲徵其方物有常精



膳堂宴饗牲豆酒膳之事以贊尚書凡膳羞珍品酒醴光祿領之會其數程其出納凡筵宴視其品秩凡三等凡蕃夾土官辨其下程之等曰常例曰欽賜若宴次食料多寡各有差凡皇邸若在途及其使人欽賜厨料亦如之凡厨役僉諸民久次銓王府典膳凡歲藏米出水移所司謹潔之

兵部尚書一人左右侍郎各一人其屬司務二人武選車駕職方武庫四清吏司各郎中一人員外郎一人主事一人添設武選郎中一人主事四人車駕郎中一人主事二人職方郎中一人主事四人武庫主事二人守山海關職方主事一人監生三百二十五人吏一百六十七人所屬衙門京衛武學教授一人訓導六人會同館大使一人副使一人大勝關大使一人副使一人

尚書掌武衛官軍選授簡練鎮戍廐牧傳郵輿阜之政令侍郎爲之貳凡制命數奏率其屬奉其職業以贊天子倡百司康兆民武選掌武官選陞襲替功賞之事以贊尚書凡世武官九等曰指揮使同知僉事正副千戶衛鎮撫實授試百戶所鎮撫凡流官都督三等都指揮三等不得世卽有世

者出特恩凡歲六選官二等曰舊官曰新官皆有流有世世曰襲職曰替職其幼也曰優給不得世者曰減革曰通革非直授者曰試職曰署職曰納職凡首功四等曰北虜曰遼東女直曰西番苗蠻曰內地反賊凡戰功二等曰奇功曰頭功凡賞三等曰加賞曰給賞曰量賞凡推陞勲臣若武舉薦舉會舉二人上請凡土官六等曰宣慰宣撫招討安撫長官千夫長其子弟族屬若妻壻女婿皆得從其俗凡夷官自都督至於鎮撫凡十四等皆以誥勅辨員僞凡傳陞乞陞非軍功陞者得執奏以

考選比試併錄建材而程力以部功課將領以遞降練卒徒以貼黃正圖狀以初績徵誥勅以褒卹勵死戰以優養恩故絕以引類登選薄以殺降失陷避敵激叛肅軍機以典刑敗倫行劫退陣斷世祿以寄祿馭恩俸以覈訊糾捕緝車駕掌輿輦車乘衛守廡牧傳郵之事以賞尚書凡大朝賀大禮儀隙鹵簿大駕常朝設丹陛駕有差皆辨其物數而序次之凡侍衛陞殿全直常朝番直凡守衛親軍衛畫前左右後四行日夜巡警之皆有團伍定其籍之多寡而第其番之上下凡衛直有勲戚武



官勲衛散騎舍人將軍力士校尉凡馬政三曰民
牧曰衛牧曰京府寄牧凡牧官兩京太僕寺山西
陝西甘肅行太僕寺遼東陝西苑馬寺受其籍帳
而時程督其登耗開逸之數以管牧節芻秣以印
依防欺冒以色齒覈抵設以糧馬征南夾以茶馬
通西番以市馬摩東虜皆以足軍實京營邊鎮毋
乏馬凡傳郵二曰驛曰遞運所在京師曰會同館
皆以符驗關券行之凡黃馬快船以練水軍致貢
獻凡東宮儀仗侍衛慈宮中官尚簿皆籍
其數有差職方掌地關軍制城隍鎮戍簡練征討

關津之事以贊尚書凡地圖諸邊疆界地里遠
近險易三歲一報官軍車騎之數亦如之凡軍制
內外相維武官不得輒下符行軍凡設官都督府
五都指揮使司二十一留守司二衛四百九十一
守禦屯田羣牧千戶所三百一十一儀衛司三十三
宣撫招討宣慰安撫長官司九十五番英都司衛
所四百七各統其官軍及部落聽征調守衛朝貢
保塞之職凡城隍以時築濬閱視之凡鎮戍防虜
禦暴阨險要屯兵統之凡將校五等曰鎮守曰協
守曰分守曰守備曰備倭其官稱曰總兵曰副總



兵曰參將曰遊佐擊將軍曰都指揮曰行都指揮
事凡六等監以都御史曰管理軍務凡簡練三營
曰五軍練五軍將士曰神樞司旗蓋曰神機冒火
器三營各練之神樞馬隊神機步隊五軍兼馬步
隊統以文武大臣曰總督京營戎政曰協理京營
戎政其屬曰副將曰參將曰游擊將軍曰佐擊將
軍科道官巡視之若將軍管練將軍四衛管練勇
士幼官舍人管練京衛幼官及應募舍人殫忠効
義管練報効舍餘別爲管領之皆專一藝程其閑
否稽其什伍存逸騎械精頓之數教以坐作進退

疾徐疏數之節金旗麾鼓之號凡將材三歲武舉
六歲會舉歲薦舉籍而用之凡有征討命將出師
請命文武大臣曰提督曰總督曰總制懸賞調
兵食紀功過各移所司請凡軍有功聽御史覈移
武選陞賞有差以堡寨障邊徼以烽燧傳聲息以
冊勾驗補收探問發員滿除簽數冊籍以存恤優
初役以壯快簡鄉民以闢津詰奸盜武庫掌戎器
符勘尺籍武學新練之事以贊尚書凡戎器守衛
邊鎮若征行准諸司行工部請給火器請內府凡
使人出邊關必驗勘合凡制勅調邊兵必比勘合

勅合皆出內府凡尺籍循所上缺伍圖冊府縣上軍戶文冊並下諸省按勾稽所即去倉縣近不得輒相移凡清軍司府州縣設專官或監以御史歲集里老覈其招募集罪請改調管丁籍戶之數以限編紀錄開伍結除停勾嚴稽其冒漏而寬其恩復凡武學教武職幼官及子弟未嗣官者籍其功能歲終檢奏六年一會來應文武舉者聽息不率教者罰監者差凡卑謀直銜柴薪二等辨其官品而多寡其數並在役

刑部尚書一人左右侍郎各一人其屬司務二人

浙江江西湖廣陝西廣東山東福建河南山西四川廣西貴州雲南十三清吏司各郎中一人員外郎一人主事二人添設司主事一人漕運理刑主事一人照磨所照磨一人檢校一人司獄司司獄六人監生八十四人吏一百八十四人

尚書掌刑名徒隸勾覆關禁之政令侍郎爲之戒凡制命敕奏率其屬奉其職業以贊天子倡百司康兆民照磨檢校照刷文卷計錄贓贖司獄守獄十三司各掌其分省及兼領京府直隸之事以贊尚書凡宗室勳戚官吏軍民蠻夷麗於法者詰

TIFFEN Color Control Patches



其詞察其情偽而蔽其罪之重輕必傳律例律凡
六百有六條例凡三百七十有六條律例所不及
者比而議請焉凡象刑之名五曰笞曰杖曰徒曰
流曰死死二等流三等徒杖笞並五等死刑最重
十曰謀反曰謀大逆曰謀叛曰惡逆曰不道曰大
不敬曰不孝曰不睦曰不義曰內亂凡原有之議
八曰親曰故曰功曰賢曰能曰勤曰貴曰宥凡貪
墨之賊六曰監守盜曰常人盜曰竊盜曰枉法曰
不枉法曰坐贓凡獄具七曰笞曰杖曰訊曰枷曰

杻曰索曰鐐凡兩歲十三省死刑歲讞平之奏上
凡詔獄必傳律例請上裁凡應減者下就輕二死
三流一減加者上就重重不得至死凡律例外有
殊旨別勅詔例榜例非經議請著令者不得引比
凡死刑即決及秋決並三覆奏在戮於市凡贖罪
有力者視罪輕重為差斬絞雜犯亦贖從末減者
收贖凡簿錄俾囚配沒給賜官私奴婢必籍知之
凡籍產不得及其先墳塋凡贓罰諸物本直時估
參計之易銀歲抄類入內府凡徒杖笞者有大誥
減一等凡獄成移大理寺讞而評焉囚服乃已否



駁再問有照駁參駁追駁番異圖審及請制決者
必服乃已凡訴寃者外而內皆自上上急擊登聞
鼓凡重囚京師歲霜降會五府九卿科道處之上
請情真者決於疑者成邊有詞者調司再問比律
者監候五歲請初遣官出京府兩畿十三省審錄
減釋寬蓋者凡夏月錄囚免笞刑減徒流以下刑
辯重刑凡提牢月更主事一人葬圜圍固械繫而
時其食飲有病醫藥之凡官有過紀錄之兩京歲
抄勅滿除紀過凡大祭祀正刑凡四方有大獄則
受命而往成之以名例攝科條以八字括詞義以

五服參請法以墨涅識盜竊宗人不即市官人不
即獄悼老癯殘不即訊

工部尚書一人左右侍郎各一人易州廠侍郎一
人其屬司務二人營繕虞衡都水屯田四清吏司
各郎中一人員外郎一人主事二人添設郎中虞
衡二人都水四人屯田一人員外郎營繕二人虞
衡二人主事營繕四人都水八人監生九十七人
所屬衙門營繕所正一人副二人丞四人文思
院大使一人副使四人軍器局皮作局各大使一
人副使二人寶源局鞍轡局廣積通積通州白河



抽分竹木局織染所雜造局各大使一人副使一人
盧溝橋抽分竹木局大使一人副使三人大通
關提舉一人典史一人吏一百四十九人

尚書掌工役農田山川澤數河渠之政令侍郎爲
之貳凡制命敕奏率其屬奉其職業以贊天子
過百司康兆民營繕掌經營興造之事以贊尚書
凡內府宮殿陵寢城壕壇場祠廟解署倉庫營房
之後燬力會財以時督程之王邸亦如之郡王將
軍中尉主君與邸皆有差凡鹵簿儀仗樂器移內
府及下諸屬各以其職治之省其堅潔而董其歲

濫凡置獄具必如律凡工匠二等曰輪班曰住坐
凡工囚二等曰正工曰雜工雜工三日當正工一
日凡撮工歇工視役煩省節其財力凡會有無移
內府虞衡掌山澤採捕厲禁陶冶之事以贊尚書
凡採捕禽獸及革骨羽毛以供祭祀賓客膳羞禮
器之用水課禽十八獸十二陸課獸十八禽十二
凡軍器軍裝移內府及下諸屬歲一造或三歲一
造必堅繕諸省亦如之凡火器曰火車曰火傘曰
神鎗曰將軍四等曰銃六等曰箭三等曰砲十二
等並內府製之給邊鎮凡獵畋以時冬春之交置



竄不施川澤春夏之交毒藥不施原野苗盛禁蹂
蹴穀登禁焚燎若雪獸聽爲檻穽獲之賞有差凡
諸陵山麓不得入斧斤開窖冶置墓墳凡帝王聖
賢忠義名山嶽鎮陵墓祠廟有功德於民者禁其
樵牧凡山場園林之利聽民取之而薄征之凡陶
冶器什器其常造乍造之數計其入慎藏之無輒
毀以煩民財力凡鑄造審其模範計其銅鐵而鎔
之金牌信符鑄之內府凡鑄錢當十當五當三折
二小錢凡五等錢於京師進於內府而頒之諸
省亦如之凡顏料微土產不與其所無否徵其直

都水掌川瀆陂池泉源洪洩道路橋梁舟車織造
券器衡量之事以贊尚書凡水利曰轉漕曰灌田
歲儲其金石木竹卷掃以時修其闕壞歲浚堰圩
隄防護其畜洩以備旱潦無使壞田虛墳墜禾稼
舟楫磴礫者不得與灌田爭利灌田者不得與轉
漕爭利凡水役以農隙急則驟理之而轉漕之役
最大歲費財力百萬計凡水要會京朝官專領之
以督有司凡鱗介萑蒲之利聽民取之而薄征之
凡道路塞其坑坎巡幸若大喪大禮治而新之凡
橋梁曰舟梁曰石梁鉅國工創修之大津不能梁

官給舟人量其大小難易而食之凡舟七等曰黃船曰馬快船曰海運船曰鮮船曰備後船曰戰船曰糧船糧船之用最急費最大皆會其財用下諸司酌其多寡久近勞逸而均劑之凡車三等曰大車曰小車曰戰車亦如之凡織造冕服誥勅制帛祭服淨衣諸幣布內府南京諸省供之周知其數而領節之凡公侯伯鐵券券其廣高二等侯三等伯二等凡祭器冊寶乘輿屏符雜器會則於內府凡度量謹其較勘而頒之懸式於市屯田掌屯農墾墾抽分薪炭夫役之事以贊尚書凡屯田腹

邊公田開田沒田給備所耕劬其地力人力而徵其子粒應官軍省餽餉凡在邊牛犁諸器官給之凡墳塋宗室勳戚文武官各有差堂碑碣歌亦如之凡抽分征諸商率三十分取十五取六取五取四取三取二取一凡七等凡薪炭南取洲汀北取山麓置或徵諸民有本折色酌其多寡而樽節之凡夫役伐柴轉柴皆雇後周知其數而時蠲之都察院吳元年設御史臺從一品湯和鄧愈爲左右御史大夫劉基章溢御史中丞又有侍御史治書侍御史殿中侍御史經歷都事照磨管勾監察



御史譯事引進使洪武十年七月詔遣監察御史
巡按州縣十三年改正二品設左右中丞是年罷
御史臺十五年改都察院正七品設監察都御史
八人以秀才李原明詹徽等爲監察都御史又分
設浙江江西福建北平廣西四川山東廣東河南
陝西湖廣山西十二道監察御史正九品鑄監察
御史印文曰繩愆糾謬十六年陞正三品設司務
十七年陞正二品定設都御史副都御史僉都御
史各左右一人經歷都事十二道監察御史以徽
爲左都御史建文元年罷左右都御史設都御史

一人副僉都御史各一人二年改爲御史府設御
史大夫正二品革十二道置察院一御史二十八
人改諸御史爲拾遺補缺靖難後復故其北平貴
州交趾雲南改置如刑部若巡撫之名本始於懿
文太子巡撫陝西取巡守撫軍之義永樂中乃以
文臣巡撫尚書侍郎通政叅議少卿寺丞皆得奉
勅行事景泰中耿九疇以侍郎出守陝西始改憲
職自後凡巡撫總督必以都御史尚書侍郎必兼
都御史

都察院左右都御史各一人左右副都御史各一



人左右僉都御史各一人其屬經歷司經歷都事各一人司務二人照磨所照磨一人檢校一人十三道監察御史河南浙江江西山東各十人福建廣東廣西四川貴州各七人陝西湖湖廣山西各八人雲南十一人司獄六人在外都御史或副僉都御史總督陝西軍務一人總督宣大一人總督遼前一人總督漕運兼巡撫江北一人總督糧儲兼巡撫江南一人總督南京糧儲一人提督兩廣軍務兼巡撫一人提督南贛汀漳軍務兼巡撫一人提督紫荆三關巡撫保定等府一人提督鳳陽門三

關巡撫山西一人總理河道一人贊理軍務兼巡撫陝西一人提督軍務兼巡撫浙江一人提督軍務兼巡撫福建一人甘肅一人寧夏一人廷綏一人大同一人宣府一人遼東一人湖廣一人四川一人雲南一人貴州一人整飭蘄州邊備巡撫順天等府一人撫治鄖陽等處一人巡撫河南一人山東一人江西一人鹽法屯田督餉採木討賊禦虜總制經略巡視無常員監生二百五十人吏三百三十二人

左右都御史掌風紀副僉都御史爲之貳凡大臣



奸邪小人構黨作威福亂朝政則劾凡百官猥茸貪冒則劾凡學術不正上書陳言變亂成憲希求進用或才德無聞挺身自拔則劾以憲綱督監察御史凡監察御史出巡復命覈其稱職不稱職聞上凡考察內外百官會於吏部選用風憲亦如之凡職罪因需大獄會於外朝若京畿道凡有冤抑與軍理凡稱訟因從會刑部大理寺凡畿省死刑讞平之奏上凡勅差者各奉勅行事大抵內地專職相循邊鎮軍務爲重其有事暫設者事畢而罷即遣尚書侍郎必兼都御史經歷都事典出入文

移叙差御史司務典參劾受事照磨檢校典磨勘卷宗十三道監察御史有分道道無專官一人嘗兼數道河南道獨掌內外官考察之事十三道各奉其職監察內外百司糾劾官邪大班露章面劾或封章奏劾凡差在內京畿道副卷及巡視京營提學巡倉巡庫巡視光祿巡青恤軍監課在外巡按清軍刷卷巡鹽巡河巡關巡茶印馬屯田捕盜盤糧勘事征行則監軍紀功各以其事審功而糾過凡差三等點差上二人奏差上一人劄差不請上諸差巡按爲要凡朝會糾儀祭祀監禮凡政令

TIFFEN Color Control Patches

Blue Cyan Green Yellow Red Magenta White 3-Color Black

得失軍民利病得直言凡出巡得舉劾諸司官凡
罪囚巡按審獄有故出入理辨之凡微勅下臺推
核奏上審獄擬罪移詳大理寺不當再訊三訊至
於五六訊必允乃已凡有大政集閣廷預議焉凡
犯罪加三等有賊重論

通政使司洪武三年爲察言司設司令尋華十年
始置通政使司正三品設通政使左右通政左右
參議經歷知事以曾秉正爲通政使建文中改司
爲寺通政使爲通政卿通政參議爲少卿寺丞增
置左右補缺左右拾遺各一人靖難後復故

通政使司通政使一人左右通政各一人左右參
議各一人歷黃右通政一人其屬經歷司經歷一
人知事一人監生九人吏二十五人

通政使掌出納帝命通達下情關防諸司出入移
狀奏報四方臣民實封及軍情聲息災異皆審署
參覆而上下焉通政參議爲之貳凡日常朝引奏
人凡事月類奏歲抄通奏凡四方雨澤歲抄商奏
凡有錯誤籍而類請之凡在京詞狀判送法司推
問凡出入文移以驗正之記日照之記記之騰黃
通政錄武官黃於內府覈其歸附征克陞轉衛所

世流葉替之故以徵選事經歷知事典勛對題奏
後狀

大理寺吳元年初置設卿少卿丞評事洪武元年
華十四年復置翰林待制吳況言刑究濫請增審
獄官又設審刑司屬寺凡刑部十二道五軍斷事
官按囚覆問移審刑司評駁是非洪武二年置磨
勛司有令左右丞凡諸司刑名錢糧有冤濫隱匿
者稽其功過以聞十七年改建刑部都察院大理
寺審刑司五軍斷事官署於太平門外名其所曰
貫城十九年罷審刑司一十三年陞寺正三品與

六部都察院通政司並二十九年復革案牘盡移
後湖三十一年九月建文君復置改寺為司卿為
大理卿左右寺正為都評事寺副副都評事司務
都典簿坊難後盡革建文官制惟大理復為寺存
焉

大理寺卿一人左右少卿各一人左右寺丞各一
人其屬司務二人左右二寺各寺正一人寺副一
人評事四人監生三十二人吏三十五人

卿掌審讞允反刑獄之政令少卿寺丞為之貳凡
刑部十三道推問刑名按律例處而復問其狀歎



服則決之否則駁訊必服乃決每歲會九卿朝審
重囚凡錄囚徒會刑部都察院司務典出納文移
左右寺分理京歲十三省刑名之事凡刑部十三
道問理刑名據其由狀訊其人合律例若囚服准
擬否駁再擬改正曰駁駁三擬不當糾問官曰參
駁語律寬甚者移調問曰番異再異則請下九卿
會問曰聞審凡已許允而尤未當者移再問曰追
駁凡屢駁不改者徑請發落曰制決凡各省三司
直隸死刑並讞已乃聽決按察司巡按巡撫惟死
刑呈部院轉讞凡笞杖罪移審徒流以上奏審凡

律例無正條上下比請曰類奏平反刑獄狀南京
有重囚平審而類奏亦如之

太常寺吳元年置稱司正三品洪武二年置神牲
所設康儀令大使副使四年革神牲所十二年置
神樂觀二十四年設各祠祭署奉祠祠丞三十年
改司爲寺建文中改卿爲太常卿少卿寺丞分左
右天壇祠祭署爲南郊祠祭署泗州祠祭署爲泗
濱祠祭署宿州祠祭署爲新豐祠祭署孝陵置鍾
山祠祭署及司園所增神樂觀知觀一人靖難後
改鍾山祠祭署爲孝陵祠祭署南郊祠祭署爲郊



壇祠祭署已又改爲天地壇祠祭署餘如故嘉靖
中釐祀典改天地壇祠祭署爲天壇別爲地壇各
設祠祭署又改山川壇藉田祠祭署爲神祇壇祠
祭署大祀殿奉祀爲祈穀殿祠祭署又增朝日夕
月二壇祠祭署

大常寺卿一人少卿二人提督四夷館少卿一人
其屬典簿二人博士二人神樂觀提點一人知觀
二人協律郎二人贊禮郎九人司樂二十人天壇
祠祭署奉祀一人祀丞二人地壇祠祭署奉祀一
人祀丞一人朝日壇祠祭署奉祀一人祀丞一人

夕月壇祠祭署奉祀一人祀丞一人祈穀殿祠祭
署奉祀一人祀丞一人祖陵皇陵孝陵長陵獻陵
景陵裕陵茂陵太陵康陵十一祠祭署各奉祀一
人祀丞一人楊王徐王墳各有奉祀犧牲所吏目
一人吏十一人

卿掌祭祀禮樂之事總其官屬籍其政令以聽禮
部少卿寺丞爲之兼凡天神地祇人鬼歲祭有常
先歲孟冬進明年祭日 上御奉天殿受之頒諸
司凡上祭贊相禮儀大臣攝事亦如之若祭先期
請省牲大祀 上先省大臣繼省之進版銅人上

殿奏齋戒齋戒大祀三日中二日小一日示諸司
凡薦新品物移光祿寺凡國有冊封冠婚營繕出
師歲時旱澇大災難請告 郊廟社稷凡親王之
國若朝還請辭於寢廟凡祭滌器爨理香燭玉帛
整拂神幄必恭潔凡玉三等曰蒼玉曰黃琮曰玉
制帛五等曰郊祀曰奉先曰展覲曰禮神曰報功
凡牲四等曰饋曰牛曰太牢曰少牢凡樂四等曰
九奏曰八奏曰七奏曰六奏凡舞二曰文舞曰武
舞凡樂器不徒凡陵園之祭無樂凡祭掌祭掌燎
看燎讀祝奏禮對引司香進俎舉麾陳設收支導

引設位典儀通贊奉帛執爵司尊司盥洗卿丞屬
各共其事凡宴會率其屬奏樂提督四夷館少卿
掌譯書之事以聽於翰林院凡八館曰韃韃女直
西省西天回回百夷高昌緬甸以國子生充譯字
兼官民子弟時校其業裁幸進焉典簿典勾校金
穀察視禮敬省著文移博士講習禮文請上填名
祝板大禮專贊其儀神樂觀提點知樂領樂生舞
生而時教肄之進退其考贊禮郎設君臣之位以
奉祭祀之禮拜跪之節皆贊導焉而承傳之協律
郎司樂考協雅樂凡舞人音聲人籍數其名數而



審肆之凡淫聲過聲凶聲慢聲舞失節者皆禁糾之凡上至祀所夜警晨嚴凡祭先期演樂太和殿凡大祀樂生七十二人舞生一百三十二人凡壇署典守壇場殿宇厨庫林木時灑掃之以共其祀事陵署亦如之牲儀所凡三祀牲牢咸有數養而滌之糟田收穀納於神倉供五齊三酒之用穰

茶餽牲

光祿寺吳元年置宣徽院尚食尚禮二局設院使同知院判典簿統二局明年改光祿寺正四品移太常司供需庫隸之洪武四年置法酒庫設內酒

房大使副使八年改寺為司隍從三品置大官珍羞良醞掌醞四署署設令丞監事又設掌牧所局庫俱革三十年復為寺改署令為署正又設司牲局改掌牧所為司牧局建文中改御為光祿御少卿寺丞分左右陞少卿從四品省署丞二人增監事二人靖難後復故

光祿寺卿一人少卿二人寺丞二人

其屬典簿二

人錄事一人大官珍羞良醞掌醞四署各署正一人署丞四人監事四人司牲局大使一人司牧局大使一人吏二十五人

御掌祭享宴勞酒醴膳羞之事辨其名數會其出入量其豐約以聽於禮部少卿寺丞爲之貳凡祭祀請省牲進飲福酒胙凡薦新移太常寺凡喪葬供其祭物凡牲果菜雜物取之上林苑不給市諸民視時估十加一凡市直季支天財庫錢鈔凡貢獻果鮮厨料省受之凡器皿移工部及募工兼作之歲省其成敗凡筵宴酒飯番夾貢使降人茶飯物料下程差其等而供之凡厨役久得爲王典膳移吏部凡傳奉宣索籍記覆奏之監以科道官各一人察其出入而糾禁其奸弊大官供祭祀官膳

節筵給夷清質之事珍羞供官膳茶飯之事良醴供獻殿膳官均給內外官人夾匠之事掌醴供祭祀茶飯齋禱之事司牲養牲視其肥瘠而蠲滌之司牧亦如之

太僕寺從三品卽北平行太僕寺也永樂元年改爲北京行太僕寺六年又設北京苑馬寺領六監二十四苑十六年革馬歸北京行太僕寺牧民間凡領府衛州縣三百六十八年改太僕寺洪熙元年復稱北京行太僕寺正統六年定爲太僕寺南京太僕寺國初之羣牧所也洪武六年移滁州建

TIFFEN Color Control Patches

Black 3/Color White 3/Color Yellow Red Magenta Cyan Blue

文中改卿爲太僕卿增典廐典牧二署設驂騾十
五羣遂生三羣分隸二署靖難後復故

太僕寺卿一人少卿三人寺丞八人其屬主簿一
人常盈庫大使一人吏二十二人

卿掌牧馬之政令而聽於兵部少卿寺丞爲之丞
少卿一人佐寺事一人督管馬一人督畿馬寺丞
分理京衛營府及山東河南六郡孳牧寄牧三年
更凡牧人皆視其丁產而授馬焉蠲其役賦乏則
更凡孳牧軍民皆有種馬馬有牝牡牡十二牝十
八牝牡五歲徵馬一曰借用馬齊其馬力以給京

邊將士將士足寄牧於畿府土非所宜及人民耗
散或征馬金輸兵部市馬凡馬肥瘠登耗籍其毛
齒而時省之三歲借御史一人印烙選其良健而
汰其羸劣凡草場歲徵其租金歲授出佐牧人市
馬凡租金恩蠲或災蠲馬及馬金災蠲不得恩蠲
卽蠲必轉移相抵不得虧軍賦主簿勾省文移常
盈庫貯馬金

詹事府洪武初置大本堂取古今圖書充其中召
四方名儒教太子居文華堂諸儒親王專經面授
分番夜直已而太子居文華堂諸儒臣迭班侍從

TIFFEN Color Control Patches



又選才俊之士入充伴讀時賜宴賦詩商確今古評論文學當是時東宮官有同知詹事院事副詹事左右詹事詹事丞左右率更令率府使副使同知左右率府事論德贊善文學中含正字侍正洗馬庶子皆勳舊大臣兼之不別設府僚已又改贊善為贊善大夫設贊讀洪武十年置通事司設司令司丞十四年設左右司直郎左右清紀郎十五年置左右春坊各設大學士又置司經局設洗馬校書正字二十二年以官聯無統始置詹事院二十五年改院為府正三品左右春坊正五品司

經局後五品皆列署府中而事皆總於詹事府武時春坊翰林院日二人進講尚書春秋資治通鑑大學衍義貞觀政要諸書纂述始終直陳大義輒成篇章呈上覽已乃赴文華殿講說三師三少詹事府鴻臚寺官各一人給事中一人侍講畢同辭而出召問則諸侍官同入有獨進及留身者給事中鴻臚寺司直清紀郎劾奏洪武二十六年選秀才張宗濬等隨詹事春坊官分直文華殿侍講畢進說民間利害田里稼穡古今孝弟忠信文學材藝故事命廷臣舉孝義篤行之士為東宮官

TIFFEN Color Control Patches



屬遠以鄭濟王勳爲左右庶子建文中增少卿寺丞各一人賓客二人又置資德院設資德一人資善二人其屬贊讀贊書著作郎各二人掌籍典簿各一人靖難後復故 仁宗在東宮侍宮臣有恩

禮燕勞慰問如家人父子然然宮臣亦爲宗藩所讒時時得罪繫獄或至死 英宗初大臣上講讀儀大抵尊君卑臣非復 祖宗之舊矣

太子太師太子太傅太子太保從一品太子少師太子少傅太子少保正二品太子賓客正三品皆東宮大臣而不列於詹事府無定員無專授爲勳

朕文武大臣兼官加官贈官或曰東宮公孤初蒞詹事府洪武元年李善長徐達兼太子少師太子少傅治書侍御史文原吉范顯祖皆兼太子賓客二十五年立 皇太孫始以宋國公勝穎國公友德兼太子太師曹國公景隆涼國公玉太子太傅開國公昇全寧侯恪太子太保詹畿爲太子少傅兼吏部尚書茹瑺太子少保兵部尚書

太子太師太子太傅太子太保以道德輔教太子而謹護翼之太子少師太子少傅太子少保奉太子以觀三公之道德而教諭爲太子賓客侍太子



規誨贊相禮儀而先後之

詹事府詹事一人少詹事二人府丞二人其屬主簿一人錄事一人通事舍人二人吏四人左春坊大學士一人左庶子一人左諭德一人左中允一人左贊善一人左司直郎一人左清紀郎一人左司諫一人吏一人右春坊亦如之司經局洗馬一人校書二人正字二人吏一人

詹事以輔導東宮為職少詹事寺丞為之貳凡侍東宮講讀暨坊局翰林院番直凡講讀畢上所處分府部軍政要務及撫諭四夷思義率其僚屬暨坊局陳說於東宮府院官得互兼凡試士修書皆與焉坊局亦如之主簿典勾會文移檢稽脫失錄事佐之通事舍人典東朝恭謁辭見之禮及承令勞問之事

左右春坊大學士與東宮上奏請及下啓箋講讀之事容慎而監省之庶子論德中允贊善各奉其職而從焉凡東宮監國撫軍出狩及朝會出入覆啓畫諾審署移詹事凡諸祥音若伶侯改變新聲導逢非禮者必陳古義申典制糾正而請遠斥之凡內外庶政可為規詭者隨事贊諭焉司直郎掌

彈劾官寮糾舉職事清紀郎參佐之司諫掌箴誨
鑿誠之事以拾遺而補遺焉洗馬掌經史子集制
典圖書刊緝之事立正本副本貯本以備進覽凡
天下圖冊上東宮者皆受而藏之校書正字掌繕
寫裝潢經史子集制典圖書詮其訛謬調其音切
以佐洗馬

國子監國初爲國子學正四品設博士助教學正
學錄典樂典書典膳乙巳秋以許存仁爲博士吳
元年添設祭酒司業典簿改典膳爲掌饌陞存仁
爲祭酒劉承直司業蘇伯衡學正洪武六年增廣
國子生諭禮部祭酒乏人其詢天下名士通今博
古才德堪爲人師者以名聞八年又置中都國子
學十五年始改國子學爲國子監從四品十六年
宋訥代吳願爲祭酒命曹國公文忠領國子監事
車駕時時臨視以故監官不得中廳而坐中門而
行二十六年革中都國子學建文中陞監丞爲堂
上官增司業二人省博士學正學錄增助教十七
人靖難後復故

國子監祭酒一人司業一人其屬監丞一人博士
五人助教十五人學正十人學錄七人典簿一人

Color Control Patches



典籍一人掌饌一人吏四人

祭酒掌固學來人貢生官生思生功生例生吏生幼勲臣訓教之事司業爲之貳凡訓教諸臣奉監規而損益焉要在明體適用以孝第忠信禮義廉耻爲本隆師親友讀書寫字爲業有不率者朴之不俛徙謫之其率教者有升堂積分及格叙用之法凡課業徵書季呈翰林院文冊歲奏上凡歲仲春秋上丁遣大臣祀先師則總其禮儀上謁先師幸太學及司業執經講義凡授經以易書詩春秋禮記人占一經大學中庸論語孟子兼習之以

庶師監師生以力役給厨膳以賜予示恩養以寧假悉人情以檢厯練吏事以考選汰冗濫監丞坐纒紆屬參領監事凡師生怠教不率教及庶膳不潔並糾懲之而堅明其約束師生有過書而識之博士坐博士廳五人分經訓教助教學正學錄坐正義崇志廣業脩道誠心率性堂專職教誨嚴程課講解經義文字導約之規矩典簿典出納文移受支金錢季報課業典籍收掌經史子集及劄書掌饌飲食師生

順天府卽北平府洪武二年置北平行省於北平

TIFFEN Color Control Patches



府已而改行省爲布政司比平爲會府靖難初改爲順天府永樂十年陞正三品如應天府應天府本設知府洪武四年改知府蘭以權爲府尹

順天府府尹一人府丞一人治中一人通判六人推官一人其屬經歷司經歷一人知事一人照磨所照磨一人檢校一人庫大使一人所屬衙門宛平大典三縣各知縣一人縣丞二人主簿二人典史一人府學教授一人訓導六人陰陽學正衙一人醫學正科一人司獄司司獄一人都稅司大副使各一人宣課司四各大使一人或大副使一人

稅課司二各大使一人分司二各副使一人巡檢司四各巡檢一人大興縣遊運所大使一人批驗茶引所大使一人鐵冶所大使一人閩官三人倉草場大副使五十人吏三百四十八人

府尹掌京府事宣化和人勸農問俗均貢賦節征繇謹祭祀閱戶口糾豪強恤窮因錄罪囚務知百姓之疾苦府丞治中通判推官爲之貳歲撥實徵十歲造黃冊冊有民數田數凡賦役皆按冊丁產爲多寡煩簡之差歲貢學生一人三歲合試諸曹六館圻府諸生而貢士焉月朔奏老人坊廟聽宣



論歲立春迎春進春耕耨田奉青箱隨耨種於後
歲春冬行鄉飲酒禮三月一上勸戚家人引帳圍
有市易平其價召商而時給之凡學校軍匠積貯
牧馬藉炭河渠隄塗僧道醫藥之事率其僚而分
理焉經歷典出入文移知事佐之照磨磨勘卷宗
檢校佐之

鴻臚寺國初爲侍儀司從六品洪武九年改爲殿
廷儀禮司設使副承奉鳴贊序班十三年承奉
增司儀十九年更使爲司正副爲左右司副三十
年始改鴻臚寺正四品外夾道事亦隸焉建文中

改卿爲鴻臚卿分少卿寺丞左右靖難後復故

鴻臚寺卿一人左右少卿各一人左右寺丞各一
人其屬主簿一人司賓司儀各署丞一人鳴贊
八人序班五十四人吏八人

卿掌朝會賓客吉凶禮儀之事少卿寺丞爲之貳
凡日朝朔望朝大朝會宴享經筵進曆進春冊封
祭祀傳制奏捷百官四夾見謝辭率其屬而供事
爲主簿典出納文移司賓典四夾朝貢酋渠領從
辦其等而教其拜跪之節司儀典陳設引奏禮儀
皆丞領之鳴贊贊禮凡內贊通贊對贊接贊傳贊

TIFFEN Color Control Patches


ColorChecker 30 Color Patches

Blue Cyan Green Yellow Red Magenta White Black

各供其事序班侍班齊班糾儀引人舉案及傳贊
皇明百官述卷上

子履準校
孫心材重校





國立中央圖書館, 臺灣, R.O.C.

74038



皇明百官述卷下

吾學編第六十六

海鹽鄭曉

翰林院吳元年五月置翰林國史院正三品設學士承旨學士侍講學士侍讀學士直學士典簿待制修撰應奉編修典籍檢閱尋改翰林院洪武十四年改正五品革承旨直學士待制應奉檢閱典簿設孔目五經博士侍書待詔檢討是年二月令翰林編修檢討典籍春坊司直郎正字此與讀考駁諸司奏啓平允則列名封上署曰翰林院兼平駁諸司文章某官某十八年定設學士侍讀學士



侍講學士爲正官孔目首領官侍讀侍講五經博士典籍侍書侍詔屬官修撰編修檢討史官又有秘書監弘文館及起居注等官未幾皆革定文中增學士承旨一人學士一人文學博士二省侍講侍讀學士置文翰文史二館文翰館詔侍書文史館設修撰編修檢討而改方孝孺爲文學博士又改謹身殿爲正心殿設學士一人罷華蓋文華武英三殿文淵閣大學士各設學士一人侍詔無定員文淵閣設典籍二人靖難後復故庶吉士者初稱中書六科庶吉士十八年又有翰林院承

勅庶吉士永樂二年始定爲翰林庶吉士選進士教養之無定員試而留者二甲爲編修三甲檢討不得留者爲給事中御史主事或出爲州縣官翰林院學士一人侍讀學士二人侍講學士二人其屬官侍讀二人侍講二人五經博士五人典籍二人侍書二人侍詔六人孔目一人史官修撰二人編修四人檢討四人史一人

學士掌詞翰禮文草誥勅備顧問詳正圖書考議制度凡經筵日講修書之事皆承受而統領焉講讀職專講讀經史五經博士專經講義以佐學士

TIFFEN Color Control Patches

3/Color Black White Magenta Red Yellow Green Cyan Blue

講讀典籍勾輯圖書以時什襲而藏之侍書以字
書侍上待詔應對孔目典文移出入史官掌修國
史凡天文地理宗潢禮樂兵刑諸大政上經下詔
勅書檄批荅玉言皆謹籍而記之以備實錄凡學
士講讀史官爲 上所簡注皆得入內閣預機務
京府鄉試充考試官禮部會試充考試同考試官
詹事府坊局亦如之

尚寶司國初符璽郎也正七品後置尚寶司正三
品洪武元年改正五品

尚寶司卿一人少卿一人司丞三人恩蔭寄祿無

官員監生六人

御職在禁廷守寶璽符牌印章而辨其所用有事
請於內既事奉而藏之少卿司丞爲之貳凡寶十
四曰奉天之寶以鎮萬國祀天地曰 皇帝之寶
以冊封賜勞曰 皇帝信寶以徵召軍旅曰 天
子之寶以祭享鬼神曰 天子行寶以封馬夾鑿
曰 天子信寶以調發蕃兵曰制誥之寶 誥誥
命曰勅命之寶以識勅命曰廣運之寶以識黃選
勘籍曰御前之寶以進御座從車駕曰 皇帝尊
親之寶以答賜宗人曰敬天勤民之寶以訓迪行

TIFFEN Color Control Patches



司凡用寶抹寶從寶洗寶與印綬監俱凡扈守侍
衛令牌之號六曰申曰木曰火曰土曰金曰水以
警夜巡金牌之號五曰仁曰義曰禮曰智曰信以
嚴守衛凡半字銅符之號四曰承曰東曰一曰北
巡者左半守者右半合契而從事焉凡銅牌之號
一曰勇以稽士卒凡牙牌之號五曰勳曰親曰文
曰武曰樂以察朝參凡祭牌之號三曰陪曰供曰
執以謹祀事凡雙魚銅牌之號二曰嚴以肅直衛
曰善以潔祀壇凡符驗之號五曰馬曰水曰達曰
通曰信以給傳郵通制命

六科甲辰統設給事中正五品洪武四年改正七
品六年始分爲六科各設給事中凡八十一人從
七品十年隸承勅監十二年改隸通政司十三年
置諫院左右司諫各一人左右正言各二人十五
年以兵部尚書唐鐸爲諫議大夫二十二年改給
事中魏敏卓敬等八十一人爲士源先是 上以
給事中數符元士改爲元士至是曰六科 事本
源又改爲士源未幾復爲給事中二十四年科增
都給事中一人正八品左右給事中從八品改給
事中正九品尋又改都給事中正七品左右給事

中給事中並從七品建文中華左右給事中靖難
後復故景泰三年令都左右給事中坐銜御史上
吏戶禮兵刑工科各都給事中一人左右給事中
各一人給事中吏科四人戶科八人禮科一人兵
科十人刑科八人工科四人監生六科四十人
六科掌侍從規諫補缺拾遺分察六部之事而糾
其弊誤凡臣民題奏下讀而署之駁正其違失凡
制勅宣行大事覆奏小事署而頒之有失執奏封
還凡百司官非其人政失其理露章班劾或封章
奏劾凡日朝六科給一人侍殿廷左右執筆記言

凡大事廷議大臣廷推大獄廷鞫掌科預為凡旨
下東科類史科西科類兵科日早朝進揭帖凡諸
司題奏日附科籍五日一銷註籤稽緩朝參門籍
六科流字為內官傳旨下補奏言而後施行之
中書舍人本屬中書省洪武七年置直省舍人從
八品九年改中書舍人正七品十年隸承勅監監
省革改從七品建文中改侍書入文翰館坊雖後
復故

中書舍人二十人恩蔭寄祿及文華殿門東房內
閣詰勅制勅房分直者無常員監生三十五人

中書舍人無正貳印屬資深者字書誥劄冊符鐵
券凡草請翰林院實請諸內府左券實籍歸諸古
今通集庫凡誥劄勘合籍以急就章爲號凡誥劄
之號四曰仁曰十二支曰文行忠信曰千字文字
以千號爲滿滿則續

太醫院固初爲醫學提舉司改太醫監又改太醫
院設院使同知典簿洪武十四年定爲正五品更
設太醫院令丞吏目御醫如文職授散官二十二
年復院令爲院使丞院判內府又有御藥房嘉靖
中改爲聖濟殿

太醫院院使一人院判二人其屬吏目一人御醫
十八人所屬衙門惠民藥局大使一人副使一人
生藥庫大使一人副使一人吏九人

太醫院使掌醫藥之法院判爲之或凡醫術十三
科醫官醫士醫生專科習業曰大方脉曰小方脉
曰婦人曰痘疹曰鍼灸曰眼曰口齒曰接骨曰傷
寒曰咽喉曰金鐵曰按摩曰祝由凡聖濟殿番直
擇術業精通者供事凡烹調御藥同內官監視合
二服爲一候熟均二器其一堂屬官繼嘗之內官
又嘗之其一進御凡醫家子弟擇師而教之三年



試之或五年試之再試三試之而黜陟之凡藥材
辨其土所宜擇其良者而進焉按摩以消息導引
之法除人八疾祝由以呪禁被除邪魅之爲厲者
二科今無傳

欽天監正五品初名太史監設太史令通判會判
校事郎五官正劉基爲太史令兼太子率更令後
改爲院設院使同知院判五官正典簿兩暘司時
序郎紀候郎基又爲院使洪武元年改爲司天監
設監令少監監丞主簿主事五官正副監候司晨
漏刻博士又置同回司天監設監令少監監丞三
年始改欽天監四年改監令爲政儀大夫少監分
朔大夫五官正司玄大夫監丞靈臺郎五官保章
正平秩郎五官靈臺郎司正郎望壺正挈壺郎諸
散官十四年再定品員散官給授如文官二十二
年改監令監丞爲監正監副三十一年革回回監
回回曆法隸焉

欽天監監正一人監副二人其屬主簿一人春夏秋冬
中秋冬官正各一人五官靈臺郎四人五官保章
正二人五官望壺正一人五官監候二人五官司
曆二人五官司晨二人漏刻博士二人吏四人



監正掌察天文定曆數監副爲之貳凡日月星辰風雲氣色之變異率其屬而占候焉客疏上凡玄象圖書非其職不得預凡習業者分爲四科曰天文曰漏刻曰回回曰曆自五官正下至天文生陰陽人各專科肄焉凡觀采登臺臺四面面四人凡歲大統曆御覽月令曆七政選度曆六壬遁甲曆並先期奏行下凡曆註上曆三十事民曆二十二事壬遁曆六十七事凡歲祭日先一歲會遠奏上凡營建師旅冠婚陵寢選地擇日凡立春先期候氣於東郊凡大朝賀設定時鼓於文樓報時難咽

擊鼓各供其事凡日月交食先期算其分秒時刻起復方位上聞下禮部移內外諸司救之按占書條奏食不及一分回回曆雖一分以上奏而不救凡四季天象占驗曆御覽天象錄以時奏上凡時人世業立師而教之乏人移禮部訪取試用之五官正專理曆法造曆司曆監候佐之靈臺郎辨日月星辰之躔次分野以占候天文之變凡瑞星妖星瑞氣妖氣考諸雜占保章正專志天文之變辨其吉凶之占挈壺正知漏刻孔壺爲漏浮箭爲刻以考中星昏明之候漏刻博士凡定時以漏更時

以牌報更以鼓警晨昏以鐘鼓司佐之

行人司洪武十九年置正九品設行人左右行人
尋改行人爲司正左右行人司副更設行人三百
四十五人二十七年改正七品定行人員三十六
人建文中并行人司於鴻臚寺靖難後復故

行人司司正一人司副二人行人三十六人監生
四人吏一人

司正司副行人職專奉使之事凡頒行詔赦冊封
宗藩撫諭諭蕃夷徵聘才賢及賞賜慰問賑濟軍旅
祭祀叙差焉凡法司適成囚徒送五府者填精微

總內府

上林苑監洪武二十五年議開上林苑比園上

上曰妨民業不可遂止永樂五年始設今上林苑
監正五品其屬良牧蕃育嘉蔬林衡川衡水鑑典
察左右前後凡十署各設典署丞錄事洪熙元年
以蕃育兼良牧川衡嘉蔬兼水鑑林衡典察四署
皆并蕃育嘉蔬宣德十年定蕃育嘉蔬良牧林衡
四署

上林苑監左右監正各一人左右監副各一人左
右監丞各一人其屬典簿一人良牧蕃育林衡嘉

蘇四署各典著一人署丞一人錄事二人吏六人
監正掌苑固園池牧畜種樹之事副丞爲之丞凡
禽獸草木蔬果率其屬督其養戶裁戶以時經理
其養地栽地而畜植之以供祭祀賓客官府之膳
羞凡苑地東至白河西至西山南至武清北至居
庸關西南至渾河並禁園獵典簿勾校文移良牧
牧牛羊豕養育育鵝鴨鷄鶩其牝牡之數而課
李卯馬林衡典果實花木嘉蔬典時藝瓜菜皆計
其畦町樹植之數而以時苞運焉

中東西南北城兵馬指揮司因初設兵馬指揮司

都指揮副都指揮知事尋改兵馬指揮司指揮使
副指揮知事城門設兵馬洪武十年改爲指揮副
指揮掌知事二十三年定爲兵馬指揮司正六品
建文中改爲五城兵馬司指揮副指揮爲兵馬副
兵馬靖難後復故

兵馬指揮司各指揮一人副指揮五人其屬吏目
一人吏六人

指揮掌巡捕盜賊街道溝渠囚犯火禁之事副指
揮爲之丞吏目受事發辰

京衛武學洪武二十年禮部請立武學開武舉不

許曰是岐文武爲二道也建文四年始置京衛武學教授一人啓忠等十齋各訓導二人靖難後革正統中復設教授一人訓導六人掌教京衛切官及應襲舍人以待科舉武舉會舉而聽於兵部南京百官守備恭贊機務爲要重守備以公侯伯兼領南京中軍都督府事協同守備以侯伯都督得領五府事孝陵本祀禮或守備或協同守備大抵威靈動舊也參贊機務以南京兵部尚書治所在中府 成祖初改北平爲北京往來巡守 仁宗時爲皇太子監國南京 宣宗爲皇太孫撫軍

從行 成祖出塞監國於北永樂二十二年秋皇太子即位命襄城伯李隆鎮守南京駙馬都尉沐昕同鎮守洪熙元年又以內臣守備南京是年南京地三月九震特遣太子往南京以祭告皇陵孝陵爲名實有監國之命四月發北京六月還京師即帝位宣德五年改鎮守爲守備命大宋駙馬西寧侯琥守備南京景泰元年又以都督僉事趙倫協同守備城後豐城侯賢寧遠伯禮平江侯豫親國公承宗成國公儀親國公備成國公輔親國公鵬舉撫寧侯麒麟鎮遠侯家相繼守備不必親國

公也宣德十年 英宗即位命少保南京戶部尚書黃福參贊機務參贊機務自福始黃公後南京兵部左侍郎徐琦參贊機務歷十年而陞尚書理部事靖遠伯王驥兼南京兵部尚書樞總督機務代琦成化十一年南京吏部尚書崔恭十三年南京右都御史王恕相繼參贊機務不必兵部尚書也十五年南京兵部尚書薛遠代恕參贊機務之必兵部尚書也自遠始也嘉靖初王守仁以新建伯兼南京兵部尚書參贊機務不得稱總督如靖遠伯

南京參贊機務守備文武大臣掌皇城京城後河留守之事以時行視陵廟凡大小教場練將士新江口肄水軍神機營習火器以時督察之官軍騎數歲一報地圖文冊三歲一報諸江關浦口歲再遣人行視之軍器歲製貢舟均其差遣而嚴輯之武學課業旗役併鎗程督而監視焉盜賊歲更官行緝屯田請專官巡視凡便宜事會九卿五府議請上又有樞江都御史一人巡江御史二人專職江防

南京宗人府經歷司經歷一人



吏部尚書一人侍郎一人郎中四人主事四人司
務一人

戶部尚書一人侍郎一人郎中十三人員外郎十
人主事十七人司務一人照磨一人

禮部尚書一人侍郎一人郎中四人主事二人司
務一人

兵部尚書一人侍郎一人郎中四人員外郎二人
主事五人司務一人

刑部尚書一人侍郎一人郎中十三人員外郎五
人主事十四人司務一人照磨一人司獄二人

工部尚書一人侍郎一人郎中四人員外郎二人
主事八人司務一人

都察院右都御史一人右副都御史一人右僉都
御史一人監察御史三十二人經歷一人都事一
人司務一人照磨一人司獄二人

通政司右通政一人右叅議一人經歷一人
大理寺卿一人右寺丞一人左右寺正各一人左

右評事各三人司務一人

太常寺卿一人少卿一人典簿一人博士一人協
律郎二人贊禮郎七人司樂二人奉祀三人祀丞



三人

光祿寺卿一人少卿一人典簿一人署正四人署

丞四人

太僕寺卿一人少卿二人寺丞二人主簿一人寺

在潞州

席事府主簿一人

國子監祭酒一人司業一人監丞一人典簿一人

博士三人助教六人學正五人學錄二人典籍一

人掌簿一人

應天府府尹一人府丞一人治中一人通判二人

推官一人

鴻臚寺卿一人主簿一人署丞二人鳴贊二人序

班九人

翰林院學士或侍講讀一人孔目一人

尚寶司卿一人

六科給事中六人管冊戶科給事中一人

太醫院院判一人吏目一人

欽天監監正一人主簿一人

行人司司副一人

五城兵馬司指揮五人副指揮八人吏目五人



承宣布政使司國初爲行中書省或分中書省六部尚書往往出爲叅知政事叅政入爲尚書洪武九年八月詔改浙江江西福建北平廣西四川山東廣東河南陝西湖廣山西諸省爲承宣布政使司正二品十三年改正三品十五年置雲南布政司二十二年改從二品建文中華左右布政使設布政使一人堂上官各陞品一級靖難後復故承樂五年置交趾布政司十一年置貴州布政司宣德三年罷交趾布政司

承宣布政使司左右布政使各一人左右叅政各

一人左右叅議各一人叅政叅議因事添設無定員其屬經歷司經歷一人都事一人照磨所照磨一人檢校一人理問所理問一人副理問一人提控案牘一人庫局各大使一人副使一人陝西四川有茶馬司大使一人副使一人吏人

布政使掌一省之政叅政叅議爲之貳朝廷有德澤禁令承而播之以先有司三年率府州縣掌印及首領官朝覲於京師陳其屬吏之臧否而聽去留焉十年造戶版以登民數田數歲貢學生府州縣衛有差三歲鄉試貢士宗室官軍師生以時班

TIFFEN Color Control Patches



其祿俸應禮祀典神祇謹其時祀水旱疾疫災傷請免田租賑貸乏孝弟行義貞烈請表揚之鰥寡孤獨有養凡供邦國之用曰貢曰賦貢有二曰常貢曰暫貢賦有二曰本色曰折色凡後二曰力役曰雇役皆視其土地豐瘠人民多寡而會計之下府州縣必均乃已凡出納錢穀必平凡制用必節凡僚屬文武官廉察其減否而上下其考以報於撫按以達於吏部兵部都察院凡諸政務議定而請於撫按有總督提督亦如之曰清軍曰分守曰督糧曰邊備曰撫民各專事焉官不備則兼領之

凡萬壽聖節一人朝賀於京師大婚大喪立東官亦如之天子即位則左布政使來見經歷典出納文移都事佐之照磨典磨勘卷宗檢校佐之理問典刑名凡囚出入謹籍其數以聽於司凡囚必審輕重別其寢處病與餒必報司瘞而飼之獄之曲直疑允上官下理問則得辨而請焉日嚴局鑰察械繫副理問提控案牘佐之庫大副使典守庫藏局大副使典管繕茶馬司典茶馬交易之事提刑按察司甲辰年十一月初置於湖廣道正三品設提刑按察使僉提刑按察司事丙午令僉事

周洵等定議按察事宜條具憲綱洪武元年浙江
江西湖廣三提刑按察使李祚潘勳滕枝充議律
官上大明令十年改正四品十三年罷各道按察
司明年復遂定各道按察分司以儒士王存忠等
五百三十一人爲試僉事人按二縣論之曰治吏
之弊莫甚於貪墨而庸鄙者次之今天下府州縣
官於斯二者往往有之是以弊政日滋民受其害
故命爾等接治其地凡官吏賢否軍民利病皆得
廉問糾舉二十年改按察分司爲四十一道二十
二年復正三品三十年始置雲南按察司建文中

改按察司爲十三道肅政按察司靖難後復故永
樂五年置交趾按察司後罷

提刑按察司按察使一人副使二人因事添設無
定員僉事亦如之其屬經歷司經歷一人知事一
人照磨所照磨一人檢校一人司獄司司獄一人
吏人

按察使掌一省刑名按劾之事糾察官邪擄治貪
酷禁詰強暴平獄刑獄雪理冤枉以振揚風紀副
使僉事爲之丞凡僚屬文武官歲察臧否而上下
其考以告撫按以達於吏兵部都察院凡省大事

暨都布二司參議馬凡朝覲慶賀弔祭之禮視布政司副使僉事分巡提學兵備撫民巡海清軍屯田水利治河驛傳各專事焉官不備則兼領之凡分巡浙江二道浙東浙江西五道南昌湖東湖西九江嶺北福建四道福建寧武平漳南湖廣五道武昌湖南湖北荆南荆西河南四道大梁河北河南汝南山東三道濟南東兗海石山西四道冀寧冀南冀北河東陝西六道關內河西關南隴右西寧關西四川四道川東川西川南川北廣東五道嶺南嶺東嶺西海南海北廣西四道桂林蒼

梧左右江雲南四道普安臨沅金滄洱海貴州四道貴寧新鎮安平思仁經歷典出納文移知事佐之照磨典磨勘卷宗檢校佐之司獄守獄

都轉運鹽使司丙午年年初置於兩淮吳元年置於兩浙洪武二年置於河東陝西河間長蘆福建五年置四川納絲白渡二鹽馬司及四川茶鹽都轉運司又明年葦茶鹽都轉運司十三年定都轉運司正四品後改從三品鹽課提舉司亦始國初已漸增設建文中改廣東鹽課司為都轉運鹽使司又有煎鹽提舉司葦儒學惟河東有之制如府



都轉鹽運使司都轉運使一人同知一人副使一人判官無定員其屬經歷司經歷一人知事一人庫大使一人副使一人所屬衙門鹽課司批驗所鹽倉各大使一人副使一人吏

都轉運使掌鹽事以聽於戶部同知副使判官爲之丞凡常股存積之鹽以時征而貯之以待商人種支以供邊儲京帑之用凡分司鹽課司鹽倉批驗所各以餘屬分任其事而都轉運使總領之糾禁私煎私買竊竊者奸弊謹受巡鹽御史之政令而申勸焉

鹽課提舉司提舉一人同提舉一人副提舉無定員其屬吏目一人庫大使一人副使一人所屬衙門鹽課司批驗所鹽倉各大使一人副使一人吏一人

提舉掌鹽課之事以聽於戶部其職如都轉運使僚屬亦如之

行太僕寺洪武三十年置於山西北平陝西遼東行太僕寺卿一人少卿一人寺丞無定員其屬主簿一人吏一人

御掌馬牧之事而聽於兵部少卿寺丞爲之丞凡



邊街管堡府州縣軍民壯騎標馬印烙課校孳牧
以時督察之凡馬種牡十二牝十八馬金地畝十
七椿朋十三凡馬瘠耗罰俸蜀馬降級出革懲董
之藩臬不得預馬事考馬官苑馬寺亦如之主簿
典守籍牒

苑馬寺永樂四年置於陝西甘肅六年入置於北
平十六年并入行太僕寺遼東亦有苑馬寺

苑馬寺卿一人少卿一人寺丞無定員其屬主簿
一人各監牧監正一人監副一人錄事一人圍長
一人史一人

卿掌馬牧之事而聽於兵部少卿寺丞爲之丞凡
馬種上苑萬匹中苑七千下苑四千不及則銀市
茶易焉凡牧地曰草場曰荒地曰熟地嚴其禁令
而封表之凡牧人曰恩軍曰隊軍曰改編之軍曰
充祭之軍曰召募之軍曰抽選之軍皆籍而食之
凡馬駒二年一科十八年而免定駒頭駒重駒籍
而報之有常朝凡虧駒有罰主簿如行太僕寺監
正領苑監之事監副佐之錄事守籍牒圍長率羣
長而修牧事

府洪武六年定爲三等賦二十萬石上爲上府從

三品二十萬下中府正四品十萬下下府從四品
已而並爲正四品

司府州縣學教官洪武二年十月辛卯詔郡縣立
學校曰古昔帝王育人材正風俗莫先於學校自
元入主中國夫狄腥羶汚淿華夏學校廢弛人紀
蕩然加以兵亂以來人習鬪爭鮮知禮義今朕統
一天下復我中國先王之治宜大華風以興治教
今雖內設國子監恐不足以盡延天下之俊其令
天下郡縣並建學校以作養士類師生月廩食米
人六十有司給魚肉學官月俸有差學者專治一

經以禮樂射御書數設科分教務求賢才頑不率
者黜之八年立社學是年命御史臺選國子生分
教北方建文中罷北平山東河南山西陝西五省
及江北學校貢士站難後復故

府知府一人同知一人通判一人推官一人因事
添設同知推官或二人通判至五人其屬經歷司
經歷一人知事一人照磨所照磨一人檢校一人
司獄司司獄一人所屬衙門儒學教授一人訓導
四人倉稅課司分司雜造織滌局各大使一人副
使一人陰陽學正術一人醫學正科一人僧綱司



都綱一人副都綱一人道紀司都紀一人副都紀
一人有巡檢司批驗茶鹽引所水馬驛迤運所河
泊所草場者司巡檢一人批驗所大使一人驛驛
丞一人迤運所大使一人河泊所所官一人草場
大使一人吏一人

知府掌教養郡民之事同知通判推官爲之貳賓
興科貢均平賦役崇慎祀典禁誥奸頑表異良善
訊聽刑獄審達冤滯存恤困窮糾察吏治而上下
其考以告於撫按藩臬達於吏部務知百姓之疾
苦若緝帳軍匠轉驛馬牧倉庫盜賊河渠溝防道

路之事雖有專官皆知府領之而綜督焉凡朝慶
賀平祭直隸府得直達省府視布政司凡詔敕例
令勘劄至謹受以下於屬凡屬之政皆受約束於
府府劑量重輕爲之出令大者白於撫按及藩臬
議允而行之同知清軍匠或兼巡捕通判管糧戢
盜治農修河牧馬推官理刑名分職任事經歷典
出納文移知事佐之照磨典磨勘卷宗檢校佐之
司獄典獄如按察司教授掌教生徒訓導佐之凡
生徒廩膳增廣各四十人附學無數凡學政遵臥
碑提學憲臣申飭之責提調於府教授訓導必謹

TIFFEN Color Control Patches



受之凡學宮視鄉舉人爲殿最凡郡禮儀事學官
司之稅課司與稅凡商僉屠市皆有常征以時權
之而輸直於府凡民間買田宅操券契出直百之
三請印而藏之庫守藏凡縣歲輸及雜賦若諸贖
金悉登籍會典粟凡民賦軍屯之入及諸司贖穀
糧米並収支馬織漆局典織造凡歲幣有常
數歸身之費並給於府會其數而籍之幣成
覆於府而納於內帑若宣索并局所常業者府市
之以供上巡檢控要害讎察異常姦宄竊發則應
時捕擊以聽巡捕之令三年計其捕僞印強竊盜

遊軍回民以爲上下考批驗茶鹽引所典茶鹽引
由稽其奸冒而慎防之驛遞典傳郵迎送之事凡
舟車夫馬廩糗庖饌稠祿皆取給於丁田受於府
而籍其出入河泊所典魚課草場受牧馬芻粟陰
陽學司占候天文晷漏日月食則供教事醫學司
方藥診療人民僧綱領僧人道紀領道士凡救日
月食請雨請霽祀厲壇綱紀則謹率其徒施其教
事凡春秋奏樂於先師則以道童充樂舞生

州凡直隸畿府各省及屬府者並從五品

州知州一人同知一人判官一人里不及三十而



無屬縣裁同知判官有屬縣裁同知因事添設專
設無定員其屬吏目一人所屬衙門儒學學正一
人訓導二人陰陽學典術一人醫學典科一人僧
正司僧正一人道正司道正一人稅課局大使一
人副使一人有巡檢司驛遞圍墻批驗所河泊所
倉草場者設官如府吏 人

知州掌教養州民之事同知判官爲之貳凡諸州
務上視府下視縣以月計上府以歲計上省以三
歲之計上吏部同知清軍匠或兼巡捕判官督糧
管馬捕盜治農管河分職任事而領於知州吏目
典出納文移或分領州事儒學生徒廩膳增廣各
三十人附學無數學正訓導職如府學開官主啓
開書洩壩官典守隄防各率其役以通舟楫之利
諸所屬衙門如府者職亦如之

縣吳元年定縣三等賦十萬石以下爲上縣知縣
從六品六萬以下中縣正七品三萬以下下縣從
七品已而改並正七品京縣正六品

縣知縣一人縣丞一人主簿一人不及二十里裁
縣丞主簿因事添設無定員其屬典史一人所屬
衙門儒學教諭一人訓導二人陰陽學訓術一人



醫學訓科一人僧會司僧會一人道會司道會一人
人有巡檢司稅課局驛遞關壩批驗所河泊所倉
草場者設官如州吏

人

知縣掌教養縣民之事縣丞主簿爲之貳凡諸縣
務如州而縣尤親民歲貢學生聽試於提學憲臣
三歲貢士聽選於鄉試歲積實徵十歲造黃冊民
之賦役視丁與產爲差賦歲二征役歲一征賦有
粟賦金賦布帛及諸貨物之賦役有力役雇役借
倩不時之役皆視其天時休咎地利豐耗人力貧
富必調劑而均節之若歲大歉中款請於府於省

於撫按藩臬而時蠲減焉無幸富強苦貧約凡詞
訟必詢其情理考諸律例而決之有不聽聽陳於
上爲雪理焉凡養老祀神表善賑飢恤窮通貨之
事時省而敦行之凡山海澤藪之產資國用者按
籍而貢焉凡庶人在官者常賦責糧頭大戶追攝
若雜征責里長教讀教鄉塾老人勾勘民間細事
總甲邏察市里弓兵民壯執防捕之役縣丞管馬
管河管糧主簿巡捕分職任事而領於知縣典史
典出納文移或分領縣事儒學生徒廩膳增廣各
二十人附學無教諭訓導職如州學諸所屬衙

門如州者職亦如之庶人在官者州亦如縣

市舶提舉司洪武初設太倉黃渡市舶司尋罷又設於福建浙江廣東七年九月罷後復設

市舶提舉司提舉一人副提舉二人其屬吏目一人所屬衙門驛丞一人吏一人

提舉掌海夷朝貢市易之事副提舉爲之貳辨其使人表文勘合之真偽禁通番征私貨關其出入而慎館穀之吏目典出納文移驛丞寓夷使僕豐其食餼帳幕而上下其等必周防之

巡檢司始於洪武中當時每歲冗巡檢後增置漸

多驛進洪武元年設水馬站及運運所尋改站爲驛河泊所洪武十五年定歲課米五千石上官三人千石上一人後並一人

襲封衍聖公孔氏北宗也洪武元年先師五十六代孫希學來朝詔襲封衍聖公正二品印誥視一品其屬管勾一人典籍一人司樂一人八年以克伸爲世曲阜知縣又立孔顏孟三氏教授司教授一人學錄一人學司一人宣德七年以克晏爲三氏學錄浙東平陽有孔克表者於希學爲父行洪武六年以爲翰林院修撰兼編修久之與世襲翰

TIFFEN Color Control Patches



林院五經博士景泰二年顏孟程朱之後皆與世襲翰林院五經博士嘉靖中又訪求曾子後

公侯伯凡三等以封功臣及外戚皆有流有世並給鐵券高廣凡五等號凡三等佐 高皇帝天下曰開國輔運推誠佐 成祖曰奉天靖難推誠佐曰奉天靖運推誠其武臣也曰宣力功臣文臣曰守正文臣歲祿視功有差已封而又有功者仍爵或進爵加祿其才而賢也克京營總督五軍都督府掌印僉書守備留都出支總兵官鎮守否食其祿其襲替徵參詰論功過嚴適孽幼而嗣者學於

國子監有過革冠服學於國子監坐罪奪祿重奪爵

駙馬都尉位次於侯凡尚公主長公主大長公主並稱駙馬都尉尚郡主縣主郡君縣君鄉君並稱儀賓食祿有差皆不得預政事國初駙馬或典兵鎮守李堅副總兵封樂城侯自後多署宗人府事嘉靖初崔元以迎駕封京山侯

五軍都督府國初置統軍大元帥府樞密院甲辰革樞密總管萬戶定爲指揮千百戶總小旗又革都護統軍元帥萬戶府辛丑立大都督府正一品

以朱文正爲大都督節制中外諸軍事又設左右都督都督同知都督僉事及斷事官洪武十三年分中左右前後五軍都督府正二品尋改正一品又設左右斷事官十五年置五軍十衛參軍府二十三年置五軍斷事司曰稽仁稽義稽禮稽智稽信建文中革斷事官及五司官又令武官襲替兵部同五府取旨靖難後復舊官而斷事五司遂不復設永樂元年置行後軍都督府於北京已而分五府稱行在某軍都督府罷行後軍都督府十八年除行在在應天者加南京字洪熙元年復稱行

在仍設行後軍都督府宣德三年又革行後軍都督府正統六年復除行在凡公侯伯及三等眞著都督並得充總兵副總兵其名掛印將軍稱鎮守者雲南征南將軍兩廣征蠻將軍湖廣平蠻將軍遼東征虜前將軍宣府鎮朔將軍大同征西前將軍延綏鎮西將軍宣夏征西將軍其肅平光將軍蘄州淮安鎮守漕運總兵以畿內故不得掛印稱將軍有大征討遣總兵則掛平賊將軍平胡將軍平虜將軍征夷將軍征虜將軍討賊將軍或大將軍或前將軍副將軍事已納印

TIFFEN Color Control Patches



百官通
中左右前後五軍都督府府左右都督各一人都督同知二人都督僉事二人恩功寄祿無常員其屬經歷司經歷一人都事一人監生五十人吏一百四十五人

都督掌軍恭公侯伯及三等都督領之武亦如之各領其都司衛所以達於兵部凡武職流官世官土官襲替後給優養所衛都司上府引奏送兵部請差說遷移府下都司衛所凡首領官聽吏部者選授給田亦如之凡武職誥勅旗役併給水陸步騎操練俸糧屯種春撤舟車賞賜聲息軍情清勾替納邊服畫圖貼說薪炭荆葦之事分移所司而綜理之經歷典出納文移都事佐之

在京上二十二衛曰錦衣曰旗手曰金吾前曰金吾後曰羽林左曰羽林右曰府軍曰府軍左曰府軍右曰府軍前曰府軍後曰虎賁左是爲上十二衛曰金吾左曰金吾右曰羽林前本北平三護衛曰燕山左曰燕山右曰燕山前曰大典左曰濟川曰通州本北平都司衛是爲上十衛凡二十二衛名親軍指揮使司曰驍驍左曰驍驍右曰武驍左曰武驍右是爲四衛亦曰親軍指揮使司曰武功



中曰武功左曰武功右以匠故隸工部曰永清左
曰永清右曰彭城三衛長陵景陵獻陵裕陵茂陵
太陵康陵七衛爲陵衛並不隸督府亦不稱親軍
曰留守左濟陽左潘陽右號騎右鎮南龍虎六衛
隸左府留守右虎賁右武德三衛隸右府留守中
神策和陽應天四衛牧馬千戶所隸中府留守前
龍驤豹韜三衛隸前府留守後武成中神策後忠
義左忠義右忠義前忠義後忠義勇前義勇右大寧
前大寧中壽州左會州富峪寬河興武鳳揚神武
左十九衛隸後府留守五衛者本國初都鎮撫司

總領禁衛改爲留守五衛專延察守衛

錦衣衛本國初儀鑿司先是甲辰設拱衛司領校
尉隸都督府尋改拱衛指揮使司又以拱衛司類
右衛尉寺改都尉司洪武二年定爲親軍都尉府
統中左右前後五衛軍士而儀鑿司隸焉十五年
罷府及司置錦衣衛親軍指揮使司鎮撫司理衛
中刑名如列衛而兼管軍匠所謂南鎮撫司也北
鎮撫司本添設專理詔獄成化十四年始給印分
司得直達洪武二十年焚衛刑具盡出其繁囚送
刑部審理二十六年又申鞠刑之禁永樂時紀綱

TIFFEN Color Control Patches



幸用事任遇漸異衛凡十八所錦衣中左右前後
五所領軍士五所各分案輿傘蓋扇子旌節旛旗
班劍斧鉞戈戟弓矢馴馬十司分領將軍校尉上
中上左上右上前上後中後親軍分領將軍力士
軍匠馴象所領象奴養象

錦衣衛掌侍衛之事恩功奇祿無常員恒以都指
揮都督領之凡將軍力士校尉分番護駕直宿巡
察凡大朝常駕出入督護鹵簿儀仗凡皇城四門
日夜番直巡警之凡盜賊奸宄街塗溝渠審緝而
時省之凡奉旨勸獄錄囚勸事與三法司從事凡
十九人

京衛皆有指揮使指揮同知指揮僉事衛鎮撫所
統千戶所有正千戶副千戶實授百戶試百戶所
鎮撫五年一廢置之曰考選軍政衛三人所二人
百戶不能皆賢一人兼數印凡總領庶務曰掌印
僉書分理屯田驗軍存恤營操守衛皆曰見任管
事選使同知僉事正副千戶任之克營官者亦如



之不足任事入隊曰帶休差操凡官有定員功陞日衆視原額增不常十九凡世流襲替優給優養諫都督府者上府移兵部親軍衛直達兵部凡入營者聽京營文武大臣督理衛有經歷一人牧馬千戶所蕃牧千戶所奠靖千戶所各有吏目一人經歷吏目典出納文移或有收糧經歷一人倉大使副使各一人於京倉通倉收支漕粟凡吏若干人南京五軍都督府周公侯伯都督同知僉事府三人經歷都事各一人孝陵衛親軍錦衣等衛隸府留守中等衛各有指揮使同知僉事衛鎮撫正

千戶副千戶所鎮撫百戶試百戶無常員經歷各一人所或有吏目一人

都指揮使司圍初爲翼元帥府又改爲行都督府省城或稱都衛都鎮撫司八年改都衛及行都督府爲都指揮使司二十年置大寧都指揮使司二十一年改爲北平行都指揮使司永樂元年復爲大寧都指揮使司移之保定而弃其地畀朵顏諸戎永樂五年置交趾都指揮使司宣德二年弃與安南今都指揮使司十六曰浙江江西福建廣東廣西湖廣河南山東山西陝西四川貴州雲南大



寧萬全遼東行都指揮使司五四川陝西湖廣福建山西留守司二曰中都曰興都中都領皇陵衛即英陵興都領顯陵衛外衛及護衛三百七十五守禦屯田羣牧千戶所三百七十儀衛司三十二都指揮使司都指揮使二人都指揮同知二人都指揮僉事四人其屬經歷司經歷一人都事一人斷事一人副斷事一人吏目一人司獄司司獄一人行都指揮使司亦如之吏人

都指揮使司掌官軍之政令各率其衛所以隸於五府而聽於兵部凡都司並流官或得世官歲撫按察其賢否五歲考選軍政而廢置之使同知僉事常以一人統司事曰軍政掌印一人練兵一人屯田曰軍政僉書巡捕軍器漕運京操備禦諸雜務並選充之曰見任管事否曰帶休凡備倭守備行都指揮事者不得升牙公座凡朝廷吉凶之禮視布政司經歷典出納文移都事爲之武斷事理刑獄副斷事爲之武吏目從之司獄守獄

留守司正留守一人副留守二人指揮同知二人其屬經歷司經歷一人都事一人斷事司斷事一人副斷事一人吏目一人司獄司司獄一人吏



正留守掌中都興都守護防禦之事副留守指揮
同知爲之戒凡諸政務如都指揮使司經歷斷事
司獄亦如之

外衛指揮使司指揮使一人指揮同知二人指揮
僉事四人衛鎮撫二人陞授改調增置無定員其
屬經歷司經歷一人知事一人有衛學設教授一
人訓導三人有驛遞運所陰陽醫學管判道紀司
者設官視府

指揮使司掌軍旅防禦之事使同知僉事考選掌
管衛事凡世流裝替優給優養報都指揮使司達
所練都督府移兵部每歲藩臬撫按察其賢否五
歲一考選軍政廢置之一人統衛事曰軍政掌印
一人練兵一人屯田曰軍政僉書京操巡捕出哨
備禦軍器漕運諸雜務曰見任管事編諸行伍曰
帶俵差操凡撥軍補軍替軍選軍募軍並統於掌
印凡城池時葺浚之度其財力軍十三民十七鎮
撫學刑獄經歷典出納文移知事佐之軍民指揮
使司亦如之

千戶所正千戶一人副千戶二人所鎮撫二人百
戶十人陞授改調增置無定員

正副千戶選一人掌印一人僉書曰管軍千戶百戶不能皆賢一人常攝數印並選充如衛凡治軍之政必聽於衛衛下千戶所千戶督百戶百戶下總旗小旗率其伍卒以聽所鎮撫無獄事管軍百戶缺則代之守禦千戶所軍民千戶所並如千戶所其屬吏目一人

僧錄司洪武元年置善世院以僧慧覺掌釋教事十四年革明年改僧錄司正六品道錄司洪武元年置玄教院以道士經善悅爲真人領道教事四年革明年改道錄司正六品度僧道五萬七千二

百人禮部言往代度牒粥錢資國用各免丁錢

上曰罷者爲令七年禁度尼姑女冠二十四年勅清理釋道曰佛本異教漢時至自西域當時士民崇敬後有去鬚髮舍兒童出家者其修行去色相絕嗜慾潔身爲善道教始老子至漢張道陵以異術役召鬼神禦災捍患二教歷世久不磨滅者以此今學佛老者皆不循其本俗妨教敗行爲害甚大自今天下僧道凡各府州縣寺觀雖多但存一寬大所併居之母湊處民間願還俗者聽佛經番譯已定毋得增減道士設齋醮毋拜奏青詞爲孝



子慈孫演誦經典報祖父母父母者各遵頒降科儀毋妄立條章索民財民有做諭珈教稱善友假張真人私造符籙者並重治二十八年令天下僧道赴京考試不通經典者黜之

僧錄司左右善世左右副教左右講經左右覺義各一人道錄司左右正一左右演法左右至靈左右玄義各一人分領僧道事凡僧三等曰禪曰講曰教造二等曰全真曰正一凡朝朔望班西堦慶賀頒詔班東堦凡祭祀不得預三茅山又有靈官副靈官龍虎山有真人洪武初張天師四十二代

孫正當以正一主教天師來朝 上曰天豈有師乎改號真人十三年賜龍山正一玄壇之印印如二品制凡方士道士以術幸者賜號高士真人王府官洪武二年定王府左右相各一人正二品左右傳各一人從二品參軍府參軍一人錄事二人紀善一人未幾申定王府官制王府左右相正二品王府文武傳從二品參軍府參軍一人錄事二人紀善一人未幾申定王府官制相傳如故參軍司參軍錄事儀衛正副審理典籤典祠典膳典服典工典醫典牧紀善並有正副又有引



禮舍人八年改奉軍爲長史九年定王相府左右
相二人武相一人文相一人左右傳二人武傳一
人文傳一人長史二人錄事二人罷王傳府及典
籤司諮議官護軍府增伴讀四人侍講四人選明
經慎行之士任之是年秦王傅耿炳文兼陝
西行省右丞郭子興兼陝西行都督府僉事晉王
府武傅汪興祖兼山西行都督府同知位武傅謝
德成之上華雲龍爲燕相府左相領時爲秦相府
右相雲龍領北平行中書省叅知政事時陝西右
丞十三年罷諸王相府設長史司左右長史各一

人正五品二十八年置靖江王府諮議所尋亦改
爲長史司建文中增親王官賓輔二人正三品伴
講伴讀伴書各一人長史一人左右長史各一人
審理正典膳正奉祠正良醫正典寶正並去正字
審理副等改爲副審理等郡王賓友二人正四品
教授一人記室二人直史一人左右直史各一人
吏目一人典印典祠典禮典饌典藥五署典印典
祠典禮典饌典藥各一人典儀二人引禮舍人二
人儀仗司吏目一人賓輔三件賓友教授進對侍
坐稱名不稱臣見禮如賓師靖難後復故



長史司左長史一人右長史一人其屬典簿一人
所屬衙門審理所審理正一人審理副一人典膳
所典膳正一人典膳副一人奉祠所奉祠正一人
奉祠副一人典祭一人典寶所典寶正一人典寶
副一人紀善所紀善二人良醫所良醫正一人良
醫副一人典儀所典儀正一人典儀副一人引禮
舍人一人工正所工正一人工副一人倉大使一
人副使一人伴讀一人教授一人典膳一人鎮國
將軍乞教授一人吏一人

長史掌王府之政令輔相規諷以匡王失王府請

名請封請婚及諸乞恩澤若陳謝進獻表啓書疏
長史爲奏上下禮部議請王有過詰長史凡府寮
皆統於長史紀綱其職務典簿典出納文移審理
正掌推按刑獄禁詰暴橫無干國憲典膳正掌祭
祀賓客王妃膳羞之事奉祀正掌祭祀之事典寶
正掌王寶及符牌並副爲之貳紀善掌諷導禮法
開諭古誼及國家恩義大節以詔王善良醫正掌
療治疾病典儀正掌陳儀式文物之事工正掌宮
邸廨舍繕造修葺工役之事並副爲之貳伴讀侍
從起居陳說經史教授訓迪德誼警校典籍引禮

舍人接對賓客贊相威儀倉宰祿俸糧廩庫掌收
藏金帛錢貨郡王教授典膳將軍教授如王教授
典膳

護衛指揮使司使同知僉事衛鎮撫所正副千戶
所鎮撫百戶並如衛軍儀從王邸防禦非常凡有
征行必聽命於朝廷

儀衛司儀衛正一人儀衛副二人典仗六人儀衛
正掌侍衛儀仗之事副爲之貳典仗聽命焉

內官平吳之歲置內使監洪武二年諭吏部定內
侍諸司官曰朕觀周禮所記未及百人後世至踰

數千卒爲大患今雖未能復古亦當爲防微之計
古時此輩止治酒漿醴醢司服守祿事令朕亦不
過以備使令非別有委任可斟酌其宜毋令過多
又領侍臣曰此輩自古以來求其善良千百中不
一二見若用爲耳目即耳目蔽矣用爲腹心即腹
心病矣馭之之道但常戒勅之畏法不可使之有
功有功則驕恣畏法則檢束檢束則自不敢爲非
乃定置內使監奉御凡六十人尚寶一人尚冠七
人尚衣十人尚翬九人尚履八人尚藥七人紀事
二人執膳四人司脯二人司香四人太廟司香四

人涓潔二人尚酒尚醋尚麵尚漆四局局正一人
副二人御馬御用二司司正一人副二人內府庫
大使一人副使二人內倉監令一人丞二人及置
東宮典聖典膳典服典藥典兵典乘六局各局郎
一人丞一人又置門官午門東華門西華門玄武
門奉天門左右順門左右紅門皇宮門坤寧宮左
門宮右門各門正一人副一人東宮春和門宮後
門宮左門宮右門各門正一人副一人逾年又命
吏部定品秩內使監令正五品授中衛大夫丞從
五品侍直大夫皇門官門正局正司正東宮門正

局正正六品內侍郎門副尚寶奉御局副東宮門
副局丞從六品內直郎尚冠等奉御內府庫大使
內倉監令正七品正奉郎庫副使倉丞從七品正
衛郎王府承奉門正所正從六品內直郎承奉副
門副所副正七品正奉郎 上因謂侍臣曰古之
宦豎在宮禁不過司晨昏供後使而已自漢鄧太
后以女主稱制不接公卿乃以閹人為常侍小黃
門通命自此以來權傾人主及其為患如城狐社
鼠不可去朕謂此輩但當服事宮禁豈可假以權
勢縱其狂亂吾所以防之極嚴但犯法者必斥去

TIFFEN Color Control Patches

Blue Cyan Green Yellow Red Magenta White 3/Color Black

之不令在左右戒履霜堅冰之意也五年六月詔定宦官禁令六年令禮部議考糾劾內官之法置內正司司正司副各一人正從七品專糾內官失儀不法者尋改爲典禮司又改典禮紀察司九年又置王府典膳與珍二所以中官流官爲之十七年更定內臣諸監局庫品職公主府初設家令司令丞錄事二十三年改中使司二十八年頒 皇明祖訓遂爲定制云

內官監門司局庫分職掖庭凡監十一曰神宮監掌灑掃曰尚寶監掌子玉寶勅符將軍印信曰陵神

官監掌灑掃并栽種等事曰尚膳監掌供養及玉膳并宮內食用之物及催督光祿寺造辦宮內筵宴茶飯曰尚衣監掌御用冠冕袍服履屨靴襪等事曰司設監掌御用車輦牀被褥帳幔等事曰內官監掌成造婚禮粧奩冠屨傘扇被褥帳幔儀仗等事并內宮內使帖黃一應造作并宮內器用首飾食米土庫架閣文書鹽倉水窖曰司禮監掌冠婚喪祭一應禮儀制帛及御前勅合賞賜筆墨硃楷書畫管長隨當差內使人等出門馬牌等事并催督光祿寺造辦一應筵宴曰御馬監掌御馬并

TIFFEN Color Control Patches

ColorChecker Blue Cyan Green Yellow Red Magenta White 3-Color Black

各處進貢及與牧所聞取馬驢等項曰印綬監掌
詔券帖黃印信選簿圖書勘合符驗曰直殿監掌
灑掃殿庭樓閣廊廡監各有太監正四品左右少
監從四品左右監丞正五品典簿從五品長隨奉
御正六品凡門四奉天門午門端門承天門掌晨
昏啓閉關防出入各有門正正四品門副從四品
凡司二曰鐘鼓司掌奉先殿祭樂御樂并宮內筵
宴樂更漸早朝鼓曰惜薪司掌宮內柴炭等事各
有司正正五品左右司副從五品凡局六曰兵仗
局掌御用兵器并督造刀甲等及宮內所用梳篦

刷牙針剪等物曰內織染局掌染造工用并宮內
一應段疋曰針工局掌成造一應婚禮衣服并內
官衣服等項曰巾帽局掌內官紗帽靴襪及賞賜
巾帽等物曰司苑局掌宮內菜蔬并種田曰酒醋
麵局掌宮內食用酒醋麵糖等物各有大使正五
品左右副使從五品凡庫三曰內承運庫掌段疋
金銀珠玉象牙等物并同司鑰庫管鈔曰司鑰庫
掌內各衙門鎖鑰并收藏鈔等物曰內府供應庫
掌上用香米并內用香燭油米及內官飯食果木
等物各有大使正五品左右副使從五品東官典



聖局掌寶翰墨等物典藥局掌監同御醫修合藥餌典膳局掌監造膳食典服局掌冕并冠帽裘袍裳服珮帶靴履等典兵局掌甲冑戈矛弓矢刀劍等典乘局掌車馬各有局郎正五品局丞從五品王府承奉司掌王府一應事有事呈長史司并護衛指揮司發落與內官衙門無相統攝承奉正正六品承奉副從六品典寶所典寶正典寶副典膳所典膳正典膳副典服所典服正典服副品如承奉正副內使凡十人司冠一人司衣三人司珮一人司履一人司藥二人司弓矢二人各門官門

正正六品門副從六品公主府中使司司正司副雜職三十年內府又置都知監銀作局

女官洪武五年上令定女職禮部具陳周制後宮設內官以贊內治漢設內官一十四等凡數百人唐設六局二十四司官凡一百九十人女使五十餘人皆選良家子女充上曰古者所設過多宜防女寵垂法將來命重加裁定遂立六局一局曰尚宮尚儀尚服尚食尚寢尚功司曰宮正俱正六品尚官局總六尚事凡出納文籍皆印署之如六局徵取外諸司尚官取旨署牒印付內使監



監受厯移外尚宮二人掌導引中宮總司紀司言
司簿司閤之事司紀二人掌印宮內諸司出入簿
書文字司言二人掌宣傳奏啓司簿二人掌宮人
名籍原賜司閤四人掌宮閤管鑰女史六人尚儀
局尚儀一人掌禮儀起居總司籍司樂司賓司贊
之事司籍四人掌經籍圖書教授司樂二人掌音
樂司賓四人掌朝見宴會司贊四人掌朝會贊女
史三人尚服局尚服一人掌宮內服用總司寶司
衣司仗司飾之事司寶一人掌寶璽符契司衣二
人掌衣服首飾司仗四人掌羽儀仗衛司飾二人

掌中櫛梳洗女史二人尚食局尚食一人掌宮內
膳總司膳司醢司藥司供之事司候四人掌烹炮
調和飲膳凡進飲食先嘗之司醢二人掌醢司藥
二人掌醫藥司供二人掌給宮人糜飯薪炭女史
二人尚寢局尚寢一人掌燕寢總司設司與司苑
司燈之事司設四人掌帷帳褥褥灑掃鋪設司與
二人掌輿輦司苑二人掌種植蔬菜司燈四人掌
燈燭女史二人尚功局尚功一人掌督女工總司
製司珍司絲司計之事司製四人掌裁衣服司珍
二人掌珍玉寶貨司絲二人掌段疋司計二人掌



度支衣服飲食薪炭女史二人宮正司宮正二人
掌戒令責罰之事女史二人凡女史各掌局司文
案十七年更定品秩二十二年令六尚局官服勞
既多或五載六載歸其父母從宜婚嫁年高者許
歸以終天命願留者聽其在宮闈及見受職者家
給與祿視外品二十九年重定官秩職掌如故
上官始於洪武七年西南諸蠻夷來朝貢者多因
元官授之稍與約束定糧餼差發曰宣慰使司十
一曰招討使司一曰宣撫使司九曰安撫司二十
曰長官司百七十三及府州縣正丞幕屬並見夷

官考番夷都指揮使司三指揮使司三百二十五
宣慰使三招討司六萬戶府四千戶所四十一站
七地面七寨一

宣慰使司宣慰使一人同知一人副使一人僉事
一人其屬經歷司經歷一人知事一人宣撫司宣
撫使一人同知一人副使一人僉事一人其屬經
歷司經歷一人知事一人安撫司安撫使一人副
使一人僉事一人其屬吏目一人招討司招討使
一人其屬吏目一人長官司長官一人副長官一
人其屬吏目一人蠻夷長官司長官副長官皆謂



之士官附輶諸室謹守疆土修其職貢而供其差
祭無敢携貳有相警者疏上聽於天子有流官
者銓於吏部兵部又有崇夾官苗民官千夫長副
千夫長百夫長軍民萬戶府經歷司經歷知事並
停銓司有儒學制如府

皇明百官述附錄

吳元年選郡縣官三百三十四人賞綺布道里賁
及其父母妻子有差著為令曰以養汝廉奉公無
漁民也洪武元年詔中書省自今除府州縣官賜
銀十兩布六疋徵天下賢才為守令厚賜而遣之

三年

上幸後苑見巢鵲翼卵歎曰誰無母子令

羣臣親老得歸養是年賜朝臣袍帶賜廉吏高縣
劉典史布帛擇文儒性行清潔者充學官賜文武
官朝服公服又賜冬衣四年中書省上府州縣一
千二百三十九凡官五千四百八十八人令官吏
犯贓者勿赦六年令京官三十月一考考陞一等
外官三歲一考考陞一階勅按察司廉察有司官
七年汰北方府州縣官三百八人增公侯伯都督
丞相御史大夫等官祿有差八年增尚書行省參
政公田祿各百石十年制賜百官公田租支祿俸



初給典史俸有差是年併省州縣十一年命考績殿最分三等稱職無過爲上賜坐宴有過稱職中宴而不坐有過不職下不預宴叙立於門宴者出然後退廣西布政使臧哲母憂去賜米鈔令喪去官並有賜十二年著令給丁憂官俸有差十三年置判祥司頒臣戒錄上既誅胡丞相命儒士纂歷代侯王宗戚文武宦官悖逆不道者凡二百十二人爲是錄云詔復京官家勅守令恤民十四年詔有司遣替閑釋放官赴京叙用定考覈殿最法禁有司差遣學官十五年賜六部尚書馬十六年

廣東布政司請慶賀班秩上曰禮行於藩司班以秩叙十七年吏部尚書俞焮上更定吏員資格申薦冒濫考課失實之禁焮上考績法著爲令令方面勿侵郡縣之職十九年選應天諸府富民子弟補吏凡千四百人二十年選南方學官有學行者教北方二十四年賜有司方面官馬諭兵部試尚書茹瑄曰布按二司官方面重臣府州縣官民之師帥跨驢出入非所以示民或假馬部民因被浸潤不能舉職甚乖治體其官爲市馬司二十四府半之州縣又半之馬一率十戶食之歲一更定



儒學訓導位雜職上二十五年頒醒食簡要錄

上以中外文武百司職名沿革品秩崇卑勲階陞轉俸祿損益歷年屢更無以示威志於後世命侍臣重定其制頒天下二十六年頒諸司職掌定學官考課法初命儒學訓導冠帶上名吏部附選貼黃頒世臣總錄二十八年頒 祖訓條章勅禮部有言改祖法者以奸臣論無赦是年罷百官朝參賜食二十九年始定外官三年一朝親三十年頒爲政要錄三十一年定吏員出身資格建文中更官制 文皇盡復故惟存大理寺 仁宗即位之

歲命吏兵二部尚書蹇義李慶書都布按三司官姓名履歷於武英殿西序曰 皇考嘗善中外官姓名於武英殿南廊便覽觀也宣德五年五月令追奪賊官誥勅七年大學士張瑛乞增南北兩京七品以下官俸正統元年副都御史吳訥言洪武間京官俸全支後因營造減省遂爲例近來小官多不能贍如廣西道御史劉準由進士授官月支俸米一石五斗不能養其母妻子女貸同道御史王裕等刑部主事廖讓等俸米三十餘石去年病死竟負無還乞下廷議增俸國初阜隸力役當是

TIFFEN Color Control Patches

ColorChecker Blue Cyan Green Yellow Red Magenta White Black

時百官俸全支已乃折鈔鈔法不行小臣不能給
遂有柴薪之名徵其銀月一兩宣德中都御史顧
佐以柴薪事被訐上問楊士奇對曰京官月俸
一石薪炭馬芻成資卑隸遺半取直籍其用彼得
歸耕人情爲便京官皆然臣亦然自是遂爲例選
撫官者永樂間設於要害處洪熙宣德初年添設
漸多用都御史侍郎通政卿丞景泰中悉用都御
史參贊軍務者始於洪熙元年以武臣疎於文墨
選方面官於各總兵處整理文書商確機密遂名
參贊參謀軍務總督邊儲景泰中大同參政丹陽

沈園宣府參政皇山劉璉山東參議會稽周願廣
西副使劉紹如劉清華又以郎中給事中稱參贊
軍務也景泰元年御史張子初等言洪武永樂間
方面郡守缺聽吏部推訪內外官賢能而又久於
其任者請授御史有缺從吏部於進士監生中選
用宣德中始有會官舉保之例行之既久奔競成
風所舉非人况御史若從大臣舉保得任大臣有
過彼必銜口塞舌而不言大臣有腐彼必俯首帖
耳以聽命願停保舉之新例而復洪武永樂之舊
制下禮部會議僉曰御史言是制曰可御史練綱



亦以爲言三年冬吏部尚書王直何文淵言洪武
永樂間銓選專隸吏部宣德正統以來始令大臣
舉保景泰初御史陳綱等言保官徇私廷議奏免
仍歸吏部今綱等又言吏部選授私姪請復行保
舉臣等謹議上繼今方面府正員缺吏部具奏移
下部列曰限期方面郡守得人共安養天民令
大、才保吏部推選已乃彼此相蒙官不得人民
其奈何今後惟布政使按察使缺令三品上官會
保餘還吏部訪求未幾吏科都給事中林聰復以

爲首者爲令四年御史左縣言國初建官有常近
年因事添設甚至一部有兩尚書而爲侍郎者倍
於原額爲都御史者率以數十計在外添設撫民
管屯等官如河南奏議二員今則添而爲四僉事
三員今則增而爲七若夫巡撫鎮守之官則尤有
可言者方岳各司十餘人不爲少矣每歲又差御
史巡視立法可謂詳矣不擇方面以責成不選御
史以督察乃復設官以巡撫鎮守今之巡撫鎮守
性性多出於方面御史則今之方面御史蓋亦他
日之巡撫鎮守也豈有爲方面御史則合衆人之

長而不足爲巡撫鎮守則任一人之智而有餘耶
乞將內外官凡非洪武之舊者參酌裁罷庶民力
可紓困用可省委任專而事功可立七年春令吏
員冠帶引入內府會官考試成化中太監張敏死
姪太常寺丞苗傾貲獻上乞侍郎 上曰苗本由
承差若侍郎六部執政不可可授南京三品左右
急持官制請 上竟得南京通政使是時四方白
丁錢虜商販技藝華職之流以及士夫子弟率資
緣近侍內臣進獻珍玩輒得賜太常少卿通政寺
丞郎署中書司務序班不復由吏部謂之傳奉官

至於閹老之子若孫甫髫髻已授中書冠帶牙牌
支俸給隸但不署事朝參大抵多出於梁方之門
弘治間馬文升言京官額一千二百餘人今傳奉
官八百餘人內實支薪俸者九十一人冗官莫甚
於今日請因災汰罷正德間亦有附權倖得文階
者嘉靖初盡革諸傳陞乞陞官嘉靖八年又裁冗
官二千員近日南京六部正貳卿往往停推土木
之役起匠人而官至九卿者諸富人貴游子猾吏
竄名營建籍中得官者不啻幾千人

洪武二年令功臣子弟入學初製鐵券三年存恤



先鋒府十元帥府戰沒將校家定五等勳爵定武臣世襲之制四年禮官崔亮定外官慶賀禮以武臣為班首五年申定武選法作鐵榜申戒公侯六年定教練軍士律是歲計武官一萬二千九百八十八人九年擢功臣子耿璠等一百四人為散騎舍人十一年遷武臣子弟入國子學讀書十四年令公侯武臣皆遣子弟入國子學受業二十一年頒武臣大詔又頒八條勅諭武臣又頒武臣訓戒錄又賜武臣保身勅二十二年禁武臣預民事二十三年賜公侯伯屯戍百戶二十六年頒稽制錄於

諸功臣二十九年大齊致任武臣各陞一級銓於其肅大同北平大寧遼東諸衛所凡千五百人永樂元年冬定軍功襲替例自後洪武永樂宣德年軍職絕不論堂兄弟姪並襲成化十七年以都御史何喬新言凡軍職絕非立功人子孫不得襲弘治十八年又稍許立功人親姪孫已襲者得沿襲正德十四年兵部尚書王瓊又請堂兄弟姪並得襲十六年兵部尚書彭澤言瓊議非是復不許襲會兵部火羣失職者流言得復襲嘉靖十年兵部尚書王憲曰不可稍酌議立功人絕同時親弟姪



得蒙其姪孫以下及堂兄弟姪除親祖例前相沿人自立有軍功者扣蒙其無功姪孫以下至堂兄弟姪等及沿蒙後別無立功者不許蒙旁子孫輩職者俱叙總旗天庖成化及弘治初年錦衣指揮門達表斌朱驥等提督緝捕每至十年或十一年方一類奏下兵部定議陞賞陞者不過五七人多止十人賞或以布絹鈔錠無功者撻而斥之已而有孛獲妖言陞蒙一輩之例於是人競貪功肆行羅織弘治十八年特詔嚴禁正德元年錦衣指揮趙鑑葉廣東廠太監王岳鄭旺一時更代不及

數月官校四奏陞賞正德二年又復類奏已而奸倖相繼用事廠衛無賴之徒鱗集議附辦事之員日增獲功之奏漸數始則三年一奏或二年一奏後至一年一奏或一年兩奏遂有年終類奏之名往往以妖言為首張皇賊狀無非倚撫之詞連署姓名不辨獲功之數含糊奏請朦朧擬陞奏一人則陞一人奏百人則陞百人市井庸流立升朝籍權門廝役驟至顯融且其假種妖書陰為陷竄買同番子誣執平民加以酷法慘刑煨煉成獄凡經廠衛奏送法司莫敢平反弘治元年 孝宗有孛

獲妖言不陞止照成化十四年例給賞之旨今一切梳寢矣大抵正德年間軍功冒濫其弊有三秦帶越額也紀驗失實也選法變亂也以故寧夏陝西其涼大同應州雲貴江西湖廣山東河南虜賊之役陞擢極濫嘉靖改元詔革罷凡三千一百九十九人而在外者又倍之殆不止於厥衛也若乃流官不許世業著職止加實授今則流官以流得業著職以署選陞甚至納粟虛銜遂以軍功累授已而諸所革者往往得復官矣

皇明百官述卷下

萬曆己亥孫心材重校






2025 DEC 23 NATIONAL CENTRAL LIBRARY, TAIWAN, R.O.C.



ST 2000 NATIONAL CENTRAL LIBRARY TAIPEI, R.O.C.





202047 NATIONAL CENTRAL LIBRARY, TAIWAN, R.O.C.

202047 421



皇朝四夷考序

四夷何以首安南也我郡縣也次兀良哈何我武
衛也哈密女直非歟羈縻之虜非我官長也兀良
哈之有三衛以靖難歟非也大寧之北有三衛也
蓋自洪武始也其南據大寧也乃自永樂始也將
復交趾而收大寧乎都統之議夷且啜我葦蘭台
以疑髮乎我裘矣棄哈密而撫女直乎哈密罷我
河西女直扞我遼東也土番入哈密而嘉峪不驚
胡虜通女直而山海弗靖矣朝鮮何以次兀良哈
也知禮教也大國也琉球小夷何以次朝鮮也學



于中國也何以終韃靼也非勦寇乎我勝國也盛衰之運中國有安危焉以故別考而存之戰守之畧可幾而得矣 高皇何以有海外之使也更始也 成祖西洋之艦不已勞乎鄭和之泛海與胡濙之頒書也國有大疑焉爾羌三王胡四王我屢屢焉西番五王世優之何也不能爲我深創也苟因俗而治之得相安焉可矣西域何以不得浮南海也王公設險假樹桑焉如之何使其縱橫出入幾徧宇內也海島之夷勤我封使往來之禮歟夷不言往來往來言諸侯也四夷來王八蠻通道未

聞有報使焉然則領封可乎奚爲而不可也陪臣請命于京師王人致命于海上非往來乎嗚呼均覆載者天德也辨華夷者王道也昔也外夷入中華今也華人入外夷也喜寧田小兒宋素卿莫登瀛皆我華人雲中閩浙憂未艾也是故慎封守者非直禦外侮亦以固內防也池魚故淵飛鳥舊林人情獨不然乎彼其忍於捐墳墓父母妻子鄉井而從異類者必有大不得已也嗚呼德惟善政政在養民盍亦反其本矣不然而欲郡縣我子弟武衛我干城烏可得哉



嘉靖甲子三月朔日鄭曉議

皇明四夷考目錄

上卷

安南

兀良哈

朝鮮

琉球

女直

三佛齊

占城

日本

真臘

暹羅

蘇門答剌

瓜哇

下卷

古俚

淳泥

滿刺加

榜葛刺


錫蘭山

蘇祿

柯枝

祖法兒

溜山



南泥里

黎伐

哈密

赤斤蒙古

安定阿端

曲先

罕東

撒馬兒罕

天方

迭里

渴石

養夷

達失干

卜花兒

土魯番

黑婁

鹽澤

哈烈

默德那

俺都淮

八刺黑

于闐

火州

別失八里

魯陳

沙鹿海牙

賽藍

哈失哈

亦力把力

阿丹

白葛達

呵哇

瑣里

西洋瑣里

彭亨

百花

婆羅

阿魯

小葛蘭

拂菻

古里班卒

呂宋

合猶里

碟里

打回

日羅夏治

忽魯母思

忽魯謨斯

甘巴里

麻林

古麻刺

沼納撲兒

加異勒

吃力麻兒

失刺思


納失者罕

亦思把罕耳

白松虎兒

答兒密

淡巴



拜把里

黑葛達

敏真誠

八答黑商

覽邦

火刺札

討來思

阿速

沙哈魯

西番

鞑靼

皇明四夷考目錄終

皇明四夷考上卷

吾學編第

海鹽鄭曉

皇明祖訓曰四方諸夷皆限山海隔僻在一隅得其地不足以供賦得其民不足以供役若其自不揣量來擾我邊則彼為不祥彼既不為中國患而我與兵輕伐亦不祥也吾恐後世子孫倚中國富強貪一時戰功無故與兵致傷人命切記不可但胡戎與西北邊境互相密邇累世戰爭必選將練兵時謹備之不征諸夷東北朝鮮

即高麗其李仁人及子成桂今名也者自洪武六年至二十八年正東偏北日本

詳首尾凡載王氏四王始待之



實詐通奸臣朝正南偏東大琉球朝貢不明
謂謀為不軌故絕之王子及陪
臣之子吞入太學不通往來西南安南
論者體作是厚小琉球不曾朝貢
一真臘朝貢如暹羅占城自古城以下諸
前多論許故阻之自洪武八年蘇門答刺南洋
飛至十二方乃得止因家
瓜哇居海彭亨居海百花居海三佛齊居海淳泥

洪武四年九月

上御奉天門諭省府臺臣曰海

外夷國為患中國者不得不討不為中國患者不
可輒用兵古人言地廣非久安之計民勞乃易變
之源隋煬帝妄興師旅征討琉球荼毒生民徒慕

虛名被中土載諸史冊為後世譏朕以諸小蠻夷
阻越山海不侵中國無煩用兵惟西北胡戎世為
中國患不可不謹備卿等記此言知朕意

洪武十五年命翰林侍講火原潔等編類華夷譯
語 上以前元素無文字發號施令但借高昌書

製蒙古字行天下乃命原潔與編修馬懿赤黑等
以華言譯其語凡天文地理人事物類服食器用
靡不具載復取元秘史參考以切其字諧其聲音
既成刊布自是使臣往來朔漢皆能得其情

凡四夷分十八所設通事六十人大通事有都督



都指揮等官統諸小通事總理貢夷降夷及歸正人夷情番字文書譯審奏聞

永樂七年遣太監鄭和王景弘侯顯率官兵二萬下西洋凡西洋功次卽非斬首選法不得減革十三年吏部員外郎陳誠上使西域記凡十七國

安南

安南唐虞時南交也秦爲象郡漢爲南越所據武帝平南越置交趾九真日南三郡朱梁時始上象曲承美者據之已而并于劉隱未幾官內大亂衆推豪酋丁部爲州帥部子建繼立宋旣平楛表建

遂內附黎桓篡丁氏李公蘊又篡黎氏陳日叟又篡李氏宋以遠夷故置不問相繼皆封爲交趾郡王元朝兼有華夷至憲宗遣將破其國而日叟竄居海島弱不能支始歸附元封其子光嵩爲安南國王光嵩死子日烜自立元發兵破之日烜卒子日燾遣使朝貢元末天下大亂安南不至明興削平羣盜驅逐胡元洪武元年登極詔諭薄海內外日燾大懼又聞征南將軍廖永忠副將軍朱亮祖帥師逾嶺降何真定廣東西日燾欲納款又以梁王尚在雲南持兩端二年始遣其少中大夫同時

欽正大夫段悌黎安世等來朝貢請封遣侍讀學士張以寧典簿牛諒封日燧爲安南國王賜駝紐塗金銀印以寧等至安南界日燧已卒其弟日燧嗣立遣阮汝亮迎請詰印以寧等不從日燧遣杜舜欽等請命于朝以寧駐安南候命詔封日燧爲王是年遣翰林編修羅復仁兵部主事張福詔諭安南占城國王各罷兵息民皆聽命三年日燧卒封其子日鑑嗣王五年陳叔明遣人朝貢却不受明年又遣人納貢謝罪請封當是時燧嗣王叔明者燧兄也專國政十二年燧遣使來貢 上惡其

疆悍數侵占城詔諭叔明二十年燧遣使貢質聖壽二十一年國相黎季犛廢其主燧幽大陽坊尋弑燧立叔明子日焜主國事二十二年又弑日焜假燧名遣人來貢二十六年遣禮部尚書任亨太監察御史嚴震直諭令出兵討龍州趙宗壽二十七年遣人朝貢却不受二十九年遣行人陳誠呂讓諭令還思明伍縣不聽陳氏傳十二世至日焜而黎氏篡立僭稱皇帝國號大虞紀元天聖永樂初季犛上表竄姓名爲胡一元子蒼易名奎詐稱陳氏絕奎爲陳氏錫求權著國事朝廷從其請逾

年陳王孫添平走至京言季犛弒季犛詐上表
請迎添平歸還以國上遣行人聶聰送添平歸
國勅征南副將軍黃中呂毅率兵禦之季犛伏兵
芹站殺添平及我使人上怒永樂四年七月辛
卯以成國公能爲征夷將軍總兵官西平侯晟新
城侯輔左右副將軍豐城侯彬雲陽伯旭左右參
將大將軍率右副將軍右參將及清遠伯友統神
機將軍程寬朱貴遊擊將軍毛八丹朱慶王恕等
橫海將軍魯麟王玉商鵬鷹揚將軍呂毅朱吳江
浩方政驃騎將軍朱榮金銘吳旺劉塔等二十五

將軍以兩京畿州湖閩浙廣東西兵出廣西憑祥
左副將軍左參將統都指揮陳磨盧旺等以巴蜀
建昌雲貴兵出雲南蒙自兵部尚書劉儒恭贊戎
務尚書黃福大理寺卿陳洽轉餉是日上幸龍江
禱祭母衆曰黎賊父子必獲無赦脅從必釋母養
亂母玩寇母毀廬墓母害稼穡母恣取貨財母掠
人妻女母殺降有一於此雖功不宥毋冒險肆行
毋貪利輕進罪人旣得即擇立陳氏子孫賢者撫
治一方班師告廟揚功名於無窮其往勉之時屢
鎮雲南先遣彬以征夷副將軍印制授屢十月輔

四州考 卷之二
兵度坡壘關傳徵數募賊二十罪遂入雞陵關晟
兵至白鶴江賊拒守富良江能卒以輔爲征夷將
軍代能十二月勅行人朱勅諭黎賊晟兵奪宜江
進次沱江輔兵渡沱江合兵渡富良江進克多邦
城焚賊西都賊走入海輔駐兵交州晟追賊至木
九江五年正月輔晟合兵破等江柵賊走闕海口
敗之富良江五月賊走又安都督僉事柳升率舟
師追賊敗之得賊船三百賊遁且入海輔晟乘勝
追之引兵出奇羅海口賊敗卒王榮胡等七人
擒李攀李保等十人擒其子澄安南人武如卿等

偽大虞皇帝蒼偽太子苗偽將相王侯柱國黎李
範等詔求陳氏後復立爲安南國王國人言黎賊
殘陳氏無後乃郡縣其地立交趾布政使司都指
樞使司按察司分十七府曰交州北江諒江三江
建平新安建昌奉化清化宣化大原鎮蠻諒山新
平又安順化升華四十七州一百五十七縣衛十
一所三市船司一政鷄陵關爲鎮夷關安撫人民
三百二十萬獲蠻人二百八萬七千五百糧儲一
千三百六十萬石象馬牛十三萬五千九百船八
千七百軍器二千五千三萬九千勅黃尚書兼掌

TIFEN Color Control Patches

ColorChecker by Munsell Color Services Lab

Blue

Cyan

Green

Yellow

Red

Magenta

White

3Color

Black

布按二司事勅輔展僞交趾應有懷才抱德山林
隱逸明經能文博學有才賢良方正孝悌力田聰
明正直廉能幹濟練達吏事精通書算明習兵法
武藝智謀容貌魁偉語言便利膂力勇敢陰陽術
數藝醫方技之人悉心訪求禮送京師擢用九月
輔遣升露布獻俘李攀蒼及僞將相下獄赦澄芮
等令有司衣食之陞柴胡等指揮使僉事千戶是
冬贈故安南國王陳氏子孫七人官六年七月進
封輔爲英國公晟黔國公封升安遠伯八月交人
簡定鄧悉反以晟爲征夷將軍帥師討之僞仍參

贊十二月晟與賊簡定戰於生厭江敗績僞都督
呂毅交趾參政劉昱皆沒七年二月勅輔總兵討
賊言晟出師失律致賊猖獗今聞鄧悉死而八百
媳婦老媪猶供饋者何人賊云有象五萬又謂我
將帥皆易與宜戒慎同心協力早滅此賊五月簡
定稱上皇立陳李擴爲大越皇帝改元重光八月
輔敗賊于鹹子關九月又敗之太平海口十月李
擴稱故王後請封輔不聽進兵至清化十一月輔
獲簡定及其僞將相八年正月召輔還令展節制
諸軍簡定攜至京伏誅十二月李擴人上表請降

遺方通政諭李權以爲交趾右布政使又以其黨
陳原博爲參政胡具澄景異鄧鏞都指揮潘季祐
按察副使是月李擴景異復反九年正月以輔爲
征虜副將軍總兵會征夾將軍晟率師討之二月
詔赦交趾七月輔晟敗賊于月常江十一月輔率
舟師破賊于海上十年八月又破賊于神投海口
十月又破賊西心江十一年十二月輔晟會兵敗
賊于愛子江擒季擴十二年八月權至京伏誅十
三年四月以輔爲征夷將軍總兵鎮交趾十四年
十一月召輔還豐城侯彬代輔十六年正月清化

土官巡檢黎利反侯彬遣都督朱廣往勦之利初
從季擴爲金吾將軍已而來降令爲土巡檢輔還
遂反稱平定王以弟黎石爲相因段莽都督聚賊
衆范柳范晏等肆出劫掠廣兵至斬首六百擒晏
利遁去彬請就交趾戮晏等以徇七月交趾右布
政使莫助及交州知府杜希望令縣丞黎獻率家
人五百力役北京十七年巡按御史黃宗載言交
趾新入版圖勞未尤在得人今府州縣多兩廣雲
南歲貢生及下第舉人未入國學乞仕遠方遂授
以職既乏大學教養之素又非諸司歷試之才以

四庫全書 卷一百一十五
故牧民者不知撫字理刑者不諳法律若候九年黜陟廢弛益多宜令到任二年以上者從巡按御史及布按二司嚴覈其廉汙能否上狀黜陟從之十八年五月勅彬叛寇黎利潘僚車三農文歷等迄今未獲未審兵何時得息民何時得安宜畫心畫方略早滅此賊交趾叅政侯保馮貴討賊戰死十九年五月彬請屯田九月彬言利奔老撾我進兵討捕老撾輒遣頭目覓著郎阻我兵勿入境云即發兵象大索利逃軍門久之竟不獲利上曰老撾匪賊持兩端令彬遣頭目至京詰之是冬

敕利以爲清化知府遣內官山壽諭利二十二年仁宗即位召福還以洽爲兵部尚書代福是冬交趾叅將保定侯瑛榮昌伯智言壽未至利復反攻大理寺卿楊時習爲按察使以弋謙爲布政使內官馬騏自交趾召還未幾矯旨下內閣書勅復往交趾開辦金銀珠香內閣覆請上正色曰朕安得有此言此奴曩在交趾荼毒軍民卿等獨不聞乎自騏召還交人如解倒懸豈可再遣然亦不誅騏也洪熙元年二月以智爲征夷副將軍總兵討利六月宣宗即位七月命行在兵部侍郎戴綸

副治贊理智軍務八月賊阮可郎等伏誅十一月
勅智及安平伯安都督方政及三司賊利包藏禍
心已非一日始若易取誤信人言惟事招撫迄今
八年終不聽命忠臣羅害良民被毒其誰之過智
等其急進兵務協和成功來春不捷論罪是月

上欲棄交趾問英國公輔尚書義原吉皆曰不可
棄間內閣士奇榮皆頓首稱善宣德元年三月智
政兵討利進至茶籠州敗績四月以成山侯通爲
征夷將軍總兵都督馬瑛參將討賊尚書洽仍贊
參軍務安平伯安掌交趾都司事副智政官爵五

月敕交趾十一月通擊賊敗績十二月賊攻清化
州不利引去以安遠侯升爲征虜副將軍總兵保
定伯銘左副總兵都督崔聚右參將由廣西黔國
公晟爲征南將軍總兵興安伯亨左副總兵新寧
伯忠右副總兵由雲南率兵兩道討賊兵部尚書
李慶參贊軍務工部尚書兼詹事黃福仍掌交趾
布按二司事勅通守城練兵侯升等至進兵二年
正月 上念久用兵勞費又問大臣士奇榮力贊
上止兵棄交趾便利攻交趾城通等出戰敗之斬
偽司徒司空太尉少尉太監黎笏等四月利陷昌

江通欽兵不出賊書與通請和通遂許清化諸州
地與賊遣指揮關忠與利所遣人上表貢方物七
月賊破隘留關圍丘溫鎮遠侯興祖擁兵南寧不
肯援城陷遣興祖九月升等師至隘留關利遣人
詣軍門上書言窮迫乞罷兵立陳氏後升易賊賊
伏四起升中鏢死是日銘病卒明日慶亦卒聚兵
亦敗諸將兵皆阻賊不得進十月遁出下哨河立
壇與利盟約退師且宴利遺利金織文綺利亦以
重寶謝迺是月忠及利所遣人至京表以陳嵩爲
名實出利 上覽表示羣臣曰賊表乞復立陳氏

後從之便抑不從便群臣以內閣主議故皆曰從
之便 上曰然十一月以行在禮部侍郎李琦工
部侍郎羅汝敬文正使通政黃驥鴻臚卿徐永達
副使詔諭安南言利表言前國王遣嗣嵩尚在老
越國人乞封嵩王永奉職貢頭目耆老其以實對
朕即遣使授封朝貢如洪武故事又勅通等即日
班師內外鎮守三司衛所府州縣文武吏士携家
來歸三年正月通馳奉僞王陳嵩遺黎少頡未貢
代身金銀人謝罪并送我叛人都督都指揮蔡福
等還京乞班師臣兵寡援絕人情警懼賊控據水

陸陷寧城池臣與衆議不如因其納貢請降全師
出境再圖後舉臣已率將士還至南寧俟命 上
覽奏勅通虧損臣節遣笑蠻方如國體何三月少
頴至京表稱安南國先陳王臣頊三世嫡孫臣曷
及頭目臣黎利云四月通至京群臣劾通及瑛智
安政布政使弋謙內官山壽馬馴等下廷鞫言通
等失律喪師棄地壽曲護叛賊騏激變藩方論死
繫詔獄籍其家瑛等坐罪有差與祖亦下詔獄五
月琦汝敬等還利遣人表謝言曷會病卒族人並
絕國中推利守國候命汝敬永達復奉詔諭利及

耆老訪陳後問群臣又劾晟亨忠奉命與升荷角
進兵領運逾逾時方臨賊境與升等聲聞斷絕賊
得專力拒我及聞升陷沒又不進援通等輒狼狽
引退爲賊所乘殺傷吏士委棄鎧杖賊勢益橫城
池失守乞亟正邦刑 上曲赦晟令臺中緘劾章
示晟亨忠俟還京論罪贈交趾死節都指揮李任
指揮顧福劉順徐騏周安千戶蔡順桂勝知府劉
子輔易先知州何忠內官馮智等官武官世職文
官復其家誅叛臣蔡福等籍其家四年二月汝敬
等還利遣人貢方物三月遣琦永達行人張聰勅

論利三月琦等還利遣人貢金銀鈔器方物并上
國人奏言陳氏無後利撫綏有方得民心乞令官
攝水爲藩臣奉職貢六年五月利遣人陳情謝罪
貢方物六月遣行在禮部侍郎章敞通政徐琦詔
利權署安南國事七年二月敞等還利遣人貢謝
八年八月利遣人入貢九年三月廣西總兵山雲
言利死長子狂妄次子幼弱姦臣黎問黎察構黨
相讐殺吏民驚懼諒山土官阮世寧七源土官阮
公廷率衆避難來歸願居廣西龍州及太平府上
下凍州初雲利本起微賤因奏立高從人望朕志

在息民遂詔罷兵徐議立高利運奉高死高之死
利所爲也朝廷即欲問罪不忍毒民令權署國事
多行不義爲天所殛爾戒飭邊兵嚴謹守備勿忽
世寧公廷可善撫之四月琦等還言利死利子麟
遣人告喪獻金人方物五月遣行人郭濟朱弼祭
利十月麟令人上表請命遣敵及行人侯選諭麟
仍權署安南國事十二月欽州貼漢如昔人叛降
麟正統中麟卒子濬嗣天順中濬被策第瀕嗣弘
治中瀨卒長子暉先卒子誼嗣正德初誼被塞國
人請以瀨庶子嗣嗣 朝廷登極改元遣使詔諭

交首亦教遣使朝貢然時南侵占城占城上聞諭禁之輒陽聽命侵盜如故已而中國人多潛入交南至有受僞御史者教之窺伺雲南太監錢能貪殘令京衛指揮郭景矯奉勅旨往來交南猾吏奸闖出入莫敢誰何遂誘我逃逃覘我虛實鎮南關外類多華人而臨安諸郡所在有夷賊矣於是撫臣屢請增置文武吏士控制彈壓然交人侵奪欽州里社我亦不能禁是時朝弱懦無爲境內盜起羣下專權虐政暴狂人不堪命正德十年明遣阮仲達朝貢是年陳萬作亂殺明奸首莫登庸及

其子方濂結黎義昭等共推暹從子憲嗣而討殺陳萬嘉靖改元遣使詔諭暹朝且死七年矣謫不請封輒改元光紹嵩父子亦據諒山等府樞王改元天應莫登庸妻顏妻逼謫走海濱使命不能達而還當是時登庸遂與陳氏分據交地杜溫閩鄭綬不肯從登庸已而謫死登庸又曰濼有子應謫第也矯立應相拒交人曰濼死久矣應本登庸子諱同母弟也嘉靖初田州岑猛叛兩廣總督姚鏞計鴆殺之謂岑氏可遂滅疏請設流官治田州而盧蘇王受諸孽輒通交南流言搖惑滇嶺間人鑠

TIFFEN Color Control Patches



被論落職桂夢初摺用言提督兩廣非新建伯王
守仁不可遂起新建伯兼兵部尚書總制兩廣江
湖諸省軍務新建伯至嶺南始知流官不可設請
復官猛子邦相爲田州判官盧蘇亦與土巡檢鬪
糜之尋新建伯病謂翁萬達曰田州事非我本心
後世誰諒我者新建伯初起用皆夢之力夢議禮
致位卿輔欲立奇功會安南有亂冀可傳檄取之
乃陰以意寓書授新建伯若專爲思田者使密探
安南要領而新建伯不答直於奏尾稍及之夢遂
恚憾會新建伯卒竟中傷擊世爵及郵典云嘉靖

十五年袁沖太子生頌詔諸夷禮官言安南久不
廷不必遣使請發兵討之下廷議諸大臣不可勅
錦衣衛官使安南察之已而又遣禮部尚書黃綰
翰林學士張治使安南時車駕巡承天綰治行有
日又復止兩廣守臣言安南莫氏篡逆國內大亂
時出侵掠遂命兵部尚書毛伯溫至廣東議方畧
進兵討莫氏會莫氏請命嶺南知府廉州張岳檣
州翁萬達廣州鄒守愚及巡撫諸臣亦不欲用兵
騷動數省條議上伯溫請赦莫氏以爲安南都統
使會登庸死伯溫請以制命授其孫福海嘉靖二

TIFFEN Color Control Patches

Blue Cyan Green Yellow Red Magenta White 3-Color Black

十年六月班師論功進秩賞賚有差未幾福海復
為黎寧所逐黎氏仍據國莫氏窟居南海島上朝
廷置不問交趾東起欽州西歷左江北至臨安元
江龍州其孔道憑祥其要害也由臨安經蒙自河
蓮花灘至其東都可四五日其俗夷獠雜居不知
禮義儻悍喜鬪不解耕種椎髻剪髮好浴善水平
居不冠惟交愛人個備好謀驩人淳秀好學其
山川佛跡勾漏海富良江為大產金珠珊瑚玳瑁
丹珠諸香蘇合油胡椒羚羊角犀象兒白鹿猩猩
佛佛白翅翡翠蟒蛇蠟子墜鑿波羅蜜烏木蘇木

境內有越王城天使館浪泊柱銅鼓

兀良哈

兀良哈在烏龍江南漁陽塞北春秋時山戎地元
為大寧路戶四萬六千口四十四萬八千國初割
錦義建利諸州隸遼東設都司於惠州領管興衛
二十餘衛所謂北平行都司也洪武十四年封
子權於大寧為寧王二十二年分兀良哈為三衛
於橫水之北曰朵顏曰福餘曰大寧處降胡以脫
營忽察兒海撒男奚阿札失里為三衛指揮使同
知並邊為我藩籬靖難初首劫大寧兵及召兀良

Color Control Patches

Blue Cyan Green Yellow Red Magenta White Black

3.0 Color Black

哈諸酋率部落從行有功遂以大寧昇三衛寧王
移封南昌徙行都司於保定爲大寧都司令三衛
歲二貢貢衛百人東起廣寧前屯歷喜峰近宣府
爲朵顏自黃泥窪逾瀋陽鐵嶺至開原爲福餘由
錦義度遼河至白雲山爲大寧皆逐水草無恒居
三衛朵顏最强分地又最險永樂中最親附宣德
時嘗入漁陽塞 上率諸將出喜峰關敗諸虜于
寬河誅其大酋自後稍馴順正統中又叛侵盜東
北關諸寨索鹽米賞賜而已以故喜峰密雲間有
都指揮或都督鎮守驗貢夾已已福餘大寧結也

先爲也先鄉道朵顏獨扼險不肯從也先至不能
入塞不得利大掠福餘大寧人畜去始勅都御史
鄒來學經畧已而設太監恭將又設總兵景泰四
年守臣言兀良哈貢使往來不絕爲瓦剌間謀詔
自後使至伴二三人入京餘不得輒入關成化四
年與北虜毛里孩通侵天城遣都督李鐸誥之十
二年通亂加思蘭謀寇遼東勅邊臣備之然亦未
敢大爲寇盜弘治中守臣楊友張瓊燒荒出塞掩
殺邊蠻迭起正德初部落旣蕃陽順陰逆累肆侵
盜朵顏都督花當求添貢其子把兒孫深入擄掠

Color Control Patches



勤樞結親迤北恐中國革蘭台者花當孫也兀良
哈朵顏爲大部朵顏花當爲貴種花當長子革列
李羅早死其弟把兒孫號勇十年把兒孫入馬蘭
谷塞殺衆將陳乾遣都督桂勇討之把兒孫遣社
禿等來言請入貢且獻馬贖殺乾罪又謾言射林
李羅幹兒路阿刺忽旦夕且糾諸部大舉入寇令
小失台呼扯禿等去我亦幸無事奏虜退班師未
幾入寇參將魏祥全軍覆沒時把兒孫殺方屢謀
奪適諸酋惡之不相附尋亦死花當種人皆附革
蘭台革蘭台貢馬遲之未請副番官也邊臣言上

兵部令譯部落後許貢革蘭台送入寇漁陽諸小
關堡皆殘破嘉靖十一年九月巡撫王大用欲通
朵顏與厚賂城其霧靈山不果是時首阿堆哈利
赤數入建昌喜峰太平諸塞殺掠人畜革蘭台又
乞陞官兵部言大用喜事請以毛伯溫代大用出
漁陽巡撫伯溫至鎮虜益盜邊邊人不得耕牧二
十年革蘭台挾北虜求添貢貢衛三百人不許諸
衛二百人又不許時時出沒塞下輒云結小王子
旦夕大舉入塞會俺答吉囊自大同深入大原不
得已許其補前貢失期者衛二百人二十一年丙

批胡守中侍郎兼憲職提督軍務撫勦守中檢險嗜利乾沒內帑金多又擅出塞盡伐遼金以來松木百萬自撤藩籬徧索富人嘗將領金錢言官劾守中論死西市廼撫徐嵩阿事守中削籍已而有發嵩乾沒庫金者逮順成二十二年叛人白通事道虜數侵我塞廼撫許論伏兵斬白通事論進官副都御史請告去朱方代論以請撤防秋兵太早爲虜所掠逮至京杖死闕下職方郎中韓蔚亦杖死方清勁最端諒皆有才識死非其罪也二十五年虜大入塞明年北虜道兀良哈入寇遼東兀良

哈又結海西建州夾出入遼東西塞下

朝鮮

朝鮮周封箕子國也秦遼東外徼漢初爲燕衛滿所據武帝取爲真番臨屯樂浪玄菟四郡漢末爲公孫氏所據魏滅公孫晉并於高麗高麗本扶餘別種王高麗居平壤即樂浪已而東徙鴨綠江東南千餘里後唐時王建代高氏并有新羅百濟又徙東松岳以平壤爲西京子孫遣使朝貢宋遼金歷四百餘年元至元中西京內屬置東寧總管府洪武二年王王顛表賀即位遣符寶郎僕斯賜金

TIFFEN Color Control Patches



印誥命大統曆金綺封爲高麗國王并賜王母妃
相國諸陪臣文幣五年王頴遣其禮部尚書吳季
南民部尚書子溫表貢方物表言暹羅國恃其險
遠不奉朝貢蒙古人留居其國宜徙之蘭秀山通
逃所聚亦恐爲寇患乞發兵討之賜璽書言暹羅
隸爾國蒙古亦人類蘭秀山通冠示以朕詔一呼
可至勿用兵使十年以高麗貢使煩數遣故元樞
密使延安答里論意額遣門下贊成事姜仁裕表
謝貢方物 上令賀正旦使金濟及仁裕借還賜
王藥餌又諭中書省曰曩因高麗貢獻煩數遣延

安答里往諭朕意今一歲迭至困罷其民涉海險
遠如渠往使洪師範歸國覆溺幸有脫歸者言其
故否且致疑古諸侯事天子比年一小聘三年一
大聘若九州外遠番世一見而已貢物亦無過侈
高麗去中國稍近人知經史文物禮樂畧似中國
非他邦比宜今三年一聘或比年一聘貢物產布
十疋足矣丞相其以朕意諭王諸新附遠邦來朝
亦明告以朕意中書因使者還咨諭之十六年遣
使張伯崔泊來貢以違命却之令禮部諭王十七
年論遼東守臣絕高麗十八年國人立王禡爲王



禍貢布萬疋馬千匹謝是秋封禍爲高麗國王賜
其故王額證恭愍十九年請易冠服不許二十二
年國相李仁人刼囚禍而立其子昌爲王遣使姜
伯淮朝貢是年仁人子成桂廢昌而立定昌國院
君王瑤主國事二十四年瑤遣使朝貢又令其子
奕朝明年正月詔位尚書下是年令市高麗馬萬
匹索闖人二百二十五年成桂囚瑤及奕於其私
第自主國事是年知密直司事趙胖等以其國都
評議司奏至奏言恭愍王薨無嗣李仁人以他人
子禍主國事昏恭好殺謀侵遼東大將李成桂力

阻乃已禍自知負罪遜位於子昌國人弗順啓恭
愍王妃安氏擇立宗親定昌國院君王瑤權國事
及今四年昏迷信讒其子奕亦癡駭縱酒色與禍
黨玄禹實等謀復禍位守門下侍中鄭夢周曲附
王瑤謀害成桂及趙俊鄭道傳南閔等今年七月
國中臣民以安妃之命遜瑤於私第擇于宗親無
可立者舉推門下侍郎李成桂主國事 上曰朕
中國綱常所在列聖相傳守而不失高麗限山隔
海僻處東夷非我中國所治且事多隱曲不可據
信令禮部移文從其自爲聲教成桂更名旦徙居

TIFFEN Color Control Patches

ColorChecker by Munsell Color Services Lab
30 31 32 33 34 35 36 37 38 39 40 41 42 43 44 45 46 47 48 49 50
51 52 53 54 55 56 57 58 59 60 61 62 63 64 65 66 67 68 69 70 71 72 73 74 75 76 77 78 79 80
81 82 83 84 85 86 87 88 89 90 91 92 93 94 95 96 97 98 99 100
101 102 103 104 105 106 107 108 109 110 111 112 113 114 115 116 117 118 119 120
121 122 123 124 125 126 127 128 129 130 131 132 133 134 135 136 137 138 139 140
141 142 143 144 145 146 147 148 149 150
Blue Cyan Green Yellow Red Magenta White Black
S/Color Black

漢城遣使請更國號詔更號朝鮮旦遣使請印詔
上覽表惟曰不遜詰使者使者言表鄭集撰上
盡却方物索集旦懼送集至京安置雲南二十七
年今遼東絕朝鮮二十九年請印詔不許三十一
年府部請發兵討朝鮮不許旦老請子芳遠嗣旦
卒謚康獻永樂元年賜金印詔命冕服九章圭玉
佩玉列女傳春秋會通大學衍義通鑑綱目諸書
十七年芳遠老請子珣嗣芳遠卒謚恭定宣德初
賜珣五經四書性理大全通鑑綱目五年珣遣使
獻海青鷹使還賜王磁器論珣王國中多珍禽異

獸然朕所欲不在此後勿獻自後聖旦元旦皆使
朝貢王請封慶弔謝使來無常期朝廷有大政頒
詔其國及王請嗣封皆遣使正統間賜王遠遊冠
絳紗袍翼善冠龍袞玉帶景泰元年珣卒命子珣
嗣珣卒賜謚恭順命子弘驍嗣弘驍幼叔瑄以讓
位請七年封瑄爲王瑄後不知幾傳而娶立正德
元年娶卒謚康靖子愷立踰年而世子顛卒愷病
風遜其弟懌正德二年懌立十五年封子暗爲世
子嘉靖二十三年懌卒二十四年暗立未踰年卒
二十四年暗弟岷立三十六年封長子顛清爲世

TIFFEN Color Control Patches



子垣疏乞改 大明會典中所載成桂篡逆事從
之其國東西南濱海北鄰女直西北至鴨綠江東
西相距二千里南北四千里分八道統府州郡縣
俗柔謹知文字喜讀書崇釋尚鬼惡殺歲折風巾
服大袖衫男女相悅為婚死三年始葬飲食用俎
豆官吏間威儀居昔茅茨衣多麻苧以田制俸以
稅釀酒法無苛條刑不慘毒山川九都神嵩北岳
海鴨綠江為大產金銀鐵水晶鹽紬學布白礬紙
狼尾筆果下馬長尾雞貂納海豹皮八梢魚昆布
稅黍麻榛松人參茯苓

琉球

琉球在海東南自福建梅花所開洋順颶利舶七
日可至漢魏至唐宋不通中國隋嘗遣兵虜其男
女五千人元遣使招諭竟不從洪武初因分中山
山南山北稱三王遣使朝貢十五年賜中山王察
度山南王承宗鍍金銀印金幣使還言三王爭雄
相攻賜詔諭之并諭山北王怕死芝十六年賜山
北王印文綺王妃姪相寨官各有差二十五年中
山遣子姪及其陪臣子弟入國學 上喜禮遇獨
優賜閩人三十六姓善操舟者令往來朝貢永樂

二年察度卒詔封其世子武寧嗣王是年山南王承察度卒無子令其從弟汪應祖攝國事應祖使來請命如山北王故事諭塞尚書遣使賜應祖冠服嗣山南王九年中山王思紹令坤宜壘彌貢馬及方物以其長史程復來見表言長史王茂輔導有年乞陞國相兼長史事又言復本中國饒州人輔臣祖察度四十餘年不解于職今年八十有一乞令致仕還其鄉上從之陞復琉球國相兼左長史致仕還饒茂國相兼右長史景泰元年中山王尚思達遣人朝貢三王嗣封皆請於朝已而山

南山北爲中山所并中山遣使朝貢令三年一貢貢無過百五十人察度後五傳至高圓嗣王卒子尚真嗣嘉靖十一年尚真卒子尚清請嗣遣左給事中陳侃行人高澄以太宰祀真封清嗣王賜王妃冠服錦幣使臣疏言弘治正德時修誤羅倫等嘗使安南安南乞留詔勅爲鎮國之寶倫爲請得留即琉球請留如安南海外遠不得即請乞下禮官議議請如安南使至國投封王拜曰天朝詔勅燕金匱者八葉于茲矣請留使許之比還遣其王親寧吉長史蔡瀚上表謝使上使琉球錄言大明

TIFFEN Color Control Patches

Blue Cyan Green Yellow Red Magenta White 3-Color Black

一統志中載琉球有落漆王居壁下栗櫛骸非實
事杜氏通典集事淵海廣蟲錄星槎勝覽所述亦
皆傳者妄也乞下史館從之其俗以盈虛爲晦朔
以草木爲冬夏人皆去髭黥手羽冠毛衣無禮節
好剽掠既遣人學於國學夾習稍變本正朔設官
職被服冠裳陳奏章表著作篇什有華風焉今其
國中王下有王親不與政次法司官次祭度官司
刑名次邪霸港官司錢穀次耳目官司訪問皆土
官爲武職以上世及所轄地爲姓名其大夫長史
通事官司朝貢有定員爲文職皆三十六姓人及

學於國學者爲之王井日視朝且中晝凡三朝羣
臣搢手膜拜尊且親者入殿坐飲酒畢跪者移時
長跪階下歲元旦聖節長至君臣冠服拜龍亭祝
慶子爲親喪數月不肉食人死以中元前後日浴
尸溪水去腐肉取骨纏以布帛裹葦草埋土中王
及諸臣家匣骨藏山穴竅木爲小廟歲時祭掃啓
視之地無貨殖不通商賈朝貢乘大航海上漁鹽
泛小艇無竹筏信鬼畏精神以婦人爲尸號女巫
女巫之魁稱女君白日呼嘯聚輒數百人携枝戴
草騎步縱橫時入王宮宴遊御戲一唱百和音聲

悽惻倏忽往來莫可踪跡馮附注昏矯誣禍福王
及世子陪臣皆頓首拜跪王居山巖園門名歡會
府門漏刻殿門奉神朴素無金碧之飾賦法略如
井田王臣民各分土爲祿食上下無征歛有事一
取諸民事已卽已用刑甚嚴盜竊卽刑別家富貴
者瓦屋不逾二三楹餘皆茅土風雨飄搖以磔斃
嬰嬰無釜甑耕無鐵婦人嚙米爲酒男子煮海爲
鹽市用日本錢十當一如宋季鸞眼綆買人無貴
賤皆號健耐勞苦饑寒不知醫藥而無疾疫兵甲
堅利射可至二百步進止有金鼓鄰國視爲勅敵

然好爭鬪輒刃殺人度不能脫卽剖腹自斃其
山川龍鬣嶼澎湖島爲大或曰國西古米山有礁
甚險舟至輒敗卽落濬也產馬海巴牛皮磨刀石
硫黃銅錫扇山無猛獸以故多野馬牛豕鬮錢木
蘇木胡椒諸香非其產也又有小琉球近泉州閩
人言齊曰登鼓山可望而見入國朝未嘗朝貢或
曰并入琉球琉球旁有毗舍那者島中小夷鳥語
鬼形袒裸盱睢殆非人類不通中國

女直

女直古肅慎氏在混同江東東瀕海西接兀良哈

TIFFEN Color Control Patches



南部朝鮮北至奴兒干其地有長白山橫亘千里
高二百里巔上有潭周八十里南流爲鴨綠江北
爲混同混同江在開原城北千五百里又有松花
江在開原城東北千里黑龍江在開原城北二千
五百里與混同皆南入松花元設諸府路領混同
江南北水達達及女真人 明興遣人招諭永樂
九年春遣將將水軍駕巨艦至江上召集諸酋豪
餌以官賞於是東旺佟答剌哈王肇州瑄勝哥四
酋率衆降始設奴兒干都司以四酋爲都指揮賜
勅印又置衛所三百八十二官諸小酋爲指揮千

百戶鎮撫又有地面五十八站七寨一皆令三歲
朝貢官賞竊庶之又置馬市開原城通交易稍給
鹽米布賸諸酋豪使保塞不爲邊寇盜各路有水
陸城站自湯站東抵開原曰建州毛鄒海西野人
兀者皆有室廬建州最強開原北近松花江者曰
山夷又北抵黑龍江曰江夷亦有室廬江夷爲強
建州毛鄒本渤海氏遺孽喜耕種善緝紡飲食衣
服頗有華風海西有山夷即熟女直完顏餘種亦
務耕稼婦女喜金珠倚山作寨亦名山寨夾江夾
居黑龍江即生女直數與熟女直讐殺百十戰不



休諸夷皆善射馳獵好盜建州夷尤善治生其左右二衛最無賴江夷以北有阿哈婁得悍役自相雄長大抵東北諸夷建州處要害居中與諸夷勢聯絡相犄角五嶺喜昌石門險隘人騎不得成列虜人視爲咽喉永樂間關原降虜楊木答戶者率數百騎奔建州已而建州酋李滿住款塞求內附駐牧蘇子河日強盛靖難未久專事撫綏桀驁漸爲邊患一歲間入寇者九十七殺虜吏民十萬餘正統末附也先入塞侵遼東西景泰中諸酋多死也先之亂盡天賜勅諸子孫不得請官以舍人入

貢宴宴大減以故怨念思叛成化二年酋董山逃糾衆入寇三年武靖伯趙輔支總兵都督王瑛封忠爲副左都御史李秉督軍率漢番京邊官軍五萬討之山降送京師放歸廣寧輔東曰山不可宥請誅山九月分左軍出潭河柴河越石門土木河至分水嶺右軍由鴉鶻關喜昌口過鳳凰城黑松林摩天嶺至潑猪江中軍自撫順經薄刀山鮎魚嶺過五嶺度蘇子河至虎城期日會兵進勦朝鮮亦遣中樞府知事康純魚有沼南怡率兵萬人遇其東走我兵搆賊巢虜遁擒斬俘獲虜指揮若女

等千人班師指揮張額的里率妻子乞降朝廷憐而釋之明年留韓斌爲副總兵防守築撫順清河魏陽諸堡未幾諸夷憤欲報山堡相約入寇十四年入塞殺掠人畜無算延撫陳鉞掩降虜爲功又附太監汪直開邊隙出塞撲殺諸夷諸夷益恨我直俸用事李功陰爲鉞地要文升借行文升弗聽疾馳至鎮撫定黑鎖忒諸酋比直至虜已解散直大怒文升還奏文升妄啓邊釁謂女直建州諸虜皆以文升曩在鎮禁不與易農器故屢寇塞上遣

直及刑部尚書林聰即訊遼東報上盡如直言下文升詔獄文升言實禁鐵器非農器不聽竟誦戍重慶已而直敗賤內使南京鉞亦敗下詔獄文升得雪復官致仕正德八年海西加哈又叛嘉靖二十四年延撫於汝減賞物夷人大譁不能拊頤詐殺諸譯酋夷人大恨數入塞殺掠大德胡宗明代汝不能禦降浙江參議二十七年大虜通兀良哈諸女直入遼東代宗明延撫李珪又論罷遼東西大因產楛矢石弩赤玉真珠金麻布鹽馬黃狗虎羆狐狸海上有海豹驢羶豬羊狗野有野豬牛驢

TIFEN Color Control Patches

Blue Cyan Green Yellow Red Magenta White Black

貂鼠青鼠失刺孫好刺殊角殊角卽海象牙魴鮫
鯨睛海東青鷹鷄鴉鶴兔鶴歸鯉牛魚粟麥稔

三佛齊

三佛齊卽舊港又名浮淋在東南海中本南蠻別
種初隸瓜哇有地十五州東距瓜哇西距滿刺加
南距大山西北濱海番船輻輳多廣東漳泉人土
沃宜稼穡人好賭博習水戰服藥刀不能傷遇敵
敢死鄰國畏之水多土少將領得居陸民率架筏
水中架梁柱語言如瓜哇市用錢布字用梵書其
屬有單馬令凌牙斯蓬亞荖牙儂細蘭諸國洪武

初王恒麻沙那阿稱臣入貢四年遣玉的力馬罕
亦里麻思奉金字表朝貢賜大統曆文幣六年使
來貢八年使從我招諭拂菻十年恒麻沙那阿卒
賜王子麻那者巫里三佛齊國王印印駝鈕銀質
鍍金是時廣東有陳祖義者脫罪避居其國久之
得爲將領暴橫掠過客水寨中太監鄭和統海舶
下西洋至三佛齊有施進者祖義鄉人也訴于和
和擒殺祖義承制官進仍留舊港爲將領進沒女
嗣官產鴉頂火雞神鹿金銀水晶珠瑠璃珊瑚犀
角象牙龍腦諸香貓睛石薔薇水阿覲沒藥血結



鶴頂鳥大於鴨腦骨厚寸餘外黃內赤鮮麗可愛
火雞大於鶴頸足亦似鶴軟紅冠銳背毛如青羊
色爪甚利傷人腹致死食炭神鹿大如巨豕高可
三尺短毛豕喙蹄三趾

占城

占城古越裳秦林邑漢象林漢末區連殺據令自
稱林邑王遂不入版圖唐元和初改號占城宋淳
熙中義破真臘慶元中真臘復嘗俘殺幾盡更立
真臘人爲主洪武二年遣吳用頰宗魯暢載等使
占城瓜哇日本等國賜王璽書是年遣使蒲旦麻

都朝貢言安南侵境上遣使招諭安南罷兵是年
國主阿答阿者遣虎都蠻來朝貢虎象遣中書省
管勾其桓會同館副使路資賢封阿答阿者爲占
城國王賜大統曆金綺四年阿答阿者遣答班瓜
卜農奉金葉表朝貢言安南數侵境乞賜兵器樂
人俾安南知我乃聲教所被輸貢之地不敢輒欺
負上憐之命中書省咨王言交隣有遺事上以
誠占城安南既皆臣事朝廷豈可擅兵相毒即咨
安南令其罷兵兵器不爾各但以安南故賜爾是
助爾構兵也樂器有聲律華夾方言本異中國人

不可遣還爾國人能習華音者來習肄十六年遣
子來賀聖節賜勘合文冊二十四年使至以臣欵
君故絕之永樂四年王占巴領里人勃王的賴得
黎賊父子及其黨惡卽械送京尚書陳洽在南交
軍中馳奏占城國王占巴的賴奉命出兵討安南
陰懷二心愆期不進及進至化州輒肆虜掠又以
金帛載象資李擴李擴亦以黎蒼女遺之復約李
擴舅陳翁挺等三萬餘人復侵升華府隸四州十
一縣地驅掠人民罪下李擴一等耳請發兵討之
上交趾初平不欲窮兵遠夷遣使諭王歸我侵

地永樂後遣人朝貢令三年一貢正統六年國人
請封其嗣王遣使冊封成化中遣使冊封正使卒
海上副使論罪戍邊其國在大海南南距真臘西
距交趾東北際海自閩長樂五虎門西南行順風
可十日至東北百里海口立石塔爲標舟至是繫
爲俗僮悍果于戰鬪尚釋教王冠三山金花玲瓏
冠衣白跣足乘象或黃犢車臣莖葉冠男蓬頭女
後椎結所居茅茨不得踰三尺衣紫衣衣玄黃罪
死出入乘象馬粒食亦鮮食殺牛祭鬼驅象逐邪
市用金銀焚衣祭天釀酒甕中俟執賓主統甕坐

筒而輒且輒且注水味盡而止文書用羊皮及黑
木皮無間月晝夜各分五十刻王當賀日沐人膽
汁將領獻人膽爲賀王在位三十年卽入山茹素
受戒令子姪攝國居一歲顛天矢日我不道當充
虎狼食或病死莽年得無恙復入爲王於是國人
呼爲芳嚙馬哈刺札云有號屍致魚者婦人也目
無瞳夜飛頭入人家食小兒穢氣侵兒腹兒卽死
頭返合體如故失其體不得合卽死夫不聞者罪
之產金銀錫鐵佛象犀牛珊瑚諸香朝霞大火珠
菩薩石薔薇水猛火油檳榔諸文黑木胡椒白藤

吉貝絲絨白氈布孔雀山雉伽南香惟此地有之
價亦高觀音竹如藤長丈八尺許色黑如鐵寸二
三節犀角象牙最多犀如水牛大者八百斤體黑
無毛蹄有三趾獨角在鼻端長者可尺五寸馬小
於驢波羅蜜形如東瓜

日本

日本古倭奴國海中諸夷倭奴最大西南至海東
北大山國主世以王爲姓羣臣亦世官地分五畿
七道三島又有附庸國百餘拘邪韓最大其國小
者百里大不過五百里戶少者千多止一二萬背

TIFFEN Color Control Patches



倭種也漢滅朝鮮通使稱王者三十餘國倭王最
雄長者居邪馬臺即邪摩維歷漢魏晉宋隋皆朝
貢稍習華音唐咸亨初惡倭名更號日本國朝洪
武二年倭寇山東並海郡縣又寇淮安三年寇山
東轉掠浙東福建旁海諸郡是年遣萊州府同知
趙秩賜璽書諭其王良懷言倭寇海上書至日如
臣我奉表來庭不臣則修兵自固秩至諭王中國
聖主威德責其入貢王曰吾國未嘗不慕中國願
蒙古戎狄蒞華以小國視我乃使趙良弼詠我好
語初不知其覘我國也既而發舟數千襲我比至

一時風雲灑覆幾無遺類自是不興通者數十年
爾得非良弼後乎將刃之秩徐曰聖天子生華帝
華非蒙古比我亦非良弼後爾殺我禍不旋踵王
氣沮禮秩具物遣僧隨秩奉表稱臣入貢使未至
又掠温州五年 上諭劉基曰東夷尚禪教姑遣
明州天寧僧祖闡南京瓦官僧無逸開諭之良懷
欲留二僧力辭王遣使同二僧入貢是年寇海鹽
澈浦温州初令浙江福建造海舟防倭而倭又寇
福建海上諸郡六年以於顯爲總兵官出海巡倭
倭寇登萊七年寇膠州是年遣僧來貢無表文却

TIFFEN Color Control Patches

ColorChecker Blue Cyan Green Yellow Magenta White Black

之其臣亦遣僧貢馬茶布刀扇 上曰此私交也亦不受令中書省移文貢王九年遣僧歸廷用等奉表貢馬及方物謝罪賜王及使文綺有差已而上覽表曰良懷不誠詔責之十二年來貢無表文安置使人於陝西沓寺十三年遣使詔諭良懷遣僧如瑤貢馬令禮部移書責王數掠我海上復却之諸僧皆安置川陝蕃寺十四年遣僧入貢乞還安置諸僧使 上曰日本既謝罪還其使召至京宴賞遣歸十五年歸廷用又來貢於是林賢之獄曰故丞相胡惟庸通日本蓋 祖訓所謂日本

雖朝貢許暗通奸臣胡惟庸謀為不軌故絕之也是時惟庸死且三年矣十六年寇金鄉平陽十七年如瑤又來貢坐通惟庸發雲南守禦是年信國公和致仕居鳳陽 上召至京諭曰日本小夷屢擾東海上卿雖老強為朕行視宴地築城防此賊信國公築登萊至浙沿海五十九城民丁四調一為戍兵二十年置浙東西防倭衛所是年遣江夏侯周德興築福建海上十六城設衛所遂堞福建漳泉人為兵戍並海衛所二十六年寇金鄉二十七年二月遣都督僉事劉德商高颺視兩浙防倭



御批通鑑輯覽卷之六十五

三月又勅都督楊文舉又勅魏國公徐輝祖安陸侯吳傑練浙江海上兵防倭二十八年寇金州靖難後太監鄭和等率舟師三萬下西洋日本遣人來貢并擒獻犯邊賊二十餘人即付使人治之縛置甌中悉死永樂二年使還遣通政趙居任賜王冠服文綺金銀古器書畫又給勘合百道令十年一貢每貢正副使等毋過二百人若貢非期人船踰數夾帶刀鎗並以寇論居任還不受王餽上喜厚賜之尋命僉都御史俞士吉賜王印誥冊封爲日本國王詔名其國之鎮山曰番安鎮國山

上爲文勒石久之嗣王道義卒子源道義嗣益奸狡時時令各島人掠我海上九年寇盤石十五年寇松門金鄉平陽是年遣禮部員外郎呂洞諭王還所掠海上人十六年遣使謝罪當是時數入金蓋都督劉榮總兵守遼東繕海上墩堡伏兵伺之十七年倭船入王家山島傳烽齊至榮率精兵疾馳入望海場賊數千人分乘二十舟直抵馬雄島進圍望海場榮發伏出戰遣奇兵布伏諸山下斷其歸路賊奔入櫻桃園榮合兵圍而攻之斬首七百四十二捕生八百五十七召榮至京封廣寧伯

自是不敢窺遼東二十年寇象山初方國珍據溫
台處張士誠據寧紹杭嘉蘇松通泰諸郡皆在海
上方張既降滅諸賊強桀者悉航海紆島倭入寇
以故洪武中倭數掠海上 高皇既遣使命將築
城增戍又命南雄侯趙庸招蛋戶島人漁丁賈豎
蓋自淮浙至閩廣幾萬人盡籍爲兵分十千戶所
於是海上惡少皆得衣食於縣官洪武末年海中
方張諸逆賊壯者老老者死以故旁海郡縣稍得
休息永樂初西洋之役雖伸威海表而華人習知
海夷金寶之饒夷人來貢亦知我海道奸闖出入

華夷相糾以故寇盜復起非廣寧之捷禍未已也
宣德元年遣人來貢人船刀劍不奉我約束 上
諭使臣自後貢毋過三舟使人毋過三百刀劍毋
過三十否不受七年遣人來貢如約束受之八年
源道義卒命太監雷春少卿潘賜等弔祭十年嗣
王遣使貢謝倭自得我勘合方物戎器滿載而來
遇官兵矯云入貢貢即不如期守臣幸無事報請
俯順夾情主客者爲盡可條奏即復許貢云不爲
例嗣後再至亦復如之我無備即肆出殺掠滿載
而歸宣德末年海防益備賊不得間貢稍如約遂



許夾至京師宴賞市易飽恣其欲已而備禦漸疎
正統四年寇大入桃渚官庾民舍焚劫一空驅
掠少壯鬻鬻家墓束嬰孩竿柱上沃之沸湯視其
啼號拍手笑樂捕得孕婦付度男女列視中否爲
勝負飲酒荒淫穢惡至有不可言者積骸如陵流
血成川城野蕭條過者隕涕於是朝廷下詔備倭
命重帥守要地增城堡謹斥墩修戰艦合兵分番
屯駐海上寇盜稍息七年來貢十一年寇海寧乍
浦成化初忽至寧波知我有備矯稱進貢守臣爲
請於朝且欲遣之至京楊文懿公守陳貽書張主

客方言其不可許二十年遣周瑋等來貢弘治八
年壽焚來貢正德六年宋素卿源永壽來貢求祀
孔子儀注不許鄧人朱澄生言素卿本澄從子叛
附夷人守臣以聞主客以素卿正使釋之令諭王
效順無侵邊八年僧桂梧等來貢嘉靖元年王源
義植無道困人不服諸道爭貢大內藝興遣僧宗
設細川高遣僧瑞佐及素卿先後至寧波故事凡
番貢至者闕貨宴席並以先後爲序時瑞佐後至
素卿奸狡通市舶太監饋寶賄萬計太監令先闕
瑞佐貨宴又令坐宗設上宗設席間與瑞佐忿爭

TIFFEN Color Control Patches



相讐殺太監又以素卿故陰助佐授之兵器殺總督備倭都指揮劉錦大掠寧波旁海鄉鎮素卿坐叛論死宗設瑞佐皆釋還給事中夏言上言禍起於市舶禮部遂請罷市舶而不知所當罷者市舶太監非市舶也夷中百貨皆中國不可缺者夷必欲售中國必欲得之以故祖訓雖絕日本而三市舶司不廢市舶初設在太倉黃渡尋以近京師改設於福建浙江廣東七年罷未幾復設蓋東夷有馬市西夷有茶市江南海夷有市舶所以通華夷之情遠有無之貨收徵稅之利誠戍守之費又

以禁海賈紳奸商使利權在上罷市舶而利孔在下奸豪外交內訶海上無寧日矣番貨至輒賒奸商久之奸商欺負多者萬金少不下千金轉展不肯償乃投貴官家久之貴官家又欺負不肯償貪戾甚於奸商番人泊近島遭人坐索久之竟不肯償番人乏食出沒海上為盜貴官家欲其亟去輒以危言憾官府云番人據近島殺掠人奈何不出一兵備倭富如是及官府出兵輒齎糧滿師好語啗番人利他日貨至且復賒我如是者久之番人大恨諸貴官家言我貨本倭王物爾償不我償我



何以復倭王不掠爾金寶我爾倭王必殺我盤據
海洋不肯去近年竊賂公行上下相蒙官邪政亂
小民迫於貪酷苦於徭賦困於飢寒相率入海從
之凶徒逸囚罷吏黠僧及衣冠失職書生不得志
羣不逞者皆爲之奸細爲之鄉道人情忿恨不可
堪恐弱者鬪飽煖旦夕強者奮臂欲洩其怒於是
王忤瘋徐必欺毛醜瘋之徒皆我華人金冠龍袍
稱王海島攻城略邑劫庫縱囚遇文武官發憤所
殺即伏地叩頭乞餘生不聽而其妻子宗族田廬
金穀公然當厚莫敢誰何浙東大壞二十五年以

朱統爲浙江巡撫都御史兼領興福漳泉治兵捕
賊統清諒方動任怨任勞嚴戢閩浙諸貴官家嘗
言去外夷之盜易去中國之盜難去中國之盜易
去中國衣冠之盜難上章譏暴貴官通番二三渠
魁於是聲勢相倚者大詳切齒詆誣惑亂視聽改
統爲巡視未幾言官論劾又遣言官即訊甘心煨
煉必欲殺統統憤悶卒統所任福建有功海道副
使柯喬都指揮盧鐘殺賊有功皆論死繫按察司
獄於是華夷羣盜唾手肆起益無忌憚三十一年
殘黃岩掠定海浙東騷動遣都御史王忬巡視兩

浙兼領漳泉興福四郡以都指揮俞大猷湯克寬
爲浙閩參將勦賊顧兵政久弛將士耗鈍水寨戰
艦所在糜壞倭經畧未幾羣賊總至獮寨列港外
約諸島內招亡命勢益猖獗三十二年大猷冒險
出洋焚蕩巢穴首賊逸去羣偷流散乘風奔突倭
忽千里溫台寧紹杭嘉蘇松揚淮十郡並受其害
克寬純領步兵往來海墘護城捕賊斬獲亦多倖
不肯隱敗冒功擒治奸豪破解支黨大猷克寬兩
參將皆知勇可任徒以江南人素柔欺賊未登岸
望風奔潰文武大吏未能以軍法繩下而有司徒

往以軍法脅持富人巧索橫斂指一科百師行城
守餉竊百物類多乾沒十不給一廉謹之士又謂
南人善謗低頭束手不敢動一錢於是公私坐困
嚴守無策始釋柯喬起盧鍾而賊船聯翩滿海破
昌固臨山霏霽乍浦青村南匯吳淞江諸衛所圍
海鹽太倉嘉定入上海掠華亭海寧平湖餘姚定
海諸州縣焚劫殺戰汚辱慘於正統時矣而通番
奸豪又言倖大猷馮巢非計且搖動倖倖薦鐘起
爲閩參將代克寬克寬以副總兵將屯金山閩人
故忌鐘劾鐘凶險不可用南京言官又復薦鐘三



四夷考 卷上
十三年遂犯江北海門如阜通州皆被殺掠是時
復用盧鍾為參將而以俞大猷為浙直總兵未幾
工部侍郎趙文華以海賊猖獗請禱海神遂遣文
華行禱公私勞費不貲皆歸囊橐比忬改大同巡
撫徐州兵備李天寵代忬南兵尚書張經提督浙
閩江南北軍務有王江涇之捷文華素忌經天寵
遂奏經天寵逮詔獄論死西市而以浙江巡按胡
宗憲代天寵南戶部侍郎楊宜代經自後賊益熾
縱橫出入二十六郡文華還朝未幾又出監督諸
軍搜括官庫富家金寶書畫數百萬計交通蒙蔽

以敗為功以功為罪雖有沈庄梁庄之戰竟莫救
荼毒之慘兩浙江淮閩廣所在徵兵集餉提編均
徭加派稅糧截留漕粟扣除京帑請給醴課迫脇
富民釋脫凶惡濫授官職浪費無經其為軍旅之
用纔十之一征發漢土官兵川湖貴廣山東西河
南北靡不受害臨賊驅之不前賊退遣之不去散
為盜賊行者居者咸受其害於是外寇未寧而內
憂益甚矣宗憲計擒賊首王直浙西江東稍得安
靖浙東溫台江北淮揚閩中嶺表尤被其毒已而
俞大猷被中傷盧鍾代之賴朝廷 聖明大猷得

不死江北巡撫李遂有廟灣之捷入南兵部爲侍郎唐順之代遂福建巡撫王詢數有功畏譏引疾去代者劉燾宗憲以擒直功陞右都御史加太子太保叙子錦衣千戶先是文華陞工部尚書以論吏部尚書李默即加太子太保又以征倭功加少保子登錦衣千戶不數月文華削籍千戶譴戍榆林自壬子倭奴入黃岩迄今十年閩浙江南北廣東人皆從倭奴大抵賊中皆華人倭奴直十之一二久之奸頑者嗜利貧窘者避徭賦往往喜賊至而貪殘之吏又從而驅之封疆之臣輒請添官當

事者不敢阻於是添設都御史三人總兵一人副總兵二人參將十三人兵備副使十一人諸將校近百人田賦倍於常科徭徭溢於甲式矣其俗男子鬚頭斷髮黠而文身婦人被髮屈紉皆跣足間用屨其喜盜輕生好殺天性然也物產金銀琥珀水晶硫黃水銀銅錢白珠青玉蘇木胡椒細絹花布螺細漆器扇犀象刀劍鎧甲馬交市華人喜得童男女錦綺絲綿磁針

真臘

真臘本扶南屬國一名占臘在東海中隋始通中



國唐神龍中并扶南而國分爲二其南近海多陂澤爲水真臘北多山阜爲陸真臘後復合爲一宋宣和初封爲真臘國王慶元中破占城立其國人爲占城王占城遂爲屬國又有參半真里登流眉蒲甘等國皆屬真臘聚落頗衆地亦廣洪武六年國王忽兒那遣柰亦告郎表獻方物賜大統曆文綺二十年正黎列保昆耶其苦者遣使貢象及方物景泰二年貢賜王及妃文綺朝貢至今不絕其俗尚華侈東向爲上右手爲潔縣鎮風習大類占城王三日一視朝婚娶燃燈不息視力耕種產銅

金諸香象翠羽嘉樹異魚

暹羅

暹羅本暹與羅斛二國在南海中暹土瘠不宜耕稼羅斛土平行種多稷暹仰給焉元至正間暹降羅斛洪武四年暹羅斛國王參烈昭毘牙遣柰思俚儂刺識悉替奉金葉表朝貢賜大統曆十年遣子昭祿羣膺奉金葉表貢象及方物遣使賜詔及暹羅國王之印十六年給勅合文冊令如期朝貢永樂元年稱暹羅國十五年瑣里人昭祿羣膺哆囉諦刺爲王遣柰必上表貢方物乞量衡式賜古



今列女傳金綺量衡令三年一朝貢宣德中稍減
賜物著令其國方千餘里羣山環繞峻拔崎嶇地
下濕土踈惡氣候嵐熱不齊自占城西南舟行七
晝夜至其國王宮壯麗民樓居其樓密聯檳榔片
藤繫之甚固籍以藤席竹簟寢處于中王白布纏
首腰束嵌絲腕加錦綺跨象或乘肩輿尚釋教因
人效之好爲僧尼婦人多智夫聽於妻妻與中國
人私不爲怪男陽嵌珠玉富貴者範金盛珠行有
聲婚則羣僧迎婚至女家僧取女紅貼男額稱利
市喪禮貴者灌水銀葬民間鳥葬言語大類廣東

俗澆浮習水戰好鬪喜冠掠市用海貳煮海爲鹽
釀秫爲酒產寶石奇香異木翠羽獅白象白鼠蘇
木賤如薪色絕勝六足龜珊瑚

蘇門答刺

蘇門答刺即古蘇文達那西洋之要會也東南大
山西北距海山連阿魯那孤兒黎伐三國自滿刺
加西南行順風五晝夜至答魯蠻村舍舟陸行十
里至其國無城郭有大溪入海海口大濤船至此
往往沒溺洪武中國王遣人奉金葉表貢馬及方
物永樂三年國王鎖丹罕難阿必鎖達阿里來朝

TIFFEN Color Control Patches



貢封爲蘇荅刺國王賜印誥金幣五年使來貢已而王與花面王戰敗中矢死子弱不能復讐其妻發憤令于國曰能復此讐者我以爲夫與共國事有漁翁聞之率衆敗殺花面王王妻遂從漁翁永樂七年王來貢上喜厚賜之十年遣使至其國故王假子率部衆殺漁翁王王子蘇幹利率衆奔于峭山時時相侵欲復讐十一年太監鄭和擒送京伏法漁翁王子感激貢方物甚夥宣德中貢使數至用金葉表十年封其子嗣王皆有賜至今朝貢不絕風俗淳厚言語和媚室廬婚喪衣服物產

類滿刺加田硯穀少熟番舶往來財貨充物人饒富市用金錫錢惟酋長好殺殺人輒取血浴身花面王者即那孤兒王也國小僅比大村祇千餘家人皆勞面以故號花面風俗語言類蘇門答刺

瓜哇

瓜哇古閩婆國又名莆家龍元稱瓜哇其國分東西二王所屬有蘇吉丹打板打網底勿諸國洪武三年王昔里八達刺遣入的占必奉金葉表貢方物及黑奴三百人納元所授宣勅已而我使至三佛齊瓜哇憂而殺之十三年王八達那巴那務遣

TIFFEN Color Control Patches



阿烈發烈時奉金葉表朝貢 上遣其使還詔諭
責王遂絕其使永樂二年其國東王遣使朝貢請
印與之五年西王都馬板與東王戰滅東王時我
舟過東王城西王殺我百七十人西王懼遣亞烈
加恩謝罪勸詰責西王令償死者黃金六萬兩已
而遣人貢萬兩禮官請索如數 上曰朕利金耶
令遠人知畏耳獨其金賜鈔幣論之十六年西王
楊惟西沙遣人獻白鸚鵡正統八年令三年一貢
其國四鄉初至杜板僅千家二酋主之流寓多廣
東漳泉人又東行半日至廝村中國人客此成聚

落逐名新村約千餘家村主廣東人番舶至此互
市金寶充溢人富饒又南水行可半日至淡水港
乘小艇行二十餘里至蘇魯馬益亦有千餘家半
中國人港傍大洲林木蔚茂有長尾猴數萬又水
行八十里至漳沽登岸西南陸行半日至王所居
滿者伯夷僅二三百家總領七八人王宮磚墻塘
高餘三丈方三十餘里屋高四丈地覆板蒙藤花
磨踞跌而坐民居茅茨磚庫坐臥于內王蓬頭頂
金葉冠胛繫紫絲腕腰束錦綺佩短刀跣足跨象
或乘牛民男蓬頭女椎結上衣下袍男必腰刀刀

四時類考 卷上

極精巧刑無鞭朴罪不問輕重藤繫刀絞之市用
中國古錢衡量倍于中國磁磨綺帛國人大抵三
種西番賈胡居久者服食皆雅潔中國流寓者尚
回回教持齋受戒曰唐人土人有名無姓尚氣好
關顏色黝黑猴頭赤脚信鬼坐臥無椅榻飲食無
匙箸咬蛇蟻垂刺與大同寢食不為穢也婚男造
女家後五日迎婦金鼓刀盾前後甚都婦裸被髮
跣足繫散絲髻戴金珠線飾寶粧表有水葬火
葬大葬惟死者所欲產金珠銀犀角象牙玳瑁青
靈檳榔椒香蘇木枕椰木吉貝倒掛烏絲鴉綠鴉

紅綠白鸚鵡白鹿白猿猴
皇明四夷考卷上

子履單校
孫心材重校





ACQUIRED THROUGH NATIONAL CENTRAL LIBRARY THROUGH WANG

卷之二
六
五






ES52828 NATIONAL CENTRAL LIBRARY, TAIWAN, R.O.C



2025000 NATIONAL CENTRAL LIBRARY TAIWAN R.O.C





皇明四夷考卷下

吾學編第六十八

古俚

海鹽鄭曉

古俚大國西洋諸番之會去中國十萬里西瀕海
南距柯枝自柯枝海行可三日至永樂元年王馬
那必加刺滿遣馬戍朝貢馬五年遣太監鄭和賜
王誥幣陞賞其將領有差王好浮屠敬象牛老不
傳子傳外孫否則傳弟無外孫弟傳善行人族類
分五種如柯枝王南昆人不食牛將領回回人不
食豬大家晨起用牛糞塗地煨牛糞為囊佩之每



旦水調抹額及殿國事皆決于二將領土宜麥多
馬俗尚信義行者讓路道不拾遺海濱爲市通諸
番用金銀錢以葫蘆爲樂器紅銅絲爲絃歌聲相
協鏗鏘可聽刑無鞭笞輕斷手足重罰金誅戮沒
產夷其族有西洋布曰擔黎本出鄰國坎夷巴匹
濶四尺五寸色絲間花帳濶五尺產孔雀白鳩馬
無餘鳥諸香寶貢金絲寶帶金絲細如髮結花綴
八寶珍珠鴉鶴石

淳泥

淳泥本閩婆屬國在西南大海中統十四州洪武

四年王馬漢沙遣亦思麻逸進金表銀箋貢方物
賜金綺永樂三年遣使封其國王麻那惹加那乃
爲淳泥國王賜印符誥幣六年王率其妃及子來
朝遣使迎勞之福建至南京王上金表獻珍物妃
笑獻 中宮東宮 上宴王奉天門是年王卒于
會同館益恭順并石子岡樹碑立祠有司春秋祀
封其子遐旺嗣賜玉帶金銀綺幣器皿使送歸國
遐旺請封其國後山賜名長寧鎮國 上爲文刻
石十二年洪熙元年皆來朝貢俗以板爲城以銅
鑄甲煮海爲鹽釀秫爲酒喪葬有棺盛食無器室



四夷考 卷下
字弘敏原田豐利習尚奢侈愛敬華人王服頗效
中國產片脂諸香象牙吉貝玳瑁鶴頂

滿刺加

滿刺加永樂三年王西利入見速刺遣使奉金葉
表朝貢言願內附爲屬郡效職貢七年太監鄭和
克冊封使賜印誥錦綺封爲滿刺加國王九年嗣
王拜里迷蘇刺率其妃及子五百四十人來朝
上御奉天殿宴王賜玉帶羽儀鞍馬金銀錢鈔錦
綺王妃冠服子姓僮從賞各有差十年遣使送還
國十二年王母來朝貢厚賜之二十二年宣德九

年王復來朝貢賜亦厚正統十年後數遣使來朝
貢天順三年王無答佛哪沙卒子舟茫速沙請封
遣使冊立爲王成化末給事中林榮行人黃乾亨
奉使溺海死瘞子入監讀書其國舊名五輿東南
距海西北皆山地瘠鹵故未稱國隸暹羅歲輸金
五千兩既奉我正朔始不隸暹羅王白帛纏首衣
青花袍躡皮屨乘轎俗淳朴尚回回教民舍如暹
羅婚喪大類瓜哇聯榻跌坐剝木爲舟泛海而漁
旁海人畏龜龍龜龍高四尺四足身負鱗甲露長
牙遇人即嚙嚙即死山有黑虎視虎差小或變人

TIFFEN Color Control Patches



形白晝萃入市覺者擒殺之

榜荊刺

西天有五印度國榜荊刺者東印度也永崇六年王嚮牙思丁遣人朝貢九年至太倉命行人往安勞之十二年王賽弗丁遣人奉金葉表獻麒麟國最大自蘇門答刺海行過翠藍島至潮地港更小舟行五百里至領納兒港登陸行三十五里至其國地廣人稠財物豐衍甲於諸鄰國固有城郭王及諸官皆回回人男祝髮白布纏頭圍領長衣束線靴躡皮屐市用銀錢海賦五領山最高大氣候

常熱如夏賦十二刑笞杖徒流官有印章行移軍有權陰陽醫卜百工技藝大類中國有衣黑白花衫紫靴佩珊瑚琥珀纓絡繫臂硝子鐳鋼歌舞侑酒者曰根肖速管柰柰蓋役人也能作百戲以鐵索繫虎行市中入人家解索坐虎于庭裸而搏虎虎怒交撲仆虎數回乃已或手投入虎喉虎亦不傷戲已仍繫之家人爭以肉啖虎勞戲者錢曆有十二月無間風俗朴厚人好耕殖一年二熟產鑽鐵翠羽琉璃蛇馬桑漆樹絲綿尤多鎗勇最巧利布數種有潤四五尺者募黑募勒潤四尺背面甘



毳絨厚可五分卽兜羅錦也白樹皮布膩滑光潤如鹿皮椰芰爲酒檳榔當茶

錫蘭山

錫蘭山在大海中海中有翠藍山最高大自山東南乘風可三日至赤那鳩鳩人穴居男女皆裸若野獸不粒食食芭蕉子波羅蜜魚蝦又西海行可十日至佛堂山泊舟處濱海山麓有臥佛寺佛榻寶飾極華麗又西北陸行五十里至王居王尚釋重象牛蝦牛糞灰塗體飲牛乳不食其肉殺牛者罪死王宮民居旦必調牛糞塗地面禮佛園富饒

地廣人稠亞於瓜哇民上裸下纏悅如厭屨去髮毫留髮布纏之女推髻于後下紫白布飲食不令人見產青紅黃鴉忽石水晶海洲有珠池日映光浮起閃閃射日間歲一淘珠諸番買爭來市珠土宜稻不宜麥市用金錢重麝香綺絹青磁器銅錢樟腦永樂九年王亞烈若柰兒鎖里人絕我使途太監鄭和俘至京十年封耶巴乃那爲王赦亞烈若柰兒還國耶巴乃那故王族人一名不刺葛麻巴思刺查國人以爲賢故封之遣使送歸詔諭其國正統十年遣使耶把刺謨的里啞來朝貢珠

寶石天順三年王為力生夏刺昔利把交刺惹復遣使朝貢


蘇祿

蘇祿在東南海中人鮮粒食食魚蝦螺蛤短髮纏
卑緞衷海為鹽釀蔗為酒織竹布為業氣候常熱
永樂十五年其國東王巴都葛叭答刺西王巴都
葛叭蘇哩峒王叭都葛叭刺卜各率其妻子頭目
來朝貢珍珠玳瑁諸物賜王冠服王金帶蟒龍金
銀錢鈔錦幣器皿王妃王子女嫔戚頭目賜物各
有差三王者東王為尊西峒二王副之歸次德州

卒命有司營葬為文樹碑墓道留其妃妾及僕從
十人守墓令舉三年還國遣使封其長子都麻合
為蘇祿國東王十九年遣使來貢

柯枝

柯枝一名阿枝東連大山西南北皆海自為蘭山
海西北行一晝夜可至永樂二年王可亦里遣完
者答兒朝貢請封其國大山詔封為鎮國山賜碑
文是時太監鄭和使至其國國王項里人也首纏
黃白布上不衣下紫絲帨束綵壓腰綴椰木葉苜
屋國人五種曰南昆與王同類祝髮綠懸脰為貴



族次回回人次富有財者曰哲地次牙繪曰革全
又次卑賤者曰木瓜木瓜濱海而居業漁樵屋簷
不得過三尺上表不過膝途遇南昆哲地即伏候
過乃起王尚浮屠敬象牛建寺範金爲佛每旦鳴
鐘鼓汲泉灌佛頂數回已乃禮之有曰渴肥者蓋
優婆塞也娶妻不剃胎髮髮纒纒垂後牛糞灰塗
體行吹大螺妻隨之乞錢氣候常熱多雨市用金
銀錢銀錢十五當金錢一產珠象牙蘇木

祖法兒

祖法兒亦名左法兒東南昔海西北重山自古便

西北海行十晝夜可至無城郭俗尚回回教體幹
修頌語言朴實王白布纏頭衣青花絲襖或金錦
袍靴屐乘轎跨馬前後列象駝馬鼓吹氣候常如
秋市用金銅錢錢文人形永樂中王亞里遣人來
朝貢宣德中又來朝貢產西馬駝鶴頂駝雞福鹿
片腦沉香乳香乳香即樹脂諸奇藥以易中國紵
絲磁器駝雞如鶴長三四尺脚二指毛如駝行亦
如之駝單峰或雙峰皆可乘

溜山

溜山四面濱海如洲在西海中有石門如城闕土

TIFFEN Color Control Patches

Black Blue Cyan Green Yellow Red Magenta White 3-Color

嶺無城郭依山聚居八村稍大皆以溜名可通舟楫餘小溜無慮三千土人曰此弱水三千也人巢居穴處不識菽粟喫魚蝦無衣草木葉蔽前後舟行遇風失入溜卽溺溜山傍有藤幹圍皆回回人俗淳厚業漁好種椰樹氣候常熱如夏市用銀錢產龍涎香海臥椰皮結繩可貫板成舟塗瀝青堅如鐵釘鮫魚一名溜魚織絲幌甚精緻亦有織金幌永樂中國王亦速福遣使來朝貢

南泥里

南泥里隸浮沱自蘇門答刺舟行三晝夜可至東

距黎伐西北距海南連大山山南際海僅千餘家皆回回人俗朴實王居頹樓高廣嚴整南潔市用銅錢少穀食食魚蝦西北大海卽西洋中有帽山平頂土人稱爲那沒黎蕃舶皆以此山爲指南山下淺水有珊瑚樹大者高二三尺分枝婆娑可愛依山居人二三十家皆稱王問其爲誰輒曰阿孤檣華言王也或曰南泥里卽南巫里

黎伐

黎伐小國南連大山北際海西距南泥里東南連那孤兒居民一二千家推一人爲首領隸蘇門答

刺言語服用與蘇門答刺同山多野犀

哈密

哈密本古伊吾盧地在燉煌北大磧外西北羌胡
往來要路也元封忽納失里爲威武王已而改封
肅王卒弟安克帖木兒嗣國初置其州五衛於張
掖肅州衛於酒泉涼州衛于武威西寧衛于湟中
又置山丹永昌鎮番莊浪四衛高臺鎮夷古浪三
千戶所自陝西蘭州渡河千五百里至肅州肅州
西七十里爲嘉峪關長陵初設關外七衛曰哈密
曰安定曰阿端曰赤斤蒙古曰曲先曰罕東曰罕

東左七衛皆在嘉峪關西哈密又在六衛西東去
肅州西去土魯番各千五百里北至瓦剌數百里
永樂二年改封安克帖木兒爲忠順王以頭目馬
哈麻火只等爲指揮等官分其家居苦峪城三年
忠順王卒無子兄子脫脫先是俘蠻夷邸朝議哈
密爲西域入貢孔道宜釋脫脫令嗣王乃賜金印
誥命玉帶文綺遣使送還令察諸番向背凡諸番
貢物表文譯上四年賜王及其祖母速哥失里母
妃從母綺幣有差是年速哥失里逐脫脫勅諸首
復立脫脫爲王六年脫脫暨祖母各遣使朝貢九

年脫脫卒勅都指揮哈納爲都督僉事守哈密是年封力帖木兒爲忠義王賜印誥玉帶守哈密卒從父子孛羅帖木兒嗣仍封忠順王賜誥印十二年行在驗封員外郎陳誠使西域還言哈密城在平川可三四里東北二門王稱速壇人僅數百戶頗非一種多蒙古回人習俗各異產馬駝玉石鑛鐵犬尾羊陰牙角城北大山西南東皆平曠地多酥鹵宜稔麥豌豆農耕亦用糞壤人獷悍好利西域三十八國入貢經哈密者相攔出入索道路錢乃已洪熙元年貢硫黃 上詰邊臣哈密何以

有硫黃正統四年貢玉求紵絲與四表裏天順四年貢賜紙金箔薑桂茶磬成化元年令歲一貢貢不過三百人至京不過三十人貢物馬駝玉石鐵器諸獸皮三年以忠順王外孫爲都督賜銅印金幣八年都督赴京嗣官貢馬駝加賞時首者林弒孛羅帖木兒無子王母努溫答力理國事九年土魯番速壇阿力欲以哈密掠赤斤諸夷王母不從虜王母金印去遺番離散王母外孫都督把他木兒子罕慎避居苦峪其奸狡者陰附阿力伺我塞下遠高陽伯李文通政劉文討阿力調罕東赤斤

番兵數千駐苦峪不敢進阿力遂輕中國文等謀
言不見土魯番遂還王母金印竟爲阿力所留益
侵我城郭諸夷十四年阿力死子阿黑麻稱速壇
未壯二十年守臣乘間請封罕慎嗣忠順王入哈
密罕慎貪殘國人怨恨西域諸夷貢使往來者苦
罕慎要索亦怨恨二十三年罕慎言兀剌有克捨
太師輩捨太師克捨死其弟阿沙赤爲太師輩捨
弟阿力阿古多兀王與阿沙赤營殺西走據哈密
兀剌尋退去弘治元年阿黑麻強曰罕慎非脫脫
怯安得王哈密哈密我當王欲殺罕慎畏我不敢

發好語罕慎曰吾爲若聯姻若爲王益安無外侮
罕慎喜許阿黑麻阿黑麻至哈密誘罕慎頂經結
盟遂殺罕慎亦未敢顯言據哈密卽遣使入貢言
罕慎病死因亂乞遣大通事和番立我爲王居哈
密領西域職貢兵部尚書馬文升言外夷北虜最
強屢入貢乞通使我不能聽阿黑麻小夷且與哈密
各有分地不可輒通使亦不得王哈密彼入若貢
我亦不拒請勅阿黑麻諭令還王母及金印還我
哈密時王母已死四年遣哈密頭目寫亦虎仙齋
勅諭阿黑麻以金印城池來歸遣使朝貢厚賞之



陸寯亦虎仙爲都督會事文升言哈密有回畏兀兒哈刺灰三種共居一城種類不貴不相下山又有小列禿野七克力數種強虜時擾哈密得元遺孽嗣封理國事庶可懾服諸番與復哈密不然未得休息乃立安定王族孫陝巴爲忠順王安定王者本脫脫種落令頭目魯克忒剌阿木郎輔陝巴至哈密六年諸番索陝巴犒賜不得阿黑麻又恨阿木郎尅賜物掠其牛馬遂入哈密殺阿木郎虜陝巴及金印去內閣丘濬謂文升曰哈密事重須公一行文升曰方隅有事臣子豈可辭勞

但西域賈胡貫窳利不善騎射古未有西域能爲中國大患者徐當靜之濬曰有識言不可不慮文升請行諸大臣不可請勅兵部侍郎張海都督繼謙行視經略時阿黑麻貢使寫亦滿速兒等在京師令海至河西遣使二三人與邊通事致勅諭阿黑麻歸陝巴金印諸夷使爭欲去海不可乃遣哈密夷人以勅往阿黑麻竟留不報海不得已修嘉峪關捕哈密奸回通阿黑麻者二十餘人戍廣西請絕西域貢七年春海謙不俟命輒還遂下獄降海山西參政謙奪係閑住文升言土魯番恃其

強悍哈密奸回又反復欺負中國不懲創彼益輕
中國請安置寫亦滿速兒等於闐廣閉嘉峪關絕
西域貢令諸夷歸怨阿黑麻當是時西域諸夷皆
言成化間我入貢 皇帝先遣中貴人迎我河南
至京宴賜甚夥今不撫我我泛海萬里貢獅子謂
我開海道却不受即從河西貢者宴賞亦薄天朝
棄絕我相率從阿黑麻且拒命中國能奈我何哈
密奸回又附阿黑麻阿黑麻遂復入哈密自稱可
汗大掠罕東諸夷謀言糾夷數萬用雲梯攻肅州
且蹂茸州報至文升曰彼虛聲挾我也土魯番至

哈密十數程中經黑風川哈密至苦峪又數程
無水草貢使往返皆馱水行使我謹烽火明斥候
整兵以俟彼至肅州我以逸待勞縱兵出奇一擊
必使彼匹馬不返已而阿黑麻西去令頭目牙蘭
以二百餘人據哈密文升曰非用陳湯故事此虜
終不畏文升召肅州撫夷指揮楊壽至京撫其背
曰汝請夷情知西域道路朝廷今欲擒斬牙蘭汝
計安出者曰此賊點非襲之不可罕東哈密有捷
徑可進兵兵可不十日至文升曰余欲選罕東番
兵三千爲前鋒我兵三千殿後各持數日熟食兼



程策之何如翁曰善八年令河西巡撫許進調兵
食遣副總兵彭清統精兵三千由南山馳至罕東
即調罕東諸番兵乘夜倍道襲牙蘭是冬進及總
兵劉寧清率兵至肅州久駐關外候罕東兵不至
乃出大路之水草行不能疾牙蘭詞知道去我兵
入哈密斬首六十得陝巴妻女獲牛羊三千哈密
脅從者八百餘人皆不殺携歸住四廠上師還糧
乏士馬亦多物故然西域自是知畏中國文升言
兵雖抵哈密然未獲牙蘭首功亦少進寧及太監
陸閏不遵節制徒取空城無益邊事稱軍士遠征

勞苦宜陞賞 上念邊臣出塞有功閏歲祿二十
石寧陞左都督加俸百石進左副都御史清都督
僉事九年阿黑麻又襲破哈密令撤他兒及奄克
孛刺住刺木城奄克孛刺密結瓦刺小列禿髮斬
撤他兒奄克孛刺還守哈密阿黑麻遣人圍哈密
哈密人舉火小列禿見之來接退走守臣奏乞令
羈留貢使往諭阿黑麻納款文升曰阿黑麻未見
遣使上款書不許是秋進改陝西巡撫十年秋阿
黑麻令人送陝巴還哈密其兄馬黑上書言西域
諸國不得貢怨阿黑麻今悔過乞許與黑妻諸國



四夷考 卷下
入貢及還寫亦滿速兒等文升言此虜挾詐俟陝巴金印至其州取寫亦滿速兒等於閩廣是冬起王越爲太子太保左都御史總制甘涼等處邊務經略土魯番哈密十一年越出河西取陝巴至其州令哈密三種都督回回寫亦虎仙畏兀兒奄克孛刺哈刺灰拜迭力達失佐陝巴奄克孛刺罕慎弟也恨土魯番亦與陝巴不協越以罕慎女也先主刺妻陝巴結好奄克孛刺未幾越卒是秋賜陝巴大帽蟒衣玉帶象笏復封爲忠順王放寫亦滿速兒等西歸時哈密三種人久苦土魯番不願還

文升請許半留肅州往來自便十二年春陝巴至肅州畏番虜不肯出關守臣遣奉將率兵護行又賞赤斤蒙古諸番令逐程防護至哈密是夏寫亦虎仙致賞賜於土魯番遂與土魯番諸夷使入京朝貢十三年阿黑麻及黑婁諸國皆令人朝貢十七年春陝巴嗜酒陪尅國人頭目者力克哈等迎阿黑麻次子真帖木兒守哈密陝巴棄城走沙州真帖木兒罕慎外孫也年十三不肯來哈密哈密人曰陝巴走哈密城空恐爲野也克力達子所據真帖木兒始至刺木城其兒滿速兒乞守臣令人

TIFFEN Color Control Patches

ColorChecker by Munsell Color Services Lab
35 Color Patches
Cyan Green Yellow Red Magenta White Black

來守哈密真帖木兒自刺木城入哈密守臣令官
舍董傑及奄克字刺往哈密撫夷衆諭迎陝巴還
頭目阿李刺不聽必欲立真帖木兒爲王奄克字
刺與傑等擒殺阿李刺等六人餘黨畏服守臣令
都指揮朱瑄率兵送陝巴入哈密撫送真帖木兒
還土魯番時阿黑麻死諸兄替殺真帖木兒懼不
肯還曰奄克字刺我外祖願依之瑄慮陝巴疑貳
携真帖木兒居甘州正德元年陝巴死其子拜牙
即嗣封幼弱守臣恐真帖木兒還來侵哈密留不
遣三年滿速兒辭還瑄遣人朝貢乞還真帖木兒

兵部尚書劉宇曰是謂皆其所親愛不許四年滿
速兒與拜牙即乞還真帖木兒下守臣議五年真
帖木兒走出城追而被之六年守臣請歸真帖木
兒下兵部會議請勅宴賜真帖木兒及滿速兒拜
牙即并其親目七年冬令哈密三都督奄克字刺
寫亦虎仙滿刺哈三送真帖木兒西還八年春至
哈密奄克字刺不肯去寫亦虎仙滿刺哈三送至
土魯番八月拜牙即淫暴欲與奄克字刺叛中國
往土魯番奄克字刺不從自哈密奔肅州拜牙即
棄城走入土魯番滿刺兒令頭目火者他只丁與

TIFFEN Color Control Patches

Color Control Patches: Black, 3-Color, White, Magenta, Red, Yellow, Green, Cyan, Blue

四夷考 卷下
寫亦虎仙滿刺哈三入哈密取金印火者他只丁
又令哈密都指揮火者馬黑木等至茸州索賞哈
密諸首譯書言拜牙即棄國從番乞即差人守哈
密巡撫趙鑑謬謂滿速兒忠義令火者他只丁寫
亦虎仙滿刺哈三守城勤勞差撫夷官送土魯番
諸首金幣二百明年正月撫夷官繞至哈密滿速
兒率衆亦至分據刺木等城真帖木兒又言河西
大饑窘人死亡且半茸州城南黑河可引灌城於
是滿速兒及火者他只丁牙木爾虎力奶翁寫亦
虎仙滿刺哈三日夜聚謀侵茸肅番文案金幣萬

萬還我哈密否即揮旗茸州門牙木爾者本我曲
先人與寫亦虎仙等專伺我虛實外挾強番內要
厚賞自京師至茸肅備置奸細巧爲交結肆行反
間然亦專與哈密爲誓未敢窺嘉峪關也時總制
都御史鄧璋請專勅大臣一人經略哈密大將督
兵戰守特勅四川討賊都御史彭澤總督茸肅軍
務統延寧固原諸鎮兵防邊土魯番夷勿使內侵
遂勒西海卜亦刺勅寫亦虎仙等共守哈密勅責
滿速兒送回拜牙即十年春澤至茸州火者他只
丁牙木爾侵赤金斤王子莊澤以段布銀器并勅



四典考 卷下
令通事與三都督送土魯番克李刺時在茸州
言我與番世誓不肯去土魯番得賞物以金印與
寫亦虎仙以哈密付滿刺哈三澤召選掌院事巡
按馮時雍又言土魯番未聞請罪尚數侵邊下兵
部尚書王瓊議乞留澤河西不允是冬寫亦虎仙
等入京朝賀當是時土魯番四出侵掠關外諸衛
及苦峪諸城殘破河西藩籬又結瓦剌窺我河西
十一年李昆代鑑巡撫請勅滿速兒送還拜牙即
滿速兒不聽令火者他只丁牙木蘭復據哈密滿
速兒至沙州騰土巴部落入嘉峪關令肅州奸回

斬巴思高彥名等內應攻我肅州遊擊蒞寧奉將
蔣存禮禦之敗績兵備副使陳九疇發憤撞死諸
奸回及通賊都督失拜烟答馮城拒戰退賊又急
調屬夷兵劫其老營遣人結瓦剌搆巢穴破其三
城土魯番大創又盡祭寫亦虎仙數十年傾陷哈
密奸罪坐謀叛論死時失拜烟答子米兒馬黑麻
入貢在京巧賄權倖突入長安左門稱寃下錦衣
衛會兵部三法司奏行河西訊報十三年逮昆九
疇至瓊請廷鞫幾殺澤九疇昆降浙江副使澤九
疇削籍是秋土魯番貢使至京兵部請繫獄輔臣



梁儲不可乃已十四年刑部會訊脫寫亦虎仙死
會 上幸會同館寫亦虎仙米兒馬黑麻因權倖
得見 上賜國姓隨 上南征嘉靖改元詔逮寫
亦虎仙復論斬死獄中璦謫戍澤起爲兵部尚書
嘉靖元年昆爲兵部侍郎九疇僉都御史巡撫耳
肅明年失拜烟答子米兒馬黑木寫亦虎仙子米
兒馬黑麻皆論死三年滿速兒大舉入寇至茸州
九疇忠勇先登力戰既解茸州圍又夜率衆開道
兼行抵肅州內外夾擊敗番兵殺火者他只丁虜
退去關中守臣奏河西危急遣兵部尚書金獻民

都督杭雄率師西討獻民至蘭州諸番已爲九疇
所敗出嘉峪關獻民用九疇議請遷發夷使閉關
絕貢四年牙木蘭復據哈密侵肅州牙木蘭又入
沙州五年起故輔臣楊一清提督軍務一清言我
旣不能制其命又無以服其心徒絕彼之貢使不
能阻彼之犯邊乞還九疇議遷烟瘴夷使解警息
兵未幾一清召入內閣尚書王憲代一清盡出平
涼羈留夷使往諭土魯番令悔過服罪歸我哈密
六年諸議禮臣桂夢方獻夫霍韜張璉先後上言
哈密不靖本由彭澤澤得召用楊廷和曲庇澤也



乞急用王瓊以寧西鄰七年滿速兒令牙木蘭探沙州索羈留貢使否且率帖木哥土巴攻肅州牙木蘭不肯欲殺牙木蘭牙木蘭懼棄麥數萬率老稚萬人帳房二千奔肅州乞白城山金塔寺住牧守臣議留肅州是春起瓊兵部尚書兼右都御史代憲瓊至河西反澤所行事是秋天方撒馬兒罕哈密頭目各朝貢滿速兒亦乞通貢瓊爲奏上乞還羈使朝貢夷未報土魯番酋虎力納咱兒糾瓦剌侵肅州遊擊將軍彭濬兵備副使趙欽禦之退去時張桂必欲論九疇死并罪廷和刑部尚書

胡世寧力爭九疇忠勇再保全河西得不殺滿戍邊澤獻民鬪任八年土魯番貢獅子夷人至乞歸哈密通貢瓊又奏言土魯番歸我哈密乞令失拜煙答子米兒馬黑木守哈密貢使二十四人遣入京放歸羈留各番貢使男婦凡千人安插沙州上巴帖木哥部夷五千四百人于白城山哈密都督亂吉李剌部夷在肅州東關赤斤都督掌卜達兒子鎮南東在肅州北山金塔寺罕東都指揮枝丹在甘州南山下兵部議當是時世寧爲兵部尚書欲專守河西謝哈密無煩憊中國韜上議必欲復

哈密下兵部議世寧言昔 太祖建北平行都司

去境四百里而 文皇畀之兀良哈 文皇郡縣

交趾而 宣宗素之安南哈密非大寧交趾比况

其初封忠順王爲我外藩者乃元遺孽永樂二年

封三年即故立其兒子未幾即絕而強立非其子

孫者嗣之蓋嘗三立三爲土魯番所虜乃叛我即

戎反勞中因臣竊以爲此與國初所封元孽爲和

寧王順寧王安定王者等耳安定王又在哈密之

內近我耳肅今亦不知其存亡何獨以一忠順王

故耗我金幣疲我士馬窘我財力誠禮諸臣不聽

竟從瓊言牙木蘭以世寧言本歸正人非叛虜者

唐悉但謀事可鑿遂留不遣是時瓊言滿速兒歸

我哈密奉約束朝貢然哈密竟爲土魯番所據安

插諸衛夾落皆爲土魯番所逐失其故土住牧河

西塞上北虜盡窟西海瓦剌結果北山河西三百

皆有寇盜矣明年滿速兒遣虎力奶翁及天方諸

夷使貢方物又索牙木蘭謀言諸番要約俟虎力

奶翁歸復侵肅州會虎力奶翁歸道病死瓦剌又

攻土魯番我亦有備稍得休息而來降人哈六刺

言番酋欲以哈密城與都督米兒馬黑木毋管理

TIFFEN Color Control Patches

Black

3/Color

White

Magenta

Red

Yellow

Cyan

Green

Blue

兵部因請許其通貢著令三年或五年爲期夷使雖多十二入京餘留塞上是後哈密竟爲土魯番所據河西守臣防禦羌胡不暇及西鄙事要之哈密守與否固不足爲中國利害也秦中老人曰土魯番哈密屢動經略我義未直兵則何畏彼求方棘予則何恩況濫指貢賦不足以示信侵瀆宴賜不足以示廉而一時士習又背重聲譽而略綜核騰口說而賤實事不知中國之於夷狄固不可過撫以納侮亦不可深拒以窮兵惟順則德故實斯恩惟違則拒故威斯畏况西域賈胡倚玉石以射

赤斤蒙古

利藉黃靡以厚生苟馭之有備又何患焉
赤斤蒙古周西戎戰國月氏秦漢屬匈奴武帝取爲酒泉燉煌二郡唐末沒於吐蕃宋入西夏永樂二年故粗韃丞相苦木之子塔力尼率五百人來歸設赤斤蒙古千戶所以塔力尼爲千戶賜誥印尋陞爲衛塔力尼爲指揮僉事十一年遣頭目鎖南吉利刺獻叛虜老的罕陞指揮使厚賜之塔力尼卒子且旺失加嗣宣德後朝貢不絕內白山最多草木禽獸產金駝馬肉菽容自土魯番陷哈



密種人遂散亂

安定阿端

安定韃靼別部也地廣袤千里無城郭其俗馬乳
釀酒醞餵爲虛產馬駝玉石洪武七年撒里畏兀
兒安定王卜煙帖木兒或曰亦板丹遣使貢鐙甲
刀劍賜金綺令分其酋長爲阿端阿裏苦先帖里
四部賜卜煙帖木兒銀印仍稱安定王八年設安
定阿端二衛分統四部卜煙帖木兒卒遣使諭祭
賜副王勅誥金綺王遣使貢謝宣德初與曲先叛
討平之天順三年安定王遣使來貢自後朝貢不

絕成化中爲土魯番殘破遂服屬土魯番安定王
苗裔無考

曲先

曲先古西戎部落永樂四年設曲先衛以土酋散
西思爲指揮同知宣德元年叛討平之諭功加國
師禪師秩已而遣人入貢正統二年頭目黑麻亂
遣指揮火丁貢方物嘉靖中衛人牙木蘭爲土魯
番所劫牙木蘭號勇士魯番時時令率衆侵哈密
擾我甘肅已而與土魯番疑貳擁帳來歸土魯番
請還我哈密牙木蘭欲殺牙木蘭警動我屬夾



兵部尚書胡世寧以爲不可遂止當是時大抵嘉峪關西諸衛皆爲土魯番侵擾不復能爲我藩蔽矣

罕東

罕東本西戎部落洪武二十五年侵塞涼園公討之土酋哈答過去三十年入貢立罕東罕東左二衛官其酋長鎮南吉利思爲指揮僉事永樂二年鎮南吉利思與其兄答力襲等十六人貢馬陞鎮南吉利思爲指揮使以塔力蒙爲指揮同知頭目奴奴指揮僉事賜冠帶鈔幣有差自是歲貢不絕

撒馬兒罕

二罕東皆在沙州城沙州古燉煌地嘉峪關外諸衛二罕東最弱成化後土魯番迭入哈密二罕東不能支流散各城正德中陳九疇擊退土魯番沙州人稍得生聚復歸耕牧比牙木蘭再入沙州益殘破其酋土巴等叛附土魯番嘉靖中王瓊撫住白城山肅州月餉粟歲且萬石坐困邊儲

撒馬兒罕漢虜質也在哈烈東北三千里東去嘉峪關九千九百里東西相距千里地平山川鐵門峽阿木河最大風景偉麗土田膏腴宜五穀頗類



中原獨勝諸國城依平原濠深險北有子城王居
高廣在城北隅王白帽城中遠巷縱橫肆市稠密
西南番賈多聚於此市易用銀錢禁酒俗尚回回
教有拜天屋青石雕鏤極精巧以羊皮果經文
字泥金書人物秀美多藝能尤善作室國東有峇
夾沙鹿海牙寒藍達失干西有渴石迭里迷諸城
皆隸焉洪武二十年國主帖木兒遣回回滿剌哈
非思貢駝馬詔厚賜之二十二年貢馬二十四年
貢海青賜勅賚予之二十七年帖木兒遣使迭力
必失表貢馬二百匹表曰恭惟 大明大皇帝受

天明命統一四海仁德弘布恩養庶類萬國欣仰
咸知上天欲平治天下特命皇帝出膺運數為億
兆之主光明廣大昭然天鏡無有遠近咸昭瞻之
臣帖木兒僻在萬里之外恭聞聖德寬大超越萬
古自古所無之福皇帝皆有之所未服之國皆服
之遠方絕域昏暗之地皆清明之老者無不安樂
少者無不長遂善者無不蒙恩惡者無不知懼今
又施恩遠國凡商賈之入中國者使觀覽都邑城
池富貴雄壯如出昏暗之中忽觀白日何幸如之
又承敕書恩撫勞問使站相通道路無壅遠國之



西夫考 卷下
人咸得其濟欽仰聖心如照世之杯使臣心中豁然光明臣國中部落聞茲德音惟知歡舞感戴臣無以報恩德惟仰天祝頌聖壽福祿如天地遠大永永無極照世杯者其國舊傳有杯光明洞徹照之可知世事故云二十八年遣兵科給事中傅安郭璵等使西域留撒馬兒罕永樂五年頭目哈里令虎反達迷安等遂且貢方物厚賜之改安等禮科賜衣安等言帖木兒本元駙馬卒孫哈里嗣上遣人祭帖木兒賜哈里璽書銀幣已而兀魯伯貢馬復遣安報使或曰兀魯伯即哈里洪熙元年

安始還國請勅命吏部言安歷年雖久未經考覈例不得授景陵曰安使遠夷留二十餘年良苦何例爲與勅正統十二年又貢馬玉石四年又貢成化十九年阿黑麻貢二獅子夷使請大臣出迎禮部尚書周洪謨以爲不可遣中官迎之獅子食生羊二醕醢蜜酪各二瓶官養獅人光祿日給酒飯二十三年廣東布政司陳選言撒馬兒罕使臣怕六灣貢獅子欲於廣南浮海從滿刺加更市獅子入貢不可貴異物開海道利賈胡貽笑安南諸夷弘治三年由南海貢獅子禮官倪岳言南海非西

域貢道請却之自後貢皆從嘉峪關入嘉靖中其
國稱王者五十三人皆遣人朝貢產金銀玉銅鐵
珊瑚琥珀琉璃扇必思檀水晶鹽花藥布名馬獨
峰駝大尾羊後貌

天方

天方古筠冲地舊名天堂又名西城宣德中其王
遣沙歎來朝貢俗用回回曆風景融和四時皆如
春田沃稻饒居民樂業男女辮髮馬乳拌飯產馬
金琥珀玉石珊瑚犀角貢從嘉峪關入

迭里迷

迭里迷在撒馬兒罕西南去哈烈二千餘里新舊
二城相去十餘里王居新城東距阿水河河廣非
舟不可渡城內外居民僅數百家孳畜蕃息多魚
河東地隸撒馬兒罕河西有蘆林多獅子

渴石

渴石在撒馬罕西南二百六十里城據大村周十
餘里四面水田東南近山中有園林故酋帖木兒
駙馬居也規模極宏壯堂四隅白石柱如玉墻壁
廳牖盡飾金碧綴琉璃西行十數里皆委曲山多
奇樹又西去三百里大山屹立中有石峽兩壁懸



崖宛如斧劈行二三里出硤口有門夾人曰此鐵門關也

養夾

養夾在賽藍撒馬兒罕亦力把力蒙古諸部落間數相侵擾以故人無寧居惟戍卒數百人處孤城中城四面皆亂山東北有大溪西流長數百里溪旁頽垣破廬蕭然草芥

達失干

達失干在賽藍西去撒馬兒罕七百里城據平原甚狹小四面平岡多林木溪流蜿蜒土宜五穀人

稠密質朴饒衣食

卜花兒

卜花兒在撒馬兒罕西七百里城居平川周十餘里民物富庶市里繁華戶口萬計地平行宜五穀桑麻天氣溫和冬不附火蔬菜不絕產絲綿布帛六畜大類中國

土魯番

土魯番一名土爾番在火州西百里古交河縣安樂城也城方一二里地平四面皆山氣候多暖少雨雪土宜麻麥有瓜果羊馬之利人皆屋居信佛



法多僧寺城西二十里有崖兒城城僅二里居民
百餘家相傳故交河縣治又云古車師國永樂十
二年行在驗封員外郎陳誠使至其國誠言城西
北百里有靈山最大夾人言此十萬羅漢涅槃處
也近山有高臺臺旁有僧寺寺下皆石泉林木從
此入山行二十里至一峽峽南有小土屋屋南登
山坡坡有石屋屋中小佛像五前有池池東有山
山石青黑遠望紛如毛髮夾人言此十萬羅漢洗
頭削髮處也循峽東南行六七里登高崖崖下小
山巒巒峰巒秀麗羅列成行峰下白石成堆似玉

輕脆不可握堆中有若人骨狀者甚堅如石文縷
明析顏色光潤夾人言此十萬羅漢靈骨也又東
下石崖崖上石笋如人手足稍南至山坡坡石瑩
潔如玉夾人言此辟支佛涅槃處也周行羣山約
二十餘里悉五色砂石光焰灼人四面峻壑窮崖
天巧奇絕草木不生鳥獸鮮少云其肅大抵無北
虜患專鎮防西夷夷種中土魯番最好狡宣德五
年始遣使來貢正統以後亦嘗來貢成化弘治間
番酋阿力阿黑麻父子擾我西部虜我哈密忠順
王罕慎陝巴拜牙卽是時專伺哈密至正德遂數

TIFFEN Color Control Patches



犯我甘肅語在哈密傳中嘉靖十一年西域貢稱王者七十五人貢使至二百九十人禮官夏言請國稱一人王內閣張孚敬言西域稱王者多恐彼自封授或部落相稱先年入貢稱王亦有二四十人者答勃並稱王今盡裁奪恐夷情缺望下禮兵部議言言西域諸國稱王者惟土魯番天方撒馬兒罕三國如日落諸國名甚多朝貢絕少且與土魯番諸國不相統弘治正德間土魯番十三人貢天方正德間四入貢稱王者率一人或二人三人除稱頭目親屬嘉靖二年八年稱王者天方至六

七人土魯番至十一二人此兩年間撒馬兒罕至二十七人內閣言先年亦有稱王至三四十人者併數三國耳乃今土魯番十五王天方二十七王撒馬兒罕五十三王併數則百五六十王前此所未有况所稱王號原非舊文即有同者地面又異弘治時回勅書國稱一王若循撒馬兒罕往年故事類答王號人與一勅恐非所以尊中國而嚴外夷也自後各執賜勅率其部落貢不如期使不如意任意往來勢難阻絕驛傳勞煩宴賜頓數竭我財力以役遠夷計亦左矣 上從言言當是時土



魯番強殘攻我嘉峪關外七衛及城郭諸國地大人衆非復陳驗封奉使時矣

黑婁

黑婁在嘉峪關西近土魯番世結好黑婁黑婁夾入貢從土魯番入其地山水草木禽獸皆黑男女亦然宣德七年始遣使朝貢

鹽澤

鹽澤在崖兒城西南去土爾番三千餘里在平川中廣不二里居民百家黑的兒火者稱王居鹽澤既死土酋強者統之產石鹽堅白如石可琢爲器

以盛肉食不鹽而鹹

哈烈

哈烈一名黑魯撒馬兒罕西南去嘉峪關萬三千里元駙馬帖木兒之子沙哈魯居其地國人稱爲速魯檀猶華言君王也東有俺都淮八剌黑諸城皆隸焉洪武二十五年遣使詔諭酋長賜金綺永樂七年頭目麼齊等朝貢十二年遣行在吏部員外郎陳誠使其國正統二年指揮哈只等貢馬王石城方十里居平川廣百里四面大山王並東北山壘石爲屋屋若高臺無棟梁塔壁懸牖皆金

碧琉璃門屏雕刻嵌骨角屋傍設綵繡帳房爲燕
寢所金床重茵衣冠大類亦力把力民土房或穗
帳以雨少故上下相與直呼名雖王亦然相見稍
屈躬道撒力馬力一語握手或相抱爲禮致意於
人則云撒盤少炊爨飯食就肆無七箸交易用銀
錢錢三等無正朔時日月亦無斗斛用權衡爲量
稅十二國用資焉乃兒首衣尚白乃喪易青黑無
棺槨不祀鬼神祭先於墓所人多善走日行可三
百里氣候常煖市中流水四時不斷多水磨風磨
甕器尤精巧產巴旦杏鎖伏花毯金銀銅珊瑚琥
珀水晶珠翠名馬獅子黑白文獸白鹽堅明如水
晶琢磨爲器以水潤之和肉食多桑宜春爲統績
細密過中國農不甚勞然多獲田美而每歲更休
地力得完也餽贈賜予宴會極豐厚男女漬亂無
耻大抵西域城郭諸國哈烈最鄙陋然有學舍聚
生徒講習諸經表省刑罰薄賦歛寡爭訟好施予
務農桑諸國又不及也在王城中極弘偉

默德那

默德那即回回祖國初國王謨罕慕德生而聖靈
臣服西域諸國諸國尊爲別諸援爾華言天使也



國中有佛經三十藏凡三千六百餘卷書兼篆草楷西洋諸國昔用之隋開皇中國人撒哈八撒阿的幹為思始傳其教入中國其地接天方有城池宮室田園市肆大類江淮間寒暑應候民物繁庶種五穀亦有陰陽星曆醫藥音樂諸技藝人俗重殺非同類殺不食不食豕肉織文雕鏤器皿最精巧宣德中國王遣人隨天方朝貢

俺都淮

俺都淮隸哈烈西南去哈烈千三百里東北去撒馬兒罕亦如之城在大村中村廣百里城居十一

平曠無險峻地沃人繁庶稱樂土

八刺黑

八刺黑一名八黑在俺都淮東北城居平川周十餘里南近山無險阨地平廣食物豐饒西南諸番賈聚焉永樂中哈烈沙哈魯各遣其子守之

于闐

于闐大國在蔥嶺北二百里東西五千里南北千里漢唐皆入貢中國石晉時王李聖天自稱唐宗遣人入貢封為大寶于闐國王宋未南遷朝貢不絕永樂六年頭目打魯哇亦不刺金遣滿刺哈撒



木丁等貢玉璞十二年吏部員外郎陳誠至其國
國主微弱鄰國交侵人民僅萬計皆避居山谷間
境內惟火州魯陳哈失哈力阿力稍有城邑餘皆
荒垣敗屋生理極蕭索永樂以後西戎奉職貢不
敢輒相攻始得休息行賈諸番遂富饒桑麻木麥
宛如中土人機巧喜浮屠法好歌舞工紡織相見
輒跪得間遺書戴于首乃餐之稍知尊卑禮節狀
貌亦似華人其山慈嶺爲大嶺下有白玉河綠玉
河黑玉河產玉胡錦雙峰駝諸香珠珊瑚翡翠琥
珀花綵布名馬服胸臍金星石水銀獅子阿剌

火州

火州在嘉峪關外行可一月至本漢車師前後王
地前王治交河城即唐交河縣去長安八千里後
王治務塗谷即唐蒲類縣去長安九千里漢元帝
時置戊巳校尉屯田於前王庭以其地勢高敞名
高昌壘後魏初有闐伯周者自稱高昌王唐太宗
平高昌置西州及都督府後陷於吐蕃其地有回
鶻雜居故又名回鶻宋時屢遣使貢元號畏兀兒
隸馬哈木八國朝號火州其東七十里有柳陳西
百里有土魯番火州城近北地卑下山色如火天



氣多熱城方十餘里永樂七年土酋遣人朝貢十二年吏部員外郎陳誠至其國誠言其國風物蕭條市里民居僧堂過半亦皆零落東有荒城故址云古高昌國治漢西域長史戊巳校尉並居焉宣德五年火州王哈散土魯番萬戶賽因帖木兒柳陳誠萬戶瓦赤刺俱遣人貢馬及玉璞至今入貢不絕俗類匈奴烏孫事天神信佛法貴食馬好騎射時節潑水爲戲其山川靈山蒲類海交河爲大產馬駝鹽白氈布領鐵陰牙角阿魏

別失八里

別失八里在西域永樂三年其王沙迷查干遣人言哈密忠順王安克帖木兒爲北虜鬼力赤毒死願率兵討之上喜遣使賜絲幣勅令與嗣忠順王脫脫相睦

魯陳

魯陳一名柳城古柳中縣地去哈密千里中經大川砂磧無水草馬牛過此輒死大風倏起人馬相失道傍多骸骨有鬼魅行人失侶白日迷亡夷人謂之旱海出川西行至流沙河河上有小岡云風捲浮沙所積道北火焰山山色如火城方二三里



四百里田園流水環繞樹林陰翳土宜稼麥麻豆
有小蒲萄其甜無核名鑽子蒲萄氣候和暖風俗
醇朴人二種同回男子削髮戴小單刺婦女白布
裹頭畏兀兒男子椎髻婦人蒙阜巾垂髻於額大
抵皆胡服

沙鹿海牙

沙鹿海牙在撒馬兒罕東五百里城據小國西北
臨山河河名水站勢衝急有浮梁其地南近山三
面皆平川人繁庶依崖谷而居園林廣茂西有大
沙洲可二百餘里無水即有水人不可飲飲牛馬

亦輒死有臭草根株獨立高尺許枝葉如蓋春生
秋死臭氣逼人取生汁熬膏爲阿魏亦有細草可
熬膏味如蜜

賽藍

賽藍在達失干東西去撒馬兒罕千里城周三里
四面平原草木長茂流水環繞五穀蕃殖秋夏間
草生黑蜘蛛甚小毒甚噉人遍身痛號呼聲動地
土人覆詛者口誦呪以薄荷枝拂中毒處又以鮮
羊肝遍擦其體經一晝夜痛方息愈後皮膚如皴
脫牛馬被傷輒死行人宿必近水避之

哈失哈力

哈失哈力宜德間遣十四人來朝貢或曰即阿力馬力

亦力把力

亦力把力在沙漠間或曰焉耆或曰龜茲元時名別失八里馬哈木封於此洪武二十四年國王黑的兒火者遣人貢馬永樂四年王沙迷查干遣人貢王瑛十二年陳吏部使其國十六年顧月連哥克刺滿刺來朝言至思弒其從兄王納黑失只罕自立爲王徙其國西去更號亦力把力正統二年

王也先不花遣人貢玉瑛駝馬景泰三年遣人朝貢天順以來入貢不絕其國無城郭宮室逐水草住牧設帳房袍扇寒暑坐臥於地其王戴小翠刺簪鷓翎衣禿袖衫削髮貫耳飲食肉酪或食稌麥爲毛布多雪霜平曠之地夏秋略煖深山大谷六月飛雪俗獵旻服用污穢上下無紀律其山白山葱嶺爲大有熱海然氣候常寒產銅鐵鉛錫黃胡粉馬駝犖牛孔雀氍毹阿魏白氍布

阿丹

阿丹近古俚瀕海可舟行園中富饒有馬步勝兵



七八千鄰國畏之永樂九年詔中使鄭和賜命互市

白葛達

白葛達海中小國土瘠俗尚佛教宣德七年國王遣和者里一思等來朝貢

阿哇

阿哇永樂中王昌吉刺遣人來朝貢

瑣里

瑣里西海中小國物產甚微有撒哈刺諾異布洪武五年國王卜納的遣撒馬牙茶嘉兒幹的亦刺

丹八兒奉金字表朝貢國上其土地山川賜大統曆金幣永樂元年復遣人朝貢

西洋瑣里

西洋瑣里近瑣里視瑣里差大物產大類瑣里洪武三年使來以金葉表文貢方物上喜王敬中國涉海道甚遠賜甚厚永樂元年復遣人朝貢上曰海外遠夷附載番貨勿征二十一年西洋十六國遣使于二百人貢方物至京師西洋瑣里貢獨豐美夫

彭亨



彭亨在東南海島中並山山傍多平原禽獸稀少
草樹繁茂沃土宜穀饒蔬果洪武十一年遣人奉
金華表朝貢賜綵幣永樂十二年遣蘇麻固門的
里來朝貢其俗上下親狎無寇盜男女權髮好誦
佛經煮海爲鹽釀椰爲酒產片腦諸香花錫

百花

百花在海中依山爲國國中有奇花嘉樹民俗饒
富尚釋教洪武十一年國王刺丁刺者望沙亦遣
八智亞壇奉金葉表朝賀產紅猴龜筒歌瑠孔雀
倒掛烏胡椒

婆羅

婆羅負山而海人多念佛素食惡殺喜施永樂西
年國王遣人勿黎哥來朝貢真珠玳瑁馬瑙車渠
賜王及妃文綺

阿魯

阿魯一名啞魯在西南海中土廣人稀物產亦薄
永樂五年國王速魯唐忽先遣滿刺哈三附吉里
諸國來朝貢令內臣至其國賜王文綺

小葛蘭

小葛蘭小國也東連大山西南北皆海永樂中太



監鄭和至其國王領里人遣人入貢俗尚浮屠重象牛飯和酥酪市用金錢婚喪巾服大類錫蘭山自錫蘭山別那里西北海行六晝夜可至

拂林

拂林在嘉峪關外萬餘里洪武四年遣其國故民捏古倫賞詔諭之尋遣人來朝貢其俗土屋無瓦貴臣如王服不尚關戰鑄金銀錢產金銀珠西錫千年棗馬獨峰駝已攬

古里班卒

古里班卒在海中永樂二年國王遣人馬的來朝

貢其俗土瘠穀少登氣候不齊夏多雨雨即寒俗質朴男女被短髮假錦纏頭紅油布繫身物產甚薄

呂宋

呂宋在海中其國甚小願產黃金以故亦富厚人頗質朴不喜爭訟永樂三年國王遣隔察老來朝貢

合猫里

合猫里地小土瘠國中多山山外大海海饒魚蠶人亦知耕稼永樂三年國王遣回回道奴馬高來



朝貢產蘇烏木胡椒

碟里

碟里國在東南海中大洲上洲有諸港通海人淳少訟尚佛物產甚薄永樂三年國王遣使馬黑木來朝貢

打回

打回海外小國數為鄰國所苦已乃治兵器與鄰國戰戰勝稍得自立永樂二年遣庶勿來朝貢

日羅夏治

日羅夏治海中小國無他奇產產蘇木胡椒人頗

知種藝無盜賊崇佛教永樂三年國王遣文那打時鎮來朝貢

忽魯母恩

忽魯母恩在東南海中或曰在西徼外國小土瘠物產薄永樂三年國王遣已即丁朝貢

忽魯謨斯

忽魯謨斯在西南海中東連大山國中土厚宜耕種人質直狀貌偉碩喜作佛事常歌舞惡殺永樂三年國王遣馬刺足來朝貢產大馬西洋布獅子駝雞福祿靈羊馬哈獸



廿巴里

廿巴里在南海中大島上人多織錦粒食亦鮮食
永樂十二年國王堯哇刺查遣得名公葛芎來朝
貢

麻林

麻林未詳其國所在永樂十三年王遣人獻麒麟
上喜厚賜之

古麻剌

古麻剌在東南海中永樂時王哇來頃本率其臣
來朝至福州卒賜諡康靖勅葬閩縣有司歲時祭

沼納模兒

沼納模兒在印度之中古所謂佛國也永樂中遣
使詔諭國王一不刺金玉遣人來朝貢

加異勒

加異勒西戎小種居人不及千家貧窶乏食常備
鄰國永樂中王者麻里柰那遣使別里呆不來貢
方物宣德間遣使朝貢

黑葛達

黑葛達國小民貧平川廣野草木暢茂禽獸鮮少
俗尚佛畏刑市肆多牛羊交易用鐵錢宣德中國



四刺札
人嘗遣使十人來朝貢方物

敏真誠

敏真誠國亦大多高山水流深縛木爲渡日中爲市諸賈皆集見中國磁漆器爭欲得之產異香駝馬永樂中國王遣四十人來朝貢

八答黑商

八答黑商永樂間遣四十人來朝貢方物織皮絨扇香木其國山川明秀人俗朴實奉佛有浮屠數區壯麗如王宮西洋西域皆商販於此大抵皆羽毛織文玉石香木駝羊也布帛銀錢皆可交易

覽邦

覽邦洪武九年遣人來朝貢永樂宣德中嘗附鄰國貢方物其國去西域遠甚無市賈販地多沙磧麻麥之外無他穀山坡坳無峰巒水亦淺濁俗亦好佛勒賽祀有駝馬牛羊市亦用錢

火刺札

火刺札國徵人弱物產涼薄四圍皆山山鮮草木水流曲折亦無魚蝦城僅里許皆土屋板屋王居亦陋俗尚佛重僧喜中國磁器針線永樂十四年嘗遣人朝貢

ColorChecker
TIFPEN Color Control Patches

Black 3/Color White 3/Color Red Magenta Yellow Green Cyan Blue

討來思在海中周徑不百里城近山山下有水赤
色望之如火然俗尚佛婦人主家事市中多駝羊
馬牛亦有布縷毛褐交易用錢土宜麥稌無稻穀
宣德六年嘗遣人朝貢

吃力麻兒

吃力麻兒永樂中遣使十一人來朝貢方物惟獸
皮鳥羽屬鴉之類其俗不事耕農喜射獵山甲水
淺西南傍海東北林莽深密多猛獸毒蟲得中國
雄黃麝香磁器甚喜有遠巷無市肆交易無期用

錢鐵

失刺思

失刺思永樂間遣人來朝貢時遣內外官以綺幣
磁器市馬於迤西撒馬兒罕失刺思諸國獻陵即
位詔諸使至十日內就所在還京無得托故稽留
宣德中遣使八人來朝貢

納失者罕

納失者罕東去失刺思數日程皆舟行海中其國
山林川澤有林木魚蠡城東平原饒水草可牧馬
馬有數種最小者高不過三尺俗敬事僧僧所至



必飲食之頗尚氣健聞不勝者衆共嗤之永樂
中遣使十人來朝貢

亦思把罕

亦思把罕於西南海中爲大國廣袤近千里四面
皆海西北多山東南皆平沙固有城堅壯王居亦
侈麗物產豐厚風俗質朴尚佛畏刑喜施惡奪亦
有中國人寓寄者時時出賈撒馬兒罕市多馬駝
少布帛有珠珀而無稻黍日食惟麥糝麥粒麩壯
其美永樂中遣使四十四人來朝貢

淡巴

淡巴在西南海中洪武十年國王遣人來貢賜之
金幣其國風景秀勝土地廣衍泉茸而水清草木
暢茂畜產甚夥城以石築屋以瓦覆王乘輿官跨
馬頗有威儀國人勤生種藝織纈抱布男女成務
常業市有交易野無寇盜稱樂土矣

其把里

其把里永樂間遣六人來朝貢自言其國小介其
西南海中與諸鄰國不通交易物產又薄山無長
林田無宿麥以故國用常乏人民艱窘然奉佛善
不求積聚無乞丐者

TIFFEN Color Control Patches

Blue Cyan Green Yellow Red Magenta White 3/Color Black

白松虎兒

白松虎兒舊名速麻里兒國中無大山山里小者亦鮮林木無猛獸毒虫之害先時嘗有白虎出松林中遇獸不食遇人不傷旬月後竟不見國人稱爲神虎父老又曰此西方白虎降精以是更其國爲白松虎兒永樂中遣使十六人來貢

答兒密

答兒密永樂間遣使十八人來朝貢方物賜大統曆文綺藥茶國在海中不百里人不滿千家有墻壘而無城郭屋以板覆田以牛耕王居官舍不甚

差別產馬駝羊牛毛褐布縷交易兼用銀錢利專用筆朴服屬撒馬兒罕

阿速

阿速在西海中爲大國多撒馬兒罕天方諸國人有城倚山面川南流入海海有魚鹽之市野有耕牧之利敬佛畏鬼好布施惡爭鬪物產饒裕涼暄適節人無飢寒夜無寇盜永樂中遣百十二人來朝貢

沙哈魯

沙哈魯永樂間遣七十七人來朝貢國在阿速西

南海島中人民淳直耻關好佛交易海中諸國西域賈胡來市海中奇物不惜高價亦有價廉而得奇貨去者沙哈魯人不識也王及酋長居城中有瓦屋庶人旅處城外田野中村落相聚山川環抱畜產豐利

西蕃

西蕃即土蕃本羌屬凡百餘種散處河湟洮岷間元世祖始爲郡縣以吐蕃僧八思巴爲大寶法王帝師領之嗣世弟子號司空司徒國公佩金玉印明興洪武六年令諸酋舉故官授職以攝帝師喃

加巴藏卜爲熾盛佛寶國師元國公南哥思丹入亦監藏等爲都指揮同知宣慰使元帥招討等官自是蕃僧有封灌頂國師及贊善王闡化王正覺大乘法王如來大寶法王者俱賜印誥令比歲或間歲朝貢令其地爲都指揮使司二曰烏思藏曰朶茸指揮使司一曰脫答宣慰使司三曰朶茸曰董卜韓胡曰長河西魚通寧遠招討使司六曰朶茸思曰朶茸朶答曰朶茸丹曰朶茸滄澹曰朶茸川曰磨兒勒萬戶府四曰沙兒可曰乃竹曰羅思端曰別思麻千戶所十七闡化闡教輔教三王貢

使自四川入贊化王自陝西入每貢百人多不過
五十人大乘大寶二法王貢無每貢僧徒十人凡
諸王嗣封賜誥袞袞僧朝數珠鈴杵以大慈恩寺
刺麻僧二人充正副使四川自黎州或天全陝西
自洮州出境宣德元年封大寶大乘闍教闍化贊
善五王九年闍化王貢使亂藏等還以賜物易茶
至臨洮沒入茶并留亂藏等闍 上命釋之還其
茶成化五年封闍教輔教二王十六年封闍化王
皆厚賞長河西魚通寧遠歲一貢貢止五六十人
多不過百人自雅州入正統初來貢賞甚厚五年

刺麻僧貢馬十年番僧亦貢馬景泰四年入貢賞
稍減天順元年貢賞如故三年尊勝寺清修翊善
大國師獲印遣人貢舍利成化初番僧入貢十二
年貢使九百人賞少減弘治二年貢使千三百人
減賞朵苳思洪武十八年令歲一貢自雅州入天
順七年宣慰使來貢厚賞董卜韓胡亦一貢如朵
苳思四川威茂松番金川雜谷達思蠻諸番僧皆
三歲一貢貢百人多不過百五十人或歲一貢貢
三十人多不過五十人洮岷番寺歲一貢貢一寺
四五人番簇二年一貢大簇四五人小簇一二人



至京餘留塞上洪武四年置洮州衛軍民指揮使
司永樂九年置洮州茶馬司火把藏思曩曰諸族
歲納馬三千五十匹洪武初置河州衛改河州衛
軍民指揮使司七年置河州茶馬司必里衛二州
七站西番二十九族歲納馬七千七百五匹洪武
十一年置岷州衛軍民指揮使司又置西寧衛西
寧茶馬司歲納馬三千五百匹市法上馬茶百二
十斤中馬七十斤下馬五十斤五王諸僧番族在
四川西寧洮岷河出陝西西寧在黃河北洮岷河
在黃河南陝西諸番畏宋將軍四川諸番敬信丁

大夫丁大夫玉國初爲御史大夫出鎮四川最久
威惠並行夷民安輯宋將軍晟洪武永樂中久鎮
西垂積功封西寧侯丁宋皆克平羌將軍成化十
九年西番滿松反侵內地巡撫都御史馬文升討
之斬首八十三級正德初北虜徙居西海盤食諸
番勢漸吞併識者慮其結勾深人如前代吐蕃吐
谷渾事當是時虜在西海言官言前代有屯兵青
海以絕羌虜連和內侵者然徵輸調發民力大困
正德十年調朔方勁兵逐勦虜避走松潘旋歸故
巢資以萬計竟無成功嘉靖元年西番反鎮守都



督鄭卿討之不能克班師自是歲入境殺虜人畜
八年洮岷番賊數至鞏昌殺吏士掠人畜焚廬舍
隴右騷動尚書王瓊請賊入聽官軍襲至賊果動
殺番人畏之已而兵至塞防秋套虜番賊遂乘虛
深入臨洮鞏昌殺掠大慘尚書李承勛言西番土
地被西海虜酋亦卜剌侵占日益內徙將來番胡
交通益肆猖獗何以善後昔漢趙克國不戰而服
羌段頽殺羌百萬爲費以億計內地虛耗是知用
勇將者雖可取快目前任老成者必能獲萬全之
策乞廣宣帝之明專克國之任制馭西番事宜悉

令瓊從長區處 上從之瓊曰欲撫罕必勦先零
遣遊擊將軍彭斌鎮守都督劉文統兵自固原進
至洮岷分據要害且撫且勦撫定六十五簇恃險
拒戰者十六簇斬首三百七十西番風俗大抵皆
質直朴魯上下一心君臣爲友吏治無文音樂尚
琴瑟食酪衣毳居毳帳務耕牧好很鬪貴壯賤弱
懷恩重利尊釋信詛其山川崑崙山可跋海黃河
折支湟水爲大產金銀銅錫犖牛名馬天鼠皮獨
峰駝青稞麥登豆蕪羊貢物多畫佛銅佛銅塔舍
利足力麻鐵力麻毳氍毹珊瑚犀角左髻毛纓明登



甲刀劍遮甲麻衣馬青鹽外史氏曰西戎亦能爲
中國患徒申侯通逐西周附隗置族拒東漢唐連
吐蕃直入長安宋失熙河併於西夏爲禍不小我
以官賞貢市羈縻之西鄙稍寧正德以後邊防大
弛戎心遂啓瓊議欲於洮岷河蘭間繕城堡遠斥
城廣儲蓄謹備海賊勿使得連西番即有侵侮發
請精兵駐臨洮鞏昌要害之地拒之斯良策也


韃靼

韃靼北胡也卽夏種鬻周獵抗秦漢匈奴唐突厥
宋契丹漢時匈奴最强匈奴弱而烏桓慙盛漢末

鮮卑波烏桓鮮卑旣衰蠕蠕強大與魏爲敵蠕蠕
滅而突厥起盡有西北地唐李靖滅突厥五代及
宋契丹爲盛女真滅契丹斡金侵中國遂稱皇帝
其別小部曰蒙古曰太赤烏曰塔塔兒曰克烈各
有分地蒙古并諸部滅女真及宋國號元入主中
國明興逐元順帝遁歸朔漠傅子愛猷識里達
臘愛猷識里達臘死子脫古思帖木兒立爲可汗
我兵出塞獲其子地保奴脫古思帖木兒爲也速
迭兒所弑諸大臣立坤帖木兒爲可汗而猛哥帖
木兒爲瓦剌王建文三年坤帖木兒死鬼力赤立

爲可汗阿魯帖木兒乃兒不花阿魯台佐之馬哈木者居瓦剌時與阿魯台相讎殺自順帝至鬼力赤凡七世其二世不可考鬼力赤襲諸酋立本雅失里爲可汗殺我使臣給事中郭驥我遂封瓦剌馬哈木爲順寧王太平賢義王把禿孛羅安樂王令伺本雅失里我兵出塞本雅失里敗走阿魯台來降封爲和寧王而馬哈木又叛我兵討馬哈木敗去阿魯台又叛阿魯台弑本雅失里自稱可汗馬哈木屢敗阿魯台而瓦剌強盛瓦剌三王馬哈木獨強洪熙元年馬哈木欲自立爲可汗恐衆

不附仍立元孽脫脫不花爲可汗居沙漠北馬哈木居瓦剌宣德九年阿魯台死正統元年馬哈木之子脫脫不花在沙漠西北與其部首朵兒只伯相讎殺脫脫不花其子也先爲太師號勇凌脫脫不花景泰中也先弑脫脫不花自稱田盛大可汗已而爲其平章哈剌遜死天順初孛來殺哈剌立小王子小王子又爲孛來孛王子所弑孛來衰而其大酋毛里孩阿羅出孛羅出猛可少師與孛來孛王子讐殺而立脫思爲王脫思者故小王子從兄也成化中阿羅出結亂加思蘭孛羅出結毛里孩出入



河套亂加思蘭強殺阿羅出併其衆而結滿都魯
王入河套滿都魯稱可汗而亂加思蘭爲太師與
毛里孩也烈忽字羅忽出入塞下亂加思蘭欲殺
滿都魯而立幹赤來爲可汗不克亂加思蘭爲滿
都魯所殺滿都魯衰而把禿猛可王太師亦思馬
因知院羅千強盛弘治初把禿猛可死第伯顏猛
可立爲王當是時瓦剌與伯顏猛可皆遣人入貢
而火篩數入寇火篩者小王子部落也與小王子
相讎殺小王子益衰正德中瓦剌西徙與土魯番
相讎殺小王子三子長阿爾倫台吉次阿着滿官

真太師亦不剌弒阿爾倫台吉走河西阿爾倫台
吉二子長卜赤次也明皆幼阿着稱小王子阿着
死衆立卜赤稱亦克罕卜赤死而不及兒台吉稱
小王子或曰不及兒台吉卽也明或曰卜赤子也
阿着二子曰吉囊曰俺答亦不剌部從吉囊火篩
部從俺答于是小王子種落又盛嘉靖中吉囊俺
答最強犯我陝西河東雲中上谷而亦不剌及瓦
剌時時出入寧夏甘肅塞下吉囊死其子板不孩
與不及兒台吉出入河套庚戌入古北口犯京師
自後泰晉燕代漁陽遼東西無寧歲歲請費帑金

TIFFEN Color Control Patches

ColorChecker by Munsell Color Services Lab

30

29

28

27

26

25

24

23

22

21

20

19

18

17

16

15

14

13

12

11

10

9

8

7

6

5

4

3

2

1

Black

3Color

White

Red

Magenta

Yellow

Green

Cyan

Blue

數百萬計征調勞煩而權門大吏寵賄益章本兵
邊鎮文武大臣多受誅殛戰守無策專事榮蔽矣
其俗無城郭宮室徒帳房逐水草畜牧射獵有微
會刻木封箭爲信挾其長技上下山谷往來聚散
忽如風雨其喜盜好殺輕生嗜利慕殺蒸淫三綱
潰亂自古然矣產馬羣駝野馬麋羊角端麴貂鼠
青鼠土撥鼠豹沙雉酥酪四夷惟艱難種最多最
狡凶悍爲中國患最甚別爲北虜考

皇明四夷考卷下終

子履華校

孫心材重校

皇明北虜考

吾學編第六十九

海鹽鄭曉

洪武元年八月克元都元主遁出塞二年十月詔書死主三年
五月曹國公克德昌復元主后妃孫買的里八剌其太子愛猷
識里答剌達去始知元主卒于應昌詔爲順帝遣使致祭封買
的里八剌爲崇禮侯愛猷識里達剌稱爲于闐中伐取虜東勝
興和敗王保保是年都督孫興祖戰歿四年六月納哈出侵遼
東五年正月大將軍徐達等三道出塞討王保保三月敗王保
保於土剌迺去四月又敗虜於阿魯渾河十一月納哈出最遠
東十二月書諭元幼主曰皇天無親惟德是輔若其思之自古
國家必有興廢以小事大理勢之常昔我中國趙宋將衰烏金
所逼遷都于杭納以威幣君家亦遣使于宋約納歲幣如金時

TIFFEN Color Control Patches

ColorChecker by Munsell Color Services Lab

30 25 20 15 10 5 0 5 10 15 20 25 30 Density

Black 3/Color White 3/Color Red Magenta Yellow Green Cyan Blue

數百萬計征調勞煩而權門大吏寵賄益章本兵
邊鎮文武大臣多受誅殛戰守無策專事榮蔽矣
其俗無城郭宮室徒帳房逐水草畜牧射獵有微
會刻木封箭爲信挾其長技上下山谷往來聚散
忽如風雨其喜盜好殺輕生嗜利慕殺蒸淫三綱
潰亂自古然矣產馬羣駝野馬麋羊角端麴貂鼠
青鼠土撥鼠豹沙雉酥酪四夷惟艱難種最多最
狡凶悍爲中國患最甚別爲北虜考

皇明四夷考卷下終

子履華校

孫心材重校

皇明北虜考

吾學編第六十九

海鹽鄭曉

洪武元年八月克元都元主遁出塞二年十月詔書死主三年
五月曹國公克德昌復元主后妃孫買的里八剌其太子愛猷
識里答剌達去始知元主卒于應昌詔爲順帝遣使致祭封買
的里八剌爲崇禮侯愛猷識里達剌稱爲于闐中伐取虜東勝
興和敗王保保是年都督孫興祖戰歿四年六月納哈出侵遼
東五年正月大將軍徐達等三道出塞討王保保三月敗王保
保於土剌迺去四月又敗虜於阿魯渾河十一月納哈出最遠
東十二月書諭元幼主曰皇天無親惟德是輔若其思之自古
國家必有興廢以小事大理勢之常昔我中國趙宋將衰烏金
所逼遷都于杭納以歲幣君家亦遣使于宋約納歲幣如金時

雖疆界有南北之分而前後延祥百五十年此小事大之明驗也朕觀前代漢世君子務必獻伴廟社壽示國中其初亦有待之以恩覆之以爵者及其後也非煢即殺雖君家亦衛宋之切主刑變為雷終不免于死朕則不然君之子至京已三年禮待有加君宜濟使取歸朕木布衣生長君朝日幸勿益起汝頽薪黃州君家天運已平人心已離四海上崩朕與師教民一將鮮確惜稱名號者君為朕所俘虜雖君父子亦不能守其廟社非道涉漢此天命非人力也自古有識之君孰不畏天故特致書以達朕意君其察焉又書與元臣劉重統未受德旨至正之君宋寧而崩初主初立大臣無不揆去獨二生竭力守護今時遣使諭君令取其子實約里八刺孫二生宜祭之母教人祀父子之道六年六月虜寇武州州八月寇大同七年九月遣索魯漢

買約里八刺北歸八年十二月虜寇遼東十一年五月寇陝西十三年虜寇火赤也知快木特軍討擒之十二月虜寇求平一四年正月乃兒不花寇塞上四月魏國公率諸將出塞襲之天獲十九年冬納哈出獲金山二十年宋國公率師出大寧來昌伏藍玉裝破虜六月宋國公至金山臨江僕迷失道戰死王降納哈大月虜殺我幾師漢英二十一年王克大將軍出大寧至慶州敗虜王脫古思帖木兒遁去後其子地保奴及后妃以歸脫古思帖木兒者即愛猷識里達剌子也地保奴有怨言遣使致之琉球脫古思帖木兒為其下也運送兒所織詔卷潰散大臣立坤帖木兒為可汗二十二年六月上勅禮部曰朕削平禍亂以一天下二十餘年而朔漠尚未清近命承昌伏藍玉等率師直度大漠俘虜其眾虜主脫古思帖木兒逃竄北歸未達

和林爲也。連送究所害惟和院控快來丞相失烈門等擁其自
固。既而去逆効順率衆來歸。朕遣使授印于武官而失烈門數
稱疾不與使者相見。爾禮部可移諭控快來若失烈門有意納
來可令入朝決意正備從其所欲。古之人有殺身亡家而立名
者。有保身全家而求生者。人之志固有不同。不可強也。時控快
來等皆時是冬。上以元元納失里大王居和林。西命來降太
千八即復撫澤柳帖木兒生招之。諭曰。昔我中國大宋皇帝主
天下三百餘年。後其子孫一敬天愛民。故天生元太祖起漠
北。混一天下。百年之間。其恩德孰不思一。觀今孰不段體。是時
四方無度。民康物阜。自脫款一。木兒皇帝即位。政出權臣。法度
廢弛。是以上天降亂。民懷憂一。衆草野之間。豪傑並起。朕時在淮
甸。日生民寤寐。乃與卿黨聚謀。起兵除亂。不四五年。群性悉定。

故元帝將降。附者接踵而至。凡西遼其直熱漠北。將稱帝者脫
古思帖木兒奔往也。遠送兒之地。邊隅皆其餘士馬。爲知院控
快來國公老撒丞相失烈門三人所有。今已悉來降。附朕處於
美水草善畜牧之所。俾樂生安業。朕今主宰天下。遣使諭爾如
有所言。使還以聞朕。有以處之。二十三年丞相咬住太尉乃兒
不花知院阿魯帖木兒伏塞下三月。成祖率諸侯兵出北古
口降之。二十四年四月。成祖督額爾公詣軍出塞。捕阿失里
八月都督劉貞末晟出塞征哈梅里兀納失里。遁去。攻破其城。
輸其首王酋千人。二十五年。成祖怒塞捕虜。二十六年二月。
勃魯王大出塞。集諸兵敗虜。三月。成祖帥阿魯帖木兒不
花二十九年。成祖出大寧塞。圍世子有燾。出北平塞。捕虜三
十一年。勃塞上諸王備虜。建文二年二月。魏把國公燾。晚列干

TIFFEN Color Control Patches

ColorChecker by Munsell Color Services Lab
Blue Cyan Green Yellow Red Magenta White 3-Color Black

司徒及鄰帖木兒司徒劉哈刺帖木兒率衆歸北平謀報虜
侵隨成祖諭斡可汗坤帖木兒并諭瓦剌王猛哥帖木兒
等三年冬可汗使人歸款北平虜寇鐵鎖坤帖木兒死鬼力赤
立烏可汗末樂元年二月上諭可汗鬼力赤書曰元運既東
我皇考太祖皇帝受天命撫有天下朕以嫡子朱落干燕恭
承天眷入繼大統歲與萬邦同躋安樂比聞北地推奉可汗正
位特遣指揮朵兒只虎斡等持金綺四牲致朕意今天下大定
薄海內外皆來朝貢可汗能遣使往交迎好為一家使邊城萬
里烽燧無警彼此熙熙共享太平之福豈不美哉并勅其太師
右丞相馬兒哈咱太傅左丞相也孫白太保樞密知院阿魯台
等以遣使往來意賜文綺二疋入遼東塞掠懿路七月又書
諭罪方赤十月庚辰永平是月鬼力赤營台與瓦剌馬哈水

賊大敗已而馬哈木阿魯台皆遣人入貢閏十一月寇灰蔣村
黃甫川三年正月阿魯白都魯掃胡兒來歸曰鬼力赤聞兀良
哈哈密內附遂相約防數遣人伺察下令謹備之四年三月書
諭斡可汗鬼力赤報稱天位撫天下體天心以為治惟欲萬
方咸得其所今海內外萬國臣民蒙享太平嘗遣使致書可汗
謂宜通好往來共為一家而可汗不惜拘我使臣掠我邊境自
阻聲教夫入之所安孰能遠之天之所處孰能舉之昔者天命
宋主天下五十餘世天報其德命元世祖代之元報世之後天
又報之命我太祖皇帝君主天下此皆天命豈人力所能也
不然元之後世自愛謙讓里達剌北徒以來至今可汗更七主
矣土地人民皆有增益毫末者否古稱順天者昌逆天者亡爾
衆甲冑不罷身弓刀不釋手東廷西被老者不得終其年少者

TIFFEN Color Control Patches



不得妄其居今數十年矣是何罪也可汗聰明特達宜敬天命
惟民窮蹙前所遣使者及掠去邊人相與和好用寧息爾衆同
享太平之福願不憚哉若果負偏狹之性天命人窮有所不顧
必欲力較勝負朕亦不得獨已中國士馬精強長驅迅掃恐非
可汗所能支也可汗其審度行之文納二表秉性致遠意不輕
五月朔可汗部酋西魯台六年三月書諭本雅大理曰噶騰寺
丞別帖木兒不伴等自撒馬兒罕賜身居別火八里今界方赤
等迎爾北行朕計聖力亦與也孫台又結贈賄爲爾未必能棄
親就謀况手操重兵雖下有討爾者安敢異志爾與聖方亦勢
不兩立矣夫元運既訖自噴布後傳愛敬識里達臘至地帖木
兒凡六代給息爾未聞一人遂善終者此可以驗天道爾之保
身城不易也去就之消沉詳察古帝王如周封舜後胡公滿于

陳夏後東穆公於祀商後王子於朝解微子於宋漢唐來下皆
封前代後我 皇考太祖於元氏子孫存恤俱全有來歸者皆
令還如漢觀古恩帖木兒禮後爲可汗統率其眾永宗紀南北
人所共知也朕之心即 皇考與前古帝王之心尔元氏宗嫡
當奉世紀吉山二途審思之如能幡然來歸加以封爵厚以賜
賞俾得近塞擇善地以居惟尔所欲無爲下人所感徒擁虛名
錫號在前有不暇顧亦惟尔所欲朕愛人之誠同於曠日今再
遣劉帖木兒不花等諭是汗賜織金文綺衣二襲綵帶四端尔
其審之是冬鬼力赤殘破虜迎立本雅失理叛負不相統都督
食車吳先誠子荅蘭榮東誠子別立哥等請出塞自効從之七
年四月遣那指揮金塔十歹給事中郭驥賞書諭本雅失理曰
邊將得尔部下完者帖木兒等二十二人來其言衆已推立尔

Tiffen Color Control Patches

Blue Cyan Green Yellow Red Magenta White 3-Color Black

爲可汗爾欲遣使南來通好朕心甚喜今遣都指揮金塔卜又
給事中郭騰等齎書諭意可汗誠能上順天心下察人事使命
往來相與和好朕主中國可汗主漠北彼此永遠相安於無事
豈不美哉朕幣六表裏用致朕意亮有帖木兒等朕念其有父
母妻子均給賜賞就令使臣送歸可汗其體朕至意詳賜其臣
阿魯台馬兒哈喇哈火赤哈帖木兒等統幣虜數額五月封
凡刺馬哈木烏順寧王太平賢義王把禿孛羅安樂王賜之詔
印七月淇國公武城侯向安候靖安侯安平侯五封軍出塞討
本據失理阿魯台八月諸將盡敗沒於臨朔河 上大怒諸
將明年征虜八年 上出塞至幹難河敗本據天理進去又敗
阿魯台十一年 上巡北京勅阿魯台無以立鴻事懷虛漢呼
韓伯唐阿火那社爾受宣順爵編及子孫爾宜效焉詩賜爾母

子人諭意十月阿魯台降封和寧王十二年春 上北征兀
剌馬哈木再出塞阿魯台時遣使至 上苦言馬哈木動靜且
謂我伐其大敗馬哈木太平把禿孛羅於怒滿忽失溫恩吞至
土剌河 上使諭阿魯台言大懼二十年三月虜攻圍興和
寺禦都指揮王祥戰死先是阿魯台爲兒刺攻敗窮感以其甚
性驕許勢窮來歸非其本心然天地覆育豈有所攝納其貢使
封爲和寧王母妻皆封夫人賜金幣俾仍居漠北阿魯台感上
恩遣使貢馬又遣子來朝數年生聚畜牧益蕃富庶亮悍桀
驁使還就途劫掠朝使至又輒慢侮或居留苦之時時遣部落
出沒塞下爲害 上嘗諭其使還語阿魯台竟不悛至是大舉
闕與和寧將板闕 上遂決議親征五月 上至獨石大閱將

Tiffen Color Control Patches

Blue Cyan Green Yellow Red Magenta White 3-Color Black

十六月次成遠川虜進攻萬全七月次殺胡原獲虜言阿魯台部下聞共出塞皆基禩叛散繼聞上親征阿魯台大懼其母妻亦恨阿魯台反時時遣魯台逆天宿恩自取喪敗阿魯台惶惑盡棄其馬駝牛羊輜重於湖廣海旁北走上遂班師還征兀良哈十二月阿魯台弑其主本雅失里而自立本雅失里妻率其孀來朝乞居內地避之二十一年七月降胡言阿魯台將入寇上又出塞征之八月攻萬全虜和院阿失帖木兒又納台等率軍十來降言阿魯台今夏爲兀刺順寧王之子脫款所敗掠去人畜無算部屬潰散無統若聞天兵復出疾走遠避不敢攻南向耶上以二人爲正千戶十月光鋒將陳懋王欲馬河北還殺鞏王子也先土干率其妻子卻洛來歸封爲忠勇王賜姓名金忠二十二年正月大同關平守將秦阿魯台部落使

策上初忠勇王金忠來歸言阿魯台弑主虐人虐天逆命殺爲邊患請發兵討之額烏爾鋒自效上曰其豈堪數動朕國祚之况下人乎忠曰如邊人荼毒何上曰卿意宜善但事須有名文帝嘗言漢邊不先姑待之比邊撤至名文武大臣議群臣遂請上北征六月上駐哈蘭納木兒河上不見虜遂班師十月至榆木川上崩宣宗卽位給木雅失里及其外祖母月各五石洪熙元年七月兀刺部脫脫來歸是年馬哈木破阿魯台欲自立衆心不附乃立脫脫不花爲主居汲北宣德元年正月使勃瓦刺王子捏烈忽嗣父太平賢義王是年馬哈木子脫歡遣人進馬合嗣父王二年和寧王阿魯台兀刺順寧王脫歡亦力把力王歪思各遣人朝貢三年正月遣指揮曹者赤帖木兒來朝王及論阿魯台四月脫歡歪思各遣人朝貢賜之金綺

TIFFEN Color Control Patches

Blue Cyan Green Yellow Red Magenta White Black

加賜正思弓刀甲冑四年六月虜寇赤城七月寇宣府十月寇
賜五年虜中諸酋調構往來戰塞下六年二月上勅大同
總兵武安侯李開阿魯台與兀剌戰敗阿魯台敗北都曲離
散假息近邊即欲來降嚴為警備歸正人至得食至京虜多詐
古云受降如受敵侮故八月上遣使賜物撫諭阿魯台七年
九月阿魯台殺敗兀良哈珠在牧途東塞明年二月阿魯台遣
人自遼東入貢上勅總兵至宣往平虜使自大同宣府入今
乃迂路從遼東來謹防之七月虜入大同塞九月阿魯台部落
寇涼州九年正月寧夏總兵史昭言賊無先姑木兒等款塞
上勅胎虜詐木可缺信或偽降意我惟防之母常賊計四月
阿魯台為兀剌所敗遣人告進上勅賜錢糴論八月阿魯
台兀剌悉盡離散兀剌脫款遣人朝貢告殺阿魯台請獻前元

王靈九月阿魯台子阿卜只俺遣人乞歸附上遣使撫納以
為中府左都督是月虜柔兒只伯寇涼州又入寧夏塞殺掠人
畜十二月虜入開平塞千戶楊洪禦之虜是去是年甘肅總兵
劉廣言脫鞍襲殺阿魯台完者帖木兒逃南寇塞上千戶王敬
禦之擒完者帖木兒正統元年虜固鎮藩復寇山丹又入大同
塞是年脫歡與柔兒只伯擊殺相併成國公勇言西虜合一勢
益強感乞物緣邊謹備之虜數入山丹寧夏甘肅在浪塞脫歡
遣人貢馬兀剌既敗阿魯台通兀良哈女直伺塞下二年脫脫
不花遣人貢馬孛賜之時柔兒只伯敗入塞掠甘涼其部尙書
王曠總諸軍禦之出塞搃其巢勇退四年冬虜貢馬五年秋冬
虜賧貢馬六年冬脫脫不花及其太師也丕遣人貢馬賜物王
與太師皆八年也先阿魯台遣人貢馬也先者脫歡之子也當

TIFFEN Color Control Patches

Blue Cyan Green Yellow Red Magenta White 3-Color Black

是時脫脫不花弱而先薨威也先又以其姊妻脫脫不花數
年間挾脫脫不花遣人送入貢馬得賜金命無算使人皆歸京
師逾春始遣還鴛鴦不恭時時殺掠道路我往來通事人奕
詐出好語告以中國虛實也先因與通事人言吾有子請婚前
朝公主通事人漫曰為若奏 皇帝皇帝許爾矣也先大喜跨
諸首曰吾且進聘禮十四年林遣二十人貢馬曰此聘禮也朝
廷秘不知答語不及和親事也先大恚怒七月大舉入塞分寇
大同宣府塞上諸城堡多陷病羽書公至遣騎馬都討并源等
四將軍統兵回萬出塞虜大監王振力勸 上親征從之彗鄰
王留守英國公張輔成國公朱勇率師從戶部尚書王佐其部
尚書鄒望學士師魯等扈行官軍德從五十餘萬人出居庸抵
宣府連日惡風雨源等戰敗尸橫陸計 上至大同虜引避誘

我深入大同太監郭敬方阻援擬始懼請遊帥又連日夜雷雨
虜輕騎遁我八月上至狼山未勇兵三萬戰敗虜兒嶺上遂至
上木欲入懷來報頰私更留行遂駐上木旁無水泉又當虜衝
大臣勸 上行虜騎逼我兵不敢動飢渴甚壬戌虜使來議和
召辭草勅與和遣兩通事與虜使偕行 上遂移營項之陣動
虜衆之我師大潰死傷萬萬張輔曹霖等皆死 上乘馬呼親
兵突圍不得出遂北狩兵車衣輜蓋馬虜得焚之 上在虜嘗
手書與懷來守將索全帛搗虜合遣人告京師是日三更入西
安門明日百官集闕下是日遣人以黃金珠玉象龍絳絲織
請還軍駕 上至大同守將劉安給事中孫祥知府霍瑄
出見 上獻塔龍袍 上賜虜許伯顏帖不見論安等曰急獲
勿資虜又曰虜云歸朕情偽巨測慎備之安瑄等獻酒 上所

TIPPEN Color Control Patches

ColorChecker by Munsell Color Services Lab
Blue Cyan Green Yellow Red Magenta White 3/Color Black

地飲虜索城中犒軍錢括郭敦等金銀萬餘兩饋虜請還車駕
虜笑不應 上自大同出塞至野松林也先營也先進酒出妻
妾歌舞遂奉 上居伯顏帖木兒營兩營相離十里許伯顏帖
木兒見 上甚恭謹九月也先貽書悻悻吞書言中國立
皇帝兵強食足行當決戰十月也先使人來議和還軍駕賜也
先金銀 上數日虜入寇至大同廣昌破紫荊關殺指揮
孫清等皆得虜軍平 上遣使京師 上居居土城廟旁掠北
西門外石亭子譙等營城北都督孫堂營城西刑部侍郎江淵
志軍車杖交趾將故成山侯王通爲都督馮驥揚爲副
都御史守京賊窮攻北西城我兵與戰殺傷相當虜擁 上皇
至城下索大臣王直胡濙于謙出迎眾知虜許不出以通政司
參議王復爲禮部侍郎中書舍人精梁爲鴻臚卿出見 上皇

也先伯顏帖木兒懷甲來弓矢侍 上皇復等見 上皇進誓

物 上皇親漢字書虜視番字勅也先曰爾皆小官急令胡濙

王直于謙石亨楊善來 上皇諭復梁曰彼無善意汝等宜急

去二人辭歸虜益四面擇掠焚三陵殿寢臺需過宣武門南逾

蘆溝以報掠下邑譙督諸軍出德勝門力戰發大砲擊虜死無

算殺首鐵頭元帥石亨戰彰義門又大捷孫堂王通內外夾

攻又捷虜勢少阻陳循譙請召各邊精騎入援又請下榜數道
諭回達番漢能擒斬也先來獻者賞萬金封國公也先疑懼而
勦王兵亦稍集是月既望也先出居庸伯顏帖木兒以 上皇
出紫荆瓦剌可汗普化即脫脫不花遣使貢馬等和 上不許
胡濙王直普化也先君臣素不睦宜因以間之 上曰善學
賞虜使總兵昌平伯楊洪都督孫鐘亮廣石虎帥兵二萬擊秦



虜未去者十一月京師譁嚴不旬日也先又遣使索大臣迎車駕言使不至來月月生時入塞攻京城京師戒嚴十二月魯喜寧談虜以車駕至并州入陝西直趨南京不果而普化寇遼東不樂出塞夏夏入陝西魯喜元年正月虜入大同塞總兵郭登擊却之閏五月虜報登至京師訛言諸大臣將遣家歸民益驚懼吏部辦事吏徐鎮上疏乞禁止不聽是月塞將黃贊敗虜于黃土壠二月虜賞降校也先賞銀五萬兩全萬兩封公官大帥叔伯顏帖木兒賞寧銀二萬兩金千兩封侯是月募兵至京者九萬五千人三月虜入高家川偏頭關都督杜忠擊敗之虜入萬全又入寧夏至慶陽是月車駕至大同虜大掠府州分寇宣府諸城時獲虜諜言田達于道也先與魯喜王大同王谷兒不花王鈇敗不花王鈇敗于崖脫脫不花王谷兒入寇四月

貴官虜請和乞各使級其下兵部議請言義道都指揮李鐸指揮岳強往使財賂方入多慮虜騎之至因口繼遣少卿王榮道政王復久往不得要領而還今日之事理與勢不可和何者中國與虜有共戴天之誓和則背君父而違大義此理不可和也醜虜貪而多詐萬一和議既行而彼有無厭之求非分之望從之則不可違之則連變此勢不可和也移文詰責虜入虜門關遣五將率兵三萬分屯真保易涿通州以寧遠伯任禮為總兵官率精兵五千巡守各城禮辭老以都督同知劉安代之五月虜入河曲開代州賜虜阿剌知院物先是虜酋阿剌遣人負馬詣和邊臣留之懷求聞上文武大臣請遣太常少卿許彬錦衣衛都指揮同知馬政謬虜使情偽等之口虜果欲議和罷兵且奉還上皇奏至召陳循等對之華談論曰也先背逆

Tiffen Color Control Patches

Blue Cyan Green Yellow Red Magenta White Black
ColorChecker 30 Color 30 Color

天道夷留 上皇誓不共天奈何言和備等類自謂當虜使且
好語諭阿剌殺其詐謀京營邊塞屢為防虞 上曰善勃阿剌
曰我朝與爾瓦剌和好也先施天犯順朕兄 太上皇帝與師
問罪也先又輒應留毒我生靈殘我邊徼朕嗣承大統宗室臣
民咸請興兵討罪後孽朕念也先屢誘送天駕阿剌以故遣人
賜書安賞乃也先請許及覆今阿剌使至亦奏云 朕欲從爾
但聞也先尚聚眾塞上意在論快義不可從即阿剌必欲和好
待瓦剌諸部落北邊議和未脫不然朕不惜戰也先 不悛
悔禍恐無及使回朕加恩養厚賜阿剌不萊意六月 上
皇至大同虜虜掠大同宣府京師戒嚴阿剌遣人入貢至京也
先使亦至居庸關詔附賞物我使與偕往勿遣入京七月癸卯
遣禮部侍郎李實大理少卿羅綺指揮馬頭偕阿剌使人使瓦

剌遣書計汗曰我國家與可汗自祖宗來和好往來恩甚厚
往年奸臣專滅使臣賞賜遂失大義邊留朕兄今各邊奏報可
汗尚留塞上殺掠人民朕欲命將出師征討念彼此人民上天
赤子付朕與可汗管攝可汗殺朕人朕亦殺可汗人尚自殺之
何意適入莫大焉朕不敢恃中國之大人民之 輕于戰鬪恐
逆天也近得阿剌使奏言已將各家軍馬約東回營是有畏天
之意察合朕心特遣使齎書略達可汗其益休朕意副天心勅
也先曰自爾祖父至我國家待遇甚厚蒙因小隙連兵將臣弗
戒 大駕淹留非已遣人重齎金帛來迎甚至三四爾不整不
報以故使命不通此非朝廷之過乃者縱兵四出殺掠人民皆
天赤子欲其喫飯着衣長生息若殘害其生適天無道天所
警也近阿剌使來言追還各家兵馬仍議和好是能畏天安民

Tiffen Color Control Patches



真丈夫矣而近邊時聞劫掠是情與詞異朕固不惜大戰但恐害天赤子遠天意故特命使臣往諭此意太師其念舊恩顧上天愛民之意罷兵息戰圖永逸之福又勅諭河朔知院遣可汗及也先阿剌各白金百兩金織文綺八疋化亦克皮兒馬墨麻入貢至懷來守將楊信以關物護至京右都御史楊善工部右侍郎趙榮都指揮同知王息正千戶楊胤勳衛皮兒馬墨麻使虜禮部尚書胡濙言太上皇帝蒙塵已久宜即附嘉等進服食不報於亥禮部右侍郎李實爰也先使人扼亮等至自瓦剌寧陽侯陳懋吏部尚書王直等言實至日虜甲言虜欲和且還大駕又引實至 上皇所 上皇諭廣請和非僞慎勿疑阻朕需少物作人事汝歸為朕取來朕得南還即令朕守祖陵或為庶人朕亦甘心乞再遣實奉衣物禮幣迎復 上皇 上不聽

曰虜使臣測實歸答後去不必更使仰以迎 上皇是劫也先附其使去便可實懸直等再大言往者骨化阿剌遣人議和是上不吝一介令也先悔禍專使行成竟不一報適啓戎心後患無已 上亦不聽下大臣再議丁卯李實言臣自瓦剌還時也先與臣約八月五日來迎 上皇臣言需歸朝請首請未敢竊定期約也先言正使即未遣須先遣一二二人同我使來報不然勿謂吾失信遂令諸小酋借少御羅綺收還大同宜府來上鄙落臣臨懷來見官軍出郊為牧收放轉餉虜言可信臣復命日蒙召對詳述虜情近有廷大臣累疏未允臣將命講和其欲遣人迎復定約日期臣特傳也先口語伏望俯從群言別遣材智大臣往迎 上皇雖虜情變詐不測亦可塞彼無詞不然互在彼曲在我猶難越過期失約後欲遣使或以又命臣臣自揣

TIFFEN Color Control Patches

ColorChecker Blue Cyan Green Yellow Red Magenta White Black

慈明決不敢往彼此相疑和議不成則上皇終不可獲于戈終不可思遠歸終不可寧或入復下大臣再議是日把禿等還諭也先把禿等至悉識和之意額前已遣楊善趙榮齋書幣至可汗及太師專為迎朕凡太上皇帝朕念朝廷自祖宗來符九刺甚厚一旦因嫌構隙連兵太師既能復修舊好朕亦當勉從所請總令亦宜上頌天意下順人心休兵息民以實前言把禿等回持頌賞給至可領也所言欲送還大駕賞朕至額果出誠心即令楊善等來迎還京朕當未俾和好太師其深省之是日德直等復請再遣貢奉迎上皇上曰俟善還特御史畢魯等翰林檢討邢讓皆跪乞迎駕不聽已已楊善至廣營廐午也先引善見上皇是日也先奉饌上皇辛未伯額帖木兒奉饌八月癸酉上皇癸酉死丙戌葬京入居南宮葬已

上宴瓦剌使人於奉天門明日上皇宴之南宮乙未坐賞兀刺使人有差是月東虜入遼東塞總兵曹長擊却之九月昔化潰皮馬兒黑麻貢馬十月也先使人逾三千出五軍神機營官軍萬五千屯列居藩關十一月也先使還勃也先爾瓦刺擲總兵谷判軍太師准王大頭目中書右丞相也先遣使來貢并贖奏具悉太師敬順天道尊事朝廷保守兩國祖宗和好之意其善自今宜安分循理勿聽惑浮言否則利歸于下怨歸于上太師察之朕與朕兄太上皇帝骨肉至親毋勞太師念所貢馬匹鼠皮賜賞并奏求物討回人心悉付來使假金三兩坐罪論發太師知之是月虜入寧夏二年也先張成欲為可汗輒又劫勅普化普化大害是年也先遣人貢馬三年正月貽瓦剌可汗書我國宗自祖宗來與可汗無嫌已因改臣往來關持生

TIPPEN Color Control Patches

ColorChecker Blue Cyan Green Yellow Red Magenta White Black

際除前事不必留意念可汗能敬順天道復遣使皮兒馬思麻
等遠來貢厚意甚朕優與陸實勞勿酌貢馬五可汗索諾附
去但云答使事性有報書恐小人有短長口語傷和好使使利
歸於下恐結於上但瓦剌人朝貢者聽然亦須人掌賞得可得
享中國人民男女在瓦剌者使使與節來重賞不吝尚書謙侯
等上言普化也先擊殺乞統真出宣府大同討虜營上許
二月九朔同車撤來王于遣人貢馬是年也先遣人來獻捷言
其故父得阿魯官部落以可汗虛名乃立普化正室也先婦也
有子不得為太子而以他女子為太子也先凍之不能親攻也
先也先不得已與戰敗之普化率十餘騎遁去也先盡收其妻
妾太子人畜獸良馬二疋奏捷命宴其使賜鈔幣十月也先遣
人來朝貢馬請命使往來上曰正統中綠使臣往來接應成

克宗社令驍虜使朝貢以其嘗使遂勅邊城築兵防虜十一
月安瓦剌使臣大尉察古平章哈只阿力等二千九百四十五
人于禮部令人得貢瓦剌使臣馬瓦剌使臣博林等中國男女
百餘人至會同館詔諭使臣人與贖彩幣二表夷使臣劄詳言
普化并也先令捷遠中國人已乃陸不整曠統十二三十二月
少傅王直請答使瓦剌下兵詔諭言臣職兵戎知戰而已若賊
渝盟敢為將逆當肅將天威往正其罪遣使事不敢預議制曰
使勿違是冬也先及其諸酋乞賞紫緞金之幣符錄及金酒器
藥材類料樂器佩刀諸物禮部言龍袍金器非所宜用乞勿與
血藥材諸物當是時也先使每至京幾千人出入驗過賊守衛
掠人財物至欲騎入長安門稍稍約束即擊多持刀言奪馬殺
人通事都督曰吳每好語阻之不能報備使使貢在朝時入塞

TIFEN Color Control Patches

ColorChecker Blue Cyan Green Yellow Red Magenta White Black

捕掠人畜將官請勳又以通好故恐貪功終隙不欲與戰虜
驕東結梁頰西交哈魯騰結赤斤蒙古往獲塞下四年正月
宴兀剌使臣察古等二千八百七十六人於禮部勒瓦剌太師
准王也先太師來春使朕恐使交搆彼此懷疑以故不遣太師
遣人多二三千餘人遣神堅請謝絕朕命太師忠義姑聽使
人入京自後可少遣使便與親年數文書否守關者則不納太
師并各項目差正副使二十二入禮部督都指揮指揮千戶等
官賞銀兩犀帶九級花金帶九葉金帶三花銀帶一共三千餘
人貢馬碧鼠皮賞織全絲表綺絲二萬六千四百三十二縗九
萬一百二十七衣靴帽萬論太師知之七月也先攻敗普化奔
兀良哈家涉不丹涉不丹致普化也先逐自立為可汗及後故
頭目爾奇拔白馬兀黑中五祭天四月八月入西蓋寇拔汗京上

月也先遣哈只賈馬駱鼠狼鼠皮者稱大元田盛大可汗田盛
華言天聖也末魯添元元年中言往元受天命今得元位豈有
其回土人民傳國王寶宜順天道遣使和好庶兩家共享太平
又致殷勤 太上皇帝 上以書示禮官會議本朝吏科都給
事中林聰言也先不敢稱可汗使視中國者惟從其偏長從
逆賊仍其故號激怒大乎乞物其來使歸語也先以華夷之分
順逆吉凶之道慮不失國體便刑科給事中徐正乞賜也先勃
殺以天命禍福成敗之理如其稔惡不悛我乃釐罪政計安遠
侯擲薄言也先弒篡所謂亂臣賊子人人得而誅者若從其僞
稱是與其就主也答書宜仍稱瓦剌太師否絕其使彼犯我邊
塞即興師致討并下廷議議言自古王者不治夷狄也先稱大
元田盛大可汗固不可從若可汗乃隋唐以來北狄酋長之常

TIFFEN Color Control Patches



稱非中國所禁朝拜答賜勅書宜稱爲瓦剌可汗稍示驕蹇便
上又下禮部議儀制印中章繪言可汗二字在中國固爲戎狄
酋長之常稱在戎狄則爲皇帝之位號觀其稱唐太宗爲天可
汗元世祖爲成吉思汗可見矣向者脫脫不花爲可汗乃其
世傳所稱名額近正也先世主借稱名實大碍今若因而稱之
彼以爲中國天子亦稱我爲可汗誇示群酋群酋民服無復
畏威益寇中原後備未測仍其改稱彼必慚德益肆侵擾均爲
不可莫若賜勅封爲敬順王或稱爲瓦剌王使下廷議議曰臣
等議請稱也先爲瓦剌可汗部全再議臣等以爲使給事中盧
祥李鈞路壁等以爲不便欲仍稱太師乞寧祿上曰也先雖
僭號亦能敬順朝廷宜如議稱瓦剌可汗上遂勅文武暨兵
大臣也先禮焉名號其以遣使從大同來或從宣府甘肅來好

計回刺京師備禦不敢不嚴用等其議兵訓練條上長京總使
宜行軍并勅沿邊城中戒嚴十一月瓦剌使臣火只甫阿麻回
回進玉石九千九百斤却令自售也先第製回字羅魯王諸酋
盡遣人貢馬自是稍出入東西塞上爲寇不復深入也先新立
恐諸部不從亦欲與中朝通好貢市往來常數年賞賜虜費不
下百萬計天順初也先有平章哈剌者欲繼也先爲大帥言于
也先曰主人衣新衣幸以故衣賜臣也先不許而以其弟平章
阿失帖木兒爲大帥哈剌怒欲叛也先也先荒於酒色又殘忍
諸部不悅稍解散也先益患哈剌聞哈剌且叛益怒欲攻哈剌
恐不勝乃召哈剌子欲酒酒中飲之噎哈剌子嘔吐查走出不
能行嚙指血染箭令其僕持告哈剌哈剌不知益敬順也先
也先倉皇賊敗走數十數騎遁又恐此數十河通哈剌半夜乘

TFFEN Color Control Patches



此數十騎與二親信走道中饑窘至一婦人所乞菓婦人飲之
醉遂去夫歸婦言狀夫疑其爲也先急追及之果也先殺之諸
部遂分散而李來厲王子爲雄李來烈王子又殺其主小王子
入寇陝西天順二年正月李來大本寇陝西安遠侯溥或兵禦
之檄御史劉濬劾溥行賄得釋濬諷官已而虜大盛閩中
震動召溥還奪太傅四月復遣鎮延撫而以陳翌酌徐瑄爲
都御史巡撫李夏甘肅延綏三年八月李來寇大同總兵安陽
伯文選不敢出虜直抵馬門折代板掠入甯烽火達于京師民
大擾遣都督顏彪馮宗統兵直擊荆側馬虜既大獲利又不見
我兵去而後來勅胡都督提兵出馬門虜始退是年虜又入宣
府五年六月李來寇河西總兵仇鑑禦之敗績虜遂過阿大村
圍鹿寨勦掠寧伯孫室兵部尚書馮馬昂率京營任萬七千河

山東共公馬西征會曹欽及屬下臺鼎討賊有功不果行羽書
紛至八月大學士李賢薦都御史王峻侍郎白圭禦虜大得
利去陝西諸屯兵尚不敢退六年三月罷陝西屯兵各還鎮當
是時李來稍息其大酋毛阿里孩阿羅出少師猛可與李來相
擊殺而立脫思爲王虜中言脫思故小王子從兄也於是毛里
孩阿羅出李羅忽三酋始入套爭水草不相能以故不敢深入
爲寇時遣人貢馬然亦通梁祖諸戍竊邊郡成化初阿羅出結
亂加恩關李羅忽結毛里孩各爲黨出入河套我漢人被虜去
及罪人走塞外者又爲之鄉導遂攻堡圍墩深入內郡殺掠人
畜是年九月大入榆林塞寧遠伯任禮都御史項忠禦之會李
來與毛里孩相擊殺虜退去二年十月毛里孩寇陝西思及彭
武伯雲之虜去三年七月虜大入榆林塞殺孤山守將湯龍勳

TIFFEN Color Control Patches

Blue Cyan Green Yellow Red Magenta White Black

是年仇加思蘭入大同塞以撫寧侯朱為平朔將軍統兵出塞之虜去仇加思蘭故居哈密北山至是秋阿羅出併其衆而結滿魯擲入河套滿魯都借稱可汗以仇加思蘭為大帥五年九月字羅忽仇加思蘭入榆林寨又入寧夏塞大掠環慶至四月六年七月阿羅出又入榆林塞以撫寧侯朱為平虜將軍禦之朔寧退虜十二月毛里孩也烈忽魯入陝西寨親兵列聚擊賊也烈忽八年延綏巡撫都御史余子俊使鎮榆林大埔營堡塢整自虜據河套邊人大擾勦都御史王越總關中軍務以搜河套復東路越等奏言河套水草肥甘易千駐劄殿裏之地道路曠遠难于守禦陝西虜前字羅忽仇加思蘭等糾率醜類屠套分草出入數年雖嘗退于我師亦未嘗挫回終不肯退近日據我河曲按我延綏寧夏深入我平靈固原近又據我大同逼我

萬全關在廷成蓋欲得一爵位崇重威聲素著者統制諸軍往圍大衆朝廷從其議以武靖侯趙輔充總兵官總制各路軍馬搜套朱歲輔以疾還搜套亦不復舉又遣吏部侍郎董威行邊上方畧咸請增兵守險河套東勝之役未可輕議是年九月陝西苑撫馬文升禦之無功遣給事中韓文敷功罪是月滿魯都冠首府十二年三月仇加思蘭寇宣府十三年滿魯都仇加思蘭遣插哈門忽刺千七百五十人貢馬駝五千軍可之虜中兵猜仇加思蘭女妻滿魯都欲代滿魯都為可汗恐衆不已服又欲殺滿魯都而立幹赤來為可汗滿魯都知之索幹赤來仇加思蘭匿不與遂相讐殺十五年滿魯都部落寇榆林寨三月大監汪直總兵保國公未提督尚書王越率兵出塞捕虜至威寧海斬虜首四百三十七級十七年馬赤恩因寇大同保國公出

Color Control Patches

Blue Cyan Green Yellow Red Magenta White Black

禦之戰海東山十八年又入大同集十九年四月虜入陽和六月入大同諸堡校掠人畜數萬守臣邊備許寧來告捷是年虜驍入宣府大同各天至圻內二十年二月戶部尚書余子俊總督宣府大同倫頭三開軍務為督糧酌定西陲曉諭兵保因公承鎮寧伯祐聖虜大同宣虜西即李符何喬新經理東西邊關二十二年春虜數入關原集二十三年西番平仇言瓦剌有充拾大師革捨大師克捨死其弟阿沙赤為大師革捨弟阿力阿古多兀與阿沙赤相讎殺之西走據哈密成化間此虜大抵瓦剌為強小王子次之二種又復相殘並陰請衆預何我塞下即首馬三種亦相繼往來恐中國左右以故推不入彼自相猜忌不能久蓄內地木幾滿魯都裏滿不知所終而把充猛可玉太師亦思馬因知院脫羅于覺道人貢馬弘治初把充猛可死阿

石立其弟伯顏猛可為玉虜中以大師官最尊王幼恐大師專權遂不復設大師伯顏猛可及其酋長與瓦剌酋亦遣八貢馬時馬文井在兵部許進庭撫大同進數條邊事戎政修明中朝大臣知進進說至極免下進管貽書小王子言通貢之利小王子瓦剌二種聞進或名遣其酋長哈爾察察等少保貢馬三年三貢每貢多至三千人少不下二千皆猶兒庄入此至塞皆下馬脫弓矢入館進亦嚴兵待之諸虜留塞外者亦時與酒肉華人盜虜馬請斬狗大同宣府河曲皆無虜患四年正月刑部尚書何喬新乞禁胡服胡語七年虜大舉寇陝西十年十一月虜寇甘肅是年虜大歸強劫諸部落洪武大同宣府歸正人言虜謀深入勅侍郎許進督軍劉大夏轉餉禦虜又召大子太傅某部尚書王越總制陝西軍務總略哈密是年虜入貢十二年虜



迭入榆林大同寧夏塞校掠史民瓦剌亦屯人貢馬有餘馬官
爲市之十三年正月虜殘神木堡五月火歸入大同宣府塞火
歸本小王子部落強幹既屢寇邊復討苗日強威寇與小王
子爭雄長較寇追虜京師戒嚴命都督李成守朔河川張晟居
庸剛塞城伯都察院閔侍郎李介經畧宜大王宗最黃花鎮天
壽山及唐庸白羊關史琳宗則爾馬剛七月又掠榆林平江伯
純稟之無功罷還保固公暉代就十一月虜入瀛闕十四年
正月虜入榆林塞八月火歸入花馬池塞至固原大掠入高陵
史民總兵恭順侯猛罷還京武安侯英代繼侍郎李達督餉入
中壇運邊城入郡大困自後虜寇關陝緣由花馬池矣是年諸
將校陳瓊宋瑾馬升秦恭皆論无有成邊張俊適寤應召戶
部尚書恭恭疏憲職起撫陝西十五年九月虜大入大同塞是

年猛襲劉陝西軍勝劉大夏爲兵部尚書十六年虜入榆林塞
千戶湯璽力戰死十七年六月兀良哈誘小王子遼小王子
逐稱求貢否且深入謀言虜諸酋明分道並犯黃巢黃巢者準
言京城也上召見內閣劉建等議兵事內批副都御史關仲
宇督餉宣府大同通政司參議龍備督餉居備諸閫是月虜入
大同塞後掠入畜上銳意討虜太監苗達力請出帥大夏力
言不可遂止十月虜入花馬池清水營殺掠人畜無算十八年
九月虜入花馬池攻圍清水營榜一清經畧陝西邊務黃理思
撫正德元年改一清邊制邊務一清請復守東勝據河套木峽
之利東勝者古東受降城也洪武二十七年三月城東勝因河
爲國虜即入寇後頤我兵不敢久自失東勝退守延綏即城榆
林虜遂有河套河套木漢衛將軍所取河南池開朔方郡者是

TIFEN Color Control Patches



時因杆將軍出朔方北塞受降城三交降城中城南直朔方陳
直榆林西直靈武各相去四百里城人過山朔方馬一人不
能西羸城北平沙漠無山巖林木障蔽旁觀望城動天動去
私治末朝廷清明內外大臣傷心休國為憂久計以故議後河
套一清才略足任邊上經略三說一議守守虜所必入一議戰
戰所必敗一議攻攻虜所必救會 孝宗崩逆理專政一清得
罪去無敢言及河套者即有建白報云修造或曰進收里汗虜
或又曰退戍重圍伐我邊口退套虜日進是年大夏致仕四年
十月虜入花馬池塞殺總制尙書才寬八年十月虜入宣府塞
十月間四月朵顏通小王子部落入馬蘭谷塞殺恭將陳龍八
月虜深入固原平涼殺掠吏民十一年二月虜入榆林塞七月
入宣府是年虜入宛平清來建殺掠人畜十二年六月虜入寧

夏是年虜入花馬池深入大掠秦德正德間小王子三子
阿爾次阿著次著官噴入師亦不剌次阿爾倫遜入河西西海
之有虜自亦不剌始也阿爾倫二子長卜赤次也明皆切阿著
稱小王子未幾死葬立卜赤稱亦克罕亦克罕大營五日好陳
察罕兒曰召阿兒曰把即阿兒曰克夫旦曰卜爾報可耳臨人
卜赤居中也牧五營保衛之又東有回留罕哈爾噴三部四留
部營三其酋滿會王罕哈爾營三其酋猛可不爾耳真部營一
其酋可都留三部可六萬人居沙漠東偏與柔順為隣西有塞
絡不爾充所滿官噴三部應紹不部營十日可速曰吟到噴
曰令奴即曰李來曰當刺兀罕曰失保噴曰以尔放曰荒花兒
曰奴毋噴曰塔不乃麻故屬亦不刺亦不刺通西海去遂分設
無幾付哈喇疾一背僅全阿爾充驅部營七攻亦屬亦不刺今

TIFEN Color Control Patches

Blue Cyan Green Yellow Red Magenta White Black

從吉囊合為四營曰呼合圖曰偶甚曰以哈恩納曰打即叙可
七萬滿官喇部營八故屬火篩今從俺荅合為大營曰多羅田
土悶吳吾兒曰兀甚曰以要曰兀魯曰土吉刺三部每可四萬
吉囊海峽皆出入河套二酋皆阿著子也諸種中獨強時寇延
寧宣大兩有哈刺噴魯連二部哈刺噴部營一酋把荅罕系統
可三萬哈連部營一酋失刺台吉系可二萬勞宜府大同塞外
比有八兒罕營一故小王子北部也因際板去至今相攻又西
為拜剌可巨萬人世與土魯番為一諸勞難逐水草徙不定
策黃部皆有分地不相亂嘉靖元年秋虜入花馬池大掠西安
鳳翔三年七月大同軍城多走出塞虜四年虜數侵掠陝西
諸塞殺吏民起火傳太原上楊一清為兵部尚書肅都御史是
督陝西邊界未幾召入內閣六年八月虜入寧夏塞慶節的書

王憲總兵杭雄禦虜斬首三百二十七年正月勅兵部右侍郎
王廷相登騎陝西邊防守止十一月虜大掠寧夏是年胡世寧
為兵部尚書廷王峻統督邊防陝西八年十月吉囊俺荅數掠
榆林寧夏塞虜出其禦之虜亦得利去境遂請修邊牆墩堡營
且堅厚至今賴之十二月虜入大同塞掠井坪應明是年李承
勳代世寧九年五月虜入漁陽塞不數日又入遼西塞是月虜
大入遼夏塞六月入宣府塞十年三月入大同塞大同巡撫王
大用請貽書召小王子李承勳以為不可力阻之九月虜寇陝
西遼東十月虜入大同塞四路殺掠吏民遣將出京告兵部之
虜得利去遂止十一年二月虜入榆林塞掠陝西內郡是年虜
道松潘澤腦寇四川西境十二年十月虜侵鎮遠關守將王効
破虜斬首一百四十大同軍復叛發兵討之久不克與虜通十

TIFEN Color Control Patches



三年閏二月遼大臣取撫大同殺者北走從虜幾千人七月吉
業入榆林塞大木定命會令縣八月始由青沙峴出花馬市
塞總督高書虜使上捷書言斬虜首四百五十回矣郭以之
劫伯物請勅給事中嚴竟以報功陞賞有差迨授御史又勅總
兵劉文日功掩其不問十四年六月吉業入榆林塞掠內郡八
月又入榆林塞守將梁震擊敗之十五年十六年十七年虜數
入塞掠塞上人畜十八年二月上經承天以留奎毛伯溫為
行邊使出幣金五十萬兩賞塞上將士八月虜入宣府塞西路
悉將實英見虜少出禦之亂行而前入虜伏虜殺我將士千人
掠戰馬千疋益深入西路殺掠人畜萬計時虜酋青台吉哈剌
台吉那林台吉皆屯收塞外時時掠宣府繞其江桓竟不出勅
諭十月大同五堡城大同總兵梁震率丁數千素勇悍善戰時

出切虜皆震卒震每乞板尺箱二百人給皆走虜虜十二月虜
入宣府深井諸堡運饑兵江桓下詔獻虜入榆林塞殺守將水
隆十九年二月甘肅守臣上官河西一鎮連敗整頓於西海番
族住牧於南山回夾入貢往來交馳套虜乘機出沒搶掠中道
一徑勢甚慘危疏入報聞三月虜入榆林塞破清平堡入米脂
殺掠人畜萬計焚毀糧數萬長驅而出繞其間尚之駐兵有林
原虜退以捷告虜又入宣府塞破北路馬營諸堡得我神諭鐘
砲千計割菜牛羊萬計掠一婦人往時虜多掠婦女近數年乃
掠較畜火器遇婦女輒殺不掠四月風塵百下兵部議防邊方
略上言交章劾兵部尚書張瓌貪鄙誤國不聽七月虜入宣府
塞大掠至蔚州盡破其關州堡塞殺入益野總兵白音遇虜于
水泉兒大敗副總兵雲昌遇虜于馬連堡又敗先是大同歸正

TIFFEN Color Control Patches

Blue Cyan Green Yellow Red Magenta White 3/Color Black

人王于二月西哈刺津糾俺各凡保古蒙百吉赤百吉等
十人携旗諒馬負十日食入蒙北報至虜已退順寧川城歸州
凡留臣府境內者戍兩月撫臣守將竟論功陞職八月鄂州撫
臣言蒙額尚葉蘭百結其虜且將力侵邊令撫臣遞葉蘭百虜
入大同禦虜峴大同兵東獲虜所獲車馬履履大同西路殺虜人
百數十萬先是大同秋卒逐出走盡走虜中虞揮便提節多與
十羊隨帳冬為借道乞弓人劫我邊西至甘肅東出山東或入
京師凡地理險易其馬強弱推鎮將領勇怯到害處走告虜酋
古蠻俸各十九年二酋分進入塞大同軍顯與虜約無掠我人
畜我亦不獲爾若虜善言指折箭去至秋竟越大同抵碣門度
虜武入亂靜交城掠我人畜萬計大同軍自得虜掠我糧畜各
罪路發大同巡撫史道鴻兵王陞幸無事若不聞聞亦不問大

同輩亦強悍不用命上府總兵白爵調接亦不肯改勇為
顯且欲攻碣門山西撫臣陳謙嘗心大同撫臣史道寬不以
聞顯疏言八月大日寇賊由井坪至朔州城七日分三路由井
子家青吃春付至陽方邊邊連狗牙淵水口等處設官軍掠人
畜又入水口佛老觀天泉泉溫等處深入首城西向十日輿馬
一交城平虜與汾州文水清源十數州縣封壤連接一望平原民
皆村居尚無堡寨比之邊城萬萬不侔且各賊未遇到即延住
暖囊數日不出人心慄慄確莫莫則後報聲息尤為可駭我兵
追逐不滿八千大同軍雖至八約一千五百臣遣人督我兵
動不前兵勢至此後將何支向何歸正人言言賊多難入
朔道近年大同軍何頗無門助賊為惡即為首領生長中原
習知險易又觀我軍脆弱非其所敵故敢於曠肆新境中土山

TIFFEN Color Control Patches

Blue Cyan Green Yellow Red Magenta White Black

ColorChecker 30 Color

內地連餉通遼京師又與河南諸酋止隔一山若徒然督習
故不早振舉必成大患乞下廷臣集議更請修練兵部不必為
首護一廣且退矣是月陝西總制尚書劉天和率精兵九千駐
花馬池廣數萬入安遠定遠繁大掠何恩撫按羽書督至天和
為廣賜金月奉不至應而告捷言斬虜首五百俘快奴兒殺吉
囊之子虜諸酋大哭遁去加天和太子太監叙一千錦衣正千
戶陞晉三鎮文武吏士千餘人張如兒陞世指揮命事內閣以
謀謀性剛且加少卿程泰少保本兵以內閣方略坐叙金功
張環加少保叙一千錦衣衛副千戶二月虜大入大同塞二
十年八月吉囊先入大同塞是月壬戌陞督代州二關副總兵
丁驥出師至寧武關東北十里石胡窟塞虜力戰死虜遂入關
以契機祖總督王天德率軍務與銀九十萬防又起春騎總督

京城南而山東河南軍務益相窮三不出礙其深入山西世宗
將軍周守禦為太原北侯城村力戰死虜遂至省城又越而南
殺掠入奇萬馬吉囊逃出關未至塞上倭吞後入又越入塞而
南至石州殺掠益甚十一月令信如張漢賊山西被虜郡縣二
十一年二月言官交章劾繼祖竟不雅得歸回陳講史道為民
宜府大同總兵工陸白爵位罷官鴨亦召還京是月屠掠蘭州
三月邊臣言虜且至又以編總督宣大備保及山東河南軍務
五月時宰惡鴈直進會鴈乞兵種內批罷鴈軍總制官專責大
同宣府山西保定能大有楚書劉某劉賜四起撫五月右清祀
即周欽言虜必再至乞早為防禦計論缺鹽州府知事六月虜
又大入塞時吉囊病死其子板不孩屠奪中小王子不及兒台
吉野威寧海上險谷糾款酋繼朔州破鴨門掠太原京師戒嚴

TIFEN Color Control Patches

Blue Cyan Green Yellow Red Magenta White Black

七月召鵬復為兵部右侍郎兼都御史提督宣大備保山東
河南軍務 上出賞格擒斬俺答賞銀千兩陞不次他苗三百
兩陞三級時俺答清台吉屯壘哈喇刺漢及叛人高慎習李天
章各擁萬衆起太原列營汾河東西散掠上黨平陽下邑將鵬
未至我師連營莫相攝振望不肯戰賊亦深入殺掠人畜馬
計敗大營駐平遥介休間敵入險山中殺掠人畜諸將竟不肯
乘險擊心虜掠我牛羊衣僕男女連亘就大營結陣且歸備帥
張世忠等自陝城村起營盟約諸將恐虜力戰諸將閉營不相
援賊見世忠軍壯戰又力呼集精騎三千餘合圍世忠世忠憤
曰諸將獨不念血盟理也忠被情傷果塔下馬四面攻戰賊亦
奔會矢火藥盡世忠憤呼曰我軍被圍戰苦諸將竟不相援國
害天刑寧汝還即復上馬往來督戰兵血戰自己至四戰此後

兵死傷數無援久戰力竭遂殲我營世忠領中二矢墜馬死傷
官張臣等殉世忠死猶率旗軍曾五等力戰宣臣并牙又分原
定驛孟五堂入自代州出繁峙靈丘廣昌後殺人名萬計復高
武站出關交行出大同左衛塞去虜自六月丁酉入塞
至七月庚午凡掠十衛三十八州縣虜二十餘萬牛羊猪
畜二百万衣糧金錢稱是埃公私廩舍八萬馬踪田禾數十萬
頃贈世忠右都督與銀十斤宣臣各四十兩仍祀時羽書乞
議築京師羅城興復九月給事中劉養直力言不可遂止二十
二年八月虜入榆林塞又入甘肅塞二十三年春調各鎮兵至
大同防秋是秋虜入大同秦總督尚書鵬禦之虜退時虜首
我叛人壬京歸入兵仗苟習伏即獲斃後詠之遠散各鎮防秋
其十月破虜塞前塞入紫荆關鵬及薊州恐推宋方城下詔殺

TIFEN Color Control Patches

Blue Cyan Green Yellow Red Magenta White 3-Color Black

二十四年虜入榆林寨總督尚書張珩延緩恐攤張子立詔
成二十五年虜入陝西殺掠人畜總督侍郎俞欽逢上衛河
套議二十六年冬陝西壘城山崩而東西移四五里會河西
總督戚繼光侯仇鸞高拱發其奸誣被逮為遂討發行賂掠敗盟
功交議獲套關中人情大搖亦建死詔獄出其部尚書王以精
代往而以劉傑秀代以絡繹秀謝恩獄中語忤上削籍去又
以趙廷福代傑秀器少師言官以前書改仕銜至生結交迫
侍郎二十七年春三月傑秀死於西市并遺言官時行乞冊賜就
建諭死檢繫錦衣衛獄高拱釋不問七月八月京師地震九
月寧大入奉直抵居庸關柘臣謂虜以河套故報復也十月言
死於西市二十八年虜入直府大同二十九年八月俺答遂入
袖携塞北京城焚劫至德勝西直門虜入陝掠教場上震怒

授兵部尚書丁汝夔都御史楊守謙自是調邊兵入衛京師燕
虛歲矣

皇明北虜考卷終

子履本校

孫心村重校



郭端簡公吾學編後序

嗚呼此書之未編也翁實抗節犯難幸爾完生始
有著述之志此書之方編也翁且屢空未字寤言
發憤若將終身於斯及編之將就也又以巷伯戒
嚴旣成復毀敢有必傳之望及輯而昇梓也翁已
臥病丘園周公無夢空餘未試之言是翁以此書
終身長勤而此書竟不及翁一顯也嗚呼性歲此
時父子兄弟質經論史蓋日夕相左右而今獨撫
遺編日夕惟倚木杖月春花孤燈風雨潛焉萬緒
輒誦莊騷自古日月爭光岱嵩同時者忽乎長已



當時亦何賴豈凶器不可久處抑尤物難於長芳
天道固爾人事或然歟男兒生無所成不如無生
然翁具是不朽雖編之殘缺莫補而班范復興必
此始稿庶幾一代之立言矣蘇子瞻以不及識范
公爲沒齒之恨今海內豪傑推賢尚友或抱恨於
翁如蘇公者將以此書若接翁言則謂翁不死可
也况有主父偃魏相國者舉而行翁所未行賈董
經繪寧必自己出哉隆慶紀元七日鄭履淳叙萬
曆戊戌秋九月朔孫心材重校

吾學編重刻後語

天地間時爲經事爲緯三
才列而今古代蓋自結繩
而文字而圖書繼往開來
有間卽續無竒之竒祇載
籍與乾坤存耳夫子藉六
經乎六經俟夫子乎人無



虛生天無虛授不霖雨斯
時必山斗萬禩神情精彩
猶火之必炎水之必渙自
始自終有經有緯昭垂之
冊類然也

先端簡生逢

盛代遭際

聖明忠靡不竭試靡不效胡事
貴副墨於丘園寄空言於
赤楮良由

朝家政典幸以家聞相質證
臣心可矢臣分得爲盡瘁
當年胡容自諉乃時事多
違勢機須待推移有未至



之權委曲有難兼之妙耳
腹書以沒世猶懷寶以迷
邦縱遺忠有釋肩之地恐
墜緒無息心之期姑條可
否爲就此編君舉其要臣
錄其詳偉略壯猷博謀遠
識蓋皆欲親見而不可得

者先大夫謂晁董經綸俟
之魏相固翁之心也屬者
復建文之帝號雪楚藩之
大獄東魯舉以策士冊使
更而領封穆穆明明徵文
褒獻十且用其四五矣惜
者顧謂有綱而無目夫明



良合而其志同讀臣記數
十卷志者會應神解謂有
所秘百世無知己已翁將
何望焉

萬曆己亥閏夏之望不孝
孫心材謹識



